



U: ~~b~~ ~~b~~ b: .

74U: 7d: 17.

William Oliphant.

Leith.

"3.H.5"7.

A

C

T

th

u

&

m

Part

of

the

of

the

of

the

of

the

of

the

of

the

of

the

of

the

of

the

of

the

of

LES ANTIQUITEZ

CRONIQVES ET SINGVLARITEZ DE PARIS, VILLE CAPITALE du Royaume de France. Auec les fondations & bastiments des lieux : les Sepulchres & Epitaphes des Princes, Princesses, & autres personnes illustres.

*Par Gilles Corrozet, Parisien, & depuis
augmentees, Par N. B. Parisien.*

*// Dans la Privilege il est appelle Galia. C'est peut estre son
titre qui a fait en scrire al. loy en le de son P. inf.*



A P A R I S,

Par Nicolas Bonfons, rue neuue nostre Dame,
à l'enseigne S. Nicolas.

1586.

AVEC PRIVILEGE DV ROY.




tre: n
ay co
brege
O sin
te rade
palle d
cte j en
les re
re des A



AVX LECTEURS

SALVT.



*Insi que anciennemēt
tous hommes illustres
ont trauaillé pour leur
Patrie & Pais de leur
naissāce, cōme il se voit
infinité d'histoires tāt
des Romains qu'au-
tres natiōs: les imitās de mon petit pouuoir
ay voulu remettre en lumiere ce petit ab-
bregé, auquel sont descrits les Antiquitez
& singularitez de la grande & excellen-
te ville de Paris, comme estant la princi-
palle de tout le Royaume de France (di-
cte sans per) ville Royale, d'autant que
les receptiōs, entrees & demeure ordinai-
re des Roys qui ont regné se font en icelle:*

aussi que iamais il ne se trouuera que les habitans n'ayent tousiours craint, reueré & honoré leurs superieurs, encores que beaucoup d'aduersitez & occasiōs se sont presentez, pour leur faire faillir & cesser l'obeyssance, mesmes de nostre temps, mais tant s'en faut que ainsi soit aduenu. Or à fin de ne m'attribuer plus grand honneur que ie ne merite, ou que par quelque enuieux ne sois nommé pipeur du labeur d'autrui, ie ne veux point nier que ce liure n'ait esté premierement mis en lumiere par Gilles Corrozet, comme mesme i'ay laissé vne Epistre qu'il adresse aux nobles Illustres familles de Paris, pour faire cognoistre que ne veux luy oster l'honneur qui luy est deu ayant si bien commencé qui merite loz immortel, mais regardant le vieil exemplaire avec cestuy tu cognoistras de combien il est accompagné & augmēté de plusieurs faits memorables, recherche des antiquitez & singularitez, qui se verront au grand con-

*tentemēt du lecteur, toutes fois ie ſçay bien
 que pluſieurs choſes n'eſtans ſi bien recher-
 chees par moy, & avec tel labeur qu'il me-
 rite, ſe trouuera beaucoup de defautes à
 augmēter, mais il plaira au Lecteur conſi-
 derer que cēt œuvre, cōbien qu'elle ſoit pe-
 tite, eſt de grād peine, ioinct que ie n'auois
 deliberé le mettre ſi toſt en lumiere ſans e-
 ſtre acreu de pluſieurs remarques de l'an-
 tiquité, mais forcé de ce faire par la priere
 de mes amis, outre l'ambition de pluſieurs
 qui ſe vouloiēt preualoir de ce mien labeur,
 auſſi conſiderāt que tousiours il y a moyen
 d'augmenter ce liure de temps en temps:
 & que i'eſpere de brief, faire cognoiſtre de
 ma diligence, & curioſité, aux obſeruatiōs
 Antiques, ſepultures des Roys, Roynes de
 France, Princes, Princeſſes, & autres no-
 tables perſonnes, tant des Anciēs, que mo-
 dernes: leſquelles i'ay avec grands fraiz,
 & labeurs faitz portraire, tailler & re-
 preſanter, de telle ſorte & avec telle per-*

fection, que j'estime (le Lecteur estre trop rigoureux censeur) qui ne sera content du subiect: j'auois delibéré de ne mettre ce li-
ure en lumiere que l'autre ne fut parache-
uë mais la longueur des ouuriers ma faict
changer aduis. Ce pendant (amy Lecteur)
Il vous plaira excuser les deffectuositez
qui se trouueront, & le tout receuoir en
bonne part. De Paris ce vingt deuxiesme
Decembre, mil cinq cens octante cinq.

N. B.



AVX NOBLES ET ILLVSTRES FA-
milles de Paris.

G. CORROZET,

D'VN des principaux honneurs que les anciens ayent donné les vns aux autres, entre leurs louāges, ou qu'ils ont reputé leur estre faict, c'est quād ils ont esté dits & nommez enfans engendrez & nez, en villes excellentes, franchises & de grāde renommee. Et sans particulariser les passages des Histoires, ceux qui ont leu les harangues & concions de Thucydide, Isocrate, Demosthenes, & tant d'autres, peuuent iuger comme cela a esté pratiqué de long temps, & en qu'elle reputation d'excellence les hommes se sont estiméz d'estre appelez enfans de telle & telle ville: ou s'ils estoient estrangers, d'estre nombrez & inscrits au catalogue des familles, citoyens & bourgeois d'icelles. Et si cela a eu lieu entre tous les peuples, combien se doiuent attribuer de tiltres hōnorables les enfans & habitans de la plus magnifique, grande, populeuse & souueraine ville de France, voire de toute la Chrestienté? C'est vn poinct où il n'y a que debatre: car Paris sans pair, excède toutes les autres en grandeur & esté- due, en multitude d'hommes, bastimens & maisons, en religion Chrestienne, en Temples, en biēs faits, en iustice, en police, en sçience, en bons esprits, en marchandise, en arts & mestiers, en commoditez humaines, en viures & viandes, & en

tout ce que le cœur peut souhaiter, si abondamment que nul ne sçauroit s'opposer au contraire: ce sont arguments (Seigneurs Parisiës) pour vous esleuer, sans arrogance, entre les autres nations, vous trouuans bien venuz, fauoris, prisez & recueillis en tous pays estranges, par ce que le seul nom de vostre ville vous rend illustres & ennoblis enuers les autres. Or pour vous mouuoir d'auantage à vertu, & à l'amour du pays (car ce n'est pas assez de dire, ie suis d'un tel lieu qui n'en sçait aussi exprimer les prerogatiues & beautez) i'ay dressé à l'honneur de la treschrestienne Couronne de France, & à l'exaltation de voz familles, les Antiquitez, de cette grand'ville de Paris, lesquelles ie vous dedie: où trouuerez par la deduction, combien noz Roys ont enrichie & decorée cette ville capitale de priuileges, de bastimens, & de leurs propres personnes, voire apres leur mort: comme elle a esté cōmencee, & depuis paruenue à cette grandeur. Le but de mon intention est d'oster l'obscurité d'entre nous, & à fin que la memoire de si belles choses, soit perpetuelle entre les hommes. Acceptez (doncques de grace) la lecture de celiure, supportant & corrigeant benignement les omissions que ie pourrois auoir commises, iugeant que le dessein du labeur, qui n'est de petite importance, ioinct à l'affection, qui peut quelquesfois s'esgarer, ce que i'ay euité avec diligence, A Dieu.

De Paris ce premier iour de May, mil cinq cens soixante & vn.

PLVS QVE MOINS.



LE BLASON DES ARMES^{''} DE LA
VILLE DE PARIS.

'' Elles sont au prem. feuillet de la seconde partie.

LE chef d'azur de fleur de Lis semé
Monstre Paris estre ville Royale,
La Nef d'argent sur un champ enflâmé
Note qu'elle est des autres capitale:
Le Roy est chef, & elle est principale,
Soubs tel patron pour faire & decider
Ce qui luy plaist, iustement commander
Donc au moyen de si haute puissance
Toutes luy font entiere obeyssance,
Comme a leur dame, entendant la pratique
De gouverner, en ce pays de France.
La belle Nef d'une grand Republique,
PLUS QUE MOINS.

SONNET PAR LE FILZ

DE L'AUTHEVR

LEs Estrangers desia de tous costez
 Venoient a foule, & en grãd abondãce
 Voir la grandeur & la magnificence
 De Paris, chef des villes & citez.
 Quand Corrozet par ses Antiquitez,
 Les allegeant d'excessiue despence,
 Les Releua de trauerser la France,
 Se contentans de veoir ces raritez,
 Romme qui fut la ville Capitalle
 De l'uniuers, pour estre principale,
 N'a iamais eu vn si braue sonneur,
 Et sans blason son Aigle est par trop fiere
 Qui doit ceder à la Nef singuliere
 Comme Paris passe Rõme en grandeur.

Or auant que venir aux raretez de ce qui se voit de grand, & remarquable à Paris, nous mettront en auant les vers de quelques hommes de nostre siecle, qui se sont employez à singulariser cette ville, mere, & nourrice des bonnes lettres, & entre autres d'un Anglois, nommé Architen, hõme de singuliere erudition, & poëte fort ingenieux lequel, descriuant Paris, l'effigie avec ses vers, en telle sorte,

LOVANGES DE LA CITE
DE PARIS.

EN fin ie voy paroistre un autre beau palais.
Et siege d'Appollon, Paris, temple de paix.
Pleine de citoiens, & laquelle flamboie,
D'or, & d'autres metaux: où le Grec coule en ioye,
Où l'estude Indien, & le Poëte Romain,
Sont en pris, où le sage Attique est en la main
Du François: c'est Paris, la rose de la terre,
Où le baume, flairant de l'univers s'enferme:
Qui en son ornement imite la grandeur
Des sidons, & l'apprest des banquets pleins d'honneur.

Paris riche en ses champs, & en vins abondante,
Courtoise au laboureur, les moissons recueillante
A foison, où les champs ne sont point offence
De halier espineux: là l'on voit entasse
Les raisins, comme és bois les fueilles espanduës:
Tu y vois les forests de verdure reuestues
Formilier en gibier, & toute venaison,
Elle a un puissant Roy, & fort en sa maison,
Auquel elle obeit, qu'elle sert & caresse
Là est l'air bon, & doux, & l'assiette sans cesse
Pleine de tout bon heur: car tout y est plaisant,
Tout est beau & ioyeux, si l'heur n'estoit nuisant
Aux bons qui sont presse d'une faute commune,
Ayant tousiours au dos les rigueurs de Fortune.

Aussi ie ne veux mettre en arriere ce qu'un Seigneur Prussien appellé Eustache de *Knobelsdorff*, à composé, pour loz & recommandation de cette nostre ville, à fin que les louanges se voyent espendues, & au chaut midy, & à l'humide Occident, au leuant temperé, & au gelé, & froidureux Septentrion : or sont les vers de ce Prussien de telle substance.

L A Royne des Citez, son hautain front dressant,
Voit ses murs crenelés, & son rampart puissant,
Les villes d'alentour, remplies de richesses,
La seruent tout ainsi que leur Dame, & maistresse
C'est espace iadis, que le milieu tenoit
Du fleuve, de Paris toute la ville estoit:
Et fut cette Isle ainsi embrassant la puissance
De Paris, comme un Bers, qui a lié l'enfance
Du grand Roy Iupiter: car la Seine, sortant
Des fins des Heduens, vient icy apportant
Tout ce que la Gaule a de plaisant, & de riche,
Et luy en fait present d'une main moins que chiche.
Ce beau fleuve, approchant cette grande Cité
Par tort son flottant cours, & demy arresté,
Il fait le do^x tout nud d'une Isle, avec l'espace,
Ou la ieu nesse va, où elle se soulace.
Ce fleuve varouant, & partit tout ioyeux
La cité & la rompt gaillardement en deux:
A fin qu'à son plaisir les maisons il contemple,
Qui sont en la Cité, le Palais & son temple.
Hé Dieu! que de maisons, que de beaux bastiments!
A peine dois tu rien (Paris) aux ornements
De celle, qui iadis commanda sur l'empire

De tout cest uniuers : & ce que plus i'admire,
Sont les Ponts, cinq en nombre, & tellement dressez,
Qu'on y voit des maisons les fondemens hauezz,
Et le tout si bien fait, qu'on iugeroit à peine,
Que ce fussent des ponts, que dessous fust la Seine,
N'estoit, que l'on le scait, car les rancs des logis,
Les places, les cantons si voient vis a vis
Tout ainsi disposez, en mesme ranc, & terme,
Qu'on bastit les maisons en pleine terre ferme:
Mais quand le fleuve vient assembler tout son cours,
Et que les murs il laisse, allant par les entours
De la Cité, il voit le Palais, & ses Sales,
Et soudain iette l'œil sur les maisons Royales,
Ou le marbre est ouuré, & on tel or reluit
Que les astres plus clers luisent toute la nuit,
Et où le Roy souuent, poussé de son office,
S'asseoid pour à chacun faire droict, & iustice:
Bref il n'y a point lieu, en cette grand cité,
Tant soit il esloigné, ou d'autres escarté,
Ou tousiours on ne voye une troupe infinie
De peuple, tant ce lieu a sa terre fournie
De germes de son corps: tellement qu'à le voir
On s'esbahit comment peut tout le monde auoir
Et tant de iouuenceaux, d'hommes, de Dames belles,
Tant de vaillans soldats, de rues & ruelles,
Qui sont cinq cens en nombre, & toutesfois n'aduient.
Qu'une soit sans auoir nombre, qui l'entretient,
Et peuple qui l'habite: & plus ie dis au reste,
Que voulant y passer souuent tu es moleste
Pour la troupe qui croist, & retarde tes pas,
Plus que ne desirois, & que ne voudrois pas.
Paris a cest honneur, que de peuple est surmonté

Athenes: & Ephese, auroit encores honte
D'oser s'y esgaller, Rhodes n'est rien au pris,
N'y la riche Corinthe, & ceinte en son pourpris
De deux goulphes de mer: car à Paris la France
Embrasse les presens du beau cor d'abondance.
Bien ne desire l'œil, & rien ne veut le cœur,
Qu'achepter on n'y puisse, car ce que le labour,
Ce que la terre, & l'air prodnisent, on en fine
En cette grand cité, & prouince diuine.
Seule la France on voit si riche, & de tel heur.
Qu'elle mesme ne sçait sa force, ou sa valeur.

Je ne sçay qui premier fonda le plant aymable
De Paris la Cité sur toute autre admirable.
Il s'en faut rapporter au recteur des hauts cieux,
Qui de nous plus, que nous, est amy, & soigneux.
Sa grande antiquité a effacé la gloire
De l'autheur, luy donnant & le nom & memoire,
Elle eut si bonne source, & tel heur en naissant,
Que tousiours sa vigueur alla en accroissant.
Mais son heur le plus grand, sa gloire loz, & lustre
Proceda d'un Vieillard segnalé & illustre,
Lequel venant en Gaule, apres plusieurs trauaux,
Apres auoir souffert cent, & cent mille maux,
(C'est Alcuin grand Docteur, i'ay encor souuenance
De son nom, qui premier porta Pallas en France.)
S'arresta à Paris, ou l'escolle il dressa,
De toutes bonnes mœurs, ou la voye il traça
A tant de bastiments, esquels on voit la presse,
Qui s'assemble à vn rien de toute la ieunesse,
Des qu'elle entend le son de la cloche appellant
Le Docteur, qui enseigne, & l'humble, estudiant.

EXTRAIT DV PRIVILEGE.

PAR Lettres patentes du Roy, donnees à Paris, le xviiij. iour de Feurier l'an mil cinq cēs quatre vingts & vn , signé par le conseil B V Y E R, & sceelé sur simple queue de cire iaune, Il est permis à Galiot corrozet, marchāt Libraire de Paris, de reimprimer ou faire reimprimer , vendre & distribuer ce presēt liure, intitulé les Antiquitez, Croniques & singularitez de Paris, (ville Capitale du Royaume de France) reueuës, corrigees & augmentees en cette derniere ediction: Et fait ledict sieur deffences à tous Libraires , Imprimeurs & autres d'Imprimer ou faire Imprimer & vendre ledict liure des Antiquitez, sans le gré & consentement dudiect Corrozet , pendant le temps de dix ans finis & accomplis, sur peine de confiscation des liures autrement imprimez , & d'amande arbitraire, ainsi qu'il est plus amplemēt contenu esdictes lettres.






TABLE DES ANTI- QVITEZ ET SINGVLARITEZ, DE LA VILLE DE PARIS, ET DES choses memorables en icelles.

- E**s oppinions diuerſes de la fondation de la Chap. 1.
ville de Paris, en quel temps elle fut eri-
gee 2. Du Roy de Celtes, nommé Paris,
18. Roy des anciens Gaulois. 3. Iules
Cesar rend teſmoingnage de la ville de Paris. 3. & 4.
Les Princes aduenants à l'Empire eſtoient appellez
Cesarts. 6. Quel eſtoit la ville de Paris en ce temps,
ou ſe vendoient les viures, & ou anciennement eſtoient
les portes, pour fermeture d'icelle. 6. & 7.
Les Druides enſeignoyent les Loix, & les Lettres. 8.
Des Roys qui ont regné en la france, eſtans payens, ſui- Chap. 2.
uans leurs Effigies au Palais Royal de Paris, du premier
Roy Chreſtien, qu'aussi de ſes ſucceſſeurs 9. De Saint
Denys, premier Eueſque de Paris, qui apporta la foy au
pays de france, de ſa priſon, mort & ſepulture. 10.
Accroissement de la ville de Paris, ſous Clouis, pre- Chap. 3.
mier Roy de France, chreſtien: De la preeminence an-
ciene d'icelle ville, come le S. Crefme, (duquel ſont oingts
les Roys de France) fut apporté, miraculeuſement. 11.
Quand le Saint Pere & ſouuerain Pontife de Rome, fait

son entree a Paris, par qu'elle porte il doit entrer. 14.
 Reception de l'Euesque de Paris, & qu'elles Ceremonies
 on y obserue. 15

Chap. 4. Du Roy Childebert. 6. Roy de France. 16 De Pepin
 le bref, fils de Charles martel, qui donna le village de
 Palaiseau, avec ses dependances, aux Religieux de saint
 Germain des prez 19. De l'Idole S. Germain, & de
 quel temps fut abbatue, de la ville de Paris bruslee, reste
 les Eglises. 21.

Chap. 5. Des Roys qui ont regné en france, iusques a Dagobert,
 premier fondateur, de l'Abbaye S. Denys en france, les
 noms & Epitaphes des Roys, Roynes, & autres no-
 bles qui y gisent, du thresor de leans, & des saintes Re-
 liques, & autres singularitez. 22. & iusques au fo. 34.

Chap. 6. Des Roys, depuis Dagobert iusques a Pepin le bref, 35.
 humilité du Roy de France, enuers nostre S. Pere le Pape
 de Rome. 41. Du Parlement estably a Paris: Et de
 l'assemblée des Prelats a Gentily. 41.

Chap. 7. L'institution & ordre de l'université de Paris, fondee
 par le Roy Charles magne, & autres choses memorables
 durant son regne, & du merueilleux yuer. 43 & 44.

Chap. 8. De l'establissement du lendit, de la course des normâts,
 pillage de la ville de Paris, & des Comtes d'icelle, des
 Roys qui ont regné depuis Charlemagne, iusques a Hue
 Capet, & des sieges deuant la ville de Paris, Et d'un
 geant de grandeur merueilleuse 45 46 & 47.

Chap. 9. Du regne du Roy Lothaire, changemēt des moines S.
 Magloire, mis a S. Barthelemy, De quel temps les ordon-
 nances ont commencé en france, & de la Iustice du Cha-
 stellet de Paris. 48.

Du parler aux bourgeois, & de quel temps furent
 erigez les baillages, 49. Des Officiers du Chastelet

TABLE

de Paris. 50. Le Roy Loys le gros eut un fils, Archidiacre de l'Eglise nostre Dame de Paris, le Pape Eugene vint en france, l'Euesque pierre Lombard, fit tāt enuers le Roy, que les longs cheueux & barbes furent abbatues. 58

Chap. 10.

De Philippes, Dieu donné Roy de France, les Iuif & pil-le & spolie &, a un iour de sabat, De la famine au Royaume de france, de Maistre Pierre de Cunieres, dit du quignet, la longueur, largeur & hauteur du Temple de nostre Dame de Paris, & des Officiers & dignite & qui sont en icelles. 59. iusques au so. 64.

Chap. 11.

De la Creation des Preuost & Escheuins, des Armoiries de la ville, de sa fermeture ancienne, reedification du Chastelet, Tour du louure, de la foire des ladres, banissement des Iuif &, du Consile celebré a Paris. 66. 67 69 70. Le Roy deliuré de peril par les Parisiens, mutinerie entre les Escoliers & les bourgeois, 72. Chapitre general assemble au Cōuent des Cordeliers a Paris, pour l'election d'un general de leur ordre. 83.

Chap. 12.

Du Regne du Roy S. Loys, de l'hostel de Bourbon, l'estat de la Preuosté de Paris, anciennement se vendoit au plus offrant, Des mont ioyes sur le chemin S. Denys en france & autres actes de ce temps. 76. & 96. Dom fait par le Roy S. Loys aux pauvres ferrons & lingers, ledit Roy prent le bourdon & Escharpe de pelerin en l'Eglise nostre Dame, pour aller a la terre sainte 96 & 97.

Chap. 13.

l'Edifice du Palais de Paris, du miracle de la sainte Hostie, du Parlement arresté a Paris, de la grand Chambre du plaidoyé sumptueusement decoree, & des Eglises fondees par S loys 103.

Chap. 14

Les Genealogies des Roys de France, de leurs regnes & leur trespas ainsi qu'il est escrit souz leurs effigies, au

Palais de Paris.

99

Chap. 15

Des inondations & crue de la Riviere de Seine 107.
 De S. Lyos canonizé, Esmentes & pilleries à Paris, pour
 raison des monnoies, maison d'Estienne Barbette pillée,
 iustice des Templiers, duquel l'ordre auoit esté abolí 108
 Et de Enguerrand de marigny Comte de logueuille 110.

Errection du Parlement, nombre des Chambres &
 estai & d'iceluy 115. iusques au fol. 118. Des Roys qui
 ont regné sur la france, de Loys surnommé Hutin, qui
 ordonna le Parlement estre arresté à Paris, que les Con-
 seillers estoient iadis de Robbe courte. 110 Affaires
 d'importace iuge & par les Roys, Des Requestes du Palais.
 111. 116. priuileges des maistres des Requestes, & du
 Chancelier de frâce qui tient le premier lieu entre ceux
 de la iustice, & de son Antiquité 112 & 113. Le
 nombre des parlements en france, & de l'ancien nombre
 des Conseillers de la Court de parlement & des mai-
 stres des requestes de l'hostel du roy 114. 115.

Chap. 16

Du Roy Philippes le long & autres Roys de france,
 De l'heresie des frerots, L'Euesquede Paris excommunie
 l'Empereur, De Pierre Remy, qui fist bastir le gibet de
 montfaucon, ou il fut pendu. 119. 120. Philippes de
 Valois, armé & monté sur son cheual entre dans l'Eglise
 nostre Dame de Paris, ou il donna sesdites armes & che-
 ual, remerciant Dieu, & sa mere, d'une victoire par luy
 obtenue: Italiens & vsuriers chassé & de France 120.
 Harangue de Maistre Pierre de Cunieres 121.

Chap. 17

Du regne du Roy Iean, de sa prise par les Anglois, Du
 Connestable de france, decapité. 122. Officiers du Roy
 priue & de leurs estai & deux mareschaux de france occis
 dans le Palais. La ville de Paris assiegee, le Prewost des
 Marchans tué, & plusieurs bourgeois iusticie & la Töbe

du geant y soire, Paix accordee aux Anglois 123 & 124.

Du Regne du Roy Charles le quint, edification de l'hostel des tournelles, Commencement du bastiment de la Bastille, siege deuant Paris, par les Anglois, Chasteau de Vicestre, & des habits & liures des Turelupins brusle & 125. Entree de l'empereur, Concilles assemblez a Paris. 126 & du Prouincial 134. Des Priviliges des Bourgeois & les fauxbourgs repetez de la ville 131. Confirmation des privileges 136. Et du Roy S. loys. 145.

Chap. 18

Des guerres civiles aduenues a Paris, regnant le Roy Charles sixiesme & autres Roys, creation d'un Connestable. De Hugues Aubriot & de ses bastiments 131. Rasement de maisons, Du pont S. Michel. Du petit chastelet, Emotion contre les Receueurs, fermiers & peageurs, d'ou est venu le mot de maillotins, le Roy indigné contre les Parisiens, son entree en armes marchant en forme de bataille dans la ville, Iustice de plusieurs Bourgeois, Entree de la Roine de France Isabel de Bauieres. Leditt Roy deposa le Preuost des Marchans & Escheuins. 132. & 133.

Chap. 19

Du Cerf qui est en la grand salle du Palais & pourquoy fut fait, Biens de plusieurs confisqueZ. Venue de l'Empereur. 134.

De la maison de Sauoiszy rassee & a quelle occasion, Loys Duc d'Orleans occis, Ponts de Paris rompus 135. Siege deuant Paris, par le Duc de Bourgogne, sedition par une compaigniee de Bouchers Reduction de la preuosté des Marchans. 136. & 137. Confirmation de garde de la Preuosté 139.

Chap. 20

Surprise de la ville de Paris, par le Duc de Bourgogne, le Dauphin faut a la recouurer, la ville liuree aux

TABLE.

- Anglois, le Parlement a Poitiers, siege deuant Paris, pour le Roy Charles septiesme, conduit de Ieanne la pucelle 138 & 139. Du couronnement du Roy d'Angleterre en l'Eglise nostre Dame de Paris. 140.*
- Chap. 21 *Reduction de la ville de Paris, au Roy de France, & des Anglois mis a mort par les habitans, en memoire de-quoy se chante par chacun an en l'Eglise nostre dame. Te deum laudamus. 141.*
- Entree du Roy Charles septiesme & de la Creation des seiZe Commissaires diuiseZ aux seiZe quartiers 144.*
- Chap. 22 *Du regne du Roy loys vnZiesme & autres Roys ses successeurs, des partialitez, du guet ordonné par la ville, & garde aux portes, Iournee de montleher, & siege deuant la ville, par le Comte de Charolois. 144.*
- Iustice de deux grands Princes, assiette des postes, Institution des Cheualiers de l'ordre S. Michel 146.*
- Chap. 23 *Edifices soubZ le Roy Charles huit, du bastiment de la chambre des Comptes pres le Palais 147. & encores 152. Errection de la chambre du thresor, Debordement de la riuere de Seine 148.*
- Chap. 24 *Du Roy loys douZiesme & de ses ordonnances, Ruine du pont nostre dame, & reedification d'iceluy 149. & 150. Arrest de Court entre les Religieux des Iacobins, & Cordeliers. 151*
- Chap. 25 *Du regne du Roy françois premier, & aucunes actes d'iceluy, du deluge au fauxbourg S. Marcel, des Anglois en France 154 Entree de la Royne Eleonor, Du bastiment de l'hostel de ville 156.*
- Entree du Roy d'Escocce a Paris, la foudre sur la tour de billy, & de la fuitte de quelque habitans de Paris 158.*
- Chap. 26 *Des edifices soubZ le Regne du Roy françois, du quay de la megisserie, De la grosse tour & chasteau du Louure,*

TABLE.

- Du chasteau de Meudon, des Remparts faitz a Paris,
& lieux nobles baillez à bastir 160. & 161.
- Du Roy Henry deuxiesme du nom, cheute de neuf
maisons sur le pont saint Michel, l'estat ancien du pont
aux changeurs, sedit ion pour le prè aux clerks & arrest
pour iceluy 167. Chap. 27
- L'entree du Roy Henry deuxiesme a Paris, & de la
Royne son espouse, du bastiment a loger l'artillerie 168
171. Du nombre des maisons de la ville, 171. &
des bornes mises aux fauxbourgs. 173. Chap. 28
- Sacre & entree de l'Euesque de Paris, Edifices du pe-
tit pont, fortifications de la ville, seconde emotion pour le
prè aux clerks 174 & 176. Du chasteau de meudō. 177 Chap. 29
- Du regne, entree sacre & couronnement du Roy Frā-
çois deuxiesme du nom, & du commencement des guer-
res ciuiles en france. 178. Chap. 30
- Du regne du Roy Charles neufliesme du nom, de son
entree sacre & couronnement, poudres bruslees dedans
l'Arsenal, bastiment du neuf marché. 177. & 183 re-
dification de la porte S. Victor 181. Du siege deuāt
Paris, & de la bataille donnee la veille S. Martin d'iuier
189. Mariage du Roy de Nauarre, & de la mort de
l'admiral de Colligny. Iournec S. Barthelemy les polo-
gnois a Paris, l'entree du Roy, & son departement de
france. 192. Chap. 31
- Des choses aduenues apres la mort du Roy Charles,
depart du Roy de Pologne, pour venir en france, & de
son arriuee en ses pays, son sacre & courōnement a reims.
Du pont commence à bastir sur la riuere, du costé du
quay des Augustins, De l'ordre des Cheualiers du s.
Esprit 197. Du deluge aduenu aux fauxbourgs s.
Marcel & autres lieux circonuoisins. 194. 196. & 198. Chap. 32

Table pour trouuer promptement,
les fondations des Eglises, & les
Epiraphes des nobles qui y
gisent.

prieuré de s. Denis de la chartre	10.
Eglise s. Benoist fondee par s. Denis	10.
De s. Estienne des Grecs, premier siege Episcopal	10.
De l'Eglise nostre Dame des champs	10. & 32.
chapelle ou s. Denis & ses compagnons auoient esté inhuméz, rebastie par la diligence de sainte Geneuiefue.	11.
Eglise s. Blaise & s. simphorian	11.
Eglise sainte Geneuiefue au mont de Paris, fondee par le Roy Clouis, & du changement des chanoines	12 & 13.
Eglise sainte Geneuiefue bruslee.	13.
Chambre Apostolique, iustice temporelle, Et de la reception d'un nouel Abbé	14.
De l'Eglise s. Germain des prez	16.
De la dedicace, & des Ceremonies.	20.
Dagobert fait bastir le premier bastiment de l'Eglise s. Denis en France, & l'Abbé Suger le bastiment qui se voit a present, le temps que les saints corps furent esleuez, de la longueur hauteur & largeur d'icelle Eglise, & des Roys qui y gisent 23. 24. 25. le Crucifix d'or donne par l'Abbé Suger 45. De la Dedicace d'icelle Eglise, faite par nostre seigneur Iesus christ & du ladre guarri de sa lepre 25. Eglise de s. Denis de l'estre en la ville s. Denis. 34 Du Prieuré s. Eloy, le changement des Religieuses, la grandeur que anciennement auoit l'Abbaye 35. chan-	

TABLE

gement des moines	57.	Des Eglises sainte-Croix	8.
Pierre des asis. S. Martial & de l'Eglise S. Bon.	35.		
De l'Eglise S. Paul	36.		
De l'Abbaye de Chelles sainte Baulteur	39.		
De l'Eglise saint Germain l'Auxerrois.	40		
l'Hospital saint Iaques rue saint Denys.	44		
Eglise saint Germain le Vieil.	46		
De saint Barthelemy & changement des Moynes.	48. & 51.		
De l'Eglise saint Magloire rue saint Denys.	51		
De la chapelle s. Michel pres le Palais.	48. & 51		
Eglise saint Nicolas des champs & de son nouveau bastiment.	52		
l'Abbaye saint Martin, ou il auoit guary un ladre & le changement des chanoines en religieux.	53		
l'Abbaye de saint Victor & de sa fondation.	55		
Du monastere des Dames de Montmartre.	58		
Des l'ordre & Eglise des Guillemins dits blancs Mantoux.	58		
De la grand Eglise nostre Dame de Paris, la longueur & largeur d'icelle, des dignitez de leans, & autres singularitez.	59. 60. 64		
Les noms des Euesques qui ont fait bastir l'hostel Episcopal.	64		
En quel temps l'image s. Christofle fut mise en ladicte Eglise & celuy qui luy fit mettre.	137		
De saint Anthoine des champs.	65		
Du Cymetiere des saints Innocents.	67. 68. 69		
De l'Hospital de la Trinite, & ordre des pupilles.	70		
Eglise de saint Honnore.	70		
Diuision des Eglises saint Geruais, & saint Iean en Greue.	71		

TABLE.

<i>Lieu saint profané pour un homicide.</i>	72
<i>Eglise sainte Genevieve des Ardants, pourquoy ainsi nommee.</i>	73. & iusques a 75
<i>Description du bastiment, & des reliques de la sainte Chapelle du Palais Royal de Paris.</i>	75. 76. 77
<i>De l'Hospital des quinze vingt & aveugles.</i>	78
<i>De l'ordre & monastere des Chartreux.</i>	78. 79
<i>Du monastere des Iacobins, iadis le chasteau de Haute-feuille.</i>	79
<i>Du monastere & Eglise des Cordeliers.</i>	82 83
<i>Du monastere des Augustins.</i>	86. 87. 88
<i>Du monastere des Carmes, & des diuers lieux ou il ont demeuré à Paris.</i>	90. 91
<i>De l'Eglise sainte Catherine du val des Escolliers.</i>	91
<i>De la Prieure saint Anthoine le petit.</i>	94
<i>Le monastere des Mathurins, par qui fondé.</i>	95
<i>Du monastere des Cordelieres s. Marcel le Paris.</i>	95
<i>Le monastere des Haudriettes.</i>	96
<i>Le monastere des Billeites.</i>	106
<i>La maison des Templiers, maintenant le Temple.</i>	108. 109.
<i>Des Hospitaliers, de saint Iean de Latran.</i>	109
<i>Eglise du saint Sepulcre.</i>	120
<i>Du monastere des Bernardins.</i>	122
<i>Du monastere des Celestins, de celuy qui commença l'ordre.</i>	127. Le temps que l'Eglise fut dedice & beniste.
	130.
<i>Chappelle de Braque & de son fondateur.</i>	134
<i>Hospital saint Geruais.</i>	137
<i>Eglise saint Laurens aux fauxbourg S. Martin.</i>	140
<i>Chappelle de la grand salle du Palais Royal.</i>	146
<i>Conuent de l'Aue Maria.</i>	146

T A B L E.

<i>Conuent des filles repenties.</i>	148
<i>Conuent des Minimes dicts bons hommes.</i>	153
<i>Eglise S. Nicolas du Chardonneret.</i>	155
<i>Eglise S. Eustache & de l'antiquité.</i>	156
<i>Du bastiment neuf de l'hostel Dieu de Paris.</i>	157
<i>De l'Eglise & maison des enfans rouges.</i>	158
<i>Eglise saint Seuerin.</i>	159
<i>Eglise saint Cosme.</i>	159
<i>Eglise saint Estienne.</i>	162
<i>Eglise S. Iacques de la boucherie.</i>	163
<i>En quel temps furent commencees a reedifier de neuf les</i> <i>Eglises saint Victor, S. Estienne du mont, S. Barthe-</i> <i>lemy, sainte Croix, la Magdaleine, S. Merry, S. Ger-</i> <i>uais & autres. 163. Eglise S. André des Arts. 163</i>	
<i>L'hospital des pauvres, aux fauxbourgs S. Germain des</i> <i>Prez.</i>	176
<i>De l'Eglise des Capusins introduits à Paris.</i>	188
<i>De l'Eglise des Iesuittes rue S. Anthoine.</i>	197
<i>Et de l'autre rue S. Iacques.</i>	188

Table pour trouuer promptement les Colleges.

<i>College de Sorbonne à Paris.</i>	95. 96
<i>College des cholets.</i>	97
<i>College de Nauarre.</i>	101
<i>College de la Marche.</i>	104
<i>College de Laon.</i>	105
<i>College du Cardinal le Moyne.</i>	105
<i>College de Bourgongne.</i>	119
<i>College d'Autun.</i>	121
<i>College de Beaucourd.</i>	124
<i>College de Presles.</i>	126

T A B L E.

College de Beauvais.	126
College de Dainville.	131
College de Fortet.	133. & quand reedifié. 178
College de Reims.	141
College de Lisleux.	142
College des bons enfans.	143
College de Montagu.	147
College de Clugny.	148
College du Plessy.	148
College de Marmontier.	148
College du Mans.	155
College de Cambray.	155
Escolles de Picardie.	<i>Idem</i>
College saint Michel.	<i>Idem</i>
College des freres de la societé dicts Iesuittes.	188
College d'Ablon.	188



TABLE POVR TROVVER PROM-
TEMENT LE LIEV OV IL EST
traicté de chacun Roy.

*Les François ont esté premierement gouvernez par Ducs,
iusques en l'an de Iesus Christ quatre cens vingt,
auquel temps ils creerent Roy le fils du Duc Marco-
mire, nommé Pharamond.*

Nombre des Roys de France.	Le lieu où il traite de chascun Roy se verra marqué cy dessous.
1 Pharamond	fol. 9
2 Clodio le Cheuelu	idem
Roys descendus de la race des Merouees.	
3 Merouee	idem
4 Chilperic ou Hilperic.	idem
5 Clouis le grand, premier Roy Chrestien.	11
6 Childebert	15
7 Clotaire premier du nom	21
8 Cherebert	idem
9 Chilperic premier	idem
10 Clotaire deuxiesme du nom	21
11 Dagobert premier	22
12 Clouis deuxiesme	38
13 Clotaire troisieme	idem
14 Childeric deuxiesme	39
15 Theodoric premier	ibidem
16 Clouis troisieme	ibidem
17 Childebert deuxiesme	39
18 Dagobert deuxiesme	41
19 Clotaire quatriesme du nom & Chilperic furent tous deux Roys ayant guerre l'un con- tre l'autre.	idem





LES

*A N T I Q V I T E Z , H I -
stoires & Singularitez de la grande
& excellente Cité de Paris, ville capi-
talle & chef du Royaume de France.*

Chapitre premier.

N'A V R O I S assez matiere pour escrire vn iuste volume, si les choses dignes de celebrer, faites en cette ville de Paris, apparoiſſoient à la lumiere, eu eſgard à l'antiquité, à la grandeur d'icelle, & à la frequentatiō des hommes de toutes les nations du monde, depuis que les Roys de France y ont mis leur ſiege, mais la negligence de ceux qui ont eu les charges en icelle, & ont manié les affaires, & la pareſſe de ſes enfans meſme, ou les guerres enquoy les Pariſiens ſe ſont exercitez, ou l'iniure du temps, qui n'a laiſſé venir les eſcritures iuſques à nous, l'occaſion de ſes mutations, tout cela enſemble nous a priuez de ce fruit & laiſſez en ignorance, dont noz de-uanciers ſont beaucoup à reprendre: car i'oſe a-

asseurer, que si les Histoires de nostre ville n'eussent esté précipitées en l'oubliance, que les Romains, ny les Grecs, ne nous eussent surmontez (encor' qu'ils ayent escrit quelquesfois à plaisir) mais la copie de leurs escritures les a ainsi hausséz iusques au sommet & perfection de l'histoire. Je ne parle seulement de Paris, mais des autres villes, & d'avantage de tout le Royaume de France, qui n'a encores eu historiographe égal à son mérite: combien que plusieurs s'en soyent efforcez, & ausquels nous sommes redeuables pour le labeur de leur plume. De ceux là, toutesfois & d'autres: vieux fragmés non imprimez, ensemble du tesmoignage des anciens, & des Epitaphes des Princes & monumens antiques, j'ay basty cette petite ville, pour rendre à ma patrie l'honneur que ie luy suis tenu, m'ayant produict & nourry en elle: non que ie sois suffisant pour atteindre au comble du deuoir, mais pour n'estre ingrat au pays d'ou ie suis, & ayant fait ce que j'ay peu, ne seray à reprendre: car ie pense y auoir trauiillé selon la volonté qui à esté telle qu'elle deuoit, & comme naturellement contrainct à m'en acquitter, par l'amour & faueur que chacū porte au lieu d'ou il a prins sa naissance & nourriture. Venons à l'histoire, & voyons si elle a quelque fondateurs que nous voussions approuuer.

Aduertissement sur les diuerses opinions.

Plusieurs s'esbahissent, comme, d'une telle & si noble ville on ne trouue mieux à la verité le nom & le temps de son fondateur. Je pense respondre à cela, & dirons les opinions des Autheurs qui en ont escrit, aucuns desquels (peut estre) se-

ront reputez fabuleux: car à confiderer la diuerfité d'icelle, on n'en peut attendre autre fin, que les vnes font faulces ou toutes ensemble.

Toutesfois à fin qu'on ne penſe que ie les aye ignorees, ie ne les ay voulu paſſer en ſilence: car avec les coniectures qu'on pourra prendre de ce qui ſ'enſuit, les vns adhereront à vne oppinion, & les autres à l'autre, combien que ie ſçache que ie trouueray autant d'hommes du party que i'ay à declarer, comme d'autres qui le voudrôt nyer: ſi eſt-ce que pour ne rien oublier ie diray ainſi.

Les opinions diuerſes de la fondation de la Ville de Paris, & en quel temps elle fut erigee, ſelon pluſieurs Hiſtoriographes.

N O Z Anceſtrès, ſoit que la groſſiere ſimplicité les rendit ſtupide, ou qu'il eſtimaffent, que ſans eſcrit la memoire de l'antiquité des choſes ſe gardaſt par le recit des anciens de pere en fils, ont eſté ſi peu ſoigneux de laiſſer la ſouuenance de l'origine des villes, qu'ils ont baſties, que de peu des anciennes a l'on vne certaine aſſurance de leur origine premiere. Et qu'il ſoit ainſi encores voyez vous, que l'on fait des doutes ſur la premiere fondation de la Cité de Rome, & tiennent aucuns, que Romule n'en fut point le baſtiſſeur, ains en donnent l'honneur à ne ſçay qu'elle dame Grecque, qui luy donna ſon nom.

*Voy Des
nys de Ha
liſarnaffe.*

Et ſous l'iniquité de telle loy à paſſé vne des plus anciennes, belles, populeuſes, riches, magni-

fiques, & des mieux policees, qui soient en l'vniuers, à sçauoir la ville de Paris, que les anciens ont nommé Lutece : l'origine de laquelle ceux qui ont les Troyens à cœur, & auxquels ils attribuent la gloire d'estre les peres de la plus part des peuples & citez de l'Europe, raporte à ne sçay quel Paris Troyen, ou à tout le moins aux Troyens fugitifs la conflagration de Troye, lesquels en souuenance & memoire de celuy qui estoit cause de leur ruyne, bastissans cette Cité la nommerent du nom de cet effeminé. Or s'il est ainsi, qu'un Paris en soit le bastisseur, encor' ne seroit-ce pas ce Troyen ains un Gaulois de nation & le quel viuoit plus de deux cens auant, que ce mol fils de Priam nasquist. Et lequel Gaulois estoit de la race & sang de cet ancien Samothé, lequel du temps mesme de Noé, polica les gaulois, & les instrua en toute vertu, honnesteté & doctrine: car de dire que la Cité de Paris ayt esté bastie par Troyes, ou Sicambriens, lors que laissant le pays Scythien, ils vindrent en Gaule, ce seroit se moquer du tout de la verité de l'histoire, comme ainsi soit, que plus de six cens ans auant cete vollee de François en Gaule, la Cité de Paris estoit bastie, & portoit le nom de *Lutece*, soit qu'elle fut ainsi appelée à cause qu'elle estoit bouëuse, ce que ie ne peux receuoir, veu que les Gaulois n'auoient point la pratique n'y l'usage du Latin, & que les Autheurs plus illustres l'appellent *Leuco-tece*, du nom comme ie pense de Luce Roy des Celtes, come aussi les Parisiens furent nommez *Luceens*: comme le pays es entours fut appellé

*Ce Paris
fut le 18.
Roy des an*

Paris, & le peuple *Parisié*, du nom du susdit Roy des Celtes *Paris*, l'un Roy estant le fondateur des villages *Parisiens*, l'autre de la ville, laquelle à porté le nom de *Lutece*, ou *Lucotece*, car ainsi l'appelle *Strabon*, parlant d'elle en cette manière. Le long de la rivière de *Seine* sont les *Parisiens*, qui ont une Isle, & en icelle la Cité de *Lecotece*. Aucuns (mais sans preuve que de conjecture) ont voulu donner nom à ce peuple pris de plus loing que de leurs pays, à cause que ce qui vient des estrangers nous semble plus exquis que ce que nostre terre nous apporte: Par ainsi disent que nos *Luteciens*, ou *Luceens* ont esté dits *Parisiens* de certains voyageurs de Grece, là conduits par *Hercule*, & tirez du recoin de l'*Arcadie*, où *Strabon* les rencontre, & les dit estre les plus anciens peuple de la Grece, mais il ne fait aucune mention que ses *Parrhasiens* (car ainsi s'appelloient ces *Archadiens*) ayent voltigé hors de leur pays pour nous venir fonder cette belle Cité au Cœur de la Gaule. Aucuns ont dict que *Iules Cesar* estoit fondateur de *Paris*, mais cela est faux, comme il appert par son dire: Parlant donc de soy-mesme, & de ses affaires en Gaule, il use de ces mots. Ayant commandé que l'assemblée des Estats fut faite de tous les pays de Gaule, sur l'entrée du Printemps, comme tous les Gaulois y fussent venuz, sauf les *Senonois*, les *Chartrains* & ceux de *Treues*, il soupçonna ce delay, comme pour commencement de reuolte, & de guerre: & pource il changea le lieu de conseil, & asssemblée des Estats à *Lutece*, ville des *Parisiens*, les

ciens Gaulois, regnât l'an 2550. apres la creation du monde, avant la conquête que *Cesar* fit des Gaulois.

Strabon
livre 4.

Iules Cesar
rend tesmoignage de *Paris*, & l'assiette pourpris d'icelle, comme à l'art. 6.

quels estoient voisins des Senonois; & des la mémoire de leurs peres, ils auoient alliance ensemble, neantmoins pour lors estimoit on, qu'ils n'estoiét point de la ligue & coniuration des rebelles. Ou est l'homme si simple, qui oſast dire ayant leu cecy, que Cesar soit le fondateur de Paris, puis que c'est luy, ſans autre, qui confesse & rend tesmoignage, que de tout temps & memoire les Parisiens auoient alliance iuree avec ceux de Sens, lesquels de toute ancienneté estoiet les mortels ennemis de la cité de Rome & des Romains? Car commandant de transporter le conseil à Lutèce de Paris, c'est ſigne qu'elle estoit desia baſtie, & qu'en ſi peu de temps qu'il y auoit de ſa venue en Gaule, il n'eust pas dressé vn lieu propre à faire vne telle aſſemblée. Or pour mieux eſplucher cecy, oyez comme il en parle en vn autre paſſage: Ces choses se paſſans & deſineſans ainſi deuant Cesar, Labian laiſſant à Prouins celle cruë de gendarmerie, que nouuellement on auoit amence d'Italie, à ſin qu'elle ſeruiſt pour la garde du bagage de ſon camp, il ſ'en alla à Lutèce, accompagné de quatre legions. Lutèce eſt vne ville des Parisiens, aſſiſe en vne iſle de ſeine. Puis adiouſta, parlant de Camulogene le general de l'armee des Gaulois, & declarant qu'elle estoit l'aſſiette de cette ville. Cestuy-cy (dit il) voyant que tout estoit aux entours mareſcageux, & que ces palus perpetuels ſe vuidoient en la Seine, & donnoient empeschement à ceux qui auroient deſir d'aſſaillir le lieu, ſi arreſta avec deliberation d'empeschier le paſſage aux noſtres. Diſant dōc,

*Cesar li. 7
de la guerre
Galiq.*

que Lutece estoit vne ville du terrouër Parisien, & fondee en vne Isle, il est assez euident, que Cesar, l'ayant trouuée bastie, venant en Gaule, n'en fut iamais le fondateur, comme en ses escrits n'ya pas vn trait duquel on puisse en rien tirer, pour prouuer qui l'ait faiët bastir. Voila quant à l'origine de cette excellente Cité, laquelle nous deuons aux anciens Gaulois, longtemps auant les Romains, n'y que les Sicambriens ne vinssent oncques en Gaule.

Pour voir le plant de Paris, & comme iadis se comportoit son estendue, ie vous ameneray ce qu'en escrit Iulian l'apostat, qui fut depuis Empereur, lequel estant Cesar, & gouuerneur des Gaulles, sous les enfans du grand Constantin, faisoit sa residence ordinaire à Paris, ainsi que luy mesme tesmoigne en vne Epistre qu'il enuoya aux Antiochiens, laquelle porte le tiltre de Misopogon, ou il d'escrit fort proprement cette ville, ainsi qu'elle estoit de son temps, parlant en cette maniere. l'estois iadis passant l'yuer en ma bien aymee Lutece (c'est ainsi que les Parisiens appellent leur cité) laquelle est, & sied en vne petite Isle, voisine du fleuve qui l'enuirone de toutes parts, sur lequel y a des ponts de bois, qui facilitent le passage de chacun costé, pour entrer en la ville, & la riuere ne croissant, ou decroissant guere, est toute telle presque en H'yuer, qu'elle a de coustume de se monstrier en esté: l'eau de laquelle est tresplaisante & claire à la regarder, & d'icelle boient les citoyens, d'autant que se tenans en vne isle, il faut qu'ils se pouruoient de cette eau

Iulian l'apostat aux Antiochiens.

pour leur vsage. L'hÿuer n'est rigoureux en ces quartiers là, a cause (comme l'on dit) des chaleurs de l'Océan, qui n'en est esloigné, que d'environ quarente cinq lieuës. Au texte de Iulian y a 970. stades, qui reuiennent a 45. li. prenant deux mil & demy d'Italie. pour lieuë. Et peut estre, que quelque aleine du vent Marin y vient, & s'espend iusqu'en ce lieu, & qu'aussi l'eaue de la mer semble estre plus chaude que celles des riuieres de eau douce. Et ainsi vous voyez, quel estoit Paris pour lors, & sa grandeur, si bien qu'Ammian Marcellin, pour cét esgard, l'appelle Chasteau ou petite ville, lors qu'il poursuit la vie, & gestes de l'apostat: à la suite duquel il estoit, viuant à ses gages. I'ay dit (avec Iulian) que les *Luteciens*, habitoyent en vne Isle, pour la preuue dequoy il se trouue encores des memoires & registres faisant foy, que du costé du grand Chastelet, & en la vallee de misere y auoit vn pont: & par consequent, l'eau y passant, au bout duquel fut basti le Chastelet par Iulian, & non par Cesar premier Empereur, à fin qu'il seruiſt de forteresse, & de citadelle, si par quelque cas l'on vouloit assaillir l'Isle, ou si les habitans attentoient quelque sedition, dresseient quelque reuolte. Je sçay que le vulgaire, qui a ouy dire que cét edifice du grand Chastelet estoit de l'œuure de Cesar, a conclu tout aussi tost, que ce fut Iules Cesar, qui en causa l'edifice, mais il faut voir le temps que Iules Cesar s'arresta à Paris, apres qu'il s'en fut rendu seigneur paisible, veu qu'auparauât il fut longtems sans y entrer, si bien que luy venant du costé de Me-

*Ammian
M arcellin
liure 15.*

*Comentai-
re Cesar.
liure 7.*

lun, & de Corbeil, vers le Heurepois, assist son camp du costé des Marests où à present est bastie l'Abbaye S. Victor, les Gaulois posèrent le leur de l'autre costé de la riuere, qui estoient aussi des Marests, ou à present ce sont les Celestins, & tout ce quartier de ville, où est la rue de Saint Anthoine, & lieux adiacents. Or estoit cecy sur les dernieres annes que Iules Cesar se tint en Gaule, & qu'il dompta les forces des Gaullois: & par ainsi faut conclure qu'elle impossibilité il y a, que ce soit esté luy, qui ait faict bastir les fortteresses de Paris, puis que par ses gens, conduits par Labien, la ville susdicté fut ruynee & bruslee, & restauree par ceux du pays, & depuis par les gouuerneurs y enuoyez au nom de l'Empire.

Par ainsi nous ayant assurance par les escrits d'Amman marcelin, que Iulian faisoit sa residen *Amian* ce ordinaire à Paris, tirons cette consequence *liure 17.* que ce fut luy, & non Iule qui bastit le Chastelet & autres lieux, qui encores portent la marque d'antiquité en cette ville, & n'importent le nom de Cesar, veu qu'il estoit imposé aux Princes du Sang Imperial, ou à ceux qu'on voyoit estre pour venir à la succession de l'Empire, tel qu'estoit ce Iulian, & comme à present on nomme Roy des Rommains celui qui est designé pour succeder à l'Empire. Le susdict Iulian, citoyen de Paris, où aussi il fut proclamé Empereur, fit bastir outre le Chastelet, vn bastiment où est maintenant l'hôtel de Clugny pres les Mathurins, qui estoit vn lieu champestre, & luy seruoit de lieu de plaifance, & seiour, lors qu'il vouloit prendre relasche

de ses traux & affaires d'importance, & ce lieu estoit anciennement nommé le Palais des thermes, & de vray, il y a leans vne grand salle, sur la platte forme, de laquelle y a des iardins avec arbres qui porte creance de longue antiquité: car l'edifice est de matiere forte & dure, comme vn roch, & le nom du Palais des thermes luy est demouré iusques aujourdhuy, pource comme aucuns croyent que l'on aportoit en ce lieu les deniers des thermes des tributs deuz à l'Empire Romain. Aucuns interpretent Palais de thermes, pour les baings, lesquels y auoient esté faits par l'Empereur Iulian l'apostat, & dient que les eaux d'iceluy venoient de deuers Gentilly: Cette raison est confirmee par les lettres de la fondation du college de Sorbone, esquelles (quant à l'assiette du lieu) sont expressement contenus ces mots, *Ad locum Thermarum Caesaris*. Quoy qu'il en soit lan 1544. qu'on fit les ramparts & bastions à Paris, pour resister à la venue de l'Empereur Charles cinquieme, on trouua du costé de la porte S. Iaques des canaux de pierre de taille & conduits d'eaux, cōtinuez depuis le village d'Arcueil, ainsi nommé à cause des arcs bastis de brique, qu'on voit encores de present, ou de ce mot Latin composé *aqueductus*, ou bié de *Arcus Caesaris*, iusques dedans Paris: lesquels cōduicts des eaux auroiét peu seruir audits baings: & de present seroient necessaires à reestabli, pour arroser la haute partie de l'vniuersité de Paris, qui en a bon mestier, si messieurs les Gouverneurs sy vouloient employer. Ce quartier la fut le premier habité apres

Le quartier le premier habité.

que la cité eut prins son estendue, long temps parauant que celuy de la ville du costé de Septentri on fut hanté qui est aujourd'huy le plus grand. Il estoit alors tout en bois & forest où se faisoient plusieurs homicides iusques sur la riuere de Seine, pour ausquels remedier, fut bastie vne tour pres la cité, pour seruir de guet aux Parisiens, laquelle on voit encores aujourd'huy au milieu du cimetiere des S. Innocents, où est la chappelle de nostre Dame. Et pour verifier d'auantage que c'estoient bois, il y a vne chappelle en l'Eglise S. Oportune, à costé du cœur dediee à la vierge marie, qu'on nomme encores de present nostre Dame du bois, en laquelle Madame Sainte Oportune, Religieuse, frequentoit souuent, & depuis ladite chappelle a esté endose dedans l'Eglise dediee à ladite Sainte. Reuenant à l'antiquité de nostre ville, on dit que le marché des bestes estoit par deça, ou est à present la rue des Bourdonnois, au lieu que l'on dit la place aux deschargeurs, & encores ce lieu est appellé la vieille place aux pourceaux. La Croix du tiroir est ainsi nommée, pource qu'on y tuoit les bestes, & à proprement parler, c'est la croix du Tiroir. Aucuns publient qu'elle fut ainsi appelée pour la Roïne Brunchilde, qui y fut tirée à quatre cheueux, pour auoir faict mourir plusieurs Roys & Princes du Sang de France. Au carrefour Guillory estoit le pillory, où l'on couppoit les oreilles, & pource à bien dire, c'est le carrefour Guingne-oreille. Quand aux viures abondans en la Cité, nous auons la halle de Beaussé, où se vendoient

*En quels
lieux se ven-
doient les
viures.*

de nostre temps les grains & bleds de la Beauſſe. Il y auoit vne certaine ruelle en la rue de la vieille pelleterie, deſcendante en la riuere de Seine, qui ſ'appelloit le port aux œufs. La boucherie de Paris, eſtoit ou elle eſt à preſent, hors la cité, & prochaine de la porte à l'iſſue du pont: ce lieu eſtoit appelé l'apport de Paris, pour les viures que l'on y apportoit à vendre, comme encores au iourd'huy ſe nomme la porte de Paris, pource que c'eſtoit la premiere de ce coſté là, pour ſortir & entrer en la cité. Et deſlors y fut edifiée quelque fortereſſe pour deſſence de la cité, au lieu où eſt de preſent le grand Chastelet, ou les gardes de la Preuoſté de Paris d'antiquité tiennent la Juſtice ordinaire & la iuriſdiction Royale. Aucuns tiennent que le grand Chastelet eſt vn des edifices de Ceſar, lequel il fit edifier pour fermer la cité, au bout du pont, & que c'eſt la premiere porte de Paris, à laquelle on payoit les tributs des ports & paſſages, comme on faiet encores de preſent, au lieu qu'on appelle le Treillis, audict Chastelet; & ſont encores aucuns viuans, qui diſent auoir veu eſcrit ſur ledict Treillis, *Icy ſe payoit le tribut à Ceſar.* Et à la verité on y a trouué de nostre temps en quelque endroits des lettres Grecques & Latines, engrauees dans les pierres. Quant à la matiere du baſtiment, elle eſt treſdure: car vn pic en trois heures n'en ſçauroit leuer l'eſpeſſeur d'un poing, comme on à veu l'experiée. Quoy qu'il en ſoit, il eſtoit dès ſon commencement clos & enuironné de profonds foſſez à fonds de cuue, dans leſquels auoit ſon cours la riuere de Seine,

Les Princes aduenāt à l'Empire eſtoiēt appellex Ceſars, cōme il eſt dit cy deuant.

comme on voit aujourd'huy la Bastille : & qui bien le considerera , il le trouuera estre tresforre place. De la grosse tour d'iceluy despendent plusieurs siefs nobles de Paris. Depuis fut habitee & fermee la ville iusques au lieu qu'on dit l'archet S. Merry, & alloit on de cette porte tout droit à la riuere de Seine, au lieu qu'on dict les planches de mibray, c'est à dire, la moitié du bras de Seine, & là auoit vn pont de bois qui s'adressoit à S. Denys de la chartre, c'est aujourd'huy le pont nostre Dame, & estoit la seule porte de ce costé là pour aller & venir à Paris: cette porte estoit fortresse enclose d'eau comme le grand Chastelet.

*Ou estoient
les portes
de la ville
ancienne-
ment.*

Après fut faict le cimetiere que l'on dit des Innocens, qui estoit lors ainsi que les boucheries, (hors la ville) à fin d'eiter corruption & mauuais air. Au parauant il estoit licite à chacun pere defamille, de se faire enterrer luy & les siens en sa caue, court & iardin, comme on en à trouué en grand nombre, en faisant les fondemens de quel que bastimens. Aussi se faisoient enterrer par les voyes & chemins, & de nostre temps auons trouué des sepulchres au long des vignes hors la ville S. Marceau, & n'y a longtemps qu'en vne rue, vis à vis de S. Victor, en pauant icelle rue qui ne l'auoit oncq' esté, nous fut monstré au milieu d'icel le vn sepulcre de pierre, long de cinq pieds ou enuiron, au chef & aux pieds de laquelle furent trouuees deux medalles antiques de bronze. Pareillement l'an 1538. en edifiant des maisons sur la riuere de Seine de la tour de Nesle, vis à vis du chasteau du Louure, furēt trouuez vnze caueaux,

*Sepulchres
antiques,
trouuez en
bastissant.*

en l'un desquels estoit vn corps mort armé de toutes pieces, qui tourna en poudre si tost qu'on le toucha: c'est vn argumēt que ces lieux ont esté autresfois habitez. Reuenant à nostre propos, pres le cimetiere des S. Innocents, au lieu dict Champeaux on'establit vn marché, on y fit de petits logis, & puis maisons, & par succession de temps, la ville s'estendit iusques à la porte S. Denis. La elle fut fermee & la vieille muraille desmolie, & encores de nostre temps voyoit on les premieres, qu'on appelloit fausses portes, és rues S. Denis, S. Martin, S. Honoré, & Montmartre, qui ont esté abatues durant le regne du Roy François premier du nom par le conseil de M. Guillaume Budé, maistre de ses requestes. A l'endroit de chacune desdictes anciennes portes, est l'Image de nostre Dame apposee contre vne maison: laquelle Image estoit iadis sur chacune porte de la ville, & cela à esté fait pour vne recognoissance. Es rues de Iouy, & vieille rue du Temple y à encor' à chacune vne Tour, qui iadis seruoient de portes, & sont correspondantes à sainte Catherine du val des escoliers, à l'aue Maria, Hostel de Barbeau, qu'on appelloit la porte des Beguines, rue de Paradis, & autres endroicts des fausses portes, iusqu'à l'endroit du Louure.

Pres le Parrin Gasselin estoit vne place ou on iettoit les chiēs morts, qui s'appelloit la fosse aux chiens, & encor' y a il vne rue ainsi appelée. Pour acheuer nostre propos que les lieux anciennement n'estoient dedans la closture de Paris, on trouue en la datte d'aucunes lettres Royaux ces

*Ancien-
nes portes
de la ville
abatues
de nostre
temps.*

mots *Donné à nostre Eglise S. Magloire, lez Champeaux pres Paris*. Semblablement la domination de S. Martin des champs, fait cognoistre, que ces lieux estoient hors la ville, comme nous verrons cy apres en la deduction de noz Antiquitez.

Cesar en ses Commentaires descriuant les estats des Gaulles, met en souuerain degre les Druides, qui estoiet les Sacrificateurs, Iuges, Legislatours *Les Druides enseignoient les Loix.* & gouverneurs des villes & du peuple. Ils enscignoient les loix & sciences aux ieunes enfans nobles, & leur apprennoient les lettres, lesquelles (comme est à presupposer) estoient Grecques: car de donner certitude qu'elles lettres ils vsoient, est impossible. Et icy me souuient de Geofroy Tory, en son liure du Champ-fleury, qui dit auoir veu à Paris, quatre anciennes pierre de taille, esquelles y auoit lettres Hebraïques grauees & entaillees, l'une en l'hostel de Fescamp, deux autres en vne maison en la rue de la Harpe, la quatriesme pres des Cordeliers, qui est argument suffisant, que telles lettres, aussi bien que les Grecques & Latines, y ont esté iadis en honneur. Ces Druides gouvernoiēt le spirituel & le temporel, estoiet francs de tous tributs, emprunts, imposts, guerres & autres seruitudes. Ils ne vouloient souffrir que leurs enfans vinsent en leurs presence iusques à l'aage capable de porter armes. Ils estoient grands obseruateurs d'Astrologie, & de la religion des faux dieux, entre lesquels ils adoroient souuerainement Mercure, Apollo, Mars, Iupiter. Ils sacrifioient à iceux hommes viuans, quand ils estoient atteints de crime. Le princi-

pal de leurs Temples estoit au lieu de Montmartre, qui estoit nommé le mont de Mercure, auquel les Parisiens, alors idolatres s'assembloient à certains iours, & offroient sacrifices au diable, qui estoit en ce temps le prince du monde. Depuis la conquête que Iules Cesar fit des Gaules, les Parisiens furent tousiours en la subiection des Romains, iusques au temps de Claudion & Merouee, lesquels s'emparerent des Gaules, & y dresserent ce noble Royaume de France, comme fera dict cy apres.

Des Roys qui ont regné en la France, estans payens: suivant leurs Effigies mises au Palais Royal de Paris, maison des Roys, du premier Roy Chrestien, qu'aussi de ses successeurs.

CHAP. I I.



En continuant l'histoire de nostre ville de Paris, apres auoir esclarcy les obscuritez de sa naissance, ie reste à dire son augmentation accroissement & perfection, depuis qu'elle a esté gouuernée es mains des Roys de France, qu'ils l'ont tant ennoblie, qu'ils en ont fait le chef de leur Royaume. Tous ceux qui ont descrit l'histoire Françoisse, posent Pharamond, le premier en rang entre les Roys de France, comme aussi il a esté esleu le premier, lors que ceste nation voulut commander à bon escient sur les Gaules, combien que plusieurs ont oppinion que iamais il n'a commandé, ce neantmoins puis qu'il est effigé avec les autres & cōme la souche du sang Royal dedans ce grād Palais

Palais Parisien, ie ne faudray aussi le mettre au rāg de ceux qui ont commādē sur les François, mais non sur le pays que maintenant on appelle France. Icy ie n'ay moyen de declarer cōme les François paruindrent aux Gaulles, d'autant qu'il faudroit bien autant de papier que tout ce liure contiēt pour en faire ample discours, ioinct que plusieurs Historiographes, en n'ont assez escrit amplement: or pour abreger ie commenceray vous declarer le premier esleu Roy de France.

Pharamond fils de Marcomir, premier Roy des François payen, commença à regner sur eux en l'an du monde 4383. Apres la natiuité de Iesus 421. Il regna 11. ans: Sous luy commencerent les François, à vser des loix, & iugerent leurs causes par quatre Barōs, Nobles, Sages, & esleus de leurs gens, selon & ensuiuant la Loy Salique: & ensuiuant icelle Loy, ordōnerent dēs lors lesdits François, que iamais femme ne succederait au Royaume n'y à la Courōne de France. Voyez Gaguin liure 1. Paul Emile liure 1.

*Le premier
Roy des
Francois.*

Clodium second Roy des François, payen, succeda à son pere Pharamond, en l'an du monde 4394. Apres la natiuité de Iesus Christ, 432. Il regna 18. ans, Il fut surnommé le Cheuelu, parce qu'il portoit longue barbe & longs cheueux, il ordonna que les François portassent longue chevelure en signe de liberté, & aussi declara la ville de Paris franche, ce Roy subiugua les Thuriniens ou Lorrains, print Cambray d'assaut, fit mourir les Romains qui estoient dedans, deffit leur armee pres la riuere du Rhin, & conquist

*Le deux-
iesme Roy
des Fran-
cois.*

Tournay, la Bourgogne & plusieurs autres villes.

*Troisième
Roy de
France.*

Merouce le tiers Roy des François, payen succeda à Clodium, en l'an du monde 4412. apres la natiuité de Iesus Christ 450. regna 10. ans, cōme ses deuanciers, il estoit payen preux & hardy en guerre, comme il à monsté en plusieurs batailles esquelles il s'est trouué: Il fit ietter au feu vn sien fils, pour auoir tué le Roy de Cornouaille, qui venoit de s'esbatre, estant lors Cornouaille tributaire à France.

*Le quatrième
roy
de France.*

Childeric fils de Merouce, quatrième Roy des François, payen, Prince belliqueux, luy succeda en l'an du monde, 4422. apres la natiuité de Iesus Christ 460. Il regna 26. ans: Ce Prince se gouerna mal & pour sa luxure fut chassé par son insolence. Gillon, vn citoyen Romain, qui estoit gouuerneur de Soissons, succeda à son lieu par l'espace de huit ans: Puis Childeric fut remis en ses estats, & se gouerna fort bien & sagement.

De S. Denys premier Euesque de Paris, qui apporta la Foy au pays de France: Comme il fonda l'Eglise S. Estienne des Grecs, S. Benoist & l'Eglise de nostre Dame des Champs, de S. Geneuiefue, qui fit rebastir la chappelle où repositoient les Saincts Martirs: De la prieuré S. Denys de la chartre & chapelle S. Blaise: quel estoit la ville & pays de France en son temps.

Sainct Denis fut nay d'Athenes, nasquit le 6. an du 6. aage du monde. Il fut grand clerc, & mesme en l'art d'astrologic: Il auoit vingtsix ans lors que nostre Seigneur sou-

frit mort & passion, en l'arbre de la croix. Il fut conuertý par S. Paul, par trois ans, & puis Euesque d'Athenes. Puis alla à Rome, pour visiter S. Pierre & S. Paul lesquels il trouua prisonniers sous Neron sixiesme Empereur. Apres fut enuoyé en France, avec S. Rustic, & S. Eleuthere ses compagnons, par le Pape Clement, premier du nom, & parce est appellé l'Apostre de France. Il fut decolé au pied de la môtagne de Montmartre, pres Paris, en l'aage de quatre vingts ans, le 13. de l'Empire de Domitian: & le fit decoler vn Tyrá, nommé Sisinus, preuost de la Prouince, avec vne doloire, pour ne vouloir adorer les Idoles. Ce fut l'an de la natiuité nostre Seigneur 96. & de sa passion 63. Lesdits bien-heureux martirs furent mis en prison, au lieu où est à present la Prieuré S. Denis de la Chartre (ainsi nommee pour cette cause) A cette raison le mont de Mercure à esté tousiours depuis appellé Montmartre, ou montaigne des Martyrs: Apres leur mort, le corps S. à l'ayde des Anges, porta son chef iusques au village de Catulle, au lieu dit auiourd'huy la Prieuré S. Denis de l'Estree: & la il fut par vne dame chrestienne enseuely avec les deux autres martirs, où ils reposerent 324. ans iusques au temps de Dagobert: comme nous dirons en son ordre.

Ce bon S. fonda en la ville de Paris, trois Eglises. La premiere au nom de la Sainte Trinite, où est à present S. Benoist, ainsi qu'il appert en vne verriere de ladiète Eglise, en la chappelle S. Nicolas, vers Septentrion, où est escrit.

*S. Denis
enuoyé au
pays de frã
ce.*

*S. Denis
mis à mort
à la monta
gne de môt
martre*

*Prieuré S.
Denis de la
chartre.*

*S. denis e-
stant mort,
porta son
chef à ca-
tulle.*

*Eglises fon-
dees par S.
Denis*

S. Benoist.

In hoc sacello Sanctus Dionysius cepit inuocare nomen sanctæ Trinitatis.

S. Estienne des grecs

La deuxiesme S.Estienne des Grecs, ainsi nommee, pourautant que S.Denis & sa compaignee estoient de Grece.

Le premier siege Episcopal.

Quand à l'vniuersité, son antiquité est en cecy plus à respecer, que celle de la ville, que des les premiers Roys elle à esté habitee, que le premier siege Episcopal a esté en icelle, ce qui se peut tesmoigner par l'Eglise S.Estienne des Grecs, ou S. Denys se tenoit au commencement, & ou il endoctrinoit les Parisiens en la foy de l'Euangille: Ioint que ie n'ay point leu en aucun autheur, ou les Euesques se tenoient auant, que le grand & magnifique temple de nostre Dame fut basty, la fondation duquel n'est de si longtemps, qu'on la puisse rapporter aux Roys de la premiere & seconde famille: tellement que Lutece estoit suiect à l'Euesque de Paris, & iceluy se tenoit hors de l'isle de Lutece.

Nostre dame deschamps au cha. 9. cy apres.

La troisiéme Eglise, fondée par ce bon Euesque, fut nostre Dame des champs, auquel lieu y auoit vn temple dedié à Mercure, l'idole duquel il ruina & chassa le diable, puis le cōsacra à la vierge Marie: Là il esleut sa demeure & y fut prins.

Par la passion de sainct Denis, plusieurs creurent en Iesus Christ, & entre les autres Lærtia, qui au parauant auoit procuré la mort de Lisbius, son mary, conuertie à la Foy, & lequel en fin elle ensuiuit par la couronne de martyre. Le fils de laquelle aussi nommé Lisbius, ayant milité sous trois Empereurs, & retournant és Gaules, fut bap

tisé par Massus troisiéme Euesque de Paris, apres S. Denis. Et depuis escriuit les martyres dudit S. & ses compagnons, ainsi qu'on les trouue en la librairie de ladiéte Abbaye.

Depuis le trespas de cette dame, qui enterra le corps S. Denis & ses compagnons, on ne tint gueres conte du sepulchre des Saints, iusques au temps de sainte Geneuiefue, qui deuotement frequentoit en la pauvre chapelle où ils repositoient, *S. Geneuiefue fit rebastir la chapelle où les S. corps estoient inhumés.* laqu'elle elle procura estre refaite de pierres carrees, & par miracle pourueut à l'indigence du vin, autant qu'il en falut aux ouuriers, iusques à la consommation de l'ouurage: resplendit en ce lieu, & à Paris, par autres vertus diuines, cōme diray cy apres.

La prieuré S. Denis de la chartre, iadis Abbaye, mentionnee cy dessus, à autres fois esté en la collation de l'Euesque de Paris, mais depuis à esté baillée à l'Abbé & conuēt de S. Martin des champs, contre & échange de l'Abbaye de Montmartre, maison de Nonnains.

Il vient icy bien à propos de dire, que pres S. Denis de la chartre, dont i'ay faict mention y a vne chapelle, laqu'elle on dit estre la plus ancienne Eglise & paroisse de la cité, dediee au nom de S. Blaise & S. Symphorien, tant en haut qu'en bas à laqu'elle fit de grands biens haut & puissant seigneur Mathieu, Comte de Beaumont, en l'an mil deux cens cinquante cinq, au temps d'Odo Euesque de Paris. On voit encores en bas les fōds & les sepultures dudit Comte, & de la Comtesse sa femme.

Eglise S. Blaise & S. Symphorien.

Accroissement de la ville de Paris, sous Clouis le premier Roy de France chrestien: De la preeminence ancienne d'icelle ville, de la fondation de l'Eglise sainte Geneuiefue: Paris assiegé par les Hongres & autres matieres.

CHAP. III.



Louis cinquiesme Roy de France, premier Roy Chrestien, succeda à son pere Childeric, l'an du monde 4448. Apres la natiuité de Iesuschrist, 484. ans regna 30. ans quinze ans payen & 15. ans Chrestien. Le fufdit Clouis espousa Clotilde, qui estoit de Bourgongne, & Chrestienne, laqu'elle conuertit son mary en grand peine: ledit Roy mit s^e siege à Paris, & l'establit ville capitalle de son roy aume. Iceluy Clouis, monarque des Gaules, & Clotilde sa femme (que nous nommons Saincte Clote) à la requeste de S. Geneuiefue alors uiuante, edifierent hors les murs, au mont de Paris vne Eglise à l'honneur des Apostres S. Pierre & S. Paul, en l'an 400. quatre vingts dix neuf, laquelle Eglise est aujourd'huy nommee S. Geneuiefue, au mont de Paris, pource que ladite S. y fut enterree l'an cinq cens quatorze, souz le pōtificat de Simmache, fouuerain Euesque de Rome, encores y void on son sepulcre en la caue de ladicte Eglise, voy la vie admirable de la sainte.

En c'est endroit il me souuient que la plus part des anciēnes Eglises ont des caues & voutes sous-terraines, c'estoit la deuotion de ce temps la.

En cette Eglise au milieu du cœur fut enterré le Roy Clouis, comme verres cy apres en son Epi-

*S. Roy &
1. Chre-
stien.*

*S. Gene-
uiefue au
mont de
Paris.*

raphe: Aussi la Royne Clotilde qui mourut en l'an cinq cens quarante sept.

Au mesme lieu repose les os de Clotilde leur fille, femme d'Almarich, Roy des Gots, & deux des fils de Clodomire, Roy d'Orleans: lesquels Clotaire leur oncle tua de sa main. Le Sepulcre dudit Roy est haut de deux pieds, son effigie est esleuee dessus avec grande maiesté, le tout est enclos d'un coffre de bois, aux ouuertures duquel est escript vn long Epitaphe, contenant ses faits, l'un Latin & autre François, entre autres ce qui ensuit.

Hic est illustrissimus Rex, Ludouicus, qui est Clodoueus, anté Baptismum nominatus est Francorum Rex quintus, Clouis. *Epitaphe du Roy*
 & c. Et en François.

Cy gist le cinquième Roy de France, premier Roy Chrestien dit Clouis, avant son baptisme: lequel S. Remy baptisa à Reims & nomma Loys, & la apporta un ange de paradis vne ampoule pleine de cresse, dont il fut oingt. & ses successeurs Roys de France en sont aussi oingts à leurs couronnemens. Celuy Roy, à l'admonnestement de S. Clote sa femme & de madame S. Geneuiefue, fonda cette eglise en l'honneur des princes des Apostres S. Pierre & S. Paul, sacree par S. Remy, c'est la premiere

Eglise que iamais Roy de France fondaſt. Il conquiſt Thoulouze, & Aquitaine, iuſques au mont Pyrenees, deuãt luy les murs d'Engouleſme, par miracle, tomberẽt: Alemaigne luy fut tributaire, Thuringe, la haute Alemaigne & autres pays: Ceſtuy inſtitua Paris, chef du royaume de france, deliura & affranchit ſon royaume de la main des Romains. A ce noble roy enuoya l'Empereur Anaſtaſe, veſture imperiale, & couronne d'or, laqu' elle il donna à S. Pierre de Rome, il veſquit & mourut ſainement xv. ans auant ſon bapteſme, & autres xv. ans apres. Et fut icy enterre' l'an D. xiiij. de ſes quatre filz Roys, Theodoric, Clodomire, Childeric, & Clotaire, en l'an xxx. de ſon regne.

En cette Eglise Clouis mit Chanoines ſeculiers, & par teſtament il obligea à cette Eglise le pays de Bourgongne, qu'il auoit domté, & pluſieurs autres terres, ainſi qu'il ſe voit par les chartres & documents de cette Royale maiſon:

L'an de grace 1148. regnant en France Loys le ieune, & lors qu'il eſtoit au voyage de la terre S. à la pourſuite de Sugger, Abbé de S. Denis en

France, & laiss  reg t du royaume, avec quelque Seigneurs, fut reform e ladite Eglise, ostant les Chanoines, il y fut mis des Religieux de S. Victor & le premier qui porta tiltre d'Abb    S. Genevieve fut Odon, ou Eude Religieux de S. Victor, la cause du changement fut par l'insolence & mauvais gouuernement des chanoines, si bien que le Pape Innocent second,  tant venu en France, & se trouuant en vne procession, ou le Roy assistoit, ces chanoines vserent de leurs folies acoustum es, qui fut cause que quelques temps apres furent chass z & mis hors, laissant ceux qui voulurent viure religieux sous la reigle de S. Augustin. Et de ce faire eut charge c t Abb  , tant du Pape Eugene troisi me que du Roy Loys le pitieux.

*Change-
ment des
Chanoines
de sainte
Genevieve*

Au temps de S. Genevieve, les Hongres assiegerent Paris, mais par les prieres d'icelle enuers Dieu, ils se retirerent sans faire domage   la ville, tous fuitifs & espouvent z, comme s'il y eust eu vne gendarmerie qui les poursuit au dos: Cette sainte vierge  st la vraye patronne & garde des Parisiens, qui ont telle confiance en Dieu, par les prieres & merites d'icelle, que de toute tribulation ou necessit , soit de maladie, pour les guerres & heresies, soit pour auoir de l'eau du ciel, ou pour auoir beau temps, soit pour la famine, ou pour faire retirer la Riu re de Seine quand elle  st desbord e: bref pour toutes choses dont on   affaire, ils la prient & font processions publiques,  squelles ils portent sa Chasse par hommes nuds en chemise, en gr de reuer ce, & ne sont iamais frustr z de leurs requestes, ains sont exaucez de

Ordre que
l'on tiét en
proceſſion.

Dieu. A cette proceſſion aſſiſte tout le Clergé de Paris, Meſſieurs de la Court de Parlement, & le corps de la ville: leſquels partants de ladite Eglise, ou ſon corps repoſe, accompagnent la chaſſe ſaincte Geneuiefue iuſques à noſtre Dame, où ſe dit & celebre la grand' Meſſe en toute deuotion, puis eſt reconuoyee en tel ordre iuſques au petit pont, icelle retournée en ſon Eglise eſt remôtee en ſon lieu par les Religieux de leans deuant que manger: leſquels religieux, trois iours parauant ſa deſcente, ieunent & vont pieds nuds en proceſſion. Je n'ay voulu icy oublier l'Epitaphe de vne bonne dame de Sauoye, enterree au cœur de leans.

*Exiguo clauduntur hoc ſaxo inteſtina nobilis diuæ
Agnetis de Sabaudia vxoris quondā illuſtriſſimi Fran
ciſi comitis Dugnensis: molem autem carnis exiuit ſexta
decima Martij, anno incarnati verbi milleſimo quingen
teſimo octauo.*

Eglise S.
Geneuiefue
bruſlee.

Nous auons dit cy deuant que cette Eglise eſtoit fondee au nom de S. Pierre & S. Paul, mais apres que cette glorieuſe dame S. Geneuiefue fut morte & enterree en icelle Eglise, les miracles de cette Dame ſ'eſtant publiez par tout, & elle eſtât eſleuee: & ſes ſacrez oſſemens enchafſez, l'Eglise auſſi changea de nom, fut renommee S. Geneuiefue. Et cecy fut dés le temps que les Merouinges tenoient la couronne des Gaules ſous le regne des Pepins, & environ l'an de grace 890. lors que les Normans coururent & pillerent la Gaule, cette Eglise fut auſſi comprise au ſac de ſes pillars & lors infidelles, mais au parauant les cha-

noines auoient transporté le corps S. de la Vierge hors de sa maison, & par l'espace de cinq ans fit plusieurs miracles. Les anciens registres d'icelle abbaye S. Geneuiefue du mont font mention que d'ancienneté, la chapelle S. Medart S. Geneuiefue, du miracle des ardents en la cité, & encores la chapelle S. Symphorian & de S. Germain le vicil, toutes ces paroisses qui n'estoient pour lors que chappelles, dependoient de ladite Abbaye S. Geneuiefue, lesquelles ont esté donnees à Monseigneur l'Euesque de Paris, ainsi que j'ay veu par les Chartres qui sont en ladite abaye.

Ceste maison à de grâds priuileges, pour n'estre en rien suiette à l'Euesque; quel qu'il soit, ains de *Chambre apostolique* pend immediatement du S. siege Apostolique, si bien que marchant en pōpe publique, l'Euesque de Paris, & l'Abbé S. Geneuiefue, ils vont coste à coste l'un de l'autre, vfans de leurs droicts & prerogatiues: Au reste pour la Iustice Ecclesiastique, de l'abbé & chapitre d'icelle, il y a vne chambre apostolique, à laqu'elle respondent en matiere ecclesiastique, les Princes, Seigneurs, Conseillers & tous officiers de la Couronne, y ayant vn cōseruateur, des sentences duquel les appeaux resfortissent immediatement au S. siege de Rome, sans que diocesain, n'y metropolitain, n'y primat *Iustice temporelle.* y puissent rien pretendre d'autorité.

Quand à la Iustice temporelle, le seigneur Abbé & chapitre de l'abbaye S. Geneuiefue, iouissent de grands droits, tenans vne bonne partie de l'vniuersité sous leur iurisdiction, & ayās iustice haute, moyenne, & basse, droits d'aubene, & espaue,

*Reception
d'un nou-
vel Abbé.*

& autres telles particularitez apropiées aux seigneurs, qui ont droit de plein haubert : pource ont ils leurs prisons, Iuges Greffiers, Procureur fiscal & autres officiers de Iustice, le tout du don & graces des Roys, qui ont voulu singulariser cette maison, comme premiere fondation des Roys. Vn nouuel Abbé venant à estre receu, (car il faut qu'il soit religieux) suiuant l'ancienne institution n'ayant encor (par la grace de Dieu & bonté des Roys) c'este abbaye esté regie par autres que par ceux de l'ordre mesme, le prieur & sous-prieur luy vont au deuant reuestus de chappes, à l'entree de l'eglise iusques au degrez de l'autel, & la le font iurer & promettre, ayant premierement veu ses bulles, icelles acceptees, & luy aussi receu pour Abbé de tenir & faire tenir l'ordre, & reigle S. Augustin, selon que leur religiō, & maison en sont establies sur cette discipline. Ce que promis, le meinent dans le Cœur, au dessus du tombeau du Roy Clouis, est vne chaire parée ou se met ledit Abbé, tandis le prieur fait les prieres & oraisons accoustumees en tel cas, lesquelles finies, les prieur & sous-prieur le conduisent en son siege, ou estant il donne la benediction aux assistans. Et de mesme façon vse l'abbé, lors que la sainteté du grand & souuerain Euesque des Chrestiens vient à Paris, comme autrefois il est aduenu, lequel fit son entree par vne porte qui respond au Iardin de l'Abbé, entre les portes de S. Marceau, & S. Iaques : & celle sainteté promet, & iure de ne rien immuer des priuileges de cette Eglise, n'y des droits octroyez à

*Quand le
Pape fait
son entree
Paris.*

l'Abbé, & religieux seruans a icelle. La reception de l'Euesque y est a remarquer, d'autant que guerres iamaïs vn Euesque, ne vient d'un autre Eglise a celle de Paris, qu'il ne soit tenu se venir presenter a celle de S. Geneuiefue, apres auoir esté sacré, auant que les chanoines de nostre Dame le recoiuent, ausquels faut que le conuent S. Geneuiefue le liure. Or l'euesque venant de S. Victor, se presente a la porte de l'aumosne en l'eglise S. Geneuiefue, on luy vient au deuant, l'abbé & religieux avec la croix, eau beniste, & encens, solennellement reuestus avec les liures des Euan-gilles: lequel Abbé offre a baiser à l'Euesque, luy donne l'asperfoir pour arrouser le peuple d'eau beniste: & ayans chanté quelque prieres, l'Abbé, & prieur chacun à vn costé de l'Euesque le conduisent près le grand autel, & là est vn tapis, & oreillers prests pour l'agenouillement, & accou-doir de l'Euesque: & tandis on fait des prieres sur luy, lesquelles finies, l'Abbé & Prieur le meinent au grand autel, ou l'Euesque fait offrande d'un drap de soye qui soit riche & precieux: apres ce l'Abbé & Prieur, le conduisent au reuestoir, ou l'Euesque fait porter ses habits pontificaux, des-quels ceux cy le reuestent, le meine sur la chaire sur laquelle il doit estre porté: & assis en icelle l'abbé fait encores quelques prieres, lesquelles acheuees, quatre religieux, vestus de chapes, l'en-leuent en sa chaire, & le portét sur leurs espaules, iusques aux degrez de l'aumosnerie, ou ils le liu- rent à ses feodaux, & suiects, & est l'Euesque tenu suiuant la coustume de donner a ses quatre reli-

*Reception
de l'Eues-
que de Pa-
ris, & ce-
remones.*

gieux vne piece d'or à chacun. Les feodaux dudit Euesque, se charge de ce fardeau, & les religieux vont deuant en procession, iusques en la ruë neuue nostre Dame : & la estans deuant l'Eglise S. Geneuiefue des ardents, ils descendent l'Euesque & l'abbé, & prieur, le liurent aux chanoines de nostre Dame, la venus pour le receuoir, ce que fait les religieux s'en retournent.

Aduertissement au Lecteur. Pour continuer nostre Histoire, ie aduertiray le Lecteur, que tous les Roys de France, qui ont tenu leurs siege à Paris, sont les vrais & legitimes Roys: & depuis Clouis, tous ont aymé & respecté le lieu y tenans leurs maisons, thresors, chartres, assemblees & deliberations, conseils, receptions des Princes estanges, entrees, mariages, festes, funeraillies & tous autres actes de Princes: mesmement y faisoient gesiner les roynes, & baptiser les enfans royaux, comme il est apparent par les histoires de Gregoire de tours, & autres croniques.

Fondation de l'Abbaye, S. Germain des prez, autresfois nommee S. Vincent, le Paris: les singularitez qui y sont & autres Histoires. CHAP. IIII.

la sixiesme Roy de France.

LE Roy Childebart, succeda à son pere Clouis, au royaume de France, en l'an du monde 4478. apres la natiuité de Iesus-Christ 516. Il regna 45. La premiere fondation Royale qui fut faicte à Paris, apres celle de l'eglise S. Pierre & S. Paul, à present S. Geneuiefue, est celle de S. Vincent hors les murs: laquelle main-tenât on nomme S. Germain des prez, de laquelle fut fondateur Childebart, Roy de Paris, & de

France, ainsi que portent les lettres de la fondation mises par Aymon moine en son histoire.

EGO. Childebertus rex una consensu & voluntate Francorum & Neustrasiorum, & exhortatione sanctissimi Germani Parrhisiarum urbis pontificis, vel consensu episcoporum: cœpi instruere Templum, in urbe Parrhisiaca prope muros civitatis, in terra quæ aspicit ad fiscum nostrum Isciacensem, in loco qui appellatur Locotitio, in honorem sancti Vincentij martyris: cuius reliquias ex Hispani asportauimus, seu & sanctæ crucis, sancti Ferreoli, & sancti Iuliani, & beatissimi S. Georgij, & sancti Geruasij, Prothasij, Naſarij & Celsi pueri, quorum reliquæ ibi sunt consecratæ: propterea in honorem dominorum sanctorum concedimus nos fiscum largitatis nostræ, qui vocatur Isciacus, qui est in pago parrhisiarum, prope alueum Sequanæ una cum omnibus, quæ ibi aspiciunt, cum mansis & commanentibus, meis agris, territoriis vineis, siluis, seruis, inquilinis, libertis ministeralibus, præter illos quos nos ingenuos esse præcipimus cum omnibus appendentiis suis, quæ ibi aspiciunt, cum omnibus adiacentiis: cum omnibus, quæ nobis deseruiunt, tam in aquis quam insulis: cum molendinis interportam civitatis, & turrin positis: cum insulis, quæ ad fiscum adiacent cum piscatoria, quæ appellatur Veuma: cū piscatoriis omnibus, quæ sunt in ipso aluco Sequanæ, sumunt quæ initium à ponte civitatis, & sortiuntur finem, ubi alueolus sauara veniens præcipitat se in flumen. Has omnes piscationes, quæ sunt & fieri possunt in utraque parte fluminis, sicut nos tenemus, & nostra fore est, tradimus ad ipsum locum, ut habeant ibidem Deo seruientes victum quotidianum per succedentia tempora. Damus autem hanc potestatem ut cuius-

Anno-
nius mona-
chus des ge-
stes des Frâ-
çois liu. 2.
chap. 19.

cūque potestatis littora fuerint, utriusque patris fluminis teneant unā perticam terræ legalem, sicut mos est ad ducendas naues, & reducendas: ad mittenda retia & reducenda absque ulla refragatione vel cōtradictione, seu iudiciaria cōtentione. De argumentis vero per quæ aues possunt capi super aquam, precipimus ut nulla potēs persona inquietare audeat famulos Dei: sed omnia secure teneant, possideant per infinitas temporum successiones: & cum artis, & casis infra Parrhisijs ciuitatem cum terra & vinea, & oratorium in honore sancti Andeoli martyris, quem de Helario & Ceraunio, dato pretio cōparauimus, cum omnibus quacunque in ea nobis deseruiunt, pro requie animæ meæ, quando Deus de hac clarissima luce dederit diceßū. Ipse fiscus qui vocatur Iscia cum omnibus, quæ ibi aspiciunt die ad ipsum Templum domini, quod nos ædificamus deseruiat, & ad omnia quæ illi sunt opus tam ad lumen quàm in dei nomine ad stipendia seruorum dei quos ibi instituimus: seu ad ipsos rectores, qui ipsos regere habent omnino ibi trāsoluant, & per longa annorum spacia ad ipsum templū domini absque contradictione vel refragatione, aut iudiciaria contentione inspecta ipsa præceptione omni tempore proficiat in augmentum. Et ut hæc præceptio cessionis nostræ futuris temporibus firmior habeatur, deo auxiliante, vel per omnia tempora inuiolabiter cōseruetur, manibus propriis vel nostris signaculis infra decreuimus roborare. Datum quod fecit mense Decembri, die sexto, anno quadragesimo octauo, post quam Childericus Rex regnare cœpit.

Ædificata igitur & multis prædiis & ornāmētis ditata ecclesia, abbatem inibi cōstituit Autharium nomine, magna nobilitatis virū, qui præesset ibi deo famulantibus.

Or l'occasion

Or l'occasion de la fondation fut r'elle, selon qu'il est escrit és patentes, & es chartes qui sont au thresor de ladite Abbaye : Childebert fils du grand Roy Clouis, estant allé en Espaigne contre les Gots, prit la Cité de Toledé, rapportant de ce pillage de grands thresors & ioyaux, entre lesquels y auoit plusieurs vases, propres au seruice de l'Eglise, qu'aucuns estimoient, ne sçay si vrayement, auoir seruy autresfois au Temple de Salomon: il y auoit donc lx. Calices tresriches, & xv. Platines à couvrir des Calices, vingtz coffrets à couvrir les Euágilles, & vne croix tresriche d'or massif, laquelle est encores à sainct Germain. Et bien que tout ce que dessus fut d'or massif, & enrichy de magnifique pierreries, le tout elabouré subtilement, si est-ce que le Roy ne print rien pour en faire son propre, ains plustost le dedia & distribua aux pauvres, & aux Eglises, en diuers lieux & endroits de son Royaume. De rechef ce Roy fit le voyage d'Espaigne, & vint assieger la cité de Cesar Auguste, ores dicte Sarragosse, pour duquel siege les habitans desireux de se deliurer, furent contrains y consentant l'Euesque dudit lieu, donner au Roy susnommé la Tunique diaconale du martir S. Vincent, & le Roy de retour en France, sollicité par S. Germain, lors Euesque de Paris, donna celle Tunique à vne Eglise qu'il fonda en l'honneur de ce S. Diacre, & martir Vincent, en l'an de nostre salut cinq cens quarente deux y donnant encor' la croix d'or susdicte, & de grands biens & reuenus pour la nourriture des moynes, d'autant que dés sa premiere fonda-

tion, ce lieu fut erigé en Abbaye. En laquelle ce
mesme Roy à esté enterré par S. Germain, mesme
derriere le grád Autel du costé de midy, non trop
magnifiquement, selon la simplicité, ou plus tost
grosserie du temps d'alors, ayant sur le corps vn
tombeau esleué haut de deux pieds, & par dessus
est faicte l'effigie d'un Roy avec cette inscriptiõ.

*(Childebert Roy des François, second,
chrestien, fondateur de ce monastere, fils
de Clovis premier Roy chrestien, eut le prin
cipal siege de son royaume à Paris.*

L'Epitaphe en Latin est tel.

*Francorum rector, præclarus in agmine ductor,
Cuius & Alobroges metuebant solvere leges,
Dacus, & Aluernus, Britonum rex Gotthus, Iberus,
Hic situs est, dictus rex Childebertus honestus.
condidit hanc aulam Vincenti nomine claram:
Vir pietate cluens, probitatis munere pollens:
Amplectens humiles, prosternens mente rebelles:
Templa dei ditans, gaudebat dona repensans,
Millia mendicis solidorum dans, & egenis:
Gazarum cumulos satagebat condere cælo.*

Ce latin se ressent du vieux temps, mais il louë
ce Roy de chose ou il ne donna iamais atteinte,
neantmoins faut excuser la simplicité du siecle.
Ce Roy mourut d'une fieure qui le faisit en. l'an
de grace D. L I X. Et fut enterré par ledit S. Ger
main en l'Eglise S. Vincent laquelle depuis Clo
thaire, fit consacrer au mesme Euesque.

Au dessus est vne petite sepulture toute plaine,
de semblable hauteur, & cōtre le pilier est escript.

Cy gist Vultrogote Royne de France.

En cette Eglise est aussi enterré Chilperic fils de
de Clotaire premier du nom, ayant son tombeau
esleué, dedans le cœur de l'Eglise du costé de Sep-
tentrion, ayant le Sceptre Royal en vne main, &
de l'autre tenant sa gorge, comme tesmoignant
la trahison de la paillarde Fredegonde, sa femme
qui le fit occire par son adultere, ainsi qu'il est cō-
tenu aux annalles. Al'entour de son Tombeau
est escript ce qui ensuit, en mesme forme.

*Chilperic
4. Roy de
France, en-
terré à S.
vincent.*

CHILPERICVS

LAPIDE.

HOCC

T E G I T V R .

Puis y a vne autre Epitaphe, du mesme disant
Chilperic quatriesme Roy des François,
fils de Clotaire premier, & nepueu de Chil-
debert fondateur de ce mesme monastere,
& pere de Clotaire second de ce nom, en-

*Epitaphe
de Chilpe-
ric*

sepulture' à l'opposite de ce lieu, lequel il engendra de Fredegonde, & regna vingt-deux ans, decedant par homicide.

Au dessus vers le maistre autel, est vne tombe de telle hauteur, plus estroite vers les pieds qu'au chef, sur laquelle est taillee, par art de marqueterie de diuerses couleurs, l'effigie d'une Royne vestue à l'antique.

Plus haut vne autre effigie d'une Royne, à plate peinture, aux pieds de laquelle est escrit.

Cy gist Fredegonde Royne de France, femme de Chilperich.

Encores y est inhumé le Roy Clotaire, à l'entree du cœur du costé de midy avec telle inscription.

*Epitaphe
de Clotaire
2. du nom.*

Cy gist Clotaire, second de ce nom, Roy de France, fils de Chilperic, enterre' à l'opposite de ce lieu & pere de Dagobert, fondateur de l'Abbaye S. Denis.

Au dessus est vne autre tombe de pareille hauteur, & au dessus l'effigie d'une Royne, en plate peinture, avec tel escrit.

Cy gist Bertrude Royne de France, fem-

me de Clotaire deuxiesme, mere du Roy Dagobert, fondateur de l'abbaye s. Denis.

Childeric, second de ce nom y est enterré avec son espouse, mais leurs tombeaux ne sont point esleuez.

Tous ces Roys ont fait des fondations en cette Eglise, & l'ont douee de grands reuenus, comme aussi Dagobert y donna quelques terres, & y auoit esleu sa sepulture, mais ce fut auant que bastir le Moslee: & tombeau Royal qui est en l'Eglise S Denis, duquel sera parlé cy apres.

Après la mort de S. Germain, qui fut enterré en la chapelle de S. Simphorian, qui est à l'entree de l'Eglise S. Vincent, comme son corps fut transporté dedans le cœur, par la volonté du Roy Pepin le Bref, fils de Charles Martel, ayant avec luy Charlemagne son fils, l'Eglise fut aussi dediee à ce saint Euesque & depuis, & elle, aussi tout le fauxbourg porte le nom de S. Germain. A laquelle le susdit Roy Pepin donna le village de Palaiseau avec ses dependances, ainsi que l'ay retiré d'une pierre qui est derriere le grand autel, au bas d'iceluy: de lettres doubles, ainsi comme est la presente figure.

Hic pausante sancto Germano, die translationis dedit ei Rex Pipinus fiscum Palaetoli, cum appenditiis suis omnibus.

V S P M B⁹ . H C P A V S A N
 E S T G E M M I D E R N S L A
 N S E D T E R E X R R N⁹
 F S E P A L T I D E L V A P P E N D I T I S

C'est à dire. S, Germain reposant icy, le iour de la Translation, le Roy Pepin luy donna le fief de Palaifeau, avec toutes ses dependances.

Auons encor tiré des vieux registres de l'Abbaye, les parolles desquelles vfa ce Roy, faisant cette donation, lesquelles sont telles.

Accipe Domine Germane villam nostram Palatioli cum appenditiis omnibus, tibi ac tuis hactenus inimicam, tibi deinceps ac seru
is Dei profuturam.

*Donation
de Palai-
seau.*

C'est à dire reçois monsieur Sainct Germain, nostre village de Palaifeau, avec toutes ses dependances, qui a par cy deuant esté ton ennemy, & des tiens, & qui desormais redonnera au profit & seruice tien, & des seruiteurs de Dieu.

De cette donation ne iouyrent trop long temps les Religieux, à cause qu'il y eust des grands qui leur conuoitans cette place, leur osterent. Loys, fils de Charles le grand, dit le debonnaire, enrichit grandement cette Abbaye, comme aussi fit Charles le chauue, son fils, lequel approuua, confirma & ratifia les priuileges dōnez par les Roys ses predecesseurs à cette Abbaye, voulant qu'il y eust six vingts religieux nourris, & establisants de grands rentes, & reuenus pour pouruoir & subuenir à leurs necessitez, ainsi qu'il est couché és panchartes & instructions du thresor qui est en cette abbaye.

Cette Eglise fut sacree & dediee en l'ande nostre salut 1163. es calendes de May, apres sa nou-

*De la dedi-
cace de l'e-
glise s. Ger-
main des
prez.*

uelle reparation, regnant en France Loys le ieune & seant à Rome Alexandre troisiéme, lequel s'en estoit fuy en France, persecuté par l'empereur des Allemaignes. Et ce fut en cette dedicace que fut autorisée l'exemption des Abbe & religieux de S. Germain, lesquelles despendét sans nul moyen du S. siege Apostolique, sans qu'ils soient en rien subiects à l'Euesque de Paris. En laquelle dedicace ne se trouua Maurice, lors Euesque de Paris, par deffence du Pape, à la requeste des moynes de leans, ainsi que porte l'acte de ladicte dedicace, es- crit en vn tableau dás le cœur de l'Abbaye susnō- mee. L'abbé est Seigneur du faux-bourg, qui est le plus beau qui soit és entours de Paris, & iouyt de Peages, subsides & autres droicts qui se leuent à la foire qui se tient és halles de S. Germain, tous les ans, au moys de Feurier, commēçant le lende- main dela Chandeleur, & dure viij. iours conse- cutifs: Au reste l'eglise S. Vincent, ores s. Germain est honnoree de plusieurs sacrees Reliques qui y reposent, & premierement le corps de s. Germain Euesque de Paris, sixième Abbé de cette Abbaye; le corps de s. George, Aurelle & Natal, & de S. Leuffroy, celuy de s. Amand, Euesque de Tours, les corps encor' de s. Thurian, s. Droctouee, abbé & disciple de s. Germain, le corps de s. Venant, Abbé à Tours, duquel fait mention Gregoire de Tours, en son liure de la gloire des confesseurs.

Il y a encores plusieurs autres reliques, comme la Tunique susdicte de s. Vincent, aussi quelque cas de s. Marguerite: quant à l'edifice abbatial, il ressent son antiquité, & tient on, que iadis fut vn

Temple dedié à la Deesse Isis, qu'on racompte auoir esté femme du grand Osiris, ou Iupiter le Iuste, la statue de laqu'elle a esté veüe de nostre temps, Elle estoit maigre, haute droite, & noire pour son antiquité, nuë sinon auec quelque figure de linge enlassé entour ses membres, estoit située contre la muraille du costé septentrional au droit ou est le Crucifix de l'Eglise: Elle fut abbattue par le conseil & aduis de feu M. Guillaume Briçonnet Euesque de Meaux, & Abbé de s. Germain des prez, lan 1514. & y fit mettre au lieu vne

*De l'idole
s. Germain
& de l'abbaye
reba-
stie.*

Croix rouge, qu'on voit encores au iourd'huy. Cette Abbayé a esté rebastie du temps d'un bon Abbé nommé Morand, homme de sainte vie. D'autant que par trois fois les Normands, infidèles, en auoient bruslé la plus grand partie. Et pour acheuer le contenu en cette Eglise, la plus part des Roys anciens sont peints és pilliers d'icelle, auec vn petit memorial de leurs faicts. Il y a vne chapelle dediee a sainte Marguerite, à l'entree de laquelle est escript.

*Blanche d'Espagne Royne de France,
fonda cét autel au nom de S. Nicaise, &
Saint Eloy.*

Gregoire de Tours en son histoire dit, qu'au temps du Roy Childebart dessus nommé, la ville de Paris fut entierement bruslée, reste les Eglises, & les maisons d'entour, l'inconuenient prouint par la negligence d'un bourgeois qui mit le feu en l'hostel de ville, sur le point du iour. Cét hostel dit-il estoit la premiere maison contre la porte,

*Gregoire
de Tours en
son lin. 8
chap. 33*

qui a son issue du costé de midy, & la nomme *Domus negociantium*, Maison des Marchans, ou de la marchandise d'auantage qu'il y auoit prisons, & que par la force du vent le feu sauta de maison à autre, iusques à l'autre porte de la ville, ou estoit l'oratoire & chapelle s. Martin, dedice en son nom, pource qu'en cette place s. Martin, par vn baifer, y auoit guarý vn ladre.

Des Roys qui ont regné en France iusques à Dagobert, le premier fondateur de l'Abbaye S. Denis en France, ensemble les noms & Epitaphes des Roys, Roynes, & autres nobles qui y gisent: du thresor de leans, & des saintes Reliques, outre les Antiquitez & singularitez qui y sont.

C H A P. V.

Le 7. Roy de France.

E Roy Childebert, estant mort sans enfans, le royaume escheut à Clotaire, premier du nom, & vii. Roy des François, frere dudit Childebert, en l'an du monde 4522. Apres la natiuité de Iesus Christ 560. Il regna cinq ans.

Le 8. Roy de France.

Cherebert, autrement dit Aribert, viij. Roy de France, succeda à son pere Clotaire, au royaume de France, l'an du monde 4527. apres la natiuité de Iesus Christ 565. regna neuf ans.

Le 9. Roy de France.

Chilperic neuuiesme Roy de France, apres son frere Cherebert, en l'an du monde 4536. apres la natiuité 574. Il regna 14. ans, au commencement il ne tenoit pas tout le royaume, aussi il n'estoit le plus fort.

Le 10 Roy de France.

Clotaire deuxiesme du nom x. Roy de France.

ce, succeda à son pere Chilperic, en l'an du monde 4549. apres la natiuité de Iesus Christ 587. Il regna 44. ans. Ce Roy passa en Angleterre pour deffendre son fils Dagobert, il desconfit les Anglois, & n'y laissa homme viuant plus long que son espee, laquelle il laissa au lieu en signe de recognoissance.

Dagobert xi. Roy des François, succeda a son pere Clotaire, l'an du monde 4593. de Iesus Christ 651. *Le II. Roy fondateur de S. Denis* Et regna xiiij. ans. Auquel temps il fit bastir l'Eglise s. Denis, de laquelle ie vous descriray la fondation.

Dagobert en son ieune aage, estant au deduiet de la chasse a l'entour de Paris, se mist en queste apres vn Cerf, lequel poursuiuy a force de chiens, se sauua au village de Catulle, & entra dedans la chapelle s. Denis, auiourd'huy dit de l'Estree, & tout chaut qu'il estoit, s'alla reposer & rafraichir sur la tombe des corps saincts. Les chiens poursuiuans, ne sceurent autre chose faire que iapper & abboyer apres, n'ayans la puissance d'en approcher, que de bien loing, quelque force qu'on leur fit, parquoy faillit le deduit de la venerie.

Aduint que Dagobert, pour auoir fait iniure a son maistre, fut en l'indignation de son pere, pour la fureur duquel euter, se recordant de la sauuegarde que le Cerf auoit eue se retira en cette chapelle, ou il s'endormit. Durant son repos S. Denys, s. Rustic, & s. Eleuthere, s'apparurent a luy promettās que s'il vouloit (quand il seroit en son regne) leuer leurs corps de la ou ils estoÿēt, pour les mettre plus honnestement, qu'ils le deliure-

*Dagobert
estant à l'indignation
de son pere.*

royent de l'ire de son pere. Le ieune Prince, ayant fait la promesse, se reueilla & venant les seruiteurs de son pere par deux fois, pour le prendre faillirent, & n'en sceurent approcher, que de demye lieue. Le Roy en ce courroux, y vint luy mesme, & tout ainsi luy aduint qu'a ses seruiteurs: Parquoy, considerant que cela se faisoit par vertu diuine, pardonna a son filz, se reconcilia a luy.

*Le temps
que les S.
corps furent
esleuez.*

En l'an 632. apres que Dagobert eut le regne de France ayant memoire de sa promesse, fit leuer la tombe, & chercher les saincts corps, qu'on trouua avec leurs noms & le temps, comment & par qui ils auoyent la esté mis, & reposé l'espace de cinq cens trentesix ans, des le temps que regnoit l'Empereur Domitian. Et en grande reuerance & assemblée de processions, prieres, oraisons, & ieunes, le sixième iour des calendes de May, les fit leuer du lieu ou ils estoient, & fist faire par s. Eloy, qui lors viuoit, & estoit orfeure, de belles & riches chasses, routes couuertes d'or fin, & enrichies de pierres precieuses, & fit bastir l'Eglise & abbaye de fonds en comble, y fit transporter les corps saincts.

*Second bastiment de
l'Eglise S.
Denys.*

Au reste auant que parler plus amplement de cette superbe structure de l'Eglise principale & Royale, & comme à present elle se comporte, ie vous dis, que celle qui ce voit maintenant, n'est la mesme qui fut fondee par Dagobert, quoy que soit en vne mesme place, d'autât que l'autre estoit beaucoup plus petite que cette cy, bien que fut magnifique au possible, & si riche qu'on peut estimer, puis que Dagobert la couurit d'argent a l'endroit où reposét les corps saints, & que pour

l'enrichir seule il apauurit presque toutes les autres Eglises de Frâce. Celle fut rebastie du temps de Louys le ieune par l'Abbé Suggest enuirō l'an mil cent quarente & vn, c'est Abbé estant nommé Regent en France, par le Roy Loys, allant faire le voyage de la terre sainte, & la parfeit ce bō prelat en trois ans, trois mois, ce que aucuns reuoque en doute comme chose impossible, ainsi que luy mesme tesmoigne en cette sorte. Lequel excellent edifice combien il à esté aidé & secouru par la main diuine, coustumiere de maintenir, telles entreprises, il se voit parce qu'en trois ans trois moys, il fut accompli: icelui encor' eut son accomplissement au mesme espace, & de la vou-
te & caue souterraine, & des voutes d'enhaut & du toict & couuerture, quoy que le Bastiment soit diuersifié par vn grand nombre d'arcs, & de belles colonnes. Puis adioustant en quel temps il fut consacré, il allegue ces vers, qui sont aussi de sa composition, car il estoit vn fort sçauant homme, pour lors.

*Suggest ab
bé, en son
Histoire.*

Annus millenus, centenus, et quadragenus

Quartus erat Verbi, quando sacrata fuit.

Pars noua posterior dum iungitur anteriori,

Aula micat medio clarificata suo.

Claret enim clavis quod claré concopulatur,

Et quod perfundit lux noua claret opus.

Nobile quod constat auctum sub tempore nostro,

Qui Suggestus eram, me duce dum fieret.

Ainsi prenant esgard a la date du commencement de l'edifice, & à celle de la dedicace, on cōprend qu'on ne fut point plus haut de trois ans à

la parfaire, par ainsi il faut que ce seigneur Abbé, fut riche, & puissant, & qu'il hastat bien fort la besongne, car autrement il seroit impossible que en si peu de temps on eut mis à fin vne piece si excellēte, & de laquelle on ne voit rien deffaillir.

*Reliques
Et/ corps
Saints es-
tans à l'e-
glise S. De-
nys.*

Or puis que nous parlons des corps saincts y estans, i'en deduiray quelques vns, selon que l'on m'en a donné le memoire. En premier lieu y repose les dignes, & precieux ossements de l'Apostre de Gaule Sainct Denis, & de ses deux freres au ministratione Euangelique, Eleuthere, & Rustique en la souuenance & honneur duquel est fondee l'Eglise, y est aussi le corps du bon Euesque de Corinthe, nommé aussi S. Denys, duquel l'histoire ecclesiastique fait mentiō en diuers lieux, & repose cestuy sur l'autel de la Trinité, qui est au cœur, & les trois susdits sont au chef de l'Eglise, que i'ay dit cy dessus. Au milieu des deux S. Denys, est le corps du Roy Loys neufiesme sanctifié pour ses vertus, & merites, & reposent tous les susdits sus le grād autel. Au costé Septentrional d'icelle Eglise, commençant des la nef, y à plusieurs corps saints, en premier lieu celuy de S. Hipolite, & autres qui avec luy souffrirent martire, au nom duquel y à vne chapelle fondee en la dite nef de l'Eglise, & montant les degrez de ce mesme costé, est S. Eustache avec ceux qui furent martyrisez en sa compagnie, ayant sa chapelle, comme aussi à S. Firmin, & S. Osmonde, & trois des corps des onze mille vierges, le tout en vne chapelle, & en mesme chaise avec Osmonde, y est encor' S. Maurice, avec le corps d'un des In-

nocents massaczés iadis par le commandement d'herodes, apres y sont S. Peregrain, & le grand pasteur des Poiteuins, & fleau des heretiques S. Hilaire, que l'on disoit auoir esté bruslé apoitiers par la furie & rage des huguenots, ainsi que l'on m'auoit donné a entendre, & repose ce sçauant prelat en vne mesme chasle & chapelle avec S. Patrocle iadis martyrisé pour la foy de nostre seigneur à Troyes en champaigne. Apres au haut de l'Eglise, vers l'Orient est S. Cucuphus, & y estoit aussi S. Eugene, lequel de nostre temps, & en l'an 1565. fut donné au Roy Philippes des Espagnes, qui en fit grande & instante requeste à cause que S. homme fut le premier qui porta la foy Euangelique, & prescha Iesus Christ, en la Cité de Toledé en Espagne, y estant enuoyé par S. Denys, ainsi qu'en fait foy son histoire, & en la place duquel on a mis le corps du S. Innocent, duquel a esté fait mention cy dessus : & pour recognoissance duquel present le Roy Philippe, à donné, & fait offrande au grand Apostre Gaulois, vne lampe d'argent très riche, & grande, cōme signifiant que par son moyen les Castillans auoyent eu la lumiere Euangelique, annoncée par S. Eugene, & par ses religieux recouuert le corps de celuy, duquel iadis ils receurēt la parole, & saintes predications. Puis y est S. Hilax iadis Euesque d'ailleur que de Cauaillon en Prouence, veu que le nom y approche, & que iadis ceux de cette contree se nōmoient en latin *Gabelli*, & qu'indifferemment on dit Gabalitane, & Gaualitane, & outre ce S. Hilax, est S. Romain,

tous lesquels, & chacun a part soy en sa chapelle, sauf ceux qui sont mis ensemble en vne mesme chaffe. A main droite des corps de saint Denys, & ses cōpagnons on voit vn des Cloux, avec lequel nostre Seigneur fut attaché a la Croix, le bras s. Symeon qui receut Iesus christ, au temple le iour de la purification de la vierge Marie. Au dessus de la chaffe s. Loys Roy de France, est le Crucifix d'or, qui est vne piece belle & riche a merueilles, & au dessous dudit Crucifix on voit vn caueau, ou Dangobert fit mettre les corps des saincts Martyrs, iusqu'a ce que l'Abbé Suggest les mit où ils sont a present, & en vn coing de ce caueau est celle Licorne, qu'on estime la plus belle piece qui se voye guere en l'Europe, comme celle qui a six pieds & demy de longueur. Je ne m'arrestera y a deschiffrer le thresor de leans, n'estant presque impossible, veu le grand nombre des pieces qui y sont, ioint que ie ne trouue bon ces inuentaires. Tant y a qu'au tresor de s. Denys on garde les ornemens Royaux, la couronne, le sceptre & la main de Iustice, lesquels, on porte à Rheims, au sacre des Roys, la Librairie d'icelle Abbaye estoit vne des plus belle de nostre temps laqu'elle à esté pillée & du tout gastée par les huguenots en ces guerres dernieres.

*Longueur
& largeur
de l'Eglise
S. Denys.*

L'Eglise s. Denys en France, contient en longueur trois cens quatre vingtz dix piedz, & cent de large, & de hauteur quatre vingts, iusques à la voute, sans comprendre le couuert, & ayant sur le deuant deux hautes tours carrees, descouurans tout le pays, esquelles sont souleuees les cloches

cloches de pur metal. Les portes sont de cuiure doré. Quand on est entré dedans, on voit la beauté de ce Temple : auquel est le cœur en haut, ou les religieux chantent le seruice diuin. Au dessus sont trois autels: l'autel matutinal, l'autel de la Messe, dit le grand autel: & l'autel de derriere, ou sont les capſes des trois corps ſaincts. La table du grand autel, est toute d'or luyſante de la varieté des pierres precieusēs, sur laqu'elle Dagobert, fit faire a S. Eloy, de si grand artifice, qu'il n'y à maintenant orfeure, n'y lapidaire, qui ne l'ait en grande admiratiō. Au dextre costé se presente le ſepulcre du Roy Dagobert sur lequel est son effigie esleuee en pierre. De la faut monter aucuns degrez, pour venir à la derniere partie du Temple, ou se presente enueue le tiers autel d'or. La sont les s. corps a l'endroit desquels sur la couuerture du temple, Dagobert fit couvrir la rotōdité de fin argent comme auons dit: Tout le derriere du cœur est decoré par les chapelles des capſes d'or & d'argent, ou reposent les corps des ſaincts dessus nommez, est aussi enrichie d'images, de lampes, chandeliers & autres ornemens de mesme estoſſe: y a aussi derriere celuy cœur, vne cuue de pierre rouge (Iaspe ou Porphire) qu'on dit estre la cuue ou le Roy Dagobert se bai gnoit: Du moins elle tient vn muy d'eau, il la fit amener de Poitiers: maintenant elle sert à faire l'eau beniste les vigilles de Pasques, & de Pen thecouste: mais tout ce que i'ay recité est vulgaire, à ceux qui y vont, & n'est rien au pris des autres Saintes reliques, enfermez au tresor de leās.

De la Dedicace, de l'Eglise saint Denys, faite par nostre Seigneur Iesus Christ.

Quant l'Eglise fut paracheuee, & qu'on auoit tout preparé, pour la dedier & consacrer: & que la estoit venu vn grád multitude de peuple, pour voir le mistere de la dedication, qui le lendemain se deuoit faire par l'Euesque de Paris, & autres Prelats: Il aduint qu'un pauvre Ladre malade & deffait de sa face, auoit singuliere deuotion de voir le mistere de la dedicace, sachant que le lendemain quant il seroit iour, on ne le laisseroit point entrer avec les autres, pour sa maladie, des le soir precedent se mussa derriere vne des portes d'icelle Eglise, & fut enfermédedans: & en icelle nuit ledit ladre, *Propriis oculis*. Veid venir nostre Seigneur Iesus Christ, tout habillé de blancs vestemens accompagné de ses Apostres, & de grande multitude de martyrs, d'AnGES & Arcanges, & luy mesmes consacra & dedia ladicte Eglise, & contre les parois d'icelle il imprima le signe euident de ladicte dedication. Et nostre Seigneur dict au ladre qu'il rapportast & denonçast le lendemain ce qu'il auoit veu, qu'il dict aux Prelats, qui n'estoit plus besoing de la consacrer. Et afin que l'on ne fit doute de ce qui diroit, nostre Seigneur luy passa sa main dessus le visage, & le guarist, luy ostant vne Raphe de la maladie de lepre, & la face luy demeura belle clere & nette. Quant à l'Eglise, elle n'est pas bastie au lieu mesme ou sainte Geneuiefue fonda la chapelle en laquelle se sauua Dagobert, ains à vn iect d'arc loing d'i-

*Vn ladre
fut guarý
de sa lepre.*

celle. En ceste abbaye sont les sepulcres de la plus grande partie des Roys de France, sur lesquels sont esleuees leurs effigies de pierre de marbre, Cuyure, Albatre, estoiffées d'or, & autres metaux, avec leurs Epitaphes, desquels aucuns sont si vieux, qu'on n'en peut auoir entiere cognoissance. Toutesfois avec le grand labeur que nous y auõs pris, nous les representons de mot à mot, ainsi qu'ils sont escripts sur les tombeaux.

Les noms & Epitaphes des Roys, Roynes, Princes, Princesses, & grands Seigneurs, escripts sur leurs Tombeaux en l'Abbaye S. Denis en France.

Ceux qui sont dedans le Cœur, vers la partie de midy, en effigies de pierre,

Le Roy Dagobert fondateur de leans, est à costé du maistre autel en effigie, avec quelques Images, representans certaines visions de son estat, apres sa mort, sans escriture. Ceux qui s'ensuiuent ont leurs noms ainsi escripts aux chapiteaux de leurs effigies.

*Le Roy
Dagobert.*

*Ludovicus, Rex filius Dagoberti,
karollus Martellus Rex.*

Pepinus Rex pater karoli Magni.

Berta Regina uxor Pipini Rex.

kallomanus Rex filius Ludouici balbi.

Ludovicus Rex filius Ludouici balbi.

De ceste mesme partie, en descendant vers l'autel matutinal, sont trois effigies d'Albâtre sur

tombeaux de marbre noir, sans escriture n'y Epitaphe, sinon vne, les effigees sont du Roy Philippes, fils de S. Loys, & d'Isabel d'Arragon son espouse, l'Epitaphe de laquelle ne se peut lire, estât enclos du tombeau d'iceluy Roy Philippes: & la tierce effigie est du Roy Philippes le bel leur fils.

Ceux qui sont dedans le cœur vers Septentrion, en tombeaux & effigie de pierre, ont leurs noms ainsi escripts sur les chapiteaux.

kallomanus Rex filius Pipini.

Hirmintrudis Reg. vxor karoli Magni.

Constantia Regina ij. venit de Hispania.

Odo Rex.

Hugo Capet Rex.

Robertus Rex.

Constantia Rex. Vxor Roberti.

Henricus Rex filius Roberti.

Ludouicus Grossus Rex.

Philippus Rex filius Ludouici Grossi.

Ce Philippe est celuy qui tomba & mourut à l'occasion d'un porceau qui se mit entre les iambes de son cheual.

A costé du maistre autel vers Septentrion, sont six effigees d'albastre sur tombeaux de marbre noir. Le premier du costé de la muraille est Philippe le long avec son Epitaphe, & les autres suyuant comme s'ensuit.

*Cy gist Philippes le long Roy de France
 & de Nauerre, fils de Philippes le Bel, qui trespassa l'an mil trois cēs xx. le troisiē-
 me iour de Ianuier, & le cœur de la Royne
 Ieanne sa compagne fille de noble Prince,
 le Comte Hugues de Bourgogne, laquel-
 le trespassa l'an mil trois cens vingtneuf.*

*Epitaphe
 de Philip-
 pe le long.*

*Icy gisent le Roy Charles, iadis Roy de
 Frāce, & de Nauerre, fils du roy Philip-
 pes le Bel, & Ieanne sa compagne, fille de
 noble Prince Monsieur Loys de France,
 iadis Comte d'Eureux. Le reste est rompu.*

*Epitaphe
 du Roy
 charles fils
 de Philip-
 pes le bel.*

En vne lame de cuiure affixee contre la murail-
 le opposite des sepultures, est escript c'est Epita-
 phe plus au long.

*Cy gist le Roy Charles, roy de France,
 & de Nauerre, fils du roy Philippes le bel,
 qui trespassa l'an mil trois cens vingt sept,
 la veille de la chandeleur: & Madame
 la Royne Ieanne sa compagne, fille de no-
 ble Prince, Monsieur Loys de France, ia-
 dis Comte d'Eureux: laquelle Royne don-
 na ceans cette chasse, ou il y a de la vraye*

Croix, & une Espine de la sainte Couronne, & du s. Sepulcre de nostre Seigneur.

Cy gist de bonne memoire tres-excellente, & tres-haute, & trespuissante dame M. Ieanne, iadis royne de France & de Nauerre, Contesse de Bourgongne, & d'artois, le reste est rompu.

Les deux autres effigie ioignante à la dessusdite sont des Roys Philippes de valois & Iean son fils, sans Epitaphes.

*De Loys
hutin Roy
de france.*

Presque à costé de l'autel matutinal, en la porte septentrionale, est le tombeau & effigie en marbre & albastre, du Roy Loys Hutin, premier fils du roy Philippes le bel, & pres de luy son fils Iean en maillot, sans Epitaphes.

Tout aupres est le tombeau de sa fille, avec tel Epitaphe.

Cy gist Ieanne, par la grace de Dieu royne de Nauerre, Contesse d'Eureux, fille de Loys roy de France, aisné fils du roy Philippes le bel, mere de Madame la royne blanche royne de France: & trespassa à Conflans lez Paris, l'an mil trois cens xlix. le sixiesme iour d'Octobre.

Vn peu au dessus en la mesme partie est l'effigie du Roy Charles huiſtième esleuee, apres le naturel sur son sepulcre le tout de bronze bien doré en forme d'un homme priant à genoux sur son oratoire: aupres est escrit, en cuyure doré.

*Hic octauæ iaces Francorum Carole regnum.
Cui victa est forti Britonis ora manu.
Parthenope illustrem tribuit captiua triumphum.
Clarâ que Fornoio pugna peracta solo.
Cœpit & Henricus regno depulsus auito
Bellare auspicijs septra Britannia tuis
O plures longinqua dies si fata dedissent
Te nullus toto maior in orbe foret.*

Vixit annos 28. obiit anno à natali Domini 1498.

Aprilis. 7. Opus pagani in Mutinensis.

Au milieu du cœur ou les moines chantent, est le tombeau & effigie en cuiure, du Roy Charles le chauue, iadis Empe-
Charles le
chauue iadis Empe-
reur.

*Imperio Karolus Caluus regnoque potitus
Gallorum, iacet hac sub breuitate situs.
Plurima cum villis cum clino cumque corona
Ecclesie viuis huic dedit ille bona.
Multis ablati nobis fuit hic reparator,
Sequanij fluij Ruolique dator*

Derriere le premier autel, à l'entree du cœur, appellé l'autel matutinal ont esté inhumez trois Roys, les sepultures desquels estoient iadis d'argent & maintenant est le lieu vuide. Les noms des Roys sont, Philippes le conquerant, dit Auguste qui gisoit au milieu. Loys huiſtième, dict de Montpensier, pere de S. Loys, à partie sene-

stre, & S. Loys à partie dextre, lequel depuis à esté canonisé. Le corps en partie est leans, & partie en l'Eglise nostre dame de paris, en capses d'or & d'argent: & le chef en la saincte chapelle.

Es places dessus dictes sont longues pierres de taille plates. Les Anglois ont emporté l'argét du temps qu'ils ont iouy de la ville S. Denys.

Deuant le maistre autel est vne tombe platte en cuiure, de l'espouse de S. Loys, à l'entour de la qu'elle est escrit.

Icy gist la noble Royne de France, Marguerite, qui fut femme de monsieur S. Loys iadis Roy de France, qui trespassa le mercredi deuant Noel, l'an de l'incarnation de nostre seigneur, mil deux cens quatre vingtz quinze.

Dans le cœur d'icelle abbaye, par le recit des religieux conferé avec les histoires & Annalles de France, outre les dessus nommez y gisent, & sont inhumez les corps de Clotaire troisiéme du nom, Roy de France, Theodoric deuxiesme du nom Roy de France. Lotaire penultisme Roy, de la lignee de Charlemaigne. Alphons comte de Poitiers, frere de S. Loys. Ceux là n'ont effigiees ny Epitaphes. Voyla quant à ceux qui gisent dedans le cœur.

Les Tombeaux & Epitaphes des Princes, Princesses, & seigneurs inhumez és chapelles de ladite abaye vers midy: Et premierement en la chapelle du Roy Charles le quint, sur tombeaux de

marbre noir & effigies d'albastre: & est à noter qu'en icelle chapelle y a iour & nuict continuellement vne lampe ardente.

Icy gist le Roy Charles le quint, sage & eloquent, filz du roy Iean, qui regna xvi. ans, cinq moys, & sept iours, & trespassa l'an de grace, mil trois cens quatre vingtz, le seizième iour de Septembre.

*Epitaphé
de Charles
le quint.*

Icy gist madame la Royne, Ieanne de Bourbon, espouse du roy Charles le quint, & fille de tres-noble Prince monsieur Pierre de Bourbon, laquelle regna avec son dit espoux treize ans & dix moys, & trespassa, l'an mil trois cens septante sept, le sixième iour de Feurier.

*De Ieanne
de Bourbo*

Icy gist le Roy Charles sixième, tres-aimé, large & debonnaire, fils du roy Charles le Quint, qui regna quarante deux ans, un mois & six iours: & trespassa le xxj. iour d'Octobre, l'an mil quatre cens xxij. Priez Dieu qu'en Paradis soit son ame.

Icy gist la royne Isabel de France espouse du roy Charles sixième, & fille de tresp-

puissant prince *Estienne duc de Baviere*,
 & conte *Palatin du rhin*, laquelle regna
 avec sondit espoux, & trespassa l'an mil
 quatre cens xxxv. le dernier iour de Sep-
 tembre. Priez dieu pour elle.

Icy gist le roy *Charles septième tresglo-
 rieux victorieux*, & bien seruy, fils du roy
Charles sixième qui regna xxxix. ans, neuf
 mois & un iour? & trespassa le iour de la
Magdeleine, xxij. iour de Iuillet, l'an mil
 quatre cens soixante & un, priez dieu
 pour luy.

Icy gist la royne *Marie*, fille du roy de
Scicille, Duc d'*Anjou*, espouse du roy *Char-
 les vij.* qui regna avec sondit espoux & tref-
 passa le penultime iour de *Nouembre*, l'an
 mil quatre cens soixante trois, priez dieu
 pour elle.

Icy gist noble homme messire *Bertrand
 du Guesclin*, conte de *Longueville*, & con-
 nestable de *France*, qui trespassa à Cha-
 stel nuet de randon en *Innandan*, en la
senechaussee de Beaucaire, le xiiij. iour de

*Iuillet, l'an mil trois cens quatre vingts,
priez Dieu pour luy.*

*Icy gist Loys de Sancerre, cheualier, iadis
mareschal de France, & de puis con-
nestable, frere germain du conte de San-
cerre, qui trespassa le mardy sixième iour
de Feurier, l'an mil quatre cens deux.*

En cuiure dans la mesme chappelle.

En ce lieu gist souz ceste l'ame.

*Feu noble homme, à qui dieu pardoint à
l'ame,*

Arnaud Guillen seigneur de Barbazan

Qui conseiller & premier chambellan

Fut du roy Charles septième de ce nom

Et en armes cheualier de renom,

Sans reproche, & qui aima droicteure

Tout son viuant, pourquoy sa sepulture

Luy a esté permise d'estre icy,

Priez à dieu qui luy face mercy.

*Deuant l'Autel d'icelle chappelle sont deux tom-
bes basses avec tels Epitaphes.*

*Icy gist le noble Charles Dauphin de
Viennois, fils du roy de France Charles*

sixième qui trespassa au chastel du bois de Vincennes, le xxviij. iour de Decembre, l'an mil trois cens octante six.

Icy gist noble homme messire Burcan, iadis seigneur de la riuere, cheualier chambellan des roys, Charles sixième & septième, lequel trespassa le xvi. iour d'Aoust, mil iij c. Et fut cy enterré de l'ordonnance du roy, pour la consideration de ses notables faits, & la singuliere amour qu'il auoit en luy. Le reste ne se peut lire.

Plus bas de la partie de midy est vne sepulture en marbre noir, & l'effigee d'albatre, qu'on dit estre d'une contesse de Flandres: il n'y à aucune escriture, & est ladite sepulture fermee d'un treillis de fer.

*La sepulture magnifi-
que du grant
Roy François,
& de son espouse*

Tout ioignant est l'excellent & magnifique Maufeoile du grand roy François en Albastre taillé & esleué, & representant le mort & vif dudit seigneur Roy, & de son espouse: par bas dessus le liët funeral, sont les deux effigie, estandues de leur long, comme corps trespassez, nuds & descharnez, representans ceux dont lesames en sont separees l'une du roy François, premier du nom qui deceda à Ramboillet, le dernier iour de mars, mil cinq cens quarante six, auant Pasques. L'autre de son espouse la royne Claude de Bretaigne, fil-

le du Roy Loys douziesme : laquelle trespassa le vingsixiesme iour de Iuillet, l'an mil cinq cens vingt quatre. Au dessus de mesme estoife, sont à genoux les effigees au naturel d'iceux roy & royne, de madame Charlotte leur fille, de François leur aîné filz, dauphin & duc de Bretagne, & de Abdenago, ou Charles duc d'Orleans : les flancs du sepulcre sont enrichis & esleuez en taille des guerres, batailles victoires & gestes dudit Seigneur Roy deffunct: en la fosse duquel repose le corps de madame Loyse de Sauoye sa mere, iadis regente en France.

Enuiron ces tombeaux, pendent quatre enseignes de guerres des couleurs iaune & rouges, pour le Roy Loys douziesme, v. autres enseignes des couleurs iaune, violet, & incarnat, pour le Roy François, & sept enseignes de couleurs noir & blanc, pour le Roy Henry que Dieu absolue.

Les tombeaux & Epitaphes des Princes, & Princesses inhumez és chappelles de ladiète Abbaye vers Septentrion : & premier en la chappelle nostre Dame la blanche, en marbre noir & Albastre.

Icy gist madame Marie de France fille du roy Charles, roy de France & de Nauarre, & madame Ieanne d'Eureux: qui trespassa l'an mil trois cens quarante & un le vi. iour d'Octobre.

Icy gist madame Blanche, fille du Roy

Charles, roy de France & de Nauarre,
 & de madame Ieanne d'Eureux: qui fut
 femme de monsieur Philippes de France,
 duc d'Orleãs, conte de Valois, & de Beau-
 mont: & fut fils du roy Philippes de Va-
 lois: laquelle trespassa l'an mil trois cens
 quatre vingt douze le septième iour de Fe-
 urier. Priez Dieu pour elle.

En basse Tombe.

Icy gist tref-noble & haut Prince mon-
 sieur Loys d'Eureux, conte d'Estampes, &
 de Gien, pair de France, qui trespassa en
 l'an de grace mil quatre cës, le sixième iour
 de May.

En Tombe platte.

Icy gist madame Ieanne d'Eu, iadis con-
 tesse d'Estampes, & duchesse d'Athenes,
 fille de tref-noble homme monsieur Raoul
 conte d'Eu, & de Guines, iadis connesta-
 ble de Frãce, & de tref-noble dame Iean-
 ne de Mello: & fut attraicte de monsieur
 Alphons, iadis conte d'Eu, & chambrier
 de France: laquelle trespassa en la cité de

*Sens le sixième iour de Iuillet, mil quatre
cens quatre vingtz & neuf.*

En icelle chappelle sont quatre effigies debout
sur coulottes aux quatre coings d'icelle, dont
trois seulement ont telles escritures: & est à croi-
re qu'elles sont apres le naturel.

Le Roy Charles, fils du roy Philippes le Bel ma-
dame la Roynne Ieanne d'Eureux, compagne du
Roy Charles, Madame Marie de France, fille du
roy Charles, & de madame la roynne Ieanne d'E-
ureux sa compagne.

En la chapelle sainte Hipolite, y a deux sepul-
tures de marbre noir, & les effigies d'Albastre.

*Icy gisent dames de bonnes memoire, ma-
dame Blanche, par la grace de Dieu roynne
de France, fille de Philippes roy de Na-
uarre, cõte d'Eureux, & de la roynne Iean-
ne, fille du roy de France, roynne de Navar-
re de son heritage, la femme esponse iadis
du roy Philippes le vray catholique. Et
madame Ieanne de France leur fille, qui
trespasserēt, c'est assavoir la dicte madame
Ieanne à Besiers, le xi. iour de Septembre,
mil trois cens septante quatre. Et la dicte
roynne le cinquième iour d'octobre, mil trois*

cens quatre vingts & dixhuit, priez dieu pour elles.

Entour ceste sepulture des deux damés cy dessus nommee ont esté vingt quatre figures esleuez en Albastre, dõt la plus part sont rompues, & aucunes ostees, & sur les testes des Images les noms en lettres d'or, mal-aïsez à lire, de ceux qui sont descendus de la lignee sainct Loys.

En ceste chapelle sont trois effigies de bout sur colônes, d'un roy & deux roynes, sans escriture.

En la chapelle S. Martin y a vne sepulture & effigie d'un prince armé, en cuiure doré & esmaille, avec tel Epitaphe.

Icy gist Alphons conte d'Eu, chambelan de France, qui fut fils à tref-haut homme, tref-bon, & tref-loyal cheualier Monsieur Iean de Bayne, qui fut roy de Ierusalem, & Empereur de Constantinople. Et ledit Alphons, fils de tre-haute dame Berengere, qui fut Emperiere de Constantinople, laquelle fut mere de madame Blanche, la bonne & la sage royne de France, qui fut mere au bon roy Loys de France qui mourut en Cartage. Et fut ladite Berengere sœur au bon roy Ferrand de Castille : & mourut

mourut ledit Alphons au service de Dieu,
 & de treshaut & tres-puissãt prince mon
 sieur Loys, par la grace de Dieu iadis roy
 de France, & de tres-haut prince mōsieur
 Philippes son fils, par la grace de Dieu roy
 de France, deffous cartage, au royaume de
 Thunes, l'an de l'incarnation nostre Sei-
 gneur mil deux cens septante, la veille de
 S. croix, en Septembre. Et fut enterré ledit
 Alphons en ceste Eglise monsieur Sainct
 Denis, l'an de l'incarnation de nostre Sei-
 gneur, mil deux cens lxxi. le vendredy d'a-
 pres la Pentecoste, le iour & l'heure quãd
 monseigneur le roy Loys fut enterré. Et
 pour Dieu priez pour l'ame d'iceluy conte
 mout sage, & mout loyal chevalier.

En la croisee de ce Temple, à costé du cœur,
 vers la part de Septentrion, se presente en veüe
 le tref-elabouré, tref-magnifique, & tref-artiste
 monument du roy Loys douziesme, & de son es-
 pouse madame Anne de Bretagne, en blanc Al-
 bastre, au bas, duquel sont representez sur le liẽt
 mortel les effigies estendues de leurs long dudit
 Roy Loys xij. & de sa compaigne, selon la repre-
 sentation des corps morts, hideux, & maigres de

*La sepulchre
 re du roy
 Loys 12.
 & de M.
 Anne de
 Bretagne.*

vers:& dessus le ciel en voute sont taillez au vray naturel les effigies desdicts Roy & Royné à genoux deuant leur acostoit ou oratoire, representez selon le vif, les quatre coings dudit sepulcre sont ornez des quatre vertus, prudence, force, iustice, & tempérace, puissantes en grosseur & hauteur apres le naturel. L'environ d'iceluy sepulcre est borné des douze Apostres, & les flancs esleuez & entaillez des batailles, & conquestes dudit Roy Loys en la Duché de Millan, & autres lieux, il est environné d'une enceinte de bois noir, affin que l'on ny face offence.

A costé du cœur, vers Septentrion, est vn Tombeau, & l'effigie d'un cheualier en pierre avec tel Epitaphe.

Icy gist noble homme Guillaume du chastelet de la basse Bretaigne panetier du roy charles, & escuyer d'escuirie de monsieur le Dauphin, qui trespassa le vingtième iour de Iuillet, l'an de grace mil quatre cès quarante & un durant le siege de Pontoise, en deffendant le passage de la riuere d'Oise, le iour que le Duc d'Yor la passa, pour cui-der leuer ledit siege, present le roy, qui pour sa grand vaillance, & les seruices qui luy auoit faits en maintes manieres, & principalement en la defence de ceste ville S.

Denis contre le siege des Anglois, le fit enterrer ceans. Dieu luy face mercy Amen.

De ce mesme costé est la naturelle effigie à genoux de reuerendissime Cardinal de Bourbon, sur vne colonne de porphyre ou iaspe: au bas de laquelle est peinte la figure de son cœur, avec ses armoiries timbrée du chapeau de Cardinal, & est escript dessus

Obiit xi. Martij 1556.

Au bas de la nef, vers Septentrion en la chapelle du ladre, en laquelle on voit dedans le creux de la muraille la raffe de la lepre, que Iesus Christ auoit arrachée de la face dudit ladre, en signe que ledit Temple estoit dédié par nostre Seigneur. En laquelle chapelle est vne colône de iaspe rouge, & vn globe de marbre noir dessus, qu'on dit estre la hauteur de nostre Seigneur, ensemble vne forme de Tombeau de mesme pierre leuée sur deux coulottes, que l'on dit estre la largeur & longueur du sepulcre de nostre Seigneur.. Dans le cloistre est l'effigie du Roy Dagobert, fondateur de leans, au pied de laquelle sont escrits ces vers.

*Fingitur hac specie bonitatis odore refertus,
Istius ecclesie fondator rex Dagobertus,
Iustitie cultor, cunctis largus dator, acris
Affuit, & scelus ferus, ac promptissimus ultor,
Armipotens bellator erat, Velutique, procella
Hostes confregit populòsque per arma subegit.*

Dedans le cimetiere qui ioinct à l'Eglise du co-

sté Septentrional, entre la sepulture de Loys douziesme & nostre dame la blanche, on bastit maintenant vne chapelle en forme rotôde, qui a trente quatre toises de circonference, au milieu est la sepulture du Roy Henry second, dont les figures sont de bronze, & le reste de marbre & pourphire de couleurs diuerfes, œuvre fort superbe à voir en la mesme chapelle sont enterrez François second, & Charles neuuiesme son frere. Ladite chapelle se construit avec telle artifice qu'on y pourra mettre plusieurs sepultures. Cecy suffira pour les singularitez de l'Abaye S. Denis en France.

Au bout de ladite ville S. Denis à la porte de Pontoise y à vne bonne prieuré nommée S. Denis de l'Estree, en l'Eglise de laquelle deuant le maistre Autel, sont en pierre trois representatiôs de monumens, ou Tombeaux, & dessus les effigies des trois corps Saincts: S. Denis premier Euesque de Paris, au milieu, S. Rustic, & S. Eleutere diacres, aux deux costez. C'est le lieu ou ils furent premierement enterrez ainsi qu'auons dit cy deuant. Ces saincts lieux ont esté quasi ruinez par les guerres ciuiles, sous le regne du roy Charles neuuiesme.

*Fondation du Prieuré de Saint Eloy, de l'Eglise S. Paul
Sainte Aurore, de saint Landry, & de leurs fondations,
& autres incidens. Aussi les Roys qui ont regné sur la France depuis Dagobert iusques à Pepin le Bref.*

CHAP. VI.



Ainēt Eloy Eueſque de Noyōn, viuoit du temps de Dagobert, & ſes enfans, & comme il eſtoit homme dū tout-
donné au ſernice de Dieu, auſſi fonda

*Du Prieur
re S. Eloy
& le chanc
gement.*

il à Paris en la cité & non loing de la riuiere, vn monaſtere de filles iuſques au nombre de trois cents, deſquelles ſaincte Aure eſtoit Abefſe: comme auſſi il fit baſtir l'Egliſe de ſainct Paul, hors les murs qui a preſent eſt vne belle paroiſſe dedans la ville, pour enterrer le corps de ces Vierges ſer-
uantes de noſtre Dieu, & ou furent mis les oſſe-
mens de la ſuſdite ſaincte Aure: Ces Religieuſes ont eſté long téps en cette Egliſe, aſcauoir depuis enuiron l'an ſix cents trente cinq iuſques au Pō-
tificat de Paſcal ſecond de ce nom, qui vint au ſiege de Rome, l'an mil cent: car alors pour la maluerſation de quelqu'vne d'entr'elles, on les oſta de la, & les mit on à Montmartre, à Chelles, & à S. Anthoine des champs: & la place fut don-
nee à douze moynes de l'ordre S. Benoift, ſous la charge d'un Prieur, lequel ayant departy les ter-
res qui eſtoyēt ſuiettes audit monaſtere, fut auſſi cauſe de la fondation des Egliſes parochiales de S. Croix, en la rue de la Drapperie, qui eſtoit vn Hoſpital, de S. Pierre des aſſis, de S. Martial, de S. Bon, & de S. Paul: toutes leſquelles Egliſes doiuent
quelques reſpects obeiſſance & reconnoiſſance à ce Prieuré de S. Eloy qui eſt ores Chanoinerie,
(ainſi qu'auōs dit ci deſſus) le tout ainſi chāgé, par le Cardinal du Bellay, lors qu'il eſtoit Eueſque de

*S. Eloy a
fait baſtir
l'Egliſe S.
Paul, &
paſſa de ce
monde l'an
665.*

*Des Egli-
ſes ſaincte
croix. S.
Pierre des
aſſis S. mar-
tial & S.
Bon.*

Paris. Du temps des Merouinges furent fondees les Eglises que dessus: Le corps saincte Aure estât à l'Eglise S. Paul, fut translaté en son propre monastere, qui de present est nommé S. Eloy, pres le Palais, qui souloit estre prieuré de Moynes, comme aussi estoit l'abbaye S. Maur des fossez, lesquels ont esté changez comme est dit cy deuant.

*La grandeur que
ancienne-
ment auoit
l'abbaye s.
Eloy.*

Quant à la mutation de ce monastere & de ses edifices il faut entendre, que d'antiquité le circuit de tout le Bastiment, comprenoit les costez des Rues de la Calende Barillerie (deuant les murs de la court du Palais) vieille Drapperie, Sauaterie, & au Febure: le tout clos de hauts murs, ou sont maintenât les maisons de plusieurs Bourgeois: Ces lieux s'appellent encores la ceinture saint Eloy: le cœur de ladicte Eglise estoit ou est maintenant la petite Paroisse saint Martial rebastie de nostre temps, souz le regne de Henry, iij. du nô, Roy de France & de Pologne, l'an 1584. La separation de ceste Eglise fut à cause de la ruë de la Sauaterie, en laquelle ruë est encores vne maison, faisant le coing, vis à vis de l'huys de derriere d'icelle Eglise, dessus la porte d'icelle maison est l'Image sainte Aure: & la estoit le four du monastere, qui depuis à esté bannier au profit du prieur de leans. Vn autre four bannier estoit en la rue S. Anthoine pres S. Paul, au profit dudit Prieur, toutes ces paroisses ont pris leur cōmencement & accroissement depuis le Pape Paschal deuxiesme, qui estoit au siege Papal l'an mil cent, iusques en l'an mil cxviij. En cette Eglise S. Eloy dans la chapelle de nostre Dame, gist Pierre Ber-

chote, prieur dudit lieu, pour l'honneur de la science duquel (entre autres) i'ay voulu transcrire son Epitaphe tel qu'il est graué sur sa tombe.

Hic iacet venerabilis, magna profunda que scientia, ac mirabilis & subtilis eloquentia, frater Petrus Berchotij, prior huius prioratus, qui fuit oriundus de villa sancti Petri de itinere, in Episcopatu Maillizianensi in Pictavia, qui tempore suo fecit quinque opera sua solennia, scilicet dictionarium, Reductorium, Breuiatorium, descriptionem mundi, translationem cuiusdam libri vetustissimi de Latino in Gallicum, ad preceptum excellentissimi Ioannis Regis Francorum qui obiit anno M. iij. C. Lxij.

Le corps de la susdite sainte Aure vierge en l'an mil quatre cens 21. Le Vendredy troisieme iour d'Auril, regnant le Roy Charles sixiesme fut mis dedans vne capse d'argent, qui parauant estoit dedans vne de bois & verre, laquelle fut portee en procession à S. Paul, le iour de Pasques fleuries ensuiuant, accompagnees des Euesques de Therouenne, de Beauuais, & autres prelatz, & continuēt tous les ans ceste procession, à tel iour.

*Le corps de
Sainte
Aure vier-
ge.*

L'an 1431. l'Eglise S. Paul nouuellemēt rebastie fut dediee & consacree par reuerēd pere en Dieu, monsieur maistre laques du Chastelier, Euesque de Paris, le Dimenche d'apres Quasimodo. En cette Eglise y a grand nōbre de blasons d'armoiries de Princes & Seigneurs, qui les y ont fait apposer apres les ioustes, & tournois faits deuāt les Tournelles. Aussi y sont plusieurs sepultures de nobles personnes: entre lesquelles i'en ay seulement noté ceux qui ensuiuent: l'vne est celle du

*Fondation
de l'Eglise
saint Paul*

premier qui a escrit les Annales de France , qui commencent ainfi.

Cy gist noble homme & sage maistre Nicole Gilles, en son viuant Notaire & Secretaire du Roy nostre sire, clerc & controlleur, de son thresor, lequel Gilles fit de ses deniers faire & edifier ceste chapelle S. Loys, & trespassa le x. iour de Iuillet, mil cinq cens trois.

Ce qui est graué & escrit sur vne haute sepulture en la nef de l'Eglise S. Paul, en ceste maniere.

Hæc in vita sancti Eligij.

Postremo ædificauit sanctus Eligius basilicam in honore sancti Pauli ad ancillarum Dei corpora sepelienda, quam operuit plumbo cum elegantia, in qua quoque beatus. Quintinianus iacet abbas humatus.

Dedans le cœur de ladiete Eglise gist le tresçauant Euesque d'Auranches, à main senestre trouverez son tombeau de marbre noir, au dessus duquel est son effigie esleué en cuiure autour d'icelle est escrit.

Icy gist reuerend pere en Dieu, M. Robert Cenalis, en son viuant Euesque d'Auranches, doyen en la faculté de Theologie & natif de Paris : qui trespassa en expu-

gnant les heresies le xxvij. iour d'Auril,
mil cinq cens soixante.

Son Epitaphe est en vne lame de cuiure, comme il s'ensuit.

*Ego Iehouad. Hoc est nomen meum
Vni trino numini, ac nomini sacrum
Huc ades, quisquis es Christianæ cultor
Pietatis, hoc monumentum vocat
Suadétque, ut te esse mortalem vel casibus,
Discas nostris: tum quæ sequuntur legas.*

*Epitaphium Roberti Cenalis Arboriensis episcopi.
Doct̃oris Tealogi ordine, & origine Parisiensis.
En moriturus ego vixi, quò viuere possim*

*Iam moriens, mortem vita beata manet.
Vixit equidem, fateor, sed quam vixisse pigeret.*

*Ni mihi spem faceret gratia larga Dei,
Busta tui miseranda vides, qui fortè Roberti,
Dic, tandem æterna pace fruatur, Amen.*

Obijt 27. Aprilis 1560.

Du mesme costé il y a vn tombeau de marbre noir fort magnifiquement elaboré, autour d'ice-luy sont les armoiries du deffunct & autres figures de bronze. Au dessus est esleué son effigie ainsi qu'un gentilhomme à genoux, representant le vif. Aux flancs du tombeau est ainsi escrit,

Franc: Maugeroni j clariss. & generosis adol:

E P I T H A.

*Ante tempus decedit flos, & prematura mors spem
patriæ,
Principis, & parentum fefellit in expugnatione Isoriz
pro.*

ANTIQUITEZ

*Religione & patria dimicans annos natus sedecim oculū
Perdidit : amico vitam dedit monumentum hoc corpus :
Celum animam posteritas facit memoriam seruat.*

OBII T. Anno 1578. 5. Quinta Kalenda Mai
natus Annos dix-huict.

D'autre costé dudiect Tombeau, au derriere du
cœur est cecy escrit .

*Maugeronis in hoc sunt ossa reposta sepulcro ,
Cui virtus annos contigit ante suos
Octo namque decem natus non pluribus annis ,
Alter erat cocles, Hannibal alter erat.
Testis erit tanta iuueniali Isoria capta
Virtuti testis perditus huic oculus .*

A main droite entrant au cœur à costé du mai-
stre autel, il y a deux tombeaux de pareille estof-
fe en l'un desquels est escrit ce qui s'ensuit .

Pauli de Caußade. Com. Samegrini.

EPITHA.

*Nil virtus, nil genus, nil opes, nil vires possunt ,
His omnibus , & fauore potens, iacet: victus fraude
Et multorum viribus: incautum vis obruit, quem
Nec publicus inimicus domuit, nec priuatus terruit.
Abi viator : tace : & pro mortuo ora,*

OBII T II. Kal. Augu. anno. 1578. Ætat. sue 24.
D'autre costé du tombeau est escrit ce qui ensuit.
*Tu quoque Samegrine iaces hoc marmore tectus
Vni cui non vis unica par fuerat
Obrueris numero victus, non viribus aquis :
Cui totas acies ducere ludus erat
Cum tua non posset virtus virtute domari ,
Virtutis subijt fraus inimica locum .*

Vn peu plus haut est l'autre tombeau de mesme estoſſe, autour duquel est eſcrit ce qui ensuit.

*Iacobi de leui clarissi. familia & summa virtutis
aſol. EPITHA.*

*Quid marmor, aras, & artes ſuſpiciſ? dignus fuit
hoc honore.*

*Quæſleus, ingenio, præſtans, moribus facilis aspectu.
Gratus: cui artes erant, virtutem colere; deo patriæ,
Et principi ſervire: non iniuriæ. ſed mortem patienter.
Tulit: grati animi eſt hoc monumentum.*

Obijt 4. Kal. Iunij anno 1578. Æta. 24.
De l'autre coſté du tombeau eſt graué ce qui enſuit.

*Quæſleus iacet hic, martiſ certiffima proles
Martia ſi parca tempus ad arma darent
Quantum vi inuictus tam mente & moribus æquus:
Felix, ſi felix non nimis ille foret
Inuidiam peperit virtus maturior annis,
Caſus at inuidiæ vivit in inuidiam.*

Pour ne nous eſloigner & reuenir à noſtre propos du Roy Dagobert, il donna par teſtament à l'abbaye S. Denys, le village de Brânare en brie, à S. Germain des Prez le village de Combres en Parisiſ, & à ſaincte Geneuiefue du mont le village de Drauerne en Brie, teſmoing Aimonius.

Après le trespas de Dagobert, ſon fils Clouis, ſucceda au royaume de France, & fut le 12. Roy, l'an du monde 4607. De Ieſus chriſt 645.

Il regna 17. ans. En ce temps y eut tresgrande famine en France, pour obuier à laquelle Clouis, oſta quelques richesses en l'abbaye S. Denys, pour ſubuenir à la neceſité des pauures.

*Aimonius en ſon
liu. 3.*

*Du Roy
Clouis le
12. Roy.*

*S. Landry
Euesque de
Paris.*

En ce temps S. Landry fut Euesque de Paris, l'an de grace six cens 46. à la requeste du Roy Clouis, il affranchit l'Eglise S. Denis, par exemption de n'estre point subiecte à l'Euesque de Paris: & ce-la fut le seiziesme an de son regne, en la ville de Clichy ou le Roy fit l'assemblée des bons Euesques: Le vertueux Euesque S. Landry, frequen-toit & faisoit prieres fort souuent en vne petite chapelle qui est maintenât baptisée de son nom, pres l'Eglise de nostre Dame en la Cité: comme aussi se dit le Port saint Landry: Ce quartier es-toit pour lors vne des principale demeure de l'Euesque de Paris, auant le bastiment qui depuis à esté fait de l'autre costé de l'Eglise nostre Dame & presque ioignant icelle.

*Clotaire le
13. Roy de
France.*

Clotaire 3. du nom, 13. Roy succeda à son pe-re Clouis l'an du monde 4624. De Iesus christ 662. Il regna quatre ans. Depuis ce Roy iusques au Roy Pepin, les Roys deuindrent oy-seux & pusilanimes, se tenans en leur maison pri-uee à Paris, & ailleurs & ne se monstroient que vne seule fois l'an au peuple, assauoir le premier iour du mois de May: par vne fenestre, treillisee & de leur hauteur, comme l'on en à peu voir vne au Chasteau & Hostel des Tournelles rue saint Anthoine, & la ils faisoient au peuple des larges-ses, dons & presens, receuoient aussi des Parisi-ens les louanges & gratulations, puis se retiroiét chez eux: Et ce pendant les Maires du Palais gou-uernoient le Royaume de France, tellement que Paris & la Normandie estoient la demeure des Roys, & estendue de leur domination.

La Royale maison , Abbaye de filles vierges, qui est a present vne des plus celebres en deuotiõ & pieté accomplie, est à Chelles Sainte Baulteur pres Paris, en laquelle i'ay veu telle Epitaphe.

De l'abbaye de Chelles.

Cy dessouz en ceste voute gist le corps de Clotaire Roy de France sixième Roy Chrestien, & troisième du nom filz du Roy Clouis deuxiesme : & sainte Baulteur, laquelle fonda ceste Eglise en l'honneur de nostre Dame, & y mist vierges religieuses pour Dieu seruir & y donna grans terres & plusieurs priuileges qui furent confermez par les S. Peres de Rome, & par S. Charlemagne & autres Roys de France. Et regna ledit Clotaire, quatre ans & trespassa l'an de grace vj.c.lxvj.

sainte Baulteur fut femme du Roy Louys, ou Clouis iij. du nom.

L'an mil cinq cens quarante quatre le 29. iour de Ianuier la translation des saincts corps cy apres nommez : premierement du corps sainte Baulteur royne de France, laquelle fonda le monasteres de Chelles: pareillement de sainte Bertille abbesse, 1546. Au moy de May le 16. iour furent sacrez benitz & dediez les neuf autels de ce conuent notable : reuerend pere en dieu Iean du Bellay Euesque de Paris, & pour lors Cardinal en son tiltre nommé sainte Cecille estant pour

lors à Rome fut celuy qui leur fist donner les pardons graces & priuileges.

Childeric
14. *Roy.* Childeric quatorzième Roy des François fut mādé d'Austrasie, & fut fait Roy au lieu de Theodoric, l'an du monde 4629. De Iesus Christ 667. Il regna 12. ans, en son temps, fort orgueilleusement & avec cruauté, & feit maintes iniustices & griefs à ses Barons.

Theodoric
le 15. *Roy.* Theodoric ou Thierry quinzième Roy fut remis en son estat royal, l'an du monde 4641. De Iesus christ 679. regna quatorze ans: Ce Roy est enterré à Arras en l'Eglise S. Vuaft.

Clouis 16.
Roy de frâ
ce. Clouis seizième roy succeda à son pere Theodoric, l'an du monde 4655. De Iesus Christ 693. regna quatre ans. En ce temps florissoit en vertus & sciences le venerable Bede.

Childebert
le 17. *Roy.* Childebert dixseptième Roy succeda à son frere Clouis, l'an du monde 4659. de Iesus christ 697. regna 18. ans. Le nom de ses roys susdits & le catalogue d'iceux (parce qu'ils estoient seulement Roys de nom) sont assez incertains, & mal ordonnez: Car les Historiographes mesme de ce temps, la, ne les content quasi point pour Roys: Et au pays de France y a eu de grands troubles, iusques à ce que ceste maniere de roys fut estainte, & que l'administration du Royaume fut deuolue à la famille de Martel fils de Pepin.

Eglise S.
Germain
l'auxerrois l'auois oublié vne des plus anciennes Eglise à sçauoir S. Germain Euesque d'Auxerre, celuy qui avec S. Loup Euesque de Troyes en campagne passa la mer, & fut comme (recite Bede en son histoire Angloise) en la grand Bretaigne,

pour conuertir les insulaires infectez de l'erreur des Pelagiens. Ceste Eglise fut fondee l'an 542. par le mesme Roy Childebert fils de Clouis : & de cecy font foy les representatiōs du Roy, & de la Roynne Vltrogote son espouse qui sont sur le portail de ceste Eglise : en laquelle y à doyenē, Chanoines, & paroisse, de laquelle le Roy est paroissié, pource que le chasteau du Louure en est.

E P I T A P.

FRANCISCO CARNEVENEŒ, ARMO-
RICO NOBILI, AC STRENUO VIRO,
CVI OB EXIMIAN VIRTVTET ET MO-
RVŒ INTEGRITATEM, HENRICVS II.
GALLIARVM REX ET CATHERINA
CONIVX CHARISSIMI FILII HENRICI
PVERILEM ÆTATEM INFORMANDAM,
COMMISERVNT; QVI BELLIPASCI-
QVE ARTIBVS EGREGIE INSTRVC-
TVS, FORTITVDINIS ET PRVDENTIÆ
FAMA, SVPRÆ OMNEM INVIDIAM CLA-
RVIT; QVIQVE? (QVOD RARIVS) IN-
TER PESSIMA ÆVI SVI EXEMPLA, PRO-
BITATEM COLVIT. INTER MAXIMAS
AVGENDÆ REI FAMILIARIS OPOR-
TVNITATES, OPES NEGLEXIT, ET SVI
SEMPER SIMILIS VIXIT. PHILIPVS
HVRALTVS, CHEVERNIVS. DIVTVR-
NA ET ARCTA NECESSITVDINE, CON-
IVNCTISSIMO AMICO. IVSTIS PER-
ACTIS. BENEVOLENTIÆ ERGO, MOE-
RENS, PIENTISIMI POSVIT.

AN. CIO. CI. LXXI.

VIXIT AN. LI. MENS. IIII, DIES XIIII.

Les Armoiries du deffunct sont au dessus du contenu, soustenues de deux colônes de marbre le tout magnifiquement elaboré. De l'autre costé de la table de marbre, hors le cœur, est escrit ce qui ensuit.

PERENNI MEMORIAE ET QUIETI,
FRANC. CARNEVENEI, EQVITIS ARMORICI, VIRI NOBILIS STRENI ET OPTIMI,

J'ay recueilly c'est Epitaphe, en ladicte Eglise saint Germain de l'Auxerrois, à costé du maistre autel, à main droite, est gravé & inculpé, en lettres d'or sur une table de Marbre.

Pres la porte de ladicte Eglise.

Cy gist noble seigneur Iean Baptiste Ceghizo, natif de Modene, en Italie: en son viuant seigneur de Bouge, Cheualier, Conseiller & premier Maistre d'hostel de la Royne, mere du Roy, maieur d'homme du sieur Alexandre de Medicis, Duc de Florence, gouverneur pour ledit sieur en la Cité de Penne, au Royaume de Naples, & lieutenant pour le Pape Clement à Beneuent, aagé de quatre vingtZ quatre ans neuf mois, qui deceda en la ville de Paris, le xij. iour de Mars l'an de grace mil cinq cens lxxj. Priez &c.

Dagobert nommé Clouis dixhuietiésme Roy succeda à son pere Childeberr, l'an du monde 4677. De Iesus Christ sept cens quinze, il regna quatre ans. Ce Roy fut enterré à Nancy.

*Dagobert
nommé Clo-
uis 18. roy.*

Clotaire dixneufiésme Roy, qu'aucuns disent estre frere de Dagobert, regna deux ans. Apres la mort de Clotaire il rappelle Chilperic, & le fait Roy pour dominer souz son nom.

*Clotaire le
19. Roy.*

Chilperic vingtiésme Roy fut mandé de Gascongne l'an du monde 4683. De Iesus Christ 721. Il regna cinq ans, ce Roy fut enterré à Noyon.

*Chilperic
20. Roy.*

Theodoric 21. Roy fils aîné de Dagobert, l'an du monde 4688. de Iesus Christ sept cens vingtsix il regna quinze ans : est enterré en l'eglise S. Denis en France. Enuiron ce temps l'empereur Constantin sixième, fit assembler vn Concile de trois cens trente Euesques à Constantinople.

*Theodoric,
21. Roy.*

Childeric vingt deuxiésme Roy succeda à son frere Theodoric. L'an du monde 4703. De Iesus Christ sept cens quarante & vn Il fut dechassé du Royaume, & rendu Moine, parce qu'il estoit inutile de la Royale maïesté.

*Childeric
22. Roy.*

Depuis Pharamond iusques à Pepin y a trois cens trente & vn an: depuis Merouce, trois cens vingt, depuis Clouis chrestien, deux cens 52.

Pepin le bref fut estably 23. Roy de France, avec la faueur & consentement des nobles, il fut le premier de sa race. L'an du monde 4712. de Iesus Christ sept cens cinquante, il regna dix huit ans. Ce Roy mourut à Paris le vingt quatriésme iour de Septembre sept cens soixante huit & de-
laisse ses enfans roys Charlemagne de Soissons,

*Pepin le
bref 23. roy
de France
qui establis
le Parle-
ment.*

& Charloman de Noyon.

*Humilité
du Roy de
France.*

Al'aduenement en son regne, le Pape Estienne troiesime du nom, pour les oppressions qu'on luy faisoit, vint à refuge vers iceluy Roy, lequel le receut en sa ville de Paris: & pour luy faire plus d'honneur alla au deuant de luy avec ses Princes vne lieue & demye, & s'estans rencontrez, le Roy se mit à terre, & apres auoir baisé le pied du saint Pere, print la regne du cheual sur lequel le Pape estoit monté: & luy seruât d'escuyer la teste nue, le mena ainsi dedans la ville iusques à son Palais, ou il le festoya. Et fut par iceluy Pape Estienne, sacré Roy en l'eglise S. Denis en France. En ce

*Assemblée
de Prelats
à Gentilly
lez Paris.*


temps l'empereur de Grece Constantin, fit mettre les Images des saincts hors des eglises, surquoy les Prelats de France s'assemblerent à Gentilly lez Paris, & tindrent Concile, en la presence des Embassadeurs de l'empereur, lesquels ils renuoyèrent chargez d'auertir leur maistre, qu'il eut à se tenir à l'opinion des Catholiques. Le Roy susdit ayant fait guerre en Italie contre Altuphe Roy des Lombars, remet le Pape en son pontificat luy faisant de grands dons. Aussi le susdit Pape approuue Pepin Roy des François, & luy donne le nom & honneur de Patrice, en la ville de Rome. Au mesme temps le chef saint Iean Baptiste fut apporté en France de Constantinople.

*Le chef S.
Iean apporté
en France.
Parlement, établi
en France.*

En l'an sept cens soixante, ledit Roy Pepin fit construire & bastir vne belle eglise à saint Iean d'Angely ou fut mis ledit chef: Aussi il institua & erigea le Parlement en France en l'an sept cens cinquante sept. voy au chapitre dudit Parlemēt.

L'institution & ordre de l'université de Paris, fondée par Charlemagne, des fondateurs de saint laques de l'Hospital, de saint Marcel, & autres choses memorables & remarquables durant son regne.

CHAP. VII.

 Harlemaigne fils de Pepin vingtquatriesme Roy, commença à regner l'an du monde 4730. De Iesus Christ 768. Apres qu'il eut regné 32. ans. Il fut déclaré Empereur, & fut sacré l'an du monde 4762 De Iesus Christ 800. il regna quarante six ans, estant vn Prince magnanime, & fort grand amateur de sciences, aussi il fit tant de bien à sa ville de Paris, qu'à tousiours nous & tous estrangers, luy sommes redevables, pour la tresexcellente & incôparable vniuersité d'estude, qu'il y a fondée.

En son temps vindrent deux moynes Escossois en France, crians publiquement qu'ils auoyent de la science à vendre. Cela venu à la cognoissance de l'Empereur, experience & preuue faicte de leur suffisance, commanda à vn appelé clement, se tenir à Paris. Et luy faisant bailler enfans de toutes qualitez edifia lieux & escoles conuenables en Paris, selon les arts & doctrines, affranchissans les estudians par beaux priuileges, graces, dons & liberalitez, leur eslargissans lieux viures & exemptions de toutes seruitudes. De la vint la premiere institution de l'Vniuersité, non que ie vueille inferer qu'il n'y eust escoles pour apprendre la ieunesse, mais non avec tels priuileges & franchises.

En ce temps estoit en Angleterre vn autre grãd Theologien & Philosophe nommé Alcuyn (qui à fait la glose ordinaire) lequel sçachāt que Charlemaigne auoit les doctes & sages en grande reputation, passa en Frâce, & vint vers l'empereur, qui le receut honnorablement.

A sa poursuite Charlemaigne translata l'Vniuersité de Rome, qui autresfois auoit esté à Athenes, & l'establit à Paris. De ceste Vniuersité furent principaux fondateurs quatre doctes disciples de Bede le venerable à sçauoir Alcuyn, Raban, Claude, & Iean l'Escot ou l'Escossois : laquelle depuis à tousiours resplandy és lettres diuines & humaines, comme la vraye & pure source de toutes sciences. C'est la mere souueraine du laiçt, de laquelle tous doctes & lettrez, tant estrangers, que François ont esté nourris & par elles sont paruenus aux honneurs & dignitez seculieres, & ecclesiastiques. Elle est fondee sur quatre fermes colonnes.

La saincte faculté de Theologie.

La faculté du droit Canon ou decret

La faculté de Medecine.

La faculté des Arts.

A chacune des trois premieres facultez preside vn doyen, chacun desquels à deux bedeaux, qui sont comme huissiers.

Sur toute ceste Vniuersité y a vn chef appellé Recteur, qui est esleu par la faculté des Arts, de trois mois en trois mois, auquel tous les Escolliers obeissent, & mesmemēt les quatre facultez. Il y a aussi iiij. procureurs selon les iiij. nations.

La nation de France premiere.

La nation de Picardie seconde.

La nation de Normandie tierce.

La nation d'Allemagne avec l'Angleterre.

La premiere, la nation de France est diuisee en cinq Prouinces.

Paris, Reims, Bourges, Sens, Tours.

La prouince de Paris, qui est la prem. cōtient cēs dioceses.

Paris, Meaux, Chartres.

La prouince de Sens, contient cēs dioceses.

Sens, Troye, Orleans, Auxerre, Neuers, Bourgongne, Vienne, Bezanfon, Lyon, Sauoye.

La prouince de Reims, contient cēs dioceses.

Reims, Chalons, Thou, Verdun, Mers, Soissons, Senlis.

La prouince de Tours contient cēs dioceses.

Tours, Angers, le Mans. Et neuf dioceses de Bretagne, à sçauoir. S. Brieu S. Maclou, ou S. Malo. Dol, Nantes, Vannes, Leon. Triguer, Rennes, Cornouaille.

La prouince de Bourges contient cēs dioceses.

Thoulouse, Bordeaux, Poitiers, Narbonne, Auchx, Auignon, Arles. Aix, Embrun, Romanie, Espagne, Arabie, Armenie, Ægypte, Medie, Perse, Syrie, Palestine, Samarie, Italie, Lombardie, Gennes, Venise, Rome, la Pouille, Campagne.

Naples & Sicile, & autres nations non comprises souz les autres prouinces.

Les procureurs de ceste nation de France, sont esleuz par les Intrans des cinq dessusdictes prouinces, à saint Iulian le pauvre, & aussi les autres dignitez.

La nation de Picardie est diuisee en deux parties: La premiere partie contient cinq dioceses.

Beauuais, Amiens, Noyon, Arras, Terouenne.

La seconde contient cinq dioceses, Cambray, Tournay, Traiect, Laon, Liege.

La nation de Normandie cõtient Rouan, avec ses suffragants, à sçauoir Auranches, Constances, Eureux, Lisieux, Sees, Bayeux.

La nation d'Allemaigne est diuisee en trois parties.

La premiere prouince des hauts Allemans contient. Boheme, Bauieres, Auguste, Constance, Suisse, Lozanne, Pologne, Magonce, Strasbourg, ou Argentine, Hongrie, Basle, Dannemarch, Treues.

La seconde prouince des bas Allemãs contient.

Le Traiect, Liege pour vne partie, car l'autre est de Picardie. Et fut faicte ceste limitation du consentement des nations. L'an de grace mil trois cens cinquante huiet. Les fleues de Meuses & Moselle separent les Picards des Allemans: semblablement les François des Allemans. Et du costé de Sauoye, le lac de Lozenne, separe les François des Allemans. Ceste prouince avec les dessus nommees, a d'auantage, Coulongne, Pruse, Saxe, Hollande, Lorraine, & autres pays.

La tierce prouince contient Escosse, Angleterre, Hibernie.

Chacune de ces quatre nations comprinses sous la faculté des Arts, à deux Bedeaux comme les autres facultez.

L'election du Recteur se faict quatre fois l'an, à Noel, à la feste nostre Dame de Mars, à la feste

Sainct Iean Baptiste, & à la feste sainct Denis.

Les quatre Chancelliers.

Deux Chancelliers sur les Bacheliers
Le Chancelier nostre Dame de Paris:
Le Chancelier de sainct Geneuiefue.

Les Officiers de l'vniuersité.

Quatre Aduocats en Parlement.
Deux Procureurs.
Deux Aduocats en Chastelet.
Vn Procureur.

*Vingt-quatre Libraires Iurez, quatre grands
& vingt moindres.*

Quatre parcheminiers Iurez.
Deux enlumineurs. Deux relieurs.
Deux escriuains. Et de chacune vne nation vn
messager. Tous lesquels officiers iouyssent des
priuileges d'icelle Vniuersité.

Pour reuenir à nostre histoire, Charlemaigne *Fondation
de l'hospita-
tal S. Ia-
ques.*
entre autres edifices fit edifier l'hospital & Eglise
S. Iaques, en la rue sainct Denis, alors dehors, &
de present enclose dedans Paris, afin d'heberger
les pelerins qui alloient au voyage de S. Iaques
en Galice, dont il auoit fondé l'Eglise : ce sont
œuvres de pieté & d'hospitalité.

Roland, Comté de Blaies, Pair de France, & *Fondation
de l'Eglise
S. Marcel
lez Paru.*
nepueu de l'Empereur Charlemaigne, comme il
est apparu par ancienne chartre, à fondé l'Eglise
canoniale de S. Marceau és Faux-bours de Paris,
appelez la ville & faux-bourg sainct Marcel lez
Paris, au lieu ou estoit la chappelle sainct Cle-
ment bien ancienne, & dans laquelle auoit esté

inhumé Sainct Marceau Euesque de Paris, duquel on voit encores le tombeau en la basse vouste: & a donné le nom à l'Eglise & à la ville. Le corps est en vne chasle d'argent en la grande Eglise de la cité. Il gouuernoit l'Euesché de Paris, enuiron l'an de salut quatre cens, lors que les François descendirent es Gaules.

Et est à presupposer, que S. Marcel en estant Euesque, & se tenant en celle ville lez Paris, qui pour lors est renommee dudit saint, son siege Episcopal estoit aussi en icelle. Les Roys voulans donner maiesté à la Cité, par eux respectee, voulurent que les Euesques se tinssent pres d'eux, & qu'ils eussent lieu en la ville, cōme ils sont à present, ou le cloistre est basti: toutesfois ce que ie dy est par coniecture, attendant auoir plus grand assurance du siege de l'Euesque,

En ceste Eglise ay trouué vne Epitaphe de memoire.

Hic iacet magister Petrus Lombardus Pariensis Episcopus, qui composuit Librum Sententiarum, glosas Psalmorum & Epistolarum, cuius obitus dies est xiiij.

Kalendas Augusti.

Cestuy mourust l'an 1194.

En ceste Eglise se chantent deux obits pour Charlemagne qui a fait beaucoup de biens, & duquel l'effigie se void en vne verriere derriere le grand autel.

Merveilleux hyuer

L'an 777. Sous le regne dudit Roy Charlemagne, fut l'hyuer si grand, qui dura depuis le mois d'Octobre iusques à Feurier, la mer gelee plus de cinquante lieues, & la neige de vingt cou

dees de haut sur la glace, & sembloit que les estoilles deussent cheoir du ciel avec merueilleuse Eclipse du Soleil le fixième iour de Iuin.

De l'establissement du Lendit, de la course des Normans, des Comptes de Paris, de l'Eglise S. Germain le vieil, des Roys qui ont regné depuis Charlemaigne iusques à Hue Capet Roy de France, & des siege devant la ville de Paris.

CHAP. VIII.



Oys Debonnaire ou le Pieteux fut le vingtcinquième Roy, il succeda a son pere Charlemaigne. L'an du monde quatre mil sept cens soixante & seize

Loys debonnaire 25.

Roy.

De Iesus Christ huiet cens quatorze. Il regna vingt six ans. Au temps duquel viuoit Suger Abbe de Saint Denis en France, lequel fit faire le Crucifix d'or, & autres reliquaires qui sont en la dicte Abbaye. Il mourut le xxi. iour de May 840.

Crucifix d'or.

Charles le Chauue, filz de Loys vingtsixiesme Roy. L'an du monde 4838. De Iesus 840. Ce roy regna trêtehuiet ans: Aussi est le premier Roy de France à qui separement est escheu & aduenu le Royaume, lequel est maintenant appellé France: Car Charlemaigne & autres ses predecesseurs sentoient quelque chose de la Germanie.

Charles le Chauue 26.
Roy.

En ce temps on transporta la foire que Charlemaigne auoit establie à Aix en Allemaigne, & la fit establir pres Paris, qui fut deslors appelée, comme encores est le Lendit, & en donna le profit à l'Abbaye S. Denis. Aucuns ont escrit que le

Etablissement du Lendit à s. Denys. Roy Dangobert institua ceste foire du Lendit: tant y a que du temps du Roy Henry deuxiesme à la requeste du reuerendissime Cardinal de Lorraine, il a esté transporté en la ville de Saint Denis en France.

Paris pillé par les normans. L'an huiet cens trente sept du temps & regne du susdict Roy Charles le Chauue, les Normans coururent toute la France, assiegerent la ville de Paris, la pillerent, & emporterent grandes despouilles, richesses & thresors. Ce Roy demoura malade à Mantouë, & y mourut le quatorziesme iour d'Octobre, estant empoisonné par son Medecin, nommé Sedechias.

Le 27. roy de France. Loys le Begue, fils de Charles fut le xxvij. Roy l'an du monde 4840. De Iesus Christ huiet cens septante huiet regna deux ans.

Le Pape Jean vint en France: & couronna Empereur Loys le Begue: il delaisa sa femme enceinte, laquelle après son trespas enfanta Charles le simple.

Loys & Carloman Loys & Carloman, freres, fils de Loys le Begue furent les vingthuietiesme Roys, regnant sur la France. L'an du monde 4842. De Iesus Christ huiet cens octante. Carloman pource qu'il estoit aîné, tient le rang des Roys par dessus l'autre, il regna quatre ans. En ce temps les Normans & Dannoys gasterent cinq ans durant toute la Gaulte, en mettant cruellement toute à feu & à sang par tout, ou ils passoient, fust, chose sacree ou profane.

Loys fayneant 29. Roy. Loys Fayneant, fils de Carloman vingtneufiesme Roy. L'an du monde 4846. De Iesus Christ

huiët cens octante quatre. Il regna cinq ans & fut chassé : En son temps l'an huiët cens octante six & l'annee suiuañte les Normans mettent le *Siege de-
uant Paris
par les nor-
mans.* siege deuant Paris, ils mettent à mort le Duc Henry pour eux venger de leur Roy Godefroy qui auoit esté tué, & tindrent long temps la ville de Paris assiegee avec quarâte mil hommes: mais Eude, Comte de Paris, Gourselin Euesque d'icelle, & l'Abbé de Sainët Germain des prez, se fortifierent par dedans, & la defendirent si constamment, par les merites de nostre Dame, & de S. Marcel, & saincte Geneuiefue, dont les corps auoient esté retirez en la cité, que ils ne la peurent prendre, & se departirent. Mais auant leur departement, ils s'accagerent & bruslerent les monasteres de sainët Germain des prez & saincte Geneuiefue, qui estoit alors hors Paris, à ceste cause les Religieux de saincte Geneuiefue entre leurs prieres Ecclesiastiques, disent ceste-cy.

A furore Normanorum, libera nos domine. Et ne recoiue iamais leans vn Religieux de ceste nation. *Fondation
de S. Ger-
main le
vieil.*

Le corps sainët Germain au temps du siege des Normans, fut mis en vne chapelle en la cité: & le sainët corps ayant esté rapporté par Eude comte de Paris, & Roy de France, en son Abbaye: ceste chapelle ou il auoit reposé, fut tousiours depuis nommee sainët Germain le vieil. On dit qu'elle appartenoit lors à icelle Abbaye de S. Germain des prez, & qu'elle luy fut ostee par arrest avec autres pieces, à raison d'une ancienne querelle qu'ils eurent contre les Escolliers, touchant le pré aux clerçs.

*Les enui-
rons de Pa-
ris quels en
ce temps.*
*La comté
de Paris,
unie à la
couronne.*

En ce temps la ville & les enuiron de Paris, estoit vne Comté tresnoble, & de supreme seigneurie, dont les Comtes (comme il est à croire) estoient naturels Gaulois, qui ont attain à la couronne de France. Eude Comte de Paris, & depuis Roy de France, Robert frere d'Eude, comte de Paris. Hugues le grand, comte de Paris, Hugues Capet comte de Paris, & depuis Roy de France, & par luy la comté fut unie à la couronne.

Odo le 30.

Odo, fils du comte d'Anjou estranger fut fait trentiesme Roy de France. L'an du monde 4752. de Iesus christ huit cens vingt, il regna neuf ans: ce Roy donna à saint Germain des prez la chasfe d'argent, tant riche, dans laquelle le corps de saint Germain repose: aussi il apporta en France, ceste nostre banniere toute couuerte de fleurs de lys, laquelle à duré iusques au temps de Charles sixieme.

*Charles le
simple 31.
Roy.*

Charles le simple, fils de Loys le Begue trente & vn Roy de France, regna apres Odo. L'an du monde 4861. De Iesus christ 899. il regna vingt sept ans, en son temps fut assemblée vn concile pour reformer les seigneurs & Princes, qui iouyssoient & occupoient les Abbayes, & autres grandes maisons & reuenus des Eglises, & ce Roy susdict soustint la cause & droit des Euesques & Abbez, les remettāt en leur entier & en leurs droits.

*Raoul 32.
Roy.*

Roul fils de Richard de Bourgongne 30. deuxiesme Roy de France, vsurpa le royaume apres Charles. l'an du monde 4888. de Iesus christ 926. regna deux ans paisible: il fut couronné Roy à Soissons, le treiziesme iour de Iuillet, & ne regna

que deux ans selon les croniques S. denis, Sigisbert, & de Phrygien. Mais Paul Emilie, Robert Guaguin, & plusieurs autres afferment qu'il a regné douze ans presque accomplis, iusques en l'an neuf cens trente sept.

Loys fils de charles le simple trente troisieme, fut rappellé du pays d'Angleterre, & fut fait Roy de France, l'an du monde 4890. de Iesus christ neuf cens trente huit il regna vingt sept ans. Les Hongres qui estoient encores Sarrazins passerent par Austrasie & Allemaigne, & gasterent par feu & par glâue les villes & citez, & trauerferent tous les pays iusques à la mer Occéane.

*Loys le 33.
Roy.*

Lothaire fils de Loys 34. Roy de France. l'an du monde quatre mil 9. cens dixsept de Iesus christ neuf cens cinquante cinq regna trente & vn an il fut couronné à Reims le 13. iour de Novembre. L'an neuf cens septant & huit, regnant en France le susdict Roy : Othon deuxiesme Empereur, pour quelque querelle qu'il eut contre Lothaire, entra en France avec grand' armee, & vint mettre le siege deuant Paris : mais par l'impetueuse faillie que feirent les Parisiens sur son camp le neveu d'Othon, & plusieurs autres furent occis deuant la porte, & les ennemis vaincus: en haine dequoy Othon brusla les fauxbours de la ville, & se retira: Le Roy Lothaire, Hugues capet, comte de Paris, & Henry duc de Bourgogne saillans de la ville, poursuiuirent l'Empereur & le descōfirent au pais de Soissons sur la riuere d'Oyse.

*Siege de-
uant Paris
par Othon
deuxiesme*

De rechef durant le regne dudit Lothaire, fut la ville de Paris assiegee par vn Prince d'Annois,

*Paris assie
gé & d'un
Geant de
grandeur
merueilleu
se.*

nommé Huastendanus, accompagné de quinze mil hommes, entre lesquels estoit vn Geant, nommé Betelgulphus, de grandeur merueilleuse : lequel venoit par vn chacun iour deffier & prouquer au combat les Cheualiers François. Le Roy Lothaire estant dedans Paris assiegé, avec sa noble Geoffroy Comte d'Anjou, venant à Paris au mädement du Roy, se trouua ou estoit le Geant, lequel il combatit, & luy trencha la teste, laquelle il presenta au Roy. Les Dannois à demy vaincus, leuerent le siege bruslerent Montmorency, & en fin estäs campez en la vallee de Soissons furent deffaits par le Roy & les Parisiens.

Des fondations des Eglises saint Magloire, saint Barthelemy, saint Nicolas des champs, nostre Dame des champs, saint Martin des champs, saint Victor & les Blancs Manteaux.

CHAP. IX.

DEs le temps de Charles le Chauue, iusques à Loys dit d'outremer, pere de Lothaire, comme il appert au discours de nostre histoire. Le Royaume de France fut grandement trauaillé des Normans, à l'occasion dequoy chacun ferroit les choses precieuses, aux plus seurs lieux : & mesmement l'Euesque d'Alethe nommé Saluator, se faisit des corps saints Magloire & saint Sanson, qui estoient en l'Euesché de Dol en Bretagne, avec autres corps saincts, print le corps saint Maclou, à Leon en Bretagne, & accompagné de plusieurs venera-

*Requête
presentee
au Roy
Lothaire.*

bles hommes d'Eglise, vint à Paris, ou il presenta sa requeste au Roy, & à son conseil, tendant à ce qu'il pleust à sa majesté donner lieu, pour mettre ces corps saincts honnorablement le Roy Lothaire aquiesçant à leur requeste, principalement par le cōseil de Hugues Capet, lors Duc des François & comte de Paris: fit mettre les S. corps en sa Royale chappelle, & de ses predecesseurs, ou est à present saint Barthelemy pres son hostel, ou ils furent receus en grande reuerance, & mis avec les anciennes & precieuses reliques, que les feuz Roys y auoient colloquez. Et lors y auoit Chanoines seculiers, mais ledit Roy Lothaire à la suasion du Comte de Paris, & en l'honneur de S. Magloire, fonda ladite chapelle l'an de grace 975. vne Abbaye en laquelle il mit abbé & religieux auxquels il fit de grands dons, & mit les chanoines seculiers en la chapelle S. Nicolas, qui est à present appelée saint Michel, dedans la cloisture du Palais: lesquels chanoines, du consentement du Roy laisserent ladicte Eglise saint Barthelemy, bien ornee & garnie des reliques de susdits, & demurerent les abbé & religieux lōg-temps en ladite abbaye, & iusques au regne du Roy Loys le ieune, lequel pource qu'ils estoient trop estroittement, les translata avec les corps saincts au lieu ou estoit l'abbaye Saint Magloire, dont l'Eglise auoit ja esté fondee par le Roy Hugues Capet, en la rue S. Denis, hors Paris: auquel lieu y auoit eu vne chapelle de S. Georges fōdee de tres-grande antiquité, ou estoient deux os de ses bras, & vne partie du chef.

*Fondation
des religi-
eux saint
Magloire,
mis a s. bar
thelemy.
La chapel-
le S. Mi-
chel.
Change-
ment des
Moines.*

Ceste translation ou derniere fondation par Loys le ieune, fut en l'an de l'incarnation de nostre seigneur mil 138. és nonnes de Novembre.

Hugues Capet 36. Roy de frã ce. Hue ou Hugues Capet, Comte de Paris, fut le trensiesme Roy de France, l'an du mōde 4949. De Iesus-christ 687. Il regna vn an seul & fit couronner son filz Robert, estant seul, qu'avec son filz il regna neuf ans. Il mourut enuiron le commencement du neufiesme an de son regne, & fut enterre à S. Denis.

De quel temps à esté institué la Iustice du chastelet de Paris, & des officiers d'iceluy, subiects au Preuost de Paris.

En quel temps les ordonnances ont commencé en France. Iay beaucoup leu & recherché comme en passant pour trouuer de quel temps à esté commencé la maniere de proceder, de laquelle on vse à present au Chastelet de Paris: Car de dire que ce soit d'un temps immemorial, cōme aucuns ont voulu dire ie ny treuve point d'apparence, ie vous prie me dire, sur qu'elles loix se sont arrestez ceux qui ont exercé iustice en France dès les Merouinges iusqu'en l'an mil deux cens vingt ou enuiron: car ce sont des premieres ordonnances, qu'on voye guere en France, si les registres d'un priué conseil ne nous fait foy de quelque plus grand antiquité: non que ie vueille inferer, que la France fust sans iustice & sans loix, & ne fust-ce que la loy ancienne des Gaulois iointe à celle, qu'ils auoient comme Bourgeois de Rome, ou celle, qu'ils suiuiōient comme assuiectis au peuple Salique: mais ie soustiens, qu'il est impossible, que le Chastelet de Paris (c'est a dire, la iustice d'iceluy) fust

fust en estat, ny du temps des enfans, & succeurs de Clouis, & autres Merouinges, ny lors, que les Pepins ont tenu le Royaume. et qu'il soit vray regardez en la Loy Salique, & celle qu'on appelle francisque, ou françoise, & les ordonnances du grand Charles, & de son fils Loys le debonnaire, & de Lothaire, & du Chauue, esquelles ny est fait mention de rien, qui face pour la fondation de celle iustice, ou parloüer, qui est à present au Chastelet de Paris. Car de dire, que ce fust là, que les Romains auoient estably leur court, assises, ou grands iours, il n'y a liure approuué, qui nous en puisse donner asseurance: quoy qu'il soit vray semblable, que Paris, & les villages es entours ne se gouuernoient point à la volee, & sans aucune police: & qu'il estoit besoing qu'il y eust des Iuges. Mais nous ne parlons pas simplement des iuges des villes, ains de ceux, qui combien qu'ils n'eussent point souueraineté, si estoient ils commis sur les Prouinces, ainsi qu'est a present le Preuoost de Paris, sur toute la Preuoosté, & viconté de Paris, & que ce sont les Baillifs & Seneschaux, en leurs seneschaucees, & Bailliaiges, de telles gens ie desirerois voir l'errection, car les anciens ne nous aydent de grand chose, si ce n'est sur la declination de l'empire, que les noms des Barbares ont seruy aux empereurs, & à leur Cour pour lustre des estats de leur suite. Je sçay que valoient les noms de Duc, & de Comte, & en quoy ceux qui les portoyent, estoient employez: mais encor es de ce temps ne voy-ie point, que Paris me face paroistre par ses Anti-

*Premiers,
Comtes de
Paris.*

quitez vn de ses Comtes le gouuernant, & luy administrant iustice, iusqu'à ce qu'Eude, Comte d'Aniou, & de Paris, eut sur cette ville commandement, & que les fils d'iceluy luy succedans en cette dignité, qui leur en estoit hereditaire, se feirent par icelle la voye à la couronne de tout le royaume. Je veux dire, que n'y sous les Merouinges, ny sous les Pepins celle iustice, que nous a-

*En quel
temps la iu-
stice de cha-
stelet à pris
commence-
ment*

pellons à present du Chastelet, n'estoit en force, y estant la faineantise des premiers, & l'ambition trop grande des autres: & ainsi nous concluons, que du temps de Capet, & de ses successeurs le Chastelet, seruant aux Romains iadis de forteresse, & de lieu pour leuer les tributs, fut employé pour administrer iustice à cette grande cité, & aux villages, & villes, qui luy sont a l'entour, de meilleure preuue n'en peux-ie auoir que celle ia alleguee cy dessus, qui tournera en consequence pour la preuue de plus grande antiquité de ceste iustice. Laquelle ayant le droit de la police en

*Du Par-
louer des
Bourgeois.*

main, ie pense, qu'elle fut iadis comprise sous le parlouër des Bourgeois auant l'errection du Preuoost de Paris, du nombre desquels Bourgeois, il est vray semblable, que les Roys, aymans la purité tirerent & choisirent des plus segnelez, par le fait des iugemens, & pour ouyr les premieres

*En quel
temps fu-
rent erigez
les bailli-
ges.*

plaintes du peuple. Car nous ne scaurions trouuer plus longue recherche des bailliages, que depuis la troisieme ligne des Roys de France, lors que les Duchez, & Comtez furent faits hereditaires: entant que les Roys, se reseruans la souueraineté, y commirent des Baillifz, Preuoosts, &

Seneschaux, pour estre chefs de leur iustice, desquels, es causes de grande importance, y eut appel à leur conseil & Parlement ambulatorioire. Or si l'y a quelcun, qui ne se contente de ces nos raisons, & vueille faire cette iustice plus ancienne, que le Parlement, ie luy diray, que iamais ne fut, que Gaulois, & François, n'eussent des iuges par les villes: mais que l'ordre fut tel, qu'a esté depuis au Chastelet, il ny a homme qui me le sache mōstrer, que depuis le regne de Capet, & plus de soixante ans apres le trespas d'iceluy. Car ie suis tousiours là, que les Roys n'eussent failly de faire mention en leurs ordonnances aussi bien lors, que depuis de cette iustice, si elle eust esté establee, comme on la voit a present, & ainsi qu'elle commençoit a prendre pied du regne de Philippe auguste. Au reste, ce Chastelet ayant grande autorité, & sa iurisdiction estant d'aussi belle estendue, qu'un des plus beaux Parlemens de France (sauf celuy de Paris) à cause que les iuges de chastelet ont iustice sur la Preuosté & vicomté de Paris, & sur la mesme ville, laquelle contient autant ou plus de peuple, que la plus belle Province du Royaume: pour cest esgard on void aussi le grand nombre d'officiars, qui sont en ce chastelet, tels que sont le Preuost, ses Lieutenants Ciuil, Criminel, & Particulier, le cōseruateur des priuileges: Les gens du Roy, Procureur & Advocat, qui sont ayant la charge du fisc, & de l'interest Royal, les douze Conseillers, les greffiers, & Commissaires, ceux cy estants, comme iadis les Questeurs à Rome, commis pour l'inquisition

Les officiers du chastelet de Paris.

*Office des
Commis-
saires: ou
Chastelet
de Paris.*

*Notaires
du Cha-
stelet.*

*Sergents
Royaux.*

*Police en-
chargee au
Chastelet.*

*Hostel de
ville suiect
pour vn
temps au
Chastelet.*

des crimes, & ayants puissance de se saisir, & de prendre les delinquants. Cest pourquoy on les a ordonnez par les cartiers, afin qu'ils surueillent sur le peuple, & soyent prests aux clameurs d'ice-luy, facent rapport au Chastelet de ce, qu'ils aurōt trouué, & de l'inquisition, & information, qu'ils en auront faicte. Pour le fait des transactions du corps de ce Chastelet, sont les tabellions, & Notaires, auxquels seuls est loisible de passer contracts, & de faire foy des affaires des citoyens par leurs escritures, soit es achapts, ventes, obligations, cedulles, testamens, codicilles, ou autres actions concernant la foy publique. Pour le seruice de ce Chastelet, sont les sergents, tant à cheual, qu'à verge, lesquels executent les adiournemens: & donnent les assignations ordōnees par les iuges, comme enuoyez par le Roy, & portans titre d'officiers, & la marque du Roy en vn escu-son des armoiries de France, afin qu'on les puisse cognoistre. Au Chastelet est deüe la police de tout antiquité, si bien que les boulangers, ou autres, qui vendent viures de bouche, ou marchandise, si ils sont trouuez en faute en leur estat, les commissaires y ont l'œil dessus, & est le deuoir du Preuost de Paris, de faire pugnir tels delinquants & fauteurs. A esté vn temps, que l'hostel de ville mesme, & les droits qui en despendent pour le fait des Bourgeois, dependoit du Chastelet, mais ce fut lors, que Charles sixiesme, estant, irrité contre les parisiens, leur osta leur priuileges, le droit d'Escheuinage, & toute iurisdiction, delaquelle les bourgeois auoyent de cou-

stume de iouyr. Ce qui depuis leur a esté rendu, & avec vsure, estant l'hostel de ville plus autorisé, qui n'à iamais esté, le tout de la bonté & grace de noz Roys, qu'aussi pour le deuoir des notables personnes qui ont esté employez aux charges & affaires d'icelle ville.

Pour la suite de nostre antiquité, nous dirons que Hugues Capet, fut le fondateur de l'Abbaye S. Magloire, ou a present est la maison & Eglise des filles Penitentes: pour la preuue de ce que iay dit *Le fondateur de S. Magloire.* ie vous descriray ce que j'ay trouué au cœur d'icelle abbaye, en laquelle est vn Roy en platte peinture & dessus est escrit.

Hugues Capet, Roy de France. fondateur de cette Eglise.

D'auantage les Religieux de leans monstrent quelques escritures en tapisserie, par lesquelles apert l'abbaye auoir esté fondée par Hugues Capet, & allegues ces deux vers.

*Hugues Capet en sa grand gloire,
Fonda à Paris saint Magloire.*

Encores disent ils, que la Iustice patibulaire estoit en ce lieu, & que enuiron l'an mil cinq cens vingt cinq, l'Abbé de leans, nommé de Mommiral, faisant bastir dedans des iardins, autour de l'Eglise, on trouua dedans terre, plusieurs ossemens de corps morts, avec des chaines de fer, & potences à gibet. Semblablement en fut trouué autant l'an mil cinq cens quarente neuf, és fondemens d'une maison contre icelle Eglise, en la rue Saint Denis.

Ces Moynes ont esté subiects à estre muez de lieu en autre, tant iadis que de nostre temps, d'autant qu'en l'an mil cinq cens lx. douze. On les osta de la ruë saint Denis, pour y mettre les filles repenties, & furent enuoyez avec leurs ornemēs, vases, reliques & cloches, au fauxbourg saint Iaques en l'Eglise & Hospital S. Iaques du haut pas, esquels lieux ont bastit pour mieux accomoder les religieux.

*De l'Eglise
de S. Barthelemy.*

Ces religieux de leur premiere antiquité, estoient en la paroisse de S. Barthelemy, d'ou il furent ostez, & deslors instituee en paroisse dont le Roy (à cause de son Palais) est le premier Paroissien : & en laquelle y a vne prieuré dependāt de saint Magloire & y viennent les religieux chanter aux quatre festes annuelles. Le lieu du prieuré est derriere le cœur, qu'on appelloit anciennement nostre Dame des voutes, en ladicte Eglise saint Barthelemy.

*De la chapelle
de S. Michel.*

Quant à l'Eglise saint Michel, dans la closture du Palais, elle fut chapelle des Roys, iusques au temps de saint Loys. En icelle sont deux chapelles, l'une fondee par les dix huit messagers de la chambre des Comptes & du tresor, creez par les Roys de France, l'autre fondee par le grand guet du Roy.

*Trespas de
l'Euesque
de Paris.*

L'an neuf cens septante sept, trespasā Albert autrement nommé Ascelin, Euesque de Paris, fils de Baudouyn le ieune, conte de Flandres.

*Robert 37.
Roy de fra
ce.*

Robert fils de Hugues Capet fut le trente-septième roy, & succeda à son pere, & commença à regner seul l'an du monde quatre mil neuf

cens cinquante huiet. De Iesus Christ neuf cens nonante six. Il regna trente quatre ans, homme lettré, studieux religieux debonnaire, vertueux sage & de bonne meurs, lequel fonda l'Eglise & paroisse de saint Nicolas des champs en son Palais, pres Paris. L'an mil cinq cens septante neuf, fut commencé à bastir, pour eslargir ladicte Eglise, du costé de l'abbaye S. Martin & pour ce faire furent abbatues les prisons & geolle de ladicte abbaye, moyennant recompense adiugee audits Moynes S. Martin, qui sera chose de belle decoration estant acheué & pour le bien public des Paroissiens attendu le grand nombre de peuple & que ladicte Eglise est trop petite

*Fondation
de S. Ni-
colas des
champs.*

*Ce qui est escrit en lettres d'or au portail du bastiment
neuf de S. Nicolas des Champs.*

ANTERIORE TEMPLI HVIVS PARTE
A ROBERTO GAL. REG. XXVI. D. O. M. IN
M. D. D. IOAN. EVANG. NICOL. IN SV-
BVRB. AD REG. ADES CONSTRET. IN
PAROEC. ERESTA: POSTERIOR. HEC,
POP. VRBI TANDI INCL. ET SVP MOD.
AVCTO, S. D. EXTRECEP. ANNO RE-
STIT. SAL CIO. IO. LXXVI. SEPT ID. V.
IVL. HENRICI. III. GAL. ET POL. REG. II.
D'un costé il y a vne Image nostre Dame sur la-
quelle est escript.

Tout est à Dieu.

D'autre costé vne Image S. Iean, ou est escript,

Tout vient de Dieu.

Nicolle Gilles à escript, que ledit roy auoit son

Palais ou est de present le monastere sainct Martin des champs, toutesfois il appert du contraire: il fonda aussi l'Eglise & prieuré de nostre Dame des champs pres Paris, au lieu au parauant sainct Denis, auoit ia edifié vne Eglise: l'on tient pour vray que ce lieu fut le premier ou les Chrestiens de Paris, commencerent à inuoyer le nom du tout puissant, y abbatant sainct Denis l'idole de Mercure, qui estoit le Dieu estimé tutelair des Gaules. Le susdit Roy Robert, comme religieux, & plus soigneux du seruice de Dieu, que du maniment des armes, ayant aprins de son pere Huë Capet, que l'establissement d'une seigneurie s'acquiert plus par Pieté, & Iustice que par effusion de sang, s'addonna aussi aux œuvres saintes.

*De nostre
Dame des
champs.*

Hors la susdicte Eglise nostre Dame des chāps, contre la muraille, à l'entree du Cymetiere, est vne pierre caree, dedans laquelle est peinte d'or & d'argent l'effigie de nostre Dame, bien antique, & dessous est escrit.

*Siste viator, Marian reuerenter honora,
Nam fuit hæc saxo primū depicta minori
Quod medium spectas:
Ad sculptam primitus ædes,
Et basilica tenet tanto de nomine dicta.*

*Henry 38.
Roy. Fon-
dation de
l'Abbaye
s. Martin.*

Henry fils de Robert premier du nom 38. succeda à son pere. L'an du monde 4992. De Iesus Christ 1030. Il regna trente ans. En son viuant fit plusieurs choses memorables, & d'autant que non loin du lieu ou estoit le logis du Roy, il y a-

uoit eu iadis assemblée de religieux, & que saint Martin si estoit tenu, & y auoit fait de grands miracles, comme encore y estoit la chappelle en laquelle S. Martin auoit guery vn ladre, cette abbaye ayant esté ruinee par la violence des guerres, soit des Normans ou autres: tellement qu'il n'y auoit aucune apparence d'abbaye, sinon les ruines. Et la closture de ce lieu & grandeur d'iceluy, passe beaucoup plusieurs villes de France: Le bon Henry premier du nom, & fils de Robert imitateur des vertus de son pere, restitua à Dieu la place qu'il luy auoit esté dedice, & de son Palais fit bastir vn temple, & dresser vne abbaye avec chanoines reguliers de saint Augustin, auxquels il donna rentes, reuenus terres, & possessions fort amples & suffisantes pour les entretenir, outre ce leur octroya droit de toute Iustice, haute moyenne & basse, non que tout l'enclos fut du Palais, ains le costé qui est vers la geolle, & le plus proche de S. Nicolas, estant vne maison de seiour des Roys ou ils oyoient les doleances du peuple. En ce temps aduint si grand feu en la ville de Paris, que la cité fut quasi toute bruslee: En l'an mil trente quatre. La riuierc fut fort grande l'espace de sept ans.

Philippes fils de Henry 39. Roy succeda à son pere. L'an du monde 5022. De Iesus Christ 1060. Et il regna quarante neuf ans. Le Roy decede à Melun, le 29. iour de Iuillet, & est enterré à saint Benoist sur Loire. En son regne fut deliberé le voyage de la terre sainte ou furent plusieurs seigneurs de France entre autres Godefroy, Duc de

Philippes
19. Roy de
France.

Lorraine autrement nommé de Buillon qui fut Roy de la terre sainte en l'an mil cent vn, la cité de Ierusalem fut prinse par les Chrestiens : le xx. neuvième iour apres qu'elle fut assiegee, qui fut le quinzième de Iuillet. Et selon Emile, le quatrième. En l'année mil quatre vingt dix neuf.

*Change-
ment de
l'Abbaye
S. Martin*

Et d'autant qu'auons commencé cy deuant à deduire la fondation de l'Eglise saint Martin ie vous veux aussi declarer le changement. Les chanoines n'y furent gueres long temps, d'autant que ce Roy Philippes premier du nom, fils de Henry, desirant voir cette royalle maison mieux reformee, la donna l'an mil septante neuf, à saint Hugues Abbé de Clugny pour la remettre en quelque estat plus saint, & ce bon pere y mit vn Prieur, & des Religieux de l'ordre saint Benoist, tels qu'à present on y voit, & en furent ostez les chanoines, sinon ceux qui voulurent se soumettre à la rigueur, & discipline du Prieur claustral, laquelle y regne encor' avec tel integrité qu'il ny a homme qu'il puisse dire, que cette maison soit autre qu'un vray Asile de vertu, & le repaire de toute sainteté : iadis il estoit hors les murs, & ores dedans, mais assez pres des remparts, qui est cause qu'encores on luy donne le nom de saint Martin des champs, estant la fondation de trois Roys, Henry premier, Philippes premier, & Loys sixième, ainsi que voyez és inscriptions qui sont à l'Eglise du susdict Prieuré, laquelle despend de Clugny : le premier Prieur fut nommé Vrse, lequel estoit fort S. homme, & mourant fut enterre contre les murs de l'Eglise entre les deux por-

*Nom du
premier
Prieur.*

tes du Cloistre, & du dortoir, car ce fut là que le bon saint Hugues l'enterra luy-mesme, comme voulant le laisser pour garde des actions des religieux nourris pour l'aduenir en ce monastere. Apres le deces de cestuy, le saint Abbé Hugues ordonna Prieur de S. Martin vn bon religieux nommé Thibaut, lequel gist vis à vis du benoistier, auquel succeda Mathieu le troisieme en rang entre les chefs de ceste maison Royale : lequel par ses vertus fut fait Cardinal du saint siege, & Euesque d'Alby, & depuis Legat en France : il mourut & fut enterré à Rome.

Hugues premier du nom, & quatrieme en nombre, est celuy qui fit clore tout le circuit de la maison de forte muraille, & de Tours, & petits bouleuers, telle qu'on la voit à present, à fin que on ne pense point que ce fut la closture du Palais Royal.

*La prieu-
ré close de
murailles.*

Reprenant l'ordre de l'histoire, quant à la prieuré de saint Martin des Champs, il y a dessus la porte, par laquelle on entre du cœur dans le cloistre, en platte peinture, les effigies de trois Roys sur la teste de l'vn tenant vne Eglise est escript.

Henricus primus.

*Inclita Martino construxi hac mœnia
diuo.*

Sur l'autre est escript.

Philippus primus.

*Cluniaco accini monachos, censu quoque
iuni.*

Sur le tiers est escrit.

Ludovicus sextus.

Dona ego maiorū, collatāq; iura probavi.

Derriere le cœur de l'Eglise dedans vne chapelle, est vn sepulchre sur lequel sont deux effigies de pierre, visage & mains d'Albatre, l'une d'homme, l'autre d'une Dame: & contre l'un des pilliers est vne effigie d'homme debout, vestu comme vn President, de couleur rouge. Contre l'autre pillier est l'effigie d'une dame, aussi debout coiffée à l'antique, & son habit doré. Au long du sepulchre est escrit.

Le Sieur
de Moruillier, premier
President.

Cy deffous reposse le corps de nobles personnes M. Philippes sieur de Moruillier, Clary & Charenton, Conseiller du Roy, & premier President en Parlemēt: & Madame Ieanne du Prat, sa femme, & trespassa ledit President le xxv. iour de Iuillet, l'an mil iiijc. xxxviij. Et ladite Ieanne l'an mil quatre cens trente sept.

L'an 1576. Regnant Henry troiesme Roy de France & de Polongne, fut refaict plusieurs bastimens en la susdicte Abbaye saint Martin, & entre autres vn grād portail, pour entrer droit dans la court du monastere, chose de bonne inuention, d'autant que ce lieu estoit presque inutile, & outre ce que l'entree est sur la grande rue S. Martin. Au portail d'icelle est escrit ce qui en-

fuit, sous les pieds de deux effigies de Roys faicts de pierre, qui sont des deux costez de la porte.

M. LX.

Henricus posuit primus primusque.

Philippus auxit

Septem probas quas lodoicè domos.

M. V. LXXV.

*Dum reficit vialar, Biturix præsulque
priorque tertius Henricus Gallica sceptrata
tenent.*

Loys le Gros, fils de Philippes 40. Roy, succèda à son pere. L'an du monde 5071. De Iesus christ, mil cent neuf, il regna 28. ans. Il fut oingt & créé le troisième d'Aoust en la ville d'Orleans, en l'Eglise S. Sanson, par Gilbert, Archeuesque de Sens, nonobstant les oppositiõs, que firent ceux de Reims, disans auoir seuls ce droict. Ce susdict roy de France, en recognoissance de la victoire qu'il auoit obtenue contre aucuns Seigneurs de France, qui auoient conspiré trahison cõtre luy, en l'honneur de saint Victor, auquel il auoit singuliere deuotion, fit construire & edifier l'Abbaye saint Victor, pres Paris, en laquelle il mit religieux chanoines de saint Augustin, l'an de grace mil cent treize.

*Loys le Gros
40. Roy,
fit bastir
l'Abbaye
S. Victor.*

Telle est la teneur de la fondation, ainsi que le roy susdit la fit, laquelle à fin d'estre mieux entendue d'un chacun, l'ay mise en François.

Nous Loys, par la grace de Dieu roy des Fran-

*Fondation
de labbaye
S. Victor.*

çois, instruit par l'exemple de mes ancestres, & accusé de ma conscience, mettant deuant mes yeux le iour du dernier iugement: voulons & auons desiré par le conseil & consentement des Archeuesques, & Euesques & Seigneurs de nostre royaume, que l'Eglise dediee au nom de S. Victor assise pres Paris, soit ordonnee pour des Chanoines reguliers, viuans selon leurs reigle, à fin qu'ils prient Dieu, tant pour nous que pour le salut de nostredict royaume, & qu'ils facent memoire en leurs prieres & oraisons, tât de nous que de nos ancestres. Et à fin que le soin temporel de la necessité des freres, ne les destourne pour les tirer au soucy des choses exterieures & terriennes, nous auons doté & enrichy la susdicte Eglise avec la faueur & magnificence de nostre royalle liberalité. Donc les Archeuesques, Euesques, Comtes & autres Seigneurs de nostre Royaume à Chaalons assemblez, par le commun accord & consentement de tous, auons estably & ordonné que les susdits Chanoines esliront vn Abbé tel que bon leur semblera, soit de leur troupeau, ou de quelque autre Eglise que ce soit, mais l'eslisant avec telle condition, qu'ils ne seront obligez de demander le consentement du Roy, n'y attendre l'auctorité du Roy, n'y la volonté ou louange & adueu de quelque autre personne, ains en choisiront celuy qu'il plaira à Dieu leur donner, & esliront canoniquement sans demander congé (comme auons dict) au Roy, n'y a personne quelconque, & l'offriront sans nul contredict à l'Euesque de Paris pour le consacrer.

Faict à Chaalons au Palais public, l'an de l'incarnation de nostre Seigneur, mil cent treize, & de nostre regne le cinquiesme.

Par ces lettres vous voyez la modestie des roys anciens en ce qui est de l'autorité Royale, ne voulans faire aucun establisement sans la volonté & consentement du clergé, & noblesse & officiers de la iustice, & le respect qu'ils portoient à l'Eglise, puis que franchement cestuy se demet de la nominatiō de l'Abbé de S. Victor: & bien que ce soit de sa fondation, si est-ce que purement & simplement il s'en raporte à l'election des Chanoines, ne voulant qu'autre quelconques'en entremette, & y est à considerer leur bonne conscience, puis que canoniquement cestuy veut que l'Abbé soit esleu, & ordonne que l'Euesque diocesain aye l'autorité de sacrer, à fin de ne rompre aucun ordre Ecclesiastique, & violer la discipline avec tant de priuileges, puis qu'il est ainsi que les moindres dignitez ont esté establies pour obeir aux superieurs. De ceste Abbaye ancienne n'en reste plus que la vieille porte, & le paruis: car elle a esté du temps du Roy François toute rebastie de neuf, en Architecture autant excellēte qui se puisse inuenter, avec decoration d'images representantes le naturel: de compartimens dorez, de verrieres, & autres singularitez. Je n'ay sceu passer outre sans apposer icy certains Epitaphes, de leur fondateur, & de noz Euesques de Paris, & autres hommes doctes enterrez en ce monastere, recueillies, entre plusieurs dignes de noter.

*Modestie
des roys an-
ciens.*

Epitaphe du Roy susdict escrit au cloistre de

Iadicte Abbaye.

*Illustris genitor Ludouici Rex Ludouicus,
Vir clemens, Christi seruorum semper amicus;
Instituit, fecit pastorem canonicorum,
In cella veteri trans flumen parisiarum.
Hanc vir magnanimis almi Victoris amore,
Auro reliquiis ornavit rebus honore.
Sancte Dionysi, qui servas corpus humatum
Martyr & Antistes Ludouici solue reatum
Christi centeno cum mile decem & tribus anno,
Templum hoc Victorius struxit regalis honoris.*

Derriere le cœur de cette Église y a vn sepulchre de pierre, & dessus l'effigie d'un Euesque: l'Epitaphe est tel.

*Dicite mortales sortis memoranda suprema,
Fata, quibus mors est indita: vita brevis.
Nobile pontificum, decus hac Reginaldus in urna
Occubat, exili contumelatus humo.
Parisiæ quondam præsul celeberrimus urbis
Fatali ad superos sorte vocatus obit.
Quisquis ades, sic te fragilem memorare viator.
Mors est certa, brevis gloria, vita nihil.*

Obijt anno supra M. cclviij.

Pres de là est vne sepulture platte, du costé de Septentrion, d'un Euesque de Paris, au dessus est escript en cuyure.

*Epitaphium Guillemi Parisiensis.
Conditus hic recubat fatali sorte Guillelmus,
Parisijs pastor, qui gregis aptus erat.
Reperit illustrem cælesti munere famam,
Quam nequit in tanto mors atollere viro.*

Autre Epitaphe d'un Euesque de Paris.

Epitaphium

Epitaphium Petri Comestoris.

*Petrus eram quem petra tegit, dictusque comestor,
Nunc comedor viuus docui, nec cesso docere
Mortuus, ut dicat qui me videt incineratum,
Quod sumus iste fuit, erimus quandoque quod hic est.*

Celuy qui s'enfuit a vne sepulture esleuee toute pleine.

Epitaphium Magistri Hugonis de sancto Victore.

*Conditus hic tumulo doctor celeberrimus Hugo,
Quem brevis eximium continet urna virum.
Dogmate precipuus, nullique secundus amore,
Claruit ingenio, moribus, ore, stilo.*

Ces deux qui s'ensuyuent sont dedans le cloistre de l'Abbaye.

Epitaphium magistri Richardi de sancto victore.

*Moribus, ingenio, doctrina charus & arte,
Pulvereo hic tegeris, docte Richarde, si tu
Quem tellus genuit fœlici Scotica partu
Te fouet in gremio Gallica terra suo.
Nil tibi Parca ferox nocuit, quæ stamina paruo
Tempore tracta graui rupit acerba manu,
Plurima namque tui superant monumenta laboris,
Quæ tibi perpetum sunt paritura decus.
Segnior ut lento sceleratus mors petit ades,
Sic propero nimis it sub pia tecta gradu.*

Epitaphium Magistri Adæ de sancto Victore.

*Hæres peccati, natura filius iræ,
Exilioque reus nascitur omnis homo.
Vnde superbit homo? cuius conceptio culpa
Nasci pœna, labor vita necesse mori.
Vana salus hominis, vanus decor, omnia vana,
Inter vana, vanius est homine.*

*Dum magis alludit præsentis gloria vita,
Præterit, imo fugit, non fugit, imo perit,
Post hominem vermis, post vermen fit cinis, heu, heu.
Sicredit ad cinerem, gloria nostra simul.
Hic ego qui taceo miser, & miser abilis Adam,
Vnam pro lummō munere posco precem.
Peccavi fateor, veniam peto, parce fatenti:
Parce pater, fratres parcite parce Deus.*

En la chapelle de l'enfermerie est l'effigie d'un Patriarche d'Alexandrie, Euesque de Paris, en albatre blanc, sur un tombeau de marbre noir, autour duquel sont engrauez ces vers.

*Hic situs est dominus G. de Ganac patriarcha
Alexandrinus, iuris dum viueret archa,
Mores ornatos ad culmen nobilitatis,
Adiungens gratos actus abuit pietatis,
Plebis Ecclesiæ Prælatus Parisiensis,
Cultor iustitiæ, peruersorum fuit ensis.
Hunc sibi non solum, sed eum qui post ibi sedit
Dictus fulco, dedit Lemonicensē solum.
O quam sollicitè quam sanctè, quanque peritè
Ius studuit, Cleri libertatèsq; tueri.
Multos promouit, quos sanctè viuere nouit,
Clam resouens inopes distribuebat opes.
Corde Deum sitiens transiuit ad atria lucis,
Sancta luce crucis in Maio moriens.
Anno mileno trecenteno quadragesno,
Octoque centenos annos peragens quasi plenos
Pro dilectoris anima tui dulciter ora,
Sancti Victoris conuentus qualibet hora.*

On dit qu'en ceste Abbaye est le corps de Ola-

nus, Roy de Moresque, Alias Nouergne, iadis *Fondation du monastere des dames de montmartre.*
 payen, & depuis conuertý à la foy, par Robert Archeuesque de Rouan : puis occis pour la foy, comme martir, par ses propres subiects, enuiron l'an mil vingt : au mesme temps Alix, femme du roy Loys le Gros, fonda le monastere des religieuses de Mont-martre où elle gist sous vn tombeau de pierre, sur lequel est son effigie engrauee, qui apparroist bien antique, & de nostre temps a esté transporté ledict monument à costé du grád autel, vers Septentrion. En l'an mil cent soixante le susdict roy Loys le Groseut vn fils, nommé Philippes, Archediacre de Paris, lequel ceda l'election de l'Euesque à Pierre Lombard, Docteur tres-sçauant en Theologie, dont l'Epitaphe est cy dessus : lequel Euesque fit tant avec le roy Loys le Ieune, que les longs cheueux & les barbes furent abbatues. Ledit Philippes, Archediacre, gist à nostre Dame de Paris.

Loys le Ieune, fils de Loys le Gros quarante & vniesme roy succeda à son pere. L'an du monde, *Loys le Ieune 41 Roy de France.*
 cinq mil nonante & neuf, de Iesuschrist mil cent trente sept, il regna quarante trois ans. En son regne le Pape Eugene vint en France, & illec assembla vn concile à Paris & à Reims. L'an 1145.

Iceluy Pape Eugene en l'an mil cent quarante fix, és Calendes de Iuin, à la supplication des religieuses de Mont-martre, cōsacra & dedia le grád autel de la chapelle des Martirs, és noms d'iceux *La chapelle des Martirs.*
 martirs S. Denis. S. Rustic, & S. Eleuthere ainsi qu'il est escrit dans ceste chapelle, en la bulle donnee audict an, en la ville de Meaux.

*S. Bernard
va en Ale-
magne.*

L'an 1146. Sainct Bernard s'en va en Allemaigne pour prescher, & pour persuader la guerre contre les infidelles, à la persuasion duquel l'Empereur, & le roy, prindrent les sainctes armées, pour aller mettre le siege deuant la ville de Damas.

*Trespas de
S. Bernard*

L'an mil cent vingt & vn. Le susdit sainct Bernard au douziesme an de son aage avec trente de ses compagnons, en vn mesme iour se rendirent religieux de l'ordre de Citeaux: Et estât Abbé de Cleruaux alla de vie à trespas l'an 1153.

Le Roy susdict estant maladif, fait couronner à Reims son fils Philippes, le premier iour de Nouembre, auquel couronnement assista Henry le Jeune, roy d'Angleterre, pour lors benificiéent France.

*Fondation
des Guille-
mins dictz
blancs man-
teaux.*

Ainsi de temps en temps, Paris se multiplians, les Eglises & oratoire y furent aussi fondees en plus grand nombre, car le comte Guillaume, Duc de Guienne, & Comte de Poitou, s'estant rendu Hermite institua l'ordre des Guillemins, suiuians l'ordre de sainct Augustin, & apres sa mort, le conuent des blancs Manteaux de Paris, fut des premiers qui receut ceste nouuelle semence de religieux en l'an de nostre salut mil cent soixâte, ainsi que discours Bouchet en ses Annalles d'Aquitaine. Or y auoit il differéce des Blâcs manteaux (qui estoient médians) aux Hermites du bon Duc Guillaume, lesquels se tenoient à Montrouge, iusques au temps de Philippes le Bel, qui les introduit à Paris, & leur donna la maison des Blancs-manteaux, que le Roy sainct Loys auoit.

fondee, & ainsi les Guillemains prenans le logis des Blancs-manteaux, en ont aussi retenu & retiennent le tiltre.

Du Bastiment de la grand' Eglise nostre Dame de Paris, & de ses singularitez, & de saint Anthoine des Champs, des Roys qui ont regné en ce temps, & des choses plus memorables.

C H A P. X.

Philippes Dieu donné, fils de Loys quarante deuxième roy succeda à son pere. L'an du monde cinq mil cent quarante deux. De Iesus christ 1180. Il regna quarante trois ans. Au commencement de son regne il fut aspre à reprimer les seditions des ennemis tant des siens que de ceux de l'Eglise: le premier edict du nouveau roy fut cōtre les blasphemateurs du nom de Dieu, & cōtre ceux qui avec opprobres pour choses trop legeres & frivole l'appellēt en tesmoignage. Par lequel edict il condannoit toutes telle manieres de gens à estre iettez en la riuere, sans encourir la mort. Le second fut contre les basteleurs, ioueurs, farceurs, & autres plaisanteurs, ausquels il defendit sa cour.

Philippes estant à Paris, & encores viuant son pere, vn iour de sabbat le 26. iour de Feurier entra en la Sinagoge, pilla & spollia les Iuifs. Et le vingt neufiesme iour de May, iour de l'Assention de nostre Seigneur, Philippes fut de rechef couronné Roy avec sa femme, Elizabeth, fille de Baudouin, Comte de Haynault: Le pere à veu son fils Roy vn an durant avec grandissime ioye.

*Philippes
le 42. Roy
de France.*

*Le Iuisz
pillez.*

Famine en France.

L'an 1194. si grande famine fut en France, qui dura quatre ans, dont le peuple fut si apauvry, que ceux qui estoient au parauant riches, mandioyēt publiquement leur vie.

Mort d'un duc de Bretagne.

L'an mil cent quatre vingts-six mourut à Paris, Geoffroy Duc de Bretagne, & comte de Richemont, troisiēme fils de Henry Roy d'Angleterre, lequel fut inhumé par le vouloir du Roy Philippes, deuant le grand autel nostre Dame, en la grand Eglise de Paris.

Sepulture de la royne Elizabeth.

L'an mil cent quatre vingtz neuf le vingtiesme iour de Feurier, decēda à Paris la Royne Elizabeth, femme du Roy Philippe Auguste, & fille de Baudouin, Comte de Henaut, laquelle fut enterree en l'Eglise nostre Dame de Paris, qu'on bastissoit alors, encores voit on sa tombe, de marbre blanc & noir, dedans le cœur d'icelle Eglise, qui du commencement à esté haut esleuee, avec autres tombes, de Princes & Princesses, mais par antiquité les Epitaphes estans rompus & vīez, les noms en sont incogneuz.

Bastiment de l'Eglise nostre Dame de paris

Six chapelles sacerdotales.

Pour les ames des deux deffuncts dessusdits & autres le Roy fonda en ladicte Eglise six chapelles sacerdotales, les chapellins desquelles doiuent celebrer, l'un pour iceluy Roy Philippes, & pour son pere Loys: Le second, pour Geoffroy Duc de Bretagne. Le tiers pour la Comtesse de Champagne. Le quatriēme pour la Royne Isabel sa femme. Le cinquiesme, pour les feus roys ses predeceurs. Et le sixiesme à la deuotion du chapitre.

Au temps dudit Philippes Auguste, tenoit le siege cathedral Maurice de Soliac soixante & dixiē.

me Euesque de Paris, fondateur des Abbayes de Heriuaux, Hermieres, Hyerre, Gif, & sainct Anthoine des champs, esquelles il mit religieuses, & composa le respons des Vigilles, *Credo quod redemptor meus*. & ce qui sensuit: lequel il ordonna estre engraué sur sa tombe. Ce bon Euesque pour chassa enuers le Roy Philippes, & luy mesme y employa tout son bien, à ce que la grand Eglise, de Paris fust edifiee & construiete de tres-sump- tueux ouurage, ainsi qu'on la voit à present: les fondemens de laquelle par auant luy auoiēt esté faits & esleuez iusques au rez de terre.

L'an qu'elle fut commencee est incertain, mais c'est chose certaine que l'edifice fut leué du tēps dudit Euesque, qui mourut l'an mil cent quatre vingts & seize, & encor' ne fut le bastiment continué iusques à l'an 1257. ainsi qu'on peut recueillir par ce qui est graué en la croisee vers midy, y a escrit aux deux costez de la porte de ce costé là ce qui ensuit.

*Anno domini, M. CC. LVII. mense Febru-
uario idus secundo, hoc fuit inceptum
Christi genitricis, kalensi lathomo vi-
uente Ioanne magistro.*

Ce temple est la seule merueille de France pour sa grandeur & forme. L'edifice est fondee sur pilotis au bout de la cité sur la riue de Seine, creux par dessous en plusieurs lieux: Il a six vingts colonnes, ou pilliers dedans œuure, soustenans l'e-

disce, & faisans deux allees, sans la grande closture d'espaissie muraille, qui enuironne le tout. La nef & le cœur sont au milieu du Temple en telle largeur que sont au costez, les deux allees & rangs de six vingts colonnes. La longueur de la nef est de cent pas ou eniambees.

Depuis la nef iusques au chef de l'Eglise y a septante quatre pas, ce sont en longueur de l'edifice dedans œuvre cent septante quatre pas ou eniambees.

La largeur tant de la nef que des allees & costez est de soixante pas ou eniambees.

La hauteur est estimee à la mesure de la longueur de la nef.

D'autres la mesurent ainsi, soixante six toises de long dedans œuvre, vingt quatre toises de largeur, dixsept toises de haut, le tout dedans œuvre.

Sur les grosses colonnes sont galleries par dedans, tout à l'entour de l'Eglise, grâdes & larges, le deuant desquelles est distinct par cent huit colonnes chacune d'une pierre, entremeslee par my les grandes, lesquelles galleries sont verrinees tout à l'entour.

Le cœur est tout clos de pierre, l'entour d'iceluy contient par haut les histoires du nouveau testament, par Images, entieremēt taillees, peintes & dorees: & par bas contient le vieil Testament engraue dedans la pierre, desquelles histoires celle de derriere le cœur sont plus modernes, comme on voit par la datte d'icelles, engrauee sur l'effigie d'un homme à genoux, auquel est escrit ce qui ensuit.

*C'est maistre Iean raiui, qui fut masson de
nostre Dame de Paris, par l'espace de xxviij* Epitaphe
d'un Ma-
ans, & commença ces nouuelles histoires, son.
*& M. Iean le bouteillier, son neveu, les à
parfaites en l'an mil iij. cens cinquãte vn.*

A l'entour de l'Eglise sont quarante cinq cha-
pelles toutes treillisees de fer, desquelles on trou-
ue la datte de la fondation de celles de derriere quarente
cinq cha-
pelles à no-
stre Dame.
le cœur, sous l'effigie d'un Euesque, debout sur
vne colomne qui gist en l'une tout aupres, sous
vne haute sepulture de marbre, & est escript ainsi.

Cy est l'Image de bonne memoire Simon Ma-
rifas de Bucy, Euesque de Soissons, iadis Euesque
de Paris, par qui furent fondees premierement ces
trois chapelles où il gist, en l'an de grace mil
deux cens quatre vingts & seize, & puis on fit
toutes les autres enuiron le cœur de ceste Eglise.
Cet Euesque à laissé beaucoup de distributions
annuelles en icelle Eglise.

A chacune des deux croisees y a deux portes,
qui sont quatre.

A l'entree sont trois portes doubles, & vne au-
tre petite à costé du cœur, vers Septentrion, ce-
sont vnze en tout lesquelles sont enrichies & or-
nees d'images effigies, statues, & representations
des personnes sainctes de Roys, Roynes, Prin-
ces & Princeesses, & autres qui sont entaillees &
entierement esleues parmy tant de colomnes,
qu'il est impossible de le reciter.

Sur les six portes du deuant de l'Eglise, entre les

colônes, sont les effigies de vingt & huiſt roys, dont Pepin monté ſur vn Lyon eſt au milieu, & au plus haut ſe preſentant en veüe deux hautes Tours carrees, de grandeur merueilleuſe, mieux reſſemblantes à deux fortereſſes de deſſence ſur vn rocher, qu'à clochers, leſquelles ont trente quatre toiſes de hauteur. Les cloches ſont ſi groſſes, qu'il conuient dix huiſt ou vingt hommes pour eſbranler la plus materielle, appellee Marie le ſon de laquelle en temps coy & de nuit, ſe peut entendre de ſept lieuës loing de la ville.

A l'entour des deux Tours ſont doubles galleries à deux eſtages, dont la plus haute eſt ſouſtenue de colonnes, ayant leur pied d'eſtail deſſus la premiere, tout au plus haut y à platte forme, le regard de laquelle en bas fait ſembler les hōmes ainſi petis qu'un oyſeau, tout le comble eſt appuyé d'archoutans, au bout deſquels, en partie, ſont des pyramides carrees & triangulaires, avec effigie des Roys & autres perſonnages qui ſont dedans & deſſus: brief c'eſt le ſpectacle le plus grand & le mieux baſty de la Chreſtienté.

On montoit iadis treize degrez pour entrer dedans ceſte Eglife, leſquels ſont ſous le pavé à cauſe que les rues de la Cité ont eſté hauſſees, pour obuier à l'inundation de Seine.

Entre les Images du dehors, du coſté de Septentrion, ſont ces deux vers eſcrits.

Noꝝ cottes crottees, decrottees furent.

Et noꝝ faces trop mieux en durent.

I'ay bien voulu annoter cela, pour ce que la pluſpart dient & interpretent, que la riuiere de

Seine a esté quelquefois si grande, qu'elle attein-
gnit iusques à icelles images.

Mais cela est faux, car c'est la datte de l'annee
que lesdites images ont esté repaintes portee par
lettres numeraires qui est vn M. vallant mil, qua-
tre c c c c. vallant quatre cens, puis vn x. & trois
v v v. & vn i. qui vallent xxvj.

Au portail de deuant sont deux effigies, en plat-
te peinture, l'une tient vne Croix, & represente
l'Eglise: l'autre tenant vn liure, est bandé sur les
yeux, & represente la Sinagogue.

Les dignitez de leans sont telles.

L'Euesque. Son grand Vicaire.

Le Doyen. Le Chantre.

Le Chancelier de Paris. Le Penitencier.

L'Archediace de Paris.

L'Archediace de Iozas.

L'Archediace de Brie. Le Souf-chantre.

Les cinquante Chanoines, dont le Roy est le pre-
mier, entre lesquels sont comprinses les huit di-
gnitez cy dessus.

Les six grands Vicaires.

Les dix Chanoines S. Denis du pas.

Les six Chanoines de Sainct Iean le rond, & les
deux Curez.

Les ij. Chanoines de S. Aignan, & deux vicaires.

Les douze Enfans de cœur.

Les clerks de matines.

Cent quarête chapelains, fôdez aux xlv. chapel.

Toutes ces personnes d'Eglise, n'assistent iamais
au seruice diuin avec robe de soye, mais en robe
de drap: n'oseroient aussi y assister aux principa-

les festes, sinon ayant les barbes razes.

En icelle Eglise y a beaucoup de reliquaires, les plus cogneuz, sont, la vraye Croix, dont on faict feste, pour sa susception.

La chasse nostre Dame.

La chasse sainct Marceau.

Le chef sainct Philippes.

Le tableau sainct Sebastien, & autres Martirs, qui est d'or resplendissant de pierres precieuses.

Tout le cœur est quasi plein de tombes des Euesques, iadis trespassez, avec Epitaphes communs, entre lesquels i'ay prins ces deux cy, pour ce que les sepultures en sont esleues.

Quem cathedræ decorauit honor, quem sanguis auitus, quem morum grauitas, hic iacet Odo situs: præsulis huius erat, quod habent hæc tempora raro, meus sincera, manus munda pudica caro. Lenibus hic lenis, tego nudis, victus egenis: vita fuit iuuenis clara, probata senis. bis sexcenteno Christi quartoque bis anno tredecimo Iulij transijt Odo die.

L'autre est vn sepulcre de marbte noir & l'effigie d'vn Euesque à costé du grand autel, vers Septentrion, l'Epitaphe est tel.

Hic iacet reuerendus in Christo pater Dominus Petrus de Ordemonte Parisius ori-

undus, in utroque iure licētiatus, olim Morinensis post modum vero Parisiensis Episcopus, qui obiit anno domini millesimo quadringētesimo nono, xvj. die mēsis Iulij.

En vne Chappelle derriere le cœur sont deux effigies, à genoux, dont l'Epitaphe est tel,

Cy gist noble homme messire Iean Iuuenal des Vrsins, Cheualier, Baron de Tramel, Conseiller du Roy nostre sire, qui trespassa à Poitiers, l'an de grace, mil quatre cens trente vn, le premier iour d'Auril, iour de Pasques. Et dame Michelle de Vitry, sa femme, qui trespassa à Paris, l'an de grace, M. iij. cens l'vj. le x. iour de Iuin.

*Epitaphe
de Messire
Iean Iuue-
nal des vrsins.*

Au dessus sont les armes, armoiries, & pourtraictures de ceux qui sont de luy descendus, entre lesquels sont, Iean Iuuenal des Vrsins Euesque & Comte de Beauuais, Euesque & Duc de Laon, deux fois Pair de France. Iean Iuuenal des Vrsins, Archeuesque & Duc de Reims, Pair de France, President en la chambre des comptes.

En la chapelle S. Crepin, i'ay recueily ce qui ensuit, sur tombe plate.

D. O. M. S.

Petri dreux Pietauensis hamensis cano biarche, huius insignis ecclesie canonici & maioris Archidia regione prudentiâ, doctrinâ, morinij suauitate, ornatu omnibus

*pijs bonisque gratissimi & charissimi. Qui dum tribus
Parisiens. Episcopis per annos xxij. vicariam operam sum-
mâ integritate eximiaque vigilanda impendit, generale-
nique. Ecclesiæ galicæ procuracionem, ad quam singulari
omnium vota deligitur, maxima fide, incredibili diligen-
tiâ & admirabili dexteritate mira ecclesiastici applan-
su per annos xij. obiit foelicißime dumque pertinaci stu-
dio & prestanti animi magnitudine in Remp. incinubit,
de priuatis utrimq; cõmodis, & valetudine, minus quam
deceret sollicitus, in morbum incidit ex se non valde Le-
thalem, sed ex euentu languescentibus nimirum, & fa-
tiscientibus inde viribus corporis imbecilli, assiduis curis
laboribusque fracta & morte placidâ vitæque simillâ,
suis nimium Luetuosa diem extremũ constanti & equo
animo conficit, anno ætatis Lij. reparata salutis huma-
næ CIO. 13. LXXXIII. XV. Cal. Decemb. fra-
tris pijsß. Liberaliß. opt. & opt. M. sacris manibus, Dru-
siß fratres vt fraternæ beneuolentiæ vicem quâ Possunt
rependant, & gratia nimum memoriam posteris testan-
tem relinquunt.*

H. M. M. M. P. P.

Dans icelle Eglise, pres l'effigie du Roy Philip-
pes de Valois, à cheual est vne autre Effigie de-
bout, qu'on dit estre celle du Pape Gregoire vn-
zième du nom, qui tint son siege en Auignon,
aux deux costez de laquelle sont deux autres effi-
gies: Iceluy Pape fonda en ladite Eglise aucunes
deuotions, pour certains iours, comme il se lit en
vn tableau de leans emmy la nef.

Pres la croisee d'icelle Eglise, est vne chapelle
route blanche, où est l'Image de la vierge Marie,
les effigies de trois Euesques, lesquels y gisent, &c

l'effigie du Roy Loys le gros. Dans le cœur du costé de Septentrion, contre vn pilier, est l'effigie du Roy Philippe Auguste.

En tombe plate pres la croisee de ladite Eglise, en la nef, du costé de Septentrion, i'ay recueilly c'est Epitaphe.

*Paulus æmilius, Veronensis huius ecclesiæ
canonicus, Qui præter eximiam vitæ san-
tatem quanta quosque doctrina præstite-
rit. Iudex atque testis historia de rebus ge-
stis Francorum posteris ab eodem prodita.
Obijt anno domini millesimo quingente-
simo vigesimo nono die quinta mēsis Iulij.*

Monseigneur Pierre d'Orgemont, natif de Paris, & Euesque dudit lieu, & de Terouenne, fit construire l'ancien hostel episcopal, en bas vers la nef de l'Eglise, du costé de Midy.

*Les Eues-
ques qui
ont fait ba-
stir l'hostel
Episcopal.*

Monsieur Estienne Poncher, Archeuesque de Sens, & Euesque de Paris, fit bastir le nouuel edifice, qui est vis à vis de la croisee & porte, du costé de Midy, où est de present la Geole.

Monsieur François Poncher, son neveu, Euesque dudit lieu, fit faire l'hostel Episcopal moderne, à costé du cœur, vers le chef de l'Eglise, & la souloient estre les prisons.

Entre ces deux Hostels, est la grand salle de l'Euesque, ou se celebrent les actes de Theologie, au chef de laquelle salle est vne chapelle ancienne, consacree par l'Euesque Maurice, ainsi qu'il appert en vne escriture, contre le mur, sous

vne verriere, du costé de Septentrion.

*Hæc Basilica consecrata est à domino
Mauricio Parisiensis Espicopo, in honore
beatae Mariæ beatorum martyrum Dyo-
nisi, Vincentij, Mauricij, & omnium san-
ctorum.*

La longueur, largeur & hauteur du Temple de
nostre Dame de Paris, ensemble la hauteur des
Tours.

*Si tu veux sçauoir comme est ample
De nostre Dame, le grand Temple,
Il a dans œuure pour le seur
Dix-sept toises de hauteur,
Sur la largeur de vingt & quatre
Et soixante & cinq sans rabattre,
A de long, aux Tours haut montees
Trente quatre sont bien comptees,
Le tout fondé sur pillotis
Aussi vray que ie te le dis.*

Il y auoit anciennement vn Tableau ou le con-
tenu estoitescrit, attaché au pillier où est l'image
S. Christofle.

*De Philip-
pes de Va-
lois.*

Il se verra au chapitre xvj. du Roy Philippes de
Valois, qui entra tout armé, monté sur son che-
ual, iusques deuant l'image nostre Dame, auquel
il presenta sesdictes armes & cheual.

Au mesme lieu de M. Pierre de cumiers, cheualier & conseiller dudit sieur roy.

Voila quant à l'Eglise de Paris.

L'an mil cent quatre vingtz dix huit apres l'incarnatiõ de nostre sauueur Iesus Christ, au temps du Pape Innocent III. de Philippe Auguste Roy de France, deuxiesme du nom. Il y eust vn saint homme en France appellé Foulques de Nully, prestre & Curé, chapelain de reuerend pere en Dieu Maurice Euesque de Paris: lequel meü de deuotion fit bastir l'Abbaye Saint Anthoine des Champs, aydé par le sus dict Euesque. Auquel lieu sont sur vn monument de marbre noir, esleuees deux effigies de petites Princeesses en marbre blanc doré: aux chefs desquelles sont deux Epitaphes, quasi d'une forme & teneur, sinon quand aux noms & temps. Fondation
de saint
anthoine
des champs

Le premier est tel.

Cy gist madame Ieanne, aisnee, fille de monsieur Charles, aîné, fils du Roy de France, regent du royaume, Duc de Normandie, & Dauphin de Viennois, & depuis Roy de France: & de madame Ieãne de Bourbon, Duchesse de Normandie, Daulphine de viennois, & depuis Royne de France, qui trespassa en l'abbaye saint Anthoine lez Paris, le xxj iour d'Octobre, mil trois cens soixante.

Le second Epitaphe.

Cy gist madame Bonne, seconde fille de monsieur Charles dessusdit, & de madame Ieanne de Bourbon, dessusnommee, qui trespassa au Palais, le septiesme iour de No uembre, mil trois cens soixante.

Ce qui ensuit est escript au dessus la porte de S. Anthoine des champs.

*Chose à re-
marquer.*

L'an mil deux cens cinquante sept, Par la permission de monsieur le Preuost & Escheuins de la ville de Paris: Fut enuoyé vn nommé Pierre de Monsiaux maistre des œuvres de ladicte ville, pour abatre l'Eglise de ceans, disans par eux auoir affaire de pierres, pour affaires de ladite ville: mais si tost que ledit de Monsiaux eust frappé le premier coup de marteau sur l'un des piliers du portail de ladite Eglise, ledit de Monsiaux fut embrasé du feu Saint Anthoine. mesme audit tableau y a portraict & figure comme le fait aduint.

De la creation des Preuost & Escheuins, des Armoiries de la ville, de sa fermeture ancienne, reedification du Chastelet, Tour du Louure, & errection du Cimetièrre des Innocens, de la foire des Ladres, bannissement des Iuifs, du Concile celebré à Paris, des fondations des Eglises de la Trinité, de saint Honoré, saint Iean en greue, sainte Geneuiefue des ardents, & autres choses memorables du regne de ce Roy.

CHAP. XI.

Reuvenons au temps du Roy Philippes Auguste dit le conquerant, lequel accrut grandement son royaume, & enrichit de beaucoup sa ville de Paris: Car en l'an mil cent nonante, il crea les Escheuins d'icelle ville, luy donnant les armoiries quel le porte auiourd'huy, c'est de gueules à vne nauire d'argent, le chef d'azur, semé de Fleurs de Lys d'or, donnant par ces signes à entendre, que Paris est la dame de toutes autres villes de France, dont le Roy est le seul gouuerneur & patron, qu'elle est la Nef d'abondance & affluence de tous biens. Et tout ainsi que la nauire represente vne republique bien administree aussi les autres villes se reiglent selon le gouuernement, & police d'icelle. Ce bon Prince voyant que la ville estoit si orde & boueuse, manda le Preuost, Escheuins, & Bourgeois, ausquels il donna charge, moyennant certains deniers, qu'il fit deliurer que toutes les rues d'icelle, fussent paucees de carreaux de gres, ce qui fut fait, & depuis y a esté tousiours continué.

*Creation
des Esche-
uins & ar-
moiries de
l'hostel de
ville.*

D'auantage, pource que ladicte ville estoit de peu de deffence, commanda aux dessusdits faire fermer & clorre icelle ville de gros murs, portaux, & fossez, ce qu'ils firent, & est ce qui comprend, commençant à l'hostel de Nesle, tout le circuit des portes S. Germain des prez, S. Michel S. Iaques, S. Marceau & S. Victor, iusques à la riuere, au lieu appellé la Tournelle, vis à vis des

*En quel
temps la
ville fut fer-
mee.*

Celestins. Aussi la fit clore des mesmes portes & grosses murailles, qui enuironnent tout le reste de la ville, à sçauoir les portes & fossez saint Honoré, Montmartre, S. Denis, S. Martin & S. Anthoine, & ordonna edifier en ceste closture des maisons pour y habiter: car tout estoit vague depuis les vieilles portes, qui ont esté abbatues: iusques à celle qu'on voit maintenant. Desdictes: vieilles clostures apparoiſſēt encores les murailles faictes en circuit avec leurs tournelles, comme en la rue aux Ouës, derriere les maisons & en autres rues.

Je ne veux passer sans vous declarer la maniere & quels sont les Escheuins, de cette notable ville: Je dis que nul ne peut venir à la dignité de Preuost des Marchans, n'y d'Escheuin, qui ne soit enfant des habitans, & n'ay en icelle ville, à fin que les estrangers ne soyent instruits aux secrets de la ville, & que la communication d'iceux, ne soit preiudiciable à la communauté & de mauvais exemple à la posterité: Mais encores y a il vn autre obseruation, qui est, qu'on espluche de si pres la vie de ceux qui aspirēt à ces dignitez, qu'il est impossible, qu'homme y puisse paruenir qui soit le moins du monde marqué de quelque note d'infamie, ressaltant denigrement de renommee, ou qui pour quelque meffaiet, & fut il leger, auroit esté mis en prison, tāt est sainte cette autorité & honneur d'Escheuinage, que la seule oppinion de vice luy peut donner empeschement. La quantité des Magistrats de cēt hostel de ville est, vn Preuost des Marchans, les fusdits

*Nul noté
d'infamie
n'est receu à
l'Escheui-
nage.*

quatre Escheuins, ainsi que l'estat est dressé dès la premiere institution, les vingt quatre Cōseillers, le Greffier, Procureur, Receueur, Clerc, Quarteniers, Cinquanteniers, & Dixiniers : Qu'elle meilleure police demandez vous, que celle de Paris, sur la premiere erection des Quarteniers, chacun ayant son departement, & cartier en la ville pour y surueiller, comme vn pasteur sur son troupeau, & ceux ayans les Cinquantiniers & Diziniers, gens choisis, & de bonne reputation, les Quarteniers sont comme colonnels en vn regiment, & les autres comme Capitaines, ou lieutenans, chacun commadant en son canton, avec telle industrie, qu'il n'y à homme soubçonné de quelque partialité ou de mauuaise vie que aussi tost ne soit recognu, esclaire & enregistré, tant se cret se puisse il tenir. A ce corps de ville obeissent les guets, tant à pied qu'à cheual, composez des Bourgeois de la ville lesquels sont tels, que ce qu'on appelle à Venise la iustice de nuict, ie ne fay point de mention des sergens de ville archers & harquebuziers & arbalestiers, qui sont suiects de marcher avec leur hocton quād il plait à mon sieur le Preuost des marchās, Escheuins leur commander, soit pour la garde de l'arsenal, & magasin des Armes que autres, ou il leurs plaist les employer. Souz le regne de ce susdict trefauguste Roy on fit reparer le grand Chastellet de Paris, siege ordinaire de la iustice. Aussi fit faire la grosse tour du Louure, à qui tous les Chasteaux de France estoient subiects & en retenoient, laquelle a esté desmolie par commandement du Roy

*Chastelet
reparé &
la tour du
Louure.*

François, l'an mil cinq cens vingt & neuf, qui auoit esleu le Chasteau pour sa commune residence. En cette tour, lors qu'elle fut nouuelle edifiee fut mis prisonnier Ferdinand de Portugal, Comte de Flandres, qui auoit esté descōfit par le Roy. Il fit clorre le parc du bois de Vincennes, de hautes murailles, & y mit la sauuagine, que le Roy d'Angleterre luy enuoya. Les malades de la priueré saint Ladre auoient en ce temps & d'ancienneté acquis le droict de marché & foire publique, pour distribuer toutes marchandises, lequel marché se tenoit pres de leur maison: mais le roy ayāt faict fermer sa ville de Paris, acheta le droit d'iceux, & ordonna qu'il seroit tenu dedās la ville, en vne grande place, vague, nommee Champeaux: auquel lieu furent edifiees maisons, habitations, ouurouers, boutiques, & places publiques, pour y vendre toutes sortes de marchandises, & les tenir & serrer en seureté, & fut appellé ce marché les Halles, ou Alles de Paris, pource que chacun y alloit: mais il vient plustost du mot Grec, Allo, qui signifie place, ou Aire.

*Closture du
bois de vin
cennes.*

*Halles or-
donnees .*

*Du Cime-
tiere des In-
nocents.*

Par mesme prouidence fit clorre & enuironner de pierres carrees vne partie desdicts Châpeaux, pres la Chapelle des saintes Innocens, au long de laquelle closture se vendoient les merceries. Ce lieu estoit & est encores de present deputé à la sepulture des corps humains trespassés: c'est le grād cimetiere de Paris, la terre duquel on dit estre si pourrissante, qu'un corps humain y est consumé en neuf iours. Il contient quatre vingt arches & charniers, sans les murs de l'Eglise. En ce Cime-

tiere y a tant d'ossemens de trespassez, que c'est chose incroyable. Entre les innombrables sepultures & Epitaphes des corps nobles, & d'autres, tant d'hommes que de femmes qui y gisent, combien qu'il y ait des premiers presidés, comme les Boulengers, & les Torestes, des Conseillers, Advocats & Procureurs du Roy, & autres de tous estats: si est-ce que ie ne les ay voulu inserer, parce qu'il est impossible l'escrire, & tiendroiét plus de grosseur six fois, que toute la matiere de ce livre: & aussi que y mettant les vns, ie pourrois offencer les autres que ie n'y aurois mis: ie me suis contenté d'y en mettre ceux qui ensuiuent, l'un d'une Dame, pource qu'on n'en voit gueres de semblables, l'Epitaphe est tel.

Cy gist Yoland, Bailly, qui trespassa l'an mil cinq cens quatorze, le quatre vingthui^{Epitaphe d'une dame} Etiesme an de son aage, le quarante deuxiesme an de son veuueage, laquelle a veu, ou peu voir deuant son trespas deux cens quatre vingts & quinze enfans issus d'elle.

L'autre est tel.

Cosmas Guymier inquestarum Præsides patri matrique sibi que monumentum fecit legit, consulit, glosas super pragmatica ædedit. Obiit iij . die Iulij anno M. D. III.

*Sed neque moriens pauperum oblitus est
eos enim heredes instituit.*

L'ay trouué escript graué en la pierre du charnier qui est apres la porte, du costé de la Ferronnerie, sur la terre de messieurs de saint Germain Lauxerrois. Ce qui ensuit.

Ce charnier fut fait & donné à l'Eglise pour amour de Dieu, L'an mil trois cens quatre vingtz dixneuf. Vucillez prier Dieu pour les trespassez.

Du mesme costé.

Cy deffouz gist noble homme & sage messire Iean le Boulenger en son viuant cheualier, conseiller, du Roy nostre sire & premier president en sa cour de Parlement seigneur de Iacquille en gastinois de Isles & de montigny en Brie, qui trespassa le vingt & uniesme iour de Feurier, l'an mil quatre cens quatre vingtz deux, aussi gist noble Dame Philippe de Cothereau, sa femme: le filz dudit seigneur est inhumé en ce mesme lieu, tout ioignant le tombeau de ces feu pere & mere.

Plus bas en ce lieu mesme.

Cy gist noble Dame Coulombe de bonney, en son viuant femme en seconde nopces de

messire Regnault de Dormans, en son viuant Cheualier conseiller du Roy & maistre des Requestes, ordinaire en son hostel & Embassadeur dudit seigneur par deuers nostre saint Pere le Pape, seigneur de saint Remy, Voix, S. Martin Nozay sur barbuysse & de la moitie par Indiuis des terres & seigneurie de Giury, Herpond, Belleual, Vuarmond le Chastelier, Herpine, Follet & Fregeuille au pays de Champagne, inhumé deuant le grand autel des Chartreux, lez Paris, avec messire Iean de Dormans Cardinal du saint siege apostolique, Guillaume de Dormans freres chancelliers de France, l'un apres l'autre & grāds oncles dudit messire Regnaut fondateur du college des Dormans dict de Beauuais, laquelle dame Columbe deceda le xv. Ianuier mil quatre cens septāte viij. & messire Guillaume de Dormans cheualier filz desdict messire Regnaut & columbe, en son viuant conseiller du Roy en son

conseil priué & premier President, en son
Parlement de Bourgogne, seigneur des-
dict terres & seigneuries qui deceda le v.
Fevrier, L'an mil v.c. sept & dame Ma-
rie pied de fer sa femme le huietiesme iour
de Mars mil v. cens xxj. priez dieu, &c.

Aussi il y a vne croix fort belle, qui a esté mis
audit lieu, nous en traiterôs sous le regne du Roy
Charles neufiesme du nom, cy apres.

*Les Iuifs
crucifierent
vn ieune
enfant.* Du temps dudit Philippes Auguste, les Iuifs
estans demeurans à Paris, crucifierent vn ieune
Chrestien, nommé Richard, on l'appelle sainct:
son corps repose en ladicte Eglise des Innocens.

*Le Roy
Philippes,
fit bannir
les Iuifs de
son Royau-
me.* Pour cette cause, & aussi que les Iuifs tenoient
obligez, la plus part des citoyens de Paris, & s'e-
stoient si bien enrichis de leurs heritages, qu'ils
pretendoient ja à eux appartenir la moitié de la
cité, & trauailloient les autres de prison, en leurs
maisons propres, se seruoient de Chrestiens com-
me des esclaves, vsoient de larcins & sacrileges,
& s'adonnoient à toute vsure & auarice. Le Roy
Philippe conseillé par Bernard Anachorite, resi-
dant au boys de Vincène, remit toutes les debtes
des Chrestiens, & priua les Iuifs de toutes leurs
terres, domaines & posselliôs, sans en estre diuer-
ti, quelque priere que les Courtisans luy sceus-
sent faire: & pour tout delay vuidèrent de Paris
la feste saint Iean Baptiste, l'an mil cent quatre
vingt & deux. Leurs Sinagogues furent appro-

prices au seruice de Dieu, & en leurs lieux sont de present aucunes chapelles & paroisses. Durant ce regne, la riuere de Seine fut tellement creuë & enfla son cours qu'elle abatit & submergea le petit pont de Paris. *Petit pont
pont abatu*

On y celebra vn Concile contre les Albigeois. Et plusieurs heresies y furent publicées, mais à la poursuite de Pierre, Euesque de Paris, les heretiques beneficiez furent priuez de leurs dignitez, & les seculiers bruslez à Coipeaux, hors Paris, Le corps d'Amauri, Euesque de Chartres, inuenteur de l'erreur, qui auoit esté au reste homme docte, qui estoit ensepulturé derriere l'Eglise S. Martin à Paris, fut deterré, & puis bruslé avec les autres. *Concile tenu à Paris.*

On lisoit en ce temps en l'vniuersité de Paris, deux liures de la Metaphisique d'Aristote, qui auoient esté traduits de nouueau de Grec en Latin, mais pource qu'on presuma qu'ils estoient cause desdicts erreurs, pour l'obscurité & subtilité d'iceux, ils furent bruslez, & fut defendu sur peine d'excommunication d'en escrire, & lire de lors en auant. *Lecture de
sendue.*

L'an mil deux cens deux, deux nobles Cheualiers seigneurs de Galendes, donnerent leur maison, & y fonderent vne prieuré de l'ordre de Premostré, au nom de la Trinité, qui fut acheué comme est engraué sur le portail, l'an 1210. & renouvelé l'an 1518. Et y ordonnerent vn Prieur & deux Religieux. En ce portail sont peintes les effigies des deux Cheualiers, avec leurs Armoiries de Gueulles, semées d'Espreuiers d'argent. Ce prieuré est en la rue sainct Denis, & y a vn grand Ci- *Premiere
fondation
de l'hospice
tal de la
Trinité.*

metiere pour enterrer les pauvres.

*L'ordre des
pupilles à
la Trinité.*

Et du temps du Roy Henry deuxiesme du nom, fut institué l'ordre des Pupilles & Orphelins, en l'hospital de la Trinité, & en vne salle où iadis les confreres de la Passion souloient iouer leurs Moralitez, & lesquels salut qu'achetassēt vn lieu en l'hostel de Bourgogne pour leur assemblee & ieux Theatraux : car cette institution de pauvres est de plus grande importāce au Public que les choses qui ne consistent qu'au plaisir des Citoyens. Aussi est-ce belle chose veoir sortir de cette maison la ieunesse propre à faire seruice, & mis en mestier, estre adextre à toute action honneste. Encores plus les iurez de tous les mestiers, ne peuuent aller faire recherche en ladicte maison ou hospital, d'autant qu'il ne leur est permis. Au cimetiēre d'iceluy on porte enterrer la plus grande partie des malades qui meurent à l'hostel Dieu de Paris, lesquels estās enseuelis, ils mettent en vn chariot pour les conduire audit hospital, chacune nuit, conduicts par vn homme d'Eglise qui faict les prieres accoustumees pour les defuncts.

*La fonda-
tion de l'E-
glise S. Ho-
noré.*

L'an mil deux cens & quatre, fut fondee l'Eglise canoniale de S. Honoré, par madame Sebi-
le, veufue de monsieur Renon Cherim, homme noble, le corps de la fonderesse gist audict lieu. Leans gist aussi monsieur Simon Morthier, Che-
ualier Seigneur de Villiers, & de Boudene, & du Tour en Champagne, garde de la Preuosté de Paris, au temps des Anglois.

L'an mil cinq cens septāte neuf, fut commencē

à bastir pour croistre ladicte Eglise, qui sera chose honorable pour la decoration dudit lieu.

L'an de grace mil deux cens douze fut diuisee l'Eglise saint Geruais en deux paroisses, l'une de saint Geruais & l'autre de saint Iean en Greue, qui n'estoit lors que chapelle. Cette diuision fut faicte par Pierre Loys, Euesque de Paris, pour la multitude & abondance du peuple, qui ne pouuoit estre administré par le seul Curé de S. Geruais, & du cōsentement de tous, aux charges que le Curé de S. Iean doit quelque rente à l'Eglise de Paris & autres redeuances de son office, à scauoir estant accompagné de la Croix & Cierges ardés, Encensier, quand la Procession de nostre Dame passe par la Mortellerie pour aller à saint Paul des Champs, & quand elle va à Montmartre aux iours des Rogations, avec autres charges contenues en la Chartre dudit Pierre Loys, Euesque de Paris, qui commence.

*Diuision
de S. Ger-
main &
de S. Iean
en Greue.*

*Petrus dei gratia Episcopus Parisiensis, & sine, A-
ctum anno domini, M. CC. XII. mense Ianuario.*

Ceste Eglise saint Iean en Greue est vne grand paroisse & ou le seruice diuin est fort bien celebré, deuant le Crucifix d'icelle Eglise i'ay trouué vne Epitaphe qui ensuit.

Areste toy passant.

*Cy repose noble homme, Alain veau, ce-
luy auquel l'integrité & fidelité, au ma-
niment des finances, soubz les Roys Fran-*

çois premier, Henry second, François second, Charles neufiesme, ont pour vne heureuse recompense de ses trauaux acquis sansenuie ce beau tiltre de Thresorier, sans reproche: il deceda le vingtiesme iour de Iuin, M. D. lxxv. passant prie pour luy.

Au cœur d'icelle Eglise à costé du maistre autel dans vne pierre de marbre est graué cest Epitaphe, ou memorial.

Marie de Lorraine fille de tres-haut & tresexcellent Prince & princesse, monseigneur Henry de Lorraine & Madame Catherine de Cleues Duc & Duchesse de Guise, & de Cheureuse Comte Deu, Pair de France: deceda en l'age de quatre ans, au tres-grand regret desdicts seigneurs & Dame ses pere & mere: qui de ce ont voulu laisser perpetuelle memoire en l'Eglise de ceans, mil cinq cens octante deux.

Il y en a beaucoup d'autres notables que i'ay laissez pour estre brief.

Extraict des registres de l'Abbaye du Bec, l'Abbé de laquelle, & le Prieur & Conuent de saint Nicaise, sont collateurs & donateurs desdits deux

paroiſſes. Le Cimetiere de cette Eglise ſainct Iean eſtoit où eſt la grande place du marché, pres l'apport Baudoyer, ou la porte Baudés laquelle place en retient encores le nom, & y a vne Croix au milieu, pour ſes enſeignes. La cauſe pourquoy ce lieu ſainct fut conuertí en prophane, fut (comme on dict) pource que deux freres ſ'y entretuerent. Le manoir & herítage deſquels, eſtant pres de là, fut appliqué à la ſepulture des treſpaſſez en lieu de l'autre, comme on voit à preſent.

*Lieu preſa
né pour un
homicide.*

Loys fils de Philippes quarante troiſième Roy, ſucceda à ſon pere. L'an du monde cinq mil cent quatre vingt cinq. De Ieſus Chriſt mil deux cens vingt trois. Il regna trois ans. Au commencement de ſon regne, les Princes de ſon Royaume ſ'eſleuerent à l'encontre de luy pour luy nuire, & meirent embuſche pour le prédre, luy, voulant aller de Montlehery à Paris, mais les Pariſiens incitez par la mere du Roy, ſe mirent en armes, & ſortans hors de la ville en bon equipage, allerent à Montlehery mettre le Roy hors du danger de ſes ennemis, & fut conduit par eux dans la ville de Paris, à l'entree de laquelle firent deux hayes de gens-d'armes, ſur le chemin, & paſſa le Roy au milieu, receuant gratulation & offre du ſeruice des citoyens de Paris.

*Loys 8. du
nom 43.
Roy de fra
ce.*

*Le Roy de
liuré de pe-
ril par les
Pariſiens.*

L'an mil deux cens vingt ſix, au moys de May, le Roy ſ'en va contre les heretiques Albigeois, il deſtruiſt la ville d'Auignon & en fait abatre les murailles. A ſon retour il mourut à Montpenſier, le douzième iour de Nouembre.

Loys ſon fils (dict ſainct Loys) fut ſacré Roy en

l'aage de quatorze ans, le vingtneuvième iour de
Nouembre, par l'Euefque de Soiffons.

Sainct Loys, fils de Loys, fut le quarante qua-
44. *Loys* *Roy*. triesme Roy qui regna sur les François, il succe-
da à son pere. L'an du monde cinq mil cent qua-
tre vingt huit. De Iesus Christ mil deux cens
vingt six, il regna quarante quatre ans. Blanche,
la mere dudit Roy, par le vouloir testamentaire
du deffunct Roy, demeura regente en France.

L'an mil deux cens trente quatre, le Roy seul
prenant la charge & administration du Royau-
me, prend pour femme Margueritte, fille de Re-
mond Comte de Prouence.

*Mutinerie
entre les
E scoliers
& les bour-
geois.*

L'an mil deux cens trente deux, se leua vne mu-
tinerie entre les Bourgeois de Paris, & les Esco-
liers de l'Vniuersité, en laquelle furent plusieurs
occis, d'une part & d'autre. Les Escoliers se com-
plaignans qu'on ne leur auoit fait reparation ny
satisfaction des torts à eux faits, procederent en
telle indignation qu'ils deliberent, & se ferme-
rent en opinion de transporter l'estude en autre
lieu, avec ce qu'ils estoient pratiquez du Roy de
Angleterre, qui leur promettoit donner la ville
de Ox, dite en Latin *Oxoni*, propre pour y demeu-
rer avec beaux priuileges & franchises: Le Roy
sainct Loys aduertý de ce trouble: y pourueut si
prudemment, qu'il appaisa le discord, donna
contentement aux estudians, & remit en son en-
tier l'Vniuersité, laquelle estoit preste à perir, iu-
geant ce bon Prince, que si leurs deliberations
eussent sorty effect, il eust perdu vne des belles
perles de sa couronne.

De l'eglise

*De l'Eglise sainte Genevieve du miracle des ardens,
pourquoy ainsi nommee.*

Regnant en France , Loys surnommé le gros
fils de Philippe premier & tenant le siege Inno-
cent second, comme le temps des guerres, avec
la licence d'icelles eust gasté, alteré & corrompu
les mœurs & integrité du peuple de Paris : Dieu
comme bon pere de famille, se desplaisant de la
desbauche des siens, & n'en demandant l'extre-
me ruine, estandit la main courroucée de sa pu-
nition pour matter le corps, afin que luy domté
les ames n'en fussent punies & tourmentees au
feu de la torture eternelle des enfers: entant que
nostre Dieu voyant comme les citoyens de Pa-
ris, en lieu de s'humilier deuant sa face apres l'affli-
ction des guerres, alloient de mal en pis, & cou-
royent desreiglez apres leurs concupiscences, en
uoya vn de ses fleaux, & espendit son ire sur eux,
les affligeant d'une ardeur extrauagante & feu
nuisible (qu'on appelle feu sacré) qui leur ron-
geoit miserablement les membres avec lesquels
ils auoiét failly, & lesquels ils auoient employez
au seruice du diable. Les Medecins & Chirurgi-
ens, estonnez de la nouueauté de ceste maladie,
taschoient d'y remedier par leur art & science,
mais il ny eustvnguét, cataplasme, ny recepte qui
peust y donner allegeance, entant que c'estoit le
doit de Dieu, & la main du tout puissant qui y
besongnoit, & que pour guerir ceste infection il
failloit oster la cause mouuante, & chastier la vie
malheureuse qui en estoit l'occasion, ioint que le
mal estât miraculeux, il failloit qu'il fut aussi gue-

ry par miracle. Ce mal s'espendant par les lieux voyfins de la grand Cité on ne ſçauoit plus que faire fors de ſ'adreſſer à Dieu, lequel ne vouloit ouyr les prieres de ceux qui auoient l'ame auffi ſouillee, comme leurs corps eſtoient infectez: chacun alloit & ſe faiſoit conduire en l'Egliſe noſtre Dame, la nef & paruis de laquelle eſtoient ſi plains de malades, qu'il n'y auoit qu'un bien petit ſentier pour paſſer & aller au lieu de deuotiõ. Pour lors ſeoit Eueſque à Paris, vn bon perſonage nommé Eſtienne, homme religieux, & craignant Dieu, ſecourant l'afflicton des pauures lequel voyant la calamité de ce peuple miſerable, pleurant en ſon cœur, & ayant compaſſion, ordonna ieufnes publiques commandant que chacun ſe tournast à Dieu & fiſt prieres, denonça au clergé faire proceſſiõs generalles, pour appaiſer noſtre Dieu, iuſtement irrité contre ſon peuple: On ieune par pluſieurs iours, on veille, on prie, on ſ'aſſemble de toutes parts, les ſainctes reliques de chacune Eglife & monaſtere ſont portees au S. Temple de la mere de noſtre ſeigneur avec letanies, Hymnes & cantiques, chacun priant la bonté infinie de noſtre ſeigneur qu'il luy pleuſt les deliurer de ce mal contagieux: mais on ne vid encores aucun relache Dieu voulant eſtre glorifié en ſes ſaincts, & inspirant le bon Eueſque, a faire ce qui moyenna la ſanté du peuple: entant que le ſage Paſteur ſe ſouuenant comme la vierge ſainte Geneuiefue auoit iadis par ſa priere deſtourné les barbares des murs de la ville, & que par ſon merite la riuere de Seine desbordee

auoit repris son cours ordinaire s'assura encor^r qu'en ceste affliction elle obtiendrait de Dieu l'allegance de ceux qui languissoient sous la fureur & violence de ceste maladie. A ceste cause, il s'en va avec quelques chanoines gens honorables vers l'Abbé de S. Geneuiefue & religieux, auxquels il expose la misere qu'ils n'ignoroient point, les prie souffrir que la chaise de Madame sainte Geneuiefue fust portée en l'Eglise nostre Dame, pour le secours de tant de miserables qui languissoient en icelles. Les prieres & larmes de l'Euesque, exprimant ce qu'il souffroit pour le malheur de son troupeau, esguillonna les Religieux, & esmeut le cœur de l'Abbé à compassion, & à octroyer au pasteur sa iuste requeste. Ainsi accordé fut pris iour pour la descente de la chaise, & le ieusne commandé par l'Euesque Vniuersellement par son Diocese: chacun attendoit avec ioye le iour heureux de ceste procession solennelle, On choyist ceux qui deuoient porter le corps heureux & saintes reliques de la vierge, gens de bien, & sanctifiez par le ieusne & la uemens tant corporelz que spirituels, vestus de robes blanche. Il s'assembla si grand peuple par les rues, qu'à grand difficulté pouuoit on passer, chacun souhaitant de toucher le lieu ou gisoient les saints ossemens de la vierge, l'Euesque ayant desia fait nōbrer les malades couchez pres le paruis nostre Dame, affin de plus authoriser le miracle, que voulez vous d'auantage: comme le corps saint entra en la grād Eglise, il sembla que Dieu se souuint de son peuple, & que iettant les ver-

ges au feu il print compassion de ceux qu'il auoit chastiez : car sur le mesme instant il n'en demeurera que trois (peut estre n'ayans la foy telle qu'ils deuoient en Dieu) de tous les malades sans sentir la faueur & misericorde de Dieu , estans gueris par l'intercession de sainte Geneuiefue, ainsi vne vierge guerit l'ardeur qui brusloit ceux, qui n'auoient rien moins en leurs corps qu'integrité & continence, & celle qui a demouré entiere en son cercueil deffendit les viciéx d'estre du tout reduits en corruption, offrant à Dieu son humilité, la fleur de sa chasteté, & la charité qui la tousiours rendue louable deuant Dieu, & en la presence des hommes. Que pouuoient icy faire les Ecclesiastiques & leur saint Pasteur Estienne, sinon louer Dieu, qui donne telle vertu de guérison aux saincts & saintes: mais la ioye du peuple criant & magnifiant le nom de Dieu, & de celle par les suffrages de laquelle ils estoient allégez empescha que l'Euesque ne fist vn sermon, & les exhorta à rendre graces à celuy qui est glorifié en ses saincts. Or affin que la memoire de ce miracle ne demourast assoupie & que le téps ne l'obscurcist, on l'escrit premieremēt es registres de l'Abbaye: puis l'annee suiuiant que le miracle estoit aduenu, comme le Pape Innocent s'en vint en France l'an mil cent trente & vn, fuiant les fureurs & poursuites de Pierre Leon supporté par l'Empereur Henry cinquiesme, ayant esté aduertty de ce miracle, en rendit graces a Dieu, & ordonna que chacun, en eust souuenance : pour laquelle imprimer à iamais au cœur des chrestiens,

il establit vne feste annuelle d'icelluy miracle, comme aussi on en voit ce temple basti en la cité de Paris, dédié & baptisé du nom de sainte Genevieve du miracle des ardents, qui anciennement n'estoit qu'une petite chappelle mais peu a peu ladicte Eglise a pris accroissement comme aussi plusieurs autres de la cité, ainsi que le peuple a multiplié, ainsi on a augmenté les paroisses: L'ay recueilly ce qui ensuit d'un liure estant en ladicte Eglise sainte Genevieve du miracle des ardents.

Le mardy troisieme iour de Juillet mil cinq cens seize fut benist la chappelle de la Conception par Reuerend pere en Dieu, maistre Estienne de poncher Euesque de Paris, avec les trois grâds autels de pierre, le grand Autel de sainte Genevieve, L'autel nostre Dame, & l'autel du saint Esprit.

L'an mil cinq cens quarante sept & quarante huit furent faictes & basties deux autres chapelles qui sont emmy la nef de ladicte Eglise du costé de la rue saint Chrestoffe.

Le portail a esté refait de neuf, aux despens de Nicolas Flamel, homme tres-renommé de son temps à Paris, l'effigie duquel est à ce portail, qui fut construit l'an 1402.

En ce mesme lieu auoit esté iadis l'oratoire de sainte Genevieve, elle viuante, & depuis fut *L'oratoire* Prieuré, le Prieur duquel auoit sa maison où est *sainte Genevieve.* aujourd'huy le nouveau bastiment de l'hostel Dieu, & se nommoit ledict prieuré, nostre Dame la petite.

L'an mil deux cens trentehuit, Guillaume E-

*Questiōdes
benefices.*

uesque de Paris, meut vne question, laquelle fut solennellement disputee audict lieu, touchant ceux qui tiennent plusieurs benefices. En fin fut decreté, qu'un homme seul n'en pouuoit tenir deux, sans peché mortel.

La fondation de la sainte Chapelle, description des saintes Reliques en icelles. Les fondation des quinze vingts Aueugles, Filles-Dieu, Blancs manteaux, Sainte-croix, Sainte-Auoye. Les maisons des quatre ordres des Mandiens, Les Chartreux, Sainte Catharine du Val des Escoliers, Le College de Sorbonne, Les Haudriettes, Saint Anthoine le Petit, Les Mathurins, L'hostel de Bourbon, Les Montioye sur le chemin saint Denis en France, & autres choses memorables, sous le regne saint Loys, & autres Roys, aussi les Epitaphes des corps inhumez en aucuns lieux.

CHAP. XII.

Toute l'Estude saint Loys estoit de faire construire des Eglises & monasteres, consacrez à Dieu le Createur, dont la ville de Paris a esté tant ennoblie, que elle se peut vanter d'auoir eu en la personne de ce Roy plusieurs Salomons, ou vn Salomon, edificateur de plusieurs Temples.

*Descriptiō
du bastimēt
de la sainte
Chapelle.*

Premierement il fit construire la sainte Chapelle du Palais Royal, laquelle selon le iugemēt des Architectes est l'ouurage le plus hardi de deçà les Monts. Car elle contient deux parfaicts bastimens d'Eglise, vne chapelle dessous & vne des-

sus, en laquelle ny a vne seule colomne ny appuy, sinon celles qui enuironnent & font l'edifice, qui sont si hautes & droictes, qu'il semble (auec ce qu'elles sont menues & delices) que l'edifice ne pourroit endurer la moindre iniure du Ciel, les arcs de la voulte par dedans sont dorez, & toute la ceinture de l'Eglise, au deffous de laquelle sont des peintures diuerfes, faictes, d'Esmail & de Cristal, repofantes sur petites colomnes d'une piece, feruantes seulement à ornement.

A la porte d'embas y a vne Image nostre Dame de grande veneration, & à la porte d'enhaut l'Image de Iesuschrist, taillee par grande industrie.

Sur le maistre autel de la chapelle d'enhaut est esleué vn lieu carré, auquel faut monter par degrez, lequel lieu contient vne autre lieu carré, clos d'or, où est la partie des saintes reliques, & au deffous est vn grand escrin d'argent doré, où on voit le chef saint Loys. De reciter les ornemens d'or & d'argent, qui y sont, seroit impossible. En cette chapelle Royale, ainsi nouuellement par luy edifiée, il mit les tressaintes Reliques & instrumens de nostre redemption: vne partie luy estant donnée, & l'autre par luy achetée de Baudouin, dernier François Empereur de Constantinople, qui l'auoit engagée aux Venitiens: de laquelle donation achat & desgagement, l'Empereur en donna lettres, dont la copie en Latin est en vn tableau en ladicte chapelle.

La teneur s'ensuit en François.

Baudouin par la grace de Dieu, tres-fielle en
k. iiij

Iesus Christ, Empereur, couronné de Dieu, moderateur du pays Romain, & tousiours Auguste, à tous les Chrestiens fides, tant presens qu'aduenir, ausquels ces presentes lettres viendront, salut en nostre Seigneur: Nous voulons qu'il soit notoire à tous, que de nostre bon vouloir & don gratuit, auons plainement donné, & absolument baillé, & en tout auons quitté & quittons à nostre trescher amy & parent Loys Roy de France, tresillustre la sainte Couronne d'Espines de nostre Seigneur, & vne grande portion de la tres-sacree Croix de Iesus Christ, avec autres precieuses & sacrees reliques, declarees par leurs propres noms, cy apres, lesquelles iadis estoient venerablement colloquees en la ville de Constantinople: & en fin ont esté engagees à diuers creanciers, & en diuers temps, pour la grande necessité del'Empire de Constantinople. Iceluy Seigneur Roy, de nostre volonté & consentement les a rachetees, & selon nostre bon plaisir, les a fait transporter à Paris. Lesquelles tant venerables reliques sont cy apres exprimees par leurs propres noms, à sçauoir.

*Les noms
des plus pre-
cieuses Re-
liques, qui
sont en la
Sainte
Chapelle.*

La dessusdicte sacree & sainte Couronne de nostre Seigneur. La vraye Croix.

Du sang de nostre Seigneur Iesus Christ.

Les drapeaux dont nostre Sauueur fut enueloppé en son enfance. Vne autre grande partie du boys de la sainte Croix. Du sang qui miraculeusement à distilé d'une image de nostre Seigneur, ayant esté frappée d'un infidelle.

La chaine & le lien de fer, en maniere d'un an-

neau, dont nostre Seigneur fut lié.

La saincte touaille. ou nappe, en vn tableau.

Vne grande partie de la pierre du Sepulcre de nostre Seigneur. Du laiët de la vierge Marie.

Le fer de la lance duquel fut percé le costé de Iesus Christ. Vne autre moyenne Croix, que les anciens appellent la Croix de triumphe, pource que les Empereurs auoient accoustumé de la porter en leurs batailles, en esperance de victoire.

La robbe de pourpre, dont les Cheualiers de Pilate vestirent Iesus Christ en derision.

Le roseau qu'ils luy mirent en la main pour sceptre.

L'esponge qu'il luy baillerent pour boire le vinaigre. Vne partie du suaire dont il fut enseuely au sepulchre.

Le linge dont il se ceignit quand il l'aua & esfuya les pieds à ses Apostres. La Verge de Moyse.

La haute partie du Chef S. Iean Baptiste.

Les chefs des Saints, Blaïse, Clement & Simon, en tesmoignage dequoy & perpetuelle fermeté nous auons signé ces presentes de nostre seing Imperial, & l'auons scellé de nostre seau d'or.

Faiët à S. Germain en Laye, l'an de nostre Seigneur mil deux cens quarante sept.

Vn an apres que les sainctes reliques eurent esté mises en la saincte Chapelle elle fut dedice ainsi qu'il est escrit en la chapelle d'enhaut vers Septentrion.

*Anno domini M. cc. xlviij. VII.
kalendas Maij dedicata est Ecclesia ista*

Le temps
que la sain
cte chapelle
fut dediee.

à venerabili patre Odone Thufculanensi
Episcopo Apostolica sedis Legato in ho
nore sacro sancta corona spina domini &
vinea crucis. Amen.

En la basse Chapelle du mesme costé est aussi
escrit ce qui ensuit.

Anno domini M.cc. xlviij. VII. kalen
das Maij dedicata est Ecclesiá ista à ve
nerabili patre Philippo Bituricensi Archie
piscopo in honore gloriosissimæ virginis ge
nitricis Dei Mariæ.

Vne par
tie de la
vraye
Croix
substraite.

L'an 1575. le dixiesme iour de May, la nuit
precedéte ce iour, fut substraite en la saincte cha
pelle, à Paris, l'une des deux croix, faictes du bois
de la vraye Croix de Iesus Christ, perte fort gran
de & inestimable, ne nous presageant que mal
heur aduenir, si nous ne recognoissons noz fau
tes & pechez. L'an 1576. ont esté refaites tout de
neuf les chaises de bois seruât pour assoir les cha
noines & chantres de la saincte chapelle, lesquels
sont magnifiquement entaillees, chose belle &
honorabile pour la decoration d'icelle Eglise.
Aussi en ce mesme temps au lieu de l'autre partie
de la Croix susstraite, il en a esté refaite vne au
tre, qui est semblablemēt du boys de la Croix ou
nostre Dieu souffrit pour nous, laquelle estoit
gardee au thresor de leans.

Puis que nous sommes à descrire les fondatiōs

de S. Loys, lesquelles il a faictes en sa ville de Paris, nous les pourfuiurons: & apres reciterons les autres parties de son temps: & ne fera chose impertinente, à mon aduis, qu'en descriuant icelles fondations & autres bastimens, d'y mettre aussi quant&quād vne partie des Epitaphes des corps nobles apposez sur leurs sepulcres de marbre & d'albastre, & autres monumens antiques dignes de recordation, estans en ces lieux, lesquels i'ay recueillis entre vn million d'autres rompus & vsez. Ce vertueux Prince, fit edifier la maison des quinze vingts, pour loger & nourrir trois cens Cheualiers, ausquels les Sarrafins auoient creué les yeux & lesquels il auoit laissez en ostage au Soudan du grand Caire, comme portent les lettres de la fondation de cette maison.

*Les quinze
vingts
fondations
de S. Loys.*

Les filles Dieu. Les Blancs-manteaux.

Ledit ordre des Blancs manteaux, fut reuoqué, à cause qu'ils estoient mendians: leur maison & Eglise fut donnee par Philippes le Bel aux religieux de S. Guillaume, demeurans lors à Montrouge, comme auons dit cy deuant.

Saincte Croix en la rue de la Bretonnerie.

Les Beguines de saincte Auoye.

Les Beguines, où sont de present les sœurs de L'aué-Maria.

Aussi l'ordre des Chartreux.

L'ordre des Chartreux à pris commencement en l'an de grace, mil quatre vingts six, par le moyen d'un saint homme, appellé Brunon, & pour les occasions contenues à sa legende, digne d'estre leuë, pour la merueilleuse cause qui le meut

*L'ordre des
Chartreux*

à commencer vne reigle si austere, aussi la façon de viure si solitaire & contemplatiue, que celle que les freres de cette religion suiuent. Les Chartreux donc, se tenoient premieremēt à Gentilly, village pres Paris, lequel a esté si grand cas iadis que les Roys y ont faict plusieurs assembles d'Estats & Conciles, ainsi que pouuez recueillir de Aymon, Moyne, en son histoire de France. Mais lesdits religieux n'y estans pas bien, & le Roy S. Loys sollicité par le Prieur de la grand' Chartreuse, qui est pres de Grenoble, donna ce lieu où à present est le monastere des Chartreux, qui lors se nommoit Vauuert, & fut vn hostel & Palais Royal iadis, ainsi que trouuons en quelques liures escripts à la main: lequel lieu estoit en ruine & decadence, & où l'on diēt que repairoit quelque fantosme & malin esprit que vulgairemēt on nommoit le Diable de Vauuert, ce que si est vray, ou faux, ie m'en rapporte à ce qui en est: tant y a que la place auoit nō Vauuert, & que ce proverbe du diable de Vauuert a couru iusques à nostre tēps: Aussi ceux qui tiennent ceste histoire du fantosme pour vraye, dient que depuis que frere Iosseferan, & cinq de ses compagons vindrent habiter en ce lieu, que l'esprit malaisant cessa d'y habiter. Du commencement: il n'y eut que cinq cellules pour les cinq susdits religieux, mais par progrez de temps, le nombre multipliant, il fallut aussi que l'edifice fust faict de plus grande longueur & estendue, si bien que vous voyez maintenant la nef de leur Eglise assez grande, car leur premiere est la chapelle du dortoir des freres con

uers, & ainſi le grand cloiſtre eſt de la liberalité des Roys enſuyuans: & le petit eſt vn lieu de deuotion, veu qu'il eſt tout enclos de verrieres & figuré de belles hiſtoires ſainctes, n'y ayant rien qui ne ſe rente la ſaincteté de l'inſtitution de cét ordre: ſuiuant laquelle il n'y entre femme quelconque, non que ſuperſtition leur face vſer de telle ſeuerité, ou qu'ils eſtiment les femmes eſloignées de la grace diuine, ains pource que tel obiect eſt nuſible à ceux qui font profeſſion de ſ'eſloigner des allechemens de la chair, & de tous les plaiſirs que l'homme peut receuoir par les ſens extérieurs en ce monde.

*Femmes
n'entrent
point au
monaſtere
des Char-
treux.*

En leur Eglife entre pluſieurs belles ſepultures, eſt vne de marbre noir, & deux effigies d'homme & de femme, de marbre blanc ſans Epitaphe. Ils l'appellét le ſepulchre de Pierre de Nauarre. A l'opposite eſt vn autre ſepulchre d'un Cheualier tout armé, l'Epitaphe eſt tel.

Cy giſt noble & puissant Prince monſieur Anne de Geneue, qui treſpaſſa l'an de grace, mil trois cens ſoixante neuf, le quatorzieſme iour de Decembre.

Les autres ſepultures ſont plates, de pluſieurs Archeueſques, Eueſques, Chanceliers & autres.

A la ſeconde porte dudit monaſtere eſt l'effigie d'un Roy de France, qui preſente vn nombre de Religieux à genoux, deuant l'Image de noſtre Dame eſcrit.

*Hanc rogo quiſquis ades, non admireris Ereum,
Nec dicas hac ſunt tecta ſuperba nimis.*

Regia sunt etenim viridis fundamina vallis:

Francorum iecit quæ Ludovicus honos.

Rex primum instituit: Regum Rex auxit, & auget,

Servabitque suam tempus in omne domum.

*Fondation
du conuent
des Iaco-
bins.*

*Ouestoit le
chasteau de
haute fueil
le.*

Le susdict Roy saint Loys, fut le fondateur de la maison & conuent des freres prescheurs: l'Eglise desquels, aussi bien que celle des Maturins, est bastie sur le fons qui estoit & appartenoit en propre à l'Vniuersité, laquelle leur donna moyennant certaines choses que ces religieux doiuent à l'Vniuersité, ainsi qu'on trouue es documents & chartres d'icelle. En cette maison fut aussi le parloir aux Bourgeois, qui estoit le lieu du conseil de la ville, qui a depuis esté destiné en l'hostel de ville, comme à present on pratique. Et la partie de ce conuent qui respond sur les Marets & fossez de la ville, fut iadis le Chasteau des seigneurs de Haute fueille, de la race desquels estoit Ganelon, ainsi que j'ay recueilly des Chroniques de frere Guillaume de Nangis, Religieux de saint Benoit, au monastere de saint Denis. L'on dit que le dortoir fut basti de la somme de dix mille liures Parisis, en quoy le Roy condamna Enguerrand de Coucy, pour auoir fait pendre & estrangler trois ieunes Flamens qui chassoient dans ses Forests. L'Eglise est pleine de sepultures de marbre noir, avec les effigies des Princes, Princesses & Seigneurs, dont ie descriray cy apres leurs noms. Deuant le grand autel, est vn Epitaph qui dit de telle sorte: Il m'a suffit la mettre en François.

Cy gist le pere & tres illustre Seigneur
Humbert iadis Dauphin de viennois: puis
laissant sa principauté fut fait frere de no-
stre ordre, & Prieur de ce conuent de Pa-
ris, & en fin Patriarche d'Alexandrie,
& perpetuel administrateur de l'Arche-
uesque de Reims, & principal bienfauteur
de ce nostre conuent, il mourut l'an de gra-
ce, mil trois cens cinquante cinq.

*Epitaphe
du Dau-
phin de
Viennois.*

C'est celuy Dauphin qui donna, ou vendit à vil
 pris, le pays Allobroge, & du Dauphiné à Philip-
 pes de Valois, pour les enfans aînez de France.

Monsieur Loys de France, Comte d'E-
 ureux, fils du Roy de France, & frere du
 Roy Philippes le bel, qui trespassa l'an mil
 trois cens dixneuf, le xix. iour de May.

*Epitaphe
de Loys de
France &
de son es-
pouse.*

Madame Marguerite sa femme, fille de
 monsieur Phillippes d'Artois, fille du bon
 Comte Robert d'Artois, laquelle trespassa
 l'an mil trois cens xj. le xxiiij iour d'auril.

Le cœur du Roy Philippes, Roy de Na-
 uarre, & comte d'Eureux: lequel trespassa
 au siege deuant l'Arsegille, au Royaume de

*Du Roy de
Navarre.*

Grenade, lequel il auoit mis cõtre les mescreans de la foy, l'an mil trois cens quarẽte trois, le seiziesme iour de Septembre.

Le cœur de Ieanne Royne de Nauarre, Comtesse d'Eureux, fille de Loys, Roy de France, aîné fils du Roy Philippes le bel, laquelle tres passa à Conflans, lez Paris, l'an mil trois cens xlix. le .viij. d'Octobre. Blanche, Royne de France, leur fille, fit faire cette sepulture.

Epitaphe
de Philip
pes d'Ar
tois, & son
esponse.

Monseigneur Philippes d'Artois, seigneur de Conches, de Domfront, & de Meum sur Eure, aîné fils de Robert, Comte d'Artois, qui tres passa l'an mil deux cens quatrevingts xviiij. le .xj. de Septẽbre.

Madame Blanche sa compagne, fille du Duc de Bretaigne, laquelle trespassa au boys de Vincẽnes, l'an mil trois cens vingt sept, le .xix. iour de Mars.

De Cle
mence,
Royne de
France &
de Nauar
re.

Madame Clemence, Royne de France & de Nauarre, femme du Roy Loys, fils du Roy Philippes le bel, & fut fille du Roy de Hongrie: laquelle trespassa au Temple à Paris,

à Paris , quatorze iours en Octobre , l'an mil trois cens vingt & trois.

Messire Robert, comte de Clermont, & Quatre Epitaphie des Ducs de Bourbon. Seigneur de Bourbon, qui fut fils de saint Loys de France, & trespassa le unzième iour de Feurier, mil trois cens dixsept.

Messire Loys, Duc de Bourbon, comte de Clermont & de la Marche, qui fut fils dudit Robert, lequel trespassa le vingt deuxiesme iour de Ianuier , l'an mil trois cens quarante & vn.

Messire Pierre, Duc de Bourbon, Comte de Clermont & de la Marche , pair & chābrier de France, qui fut fils dudit Loys & trespassa le dixneufiesme iour de Septembre, mil trois cens cinquante six : Dieu ayt son ame.

Loys, fils de Loys, Duc de Bourbon, comte de Clermont, & de Forests, seigneur de Beauianlois, pair & chambrier de France, descendu le quatriesme du Roy S. Loys, de pere en fils, qui trespassa en l'age de sei.

ze ans & demy, le douziesme iour de Septembre, l'an mil quatre cens quatre.

Les entrailles du Roy Philppes le vray Catholique, qui regna vingt & deux ans, & trespassa le vingt & huictiesme iour d'Aoust, l'an mil trois cens cinquante.

Et a fait faire ladite sepulture la Royne Blanche son espouse.

*Le cœur du
grand Roy
Charles.*

Le Cœur du grand Roy Charles qui conquist Sicile, qui fut frere de Saint Loys de France, & luy fit faire cette tombe la royne clemence sa mere, il fut enterré l'an mil trois cens vingt-six.

*La Comtesse
de Luxembourg.*

Madame Beatrix de Bourbon, Royne de Bœme, & Comtesse de Luxembourg, laquelle fut fille du Duc Loys de Bourbon, & de madame Marie de Henaut, femme de feu Iean Roy de Bœsme, laquelle trespassa le xxvi. iour de Decembre, l'an mil trois cens quatre vingts trois.

Monseigneur Charles, frere du Roy Philppes de Valois, comte d'Alençon & du Perche, sire de Vernueil & de Domfront,

qui mourut à la bataille de crecy, l'an mil
iij. cens quarante six, le xxvj. iourd' Aoust.

Madame Marie d'Espaigne sa compa-
gne, comtesse d'Estampes, laquelle trespas-
sa l'an mil iij. cens lxix. le xix. Nouëbre.

Madame Ieanne de pontin, Comtesse de
Vandosmee & de Castres, laquelle trespassa Dela Com
tesse de Ven
dosme.
l'an mil trois cens lxxvj. le xxx. de May.

A costé du cœur, hors d'iceluy, vers Septentriõ,
est vne sepulture & effigie d'un Prince, ayant son
escusson semé de fleurs de lys, sans aucune escri-
ture, lequel on dit estre charles, comte de Valois,
pere du Roy Philippes de Valois.

Dans le cœur, à l'huys du reuestiere, est vne tom-
be platte & sur iceluy reuestiere, est vn tableau
d'un crucifix, & vn cardinal, à genoux, sous le-
quel est escrit cét Epitaphe.

*In Aquitania parte Gallia nobilissime familia &
Maleſicorum vetustate ac singulari virtute præclara à
malleſico nomen habet: ea in gente multo clariſſ. vnde
orta sunt aquitania quondam lumina viri rerum gesta-
rum magnitudine florentes. Alij equites aurati sancti
Pontificis, Alij præfecti. Ex ea generis claritate prodiit
Guido à malleſico dicti loci, & Castri Lucij dominus in
omni doctrinarum virtumquè genere propè absolutus:
cuius acta per multa annalibus conscripta his breuibus
non capiuntur augustis is vir summa prudēcia amplif-
simaque meritis creatus fuerat Lodoensis Pontifex de-*

inde Pictauiensis postmodum & coaptatus T. Prænestin
cardinalis in qua dignitate cum octauo & tricesimo an
no floruiſſet, tandem legationem agens apud Regem Gal
lorum nomine P. M. auunculi ſui luteciæ hōneſto morti
genere quieuit octauo Idus Martij anno autem 1311. cu
ius corpus hac cella & hoc ſaxo ſepultum eſt magno cum
omnium luctus ac deſiderio donec propinquorum ſenten
tia ad maiorum ſepulchra transfertur.

*Diues opum Guido formæ bonitatis & artis.
Ditior, hocq; magis diues honoris erat.
Plura darent ſuperi niſi fatum plura negaret.
Quo maiora darent euolat ad ſuperos.*

Au cloiſtre des freres Preſcheurs, giſt Iean de
Meum grand Theologien, auteur du rommant
de la Roſe, premiere Poëſie des François: il eſtoit
du viuant & regne de Loys Hutin.

*Fondation
du Conuēt
des Freres
Mineurs
dits Cor
deliers.*

Après le Conuent des freres Preſcheurs, le bon
Saint Loys fonda celui de ſainct François, &
des freres mineurs, qu'on appelle en France Cor
deliers, la ſaincte troupe deſquels ſe tint iadis au
meſme lieu, où à preſent eſt le college de Nauar
re, ainſi qu'encor on voit les marques du dor
touër, & cellules des freres: mais ce ſainct Roy,
voyant ce lieu trop mal propre pour la ſolitude
de ces hommes Angeliques, les transporta pres
la porte S. Germain, & ſur la rue de haute fueille
à cauſe que le lieu eſtoit eſcarté & propre en con
templation à laquelle ſont adonnez les freres de
cét ordre. Leurs eſcoles, & dortouër des Noui
ces ont eſté baſties de noſtre temps par la libera
lité des Roys, leſquels ayment cette maiſon, à
cauſe de la vertu & ſaincteté de ceux qui y habi

rent, & pour les voir deuotieux & bien reiglez, en tous lieux ou ils se trouuent.

L'an 1579. Regnant Henry de Valois, Roy de France & de Polongne, le chapitre general fut assemblé audit Conuent des Cordeliers, auquel lieu il vint religieux de toutes les parties & Royaumes Chrestiens, le nombre fut estimé douze cens ou plus, & estans assemblez en ce lieu esleurent pour general de leur ordre reuerend pere en Dieu Frere François Gonzaga. Cependant que leur assemblée se fist, pour subuenir aux frais, le Roy & plusieurs Princes, Gentils-hommes & de Messieurs de la Cour de Parlemēt de Paris, comme aussi plusieurs notables bourgeois leur firent dons & liberalitez, tant d'argent monnoyé, que aussi de bleds & vins pour subuenir à leur nourriture & despence, d'autant que leur reueneu n'estoit suffisant.

*Chapitre
general des
Cordeliers.*

Ayant esleu le susdit general, ils firent vne procession generale tous ensemble, allant à l'Eglise nostre Dame de Paris & autres lieux.

En cette Eglise, reposent les corps des Princes, Princesses, & autres qui s'ensuiuent, sous sepulchres de marbre noir, & effigies de blanc marbre & albatre.

*Madame Marie, Royne de France
femme du Roy Philippes, fils de S. Loys,
fille du Duc de Braban, laquelle trespassa
l'an mil trois cens vingt & vn, le douzies-
me iour de Ianuier.*

Epitaphes
de plusieurs
Princes &
Princesses.

Madame Ieanne, Royne de France & de Nauarre, comtesse de Brie & Champagne, Dame fonderesse du college de Nauarre, femme du Roy Philippes le Bel. Son regne fut de xx. ans & trespassa l'an mil trois cens quatre le deuxiesme iour d'auril.

Cette-cy est seule, & son Epitaphe est rompu: il n'y a pas long temps qu'on le voyoit en vn tableau escript à la main, lequel on ne voit plus.

Au dessous est le monumét d'un Prince, & d'une Princesse, chacun tenant vn cœur entre leurs mains: le prince porte en ses armoiries, semées de Fleurs de lys à vne bande, & n'y a aucune Epita.

Madame Ieanne, Royne de France & de Nauarre, Contesse de Bourgongne & d'Artois, qui trespassa à Roye le xxj. iour de Ianuier, & fut enterree le xxvij. iour dudit moys, l'an mil trois cens xxjx.

Le cœur du Roy Philippes le long, son espoux, Roy de France & de Nauarre, fils du Roy Philippes le bel, qui trespassa l'an mil trois cens xxj. le iij. de Ianuier.

Le cœur de madame la Royne Ieanne, Royne de France & de Nauarre, & es-

pouse du Roy Charles, Roy desdits royaumes, fils du roy Philippes le bel, & fut fille de monseigneur Loys de France, Comte d'Eureux, & fils du roy de France, la quelle trespassa l'an mil trois cens septante, le quatriesme iour de Mars.

Le cœur de madame Blanche, de France, fille du roy Philippe, la longue-vestue, religieuse à Lonchamp, l'an mil trois cens dixhuiet, & fut ledit cœur enterré l'an mil trois censcinquante & huiet, & le vingt-sizième iour d'Auril.

Madame Mahaut, fille du Comte de S. Paul, femme de monsieur Charles fils du Roy de France, comte de Valois, d'Alençon de Chartres & d'Anjou, laquelle trespassa l'an mil trois cens cinquāte & huiet, le treiziesme iour d'Octobre.

Pres de Mahaut, est vne autre Princeesse en habit de Nonnain, sans Epitaphe.

Ainzné, fille du Roy de Castille, trespassa le xxxij. iour du moys de Iuin.

Le reste est rompu.

*Madame Blanche, fille de monseigneur
Saint Loys, Roy de France, femme ia-
dis de monseigneur,*

Le reste est rompu.

*Loys de Valois, fils de noble Prince, mō-
sieur Charles, fils de France, comte d'Alā-
çon, de Chartres & d'Anjou qui trespassa
le lēdemain de la feste de Toussaincts, l'an
mil trois cens vingt & neuf.*

Du costé de Midy est le tombeau d'un Prince
armé, son escu semé de Fleurs de lys, à quatre lam-
beaux.

Derriere le cœur vn cheualier armé, & vne Dame
esleuez en pierre sans escriture.

Du costé de Septentrion sont les effigies d'un
Conte & d'une Cōtesse, en albastre sans escriture.

*Messire loys Amnez, fils de Robert, com-
te de Flandres, queus de Neuers, de Re-
thesc pere de monseigneur Loys, comte de
Flandres, de Neuers & de Rethesc, qui
trespassa l'an mil trois cens xxij.*

*Monsieur Pierre de Bretaigne, fils de
Iean, Duc de Bretaigne, & de Madame
Blāche, fille de Thibaut roy de Nauarre.*

Monseigneur Charles, comte d'Estampes, frere de madame Ieanne, Royne de France & de Nauarre, & de mōseigneur Philippes, Roy de Nauarre, & comte d'Eureux, & trespassa l'an mil trois cens trente six le xxiiij. iour d'Aoust.

Au derriere du grand Autel ioignant la ceinture du cœur, est esleué.

Reuerend pere en Dieu, Messire Pierre Filhol, de Gannat en Bourbonnois, Archeuesque d'Aix, en Prouence, Lieutenant general pour le Roy François premier, au gouuernement de Paris & Isle de France: lequel apres auoir vescu cent deux ans tres passa le xxij. iour de Iannier, l'an mil cinq cens quarente.

Du Comte de Carpes dont l'effigie est esleuee en cuiure.

Alberto pio de Sabaudia Carpensium principi.

Francisci regis fortunam secuto,

Quem prudentia clarissimum reddidit,

Doctrina fecit immortalem,

Et vera pietas cœlo inseruit.

Vix. anno. L V.

Heredes mœstiß. poß. An. M. D. xxxv.

Cette sepulture est en la nef de ladite Eglise des

Cordeliers, du costé de Septentrion.

Hic Nicolaus filius mini Ioannis de Sancto Quirico, Ciuis ciuitatis Senatum, qui obiit anno domini M. ccc. xxxviii. die dominica duobus Iouis die mensis Augusti.

Du mesme costé contre la muraille, est engraué cette Epitaphe.

Franc. Medullæ patricio atellano iuris & optimarum artium scientia ornatiss. pretura Urbana apud Ludouic. mediolani ducem senatoriaque dignitate & legationibus obeundis apud Ludouic. Xij. & Franciscum Gallorum reges amplissimo probiatisque & equitatis apud omnes Clariss. Alexand. Zancha propinquus in publico mœrore mœrens.

P O S S.

Au cœur d'icelle Eglise, des Cordeliers est inhumé vn noble gentilhomme Allemand, au chef de sa representation est escript,

Sola virtus expers sepulchri.

Au desous est escrit en lettres d'or, grauees sur marbre noir, ce qui ensuit.

Guilielmo Frolich nobili, ac strenuo equiti, prudenti solo dorem ciuitatis senatori, L L. Hel, Trib, ob. eximias animi eius virtutes, resque præclare gestas, ciuibus vniversaq; suæ patriæ (ubi etiam veterem disciplinam militarem restituit) acceptiss.

Qui cum xl. integros annos stipendijs regijs (hristianis. magna animi alacritate militasset, terque signis, collatis victor cōfluxisset, suos veteranos, magno discrimine (nationi alioqui fortis. insuetū) per mare in Italiam traiecisset tandem sexagenarius (cui esendum erat) ut eadem perpetua animi constantia erga Francorum reges persisteret prefectus xxij. signis, postremo in Galliam redijt: Vbi lutetia fatis concessit. Eius ciues gratis. pientis aminis, funus mortemque prosequuti, & præcipue Guilielmus tugginer eius nepos hoc monumentum posteritati, in memoriam heroicæ eius virtutis mestis, ac mærentes posuerunt. anno Domini M. D. L X I I. Die iij. Decemb.

Plus bas est escrit.

Quo tempore fœdus auitum, inter Hen. I I I. Gallorum ac Polonia regem christianis. ac Heluetos, Epitaphium hœcce templi incendio absumptum, à Ioanne Iacobo Vonstach viduæ ac heredum frolich cura-

tore, etiam renouatum est anno Domini
M. D. LXX XII.

Antea ab Holstero Sueco. Conscriptum.

Au bas d'iceluy tombeau est encores escrit.

*Balthazar de Grissach, nunc regie hel-
uetie custodia præfectus, olim defuncti hu-
ius: cum viueret, alumnus summo ac pien-
tissimo affectu, desiderat illi posse post mor-
tem perpetua esse basis: Veteris non imme-
mor beneficij die ac anno, ut supra.*

La plus grand partie de tous ces sepultures & tōbeaux & effigies, escrites cy dessus ont esté bri-
sez & rōpus par le defastre & violence du feu qui
aduint le dixneufiesme iour de Nouembre 1580.
comme il est descript cy apres, sous le regne de
Henry troisieme du nom Roy de France & de
Polongne: mais pource que le premier Autheur
de celiure (Corrozet) les auoit longtemps au pa-
rauant recueillies & mis en lumiere, ie n'ay vou-
lu les oster: aussi que i'espere qu'ils seront resta-
blis avec le temps.

*Augu-
stins fondés
à Paris.*

Les freres Hermites de sainct Augustin furent
establis par S. Loys, où ils sont de present, sur la
riuiere, au lieu d'une autre ordre qu'on appelloit
les freres des sacs, desquels l'ordre a esté aboly,
& quelquesfois y a eu en ce lieu, maison des tem-
pliers, dont le temps est incertain.

Tant y a, que l'un & l'autre ordre y ont de-

mouré parauât les Augustins, lesquels d'ancienneté se sont tenus pres la porte de Montmartre, & dit-on que leur Eglise estoit où est à present saincte Marie l'Egyptienne, cōprenant depuis la iusques à ladite porte, en la rue appelée de present, la rue des vieux Augustins. Ces lieux estoiet alors tous en bois : depuis furent enuoyez demourer en vn lieu aussi sauuage, où à present est le college du Cardinal le Moine, & apres furent mis par sainct Loys où ils sont, fondez sur mendicité, comme les trois autres mendiants: auquel lieu le Roy Charles cinquiesme, premier Dau-

Charles 5.
fit edifier
leur Eglise.

La susdicte chapelle saincte Marie Egyptienne a esté faiete & edifice par vn drapier de Paris, & depuis augmentee comme on la voit à present.

*Primus Francorum Rex Delphinus fuit iste,
Exemplar morum Carolus dictus bone Christe
Merces iustorum, dilexit fortiter is te:
Hic patet exemplum, tibi nam compleuit honore,
Hoc præsens templum dyo ditetur honore.*

Il est escrit au Lambris de l'Eglise, l'an mil cinq cens huiet, fut parfait ce Lambris, le dixiesme iour de Iuin.

A la chapelle sainct Nicolas de Tollentin, en tombeau esleué, sur lequel est vn Cheualier, à genoux, l'Epitaphe est tel.

Cy gist Messire Pierre Dussayez, en son

*viuant Cheualier & seigneur & Baron
du Poyet, qui trespassa le dixiesme iour de
Auril, apres Pasques, mil cinq cens qua-
rante huict, priez Dieu pour son ame.*

Aussi n'ay voulu oublier l'Epitaphe du Poëte
Belleau, laquelle se voit au milieu de la Nef, en
platte tombe, sur laquelle est escrit ce qui ensuit.

*Ne taillez mains industrieuses
Des pierres pour couvrir Belleau
Luy mesme a basti son tombeau,
Dedans ses pierres precieuses.*

Remigij.

*Bellaquei Poeta Laureati, qui eum poe-
tate & cum fide viueret quinquagena-
riam pulcherrimè omnibûsque gratissime
vix etatem, dedit iustos oineros Diua Ce-
cilia piis sodalibus sollicitandos. Supremi
voti obseruatissimi curatores Pr. Non.
Mart. (I). D. LXXVII.*

*Mœtissimo funere hoc in tumulo deposuerunt
Postera lux sexta marti tibi Bellaqua, Vates
Qua faciunt socio luctibus exequias.*

A la fin du liure se verra l'ordre des Cheualiers
du saint Esprit, sous le regne du Roy Henry

troisiesme du nom, il se voit derriere le cœur de ladicte Eglise, graué en vne pierre, ce qui ensuit.

A tous soit cognu que l'an mil quatre cens cinquante trois, le sixiesme iour du mois de May, *Dedicace de l'Eglise.* qui est la feste S. Iean porte Latin, cestuy temple dedia & cōsacra, honnorable homme de grand' sapience, Docteur en droict Ciuil & Canon, tres-venerable & reuerend seigneur M. Guillaume Chartier, Pasteur & Euesque de la venerable Eglise de Paris, en la presence de plusieurs Seigneurs d'Eglise, & de Laiz: c'est à sçauoir en la presence de M. Dalbic, de Monseigneur de Châlons, maintenant & parauant Euesque de Nismes, de Monseigneur d'Auranches, Euesque: desquels vn chacun adonné perpetuellement de sa grace du tresor de nostre mere sainte Eglise, à vn chacun vray confez & repentât annuellement cestuy iour visitant cette Eglise trente iours de pardon: & cecy du consentement de tres-reuerend pere en Dieu monseigneur de Paris, dessus nommé, & iceluy mesme reuerend pere monseigneur de Paris, mesmement à vn chacun, qui visitera iceluy iour cette Eglise, a donné quarante iours de indulgences. A la requeste & humble supplication de frere Nicolle Emery, maistre en Theologie & des freres du Cōuent: L'an & iour que dessus nommez, Priez Dieu pour eux.

Au cœur d'icelle Eglises sont tombes de marbre noir, & effigies d'Albastre: auec Epitaphes, dont i'ay pris ceux-cy.

Dame Ieanne de Valois Comtesse de

Epitaphe
de plusieurs
inhumés
audit mo-
nastere.

Beau mont le roger, fille de monsieur Char-
les, fils du Roy de France, comte de Valois,
pere du Roy Philippes, & de madame Ca-
therine Imperatrix de Constantinople fem-
me dudit Charles, laquelle Ieanne fut fem-
me de monsieur Robert d'Artois. Elle tre-
spassa l'an mil trois cens soixante trois, le
neufiesme iour de Iuillet.

*Hic iacet aula morum, vita munditia,
archiphilosophia Aristotelis perspicacissi-
mus commentator, clauis & doctor sacrae
Theologiae, lux in lucem reducens dubia
frater Egidius de Roma, ordinis fratrum
heremitarum sancti Augustini archiepif-
copus Bituriensis, qui obiit anno domini
M. ccc. xvj. xxij. die mensis Decembris.*

Madame Isabeau de Bourgongne, dame de Ne-
aufle, femme de monsieur Pierre de Chambely
le Ieune, seigneur de Neaufle, laquelle trespassa
l'an de grace mil trois cens vingt & trois.

Philippes
de Comi-
nes Che-
ualier.

En cette Eglise, ya vne chapelle edifiee par mes-
sire Philippes de Commines, cheualier, seigneur
d'Argéton, l'effigie duquel & de sa femme y sont
à genoux, representant le naturel, & entre autres
ne l'ay

ne l'ay voulu oublier luy qui estoit si excellent Historien François, qui a si bien descrit que son nom sera immortel.

En la mesme chapelle gist la fille dudit Seigneur, espouse du Comte de Ponthieure, sous tombeau de marbre & albatre, l'Epitaphe de laquelle ensuit.

*Epitaphium dominae Ioannae
de Comminis.*

*Quingentis annis bis septem & mille peractis,
In lucem quartam post idus martius ibat,
Octauamque parens Phœbus properabat ad horam;
Comminia occubuit generosa à prele Ioanna,
Pentebria comitis britanni sponsa Regnati,
Atque Argentoni domino prognata Philippo,
Chambeaïque Helenamens huic in pace quiescat.*

Combien que la memoire peinte sur verre, soit de peu de duree, toutesfois ie pëserois auoir faillily si i'oubliois à ramenteuoir les deux effigies du Roy Henry deuxiesme de ce nom, & de la Royne Catherine de Medicis, son espouse, lesquelles sont pourtraictes és deux grandes verrieres au chef de l'Eglise desdicts Augustins.

En vne autre chapelle en la nef est l'effigie d'un Euesque, à genoux haut esleué, & au dessous deux Epitaphes, entre lesquels dans le flanc de la basse est esleuee à demy bosse l'Image de Renommée, assise sur un monde, appuyee sur un Luth, d'une main tient une trompe, & à ses pieds sur des liures, autour d'elle est une sphere, un compas, & autres instrumens des arts Liberaux. Le

premier Epitaphe est escrit en lettre d'or.

Epitabium domini Petri Quiquerani Episcopi Senecensis.

*Dum Iuuenilis honos, prima lanugine malas
Vestit, & in calido pectore feruet amor,
Me rapuit, que cuncta rapit, mors inuida doctis:
Hei mihi, cur vitæ tam brevis hora fuit
Cur brevis hora fuit? rerum sic voluitur ordo,
Alternâtque, suas tempus & hora vices.
Si fera longæ tribuissent fata senectæ.*

*Tempora, venturis poma dedisset ager.
Flos periit, periere simul cum cortice fructus,
Aridâque ante suos poma fuere dies.
Nemo tamen lachrymis nec tristia funera fletu
Fædet cur? voluto docta per ora virum.*

L'autre Epitaphe.

*Hic iacet nobilis vir reuerendus in Christo pater do-
minus Petrus Quiqueranus Episcopus Senecem filius do-
mini Anthony Quiquerani equitis & Baronis Bello-
iocani illustrissimi in Prouincia: cuius libri tres de lau-
dibus Prouincia extant disciplinarum ac rerum cogni-
tione efflorescentes, obiit anno domini 1550. Kalen. Sep-
tembris 15. anno natus 24.*

Pres le reuestoir.

*Le Samedy veille de Pasques xx. iour
d'Auril mil cinq cens octâte cinq trespassa
à neufheures du matin aux Faulxbourgs
sainct Germain des Prez leZ Paris, rue
de Saine, haute & puissante dame Diane*

de Rohan, femme & espouse de haut & puissant seigneur messire François de la Tour landry Cheualier de l'ordre du Roy, Comte de chasteau roux & Baron dudict lieu de la Tour landry de laquelle dame les entrailles sont icy deuant enterrees, avec celles de feu illustrissime & reuerendissime prelat François de Rohan son grand oncle en son viuant Archeuesque de Lyon, Primat d'Aquitaine, & Euesque d'Angers, priez Dieu pour eux.

D. O. M.

IO. BAPTISTÆ GONDIO ANTIQVÆ NOBILITATIS PATRITIO FLORENTINO DE PATRIA PROPINQVIS AMICIS OPTIME MERITO IN REGES. VERO. V. CHRISTIANISS. EOSQVE. CONTINVOVS QVORVM DVOBVS POSTVEMIS MAGISTER DOMVS FVIT OMNIBVS FIDELISS. ATQVE INTEGERRIMI. ANIMI STVDIIIS. CVM SVMMA LAVDE AC DIGNITATE RERFVNCTO.

HIERONYMVS FRANCISI FRATRIS F. REGIVS E. NOBILIVM GENERE CVBICVLARIVS SOCIIS SIBI DOMESTICI DOLORIS V. C. ALBERTO COMITE DE RETZ FRANCIE MARESC. ET PETRO.

M ij

EPISC. PARIS. CVM ILLI PATRVELEM
CARISS. LVGERENT IPSE AMANTISS.
ET BENEFICIENTIS PATRVN MOERERET.

H. M. P.

Obijt an. Sal. M.D. LXXX. Annum.
agens LXXX.

C'est Epitaphe est en la chapelle du preau des
Augustins : le tombeau dudit sieur Gondy est
fort brauement eslaboré en marbre blanc & noir
au dessus duquel se voit le chef d'iceluy de mes-
me estoffe, contrefait apres le naturel.

*Le conuent
des Carmes
par quiba-
sti, & les
diuers li-
eux où ils
ont esté.*

Pour le quatriesme ordre des mendiens, saint
Loys retournant du premier voyage de la terre
Sainte, print six Religieux au Mont-du carmel,
en Palestine, il les amena en Frâce, & leur fit con-
struire vn monastere, au lieu où sont maintenant
les Celestins à Paris, lequel encor' s'appelle la
Porte-des barrez, pource que lesdicts Carmes
portoient en ce temps là manteaux barrez de
blanc & noir. Et estans augmentez en nombre,
& aussi qu'il se estoient en incommodité d'estude,
furent translatez depuis ou ils sont de present:
où leur fut dressé place & maison, ainsi qu'elle
se comporte, en l'an mil trois cens dixneuf, & les
Celestins qui parauant y demouroient, l'Eglise
desquels estoit alors ce qu'est au iourd'huy la
grand chapelle nostre Dame, allerent au lieu que
possedoient iceux Carmes, & firent eschange,
comme il apparoit par anciennes chartres. En
ce monastere des Carmes & chapelle nostre Da-
me, est vne sepulture haute, dont l'Epitaphe est
tel.

Cy gist treshaute & trespuiſſante Prin-
ceſſe madame Marguerite de Bourgongne,
iadis fēme de feu mōſieur le Duc de Guy-
enne, aiſné fils du Roy de France, & a-
pres femme de tres-haut & tres-puiſſant
Prince monſieur Artus fils du Duc de Bre-
taine, comte de Richemont, ſeigneur de
Prenay, Conneſtable de France, laquelle
trespaſſa à Paris le ij. iour de Février,
l'an mil quatre cens xlj.

Saincte katherine du val des eſcoliers, eſt fon-
dation de S. Loys, ainſi qu'il appert à la porte de
l'Egliſe, par eſcriture appoſee ſous aucunes anci-
ennes peintures, ainſi qu'il s'enſuit.

*Fondation
de ſaincte
Katherine
du val.*

Du coſté de Septentrion.

A la priere des ſergents d'armes, monſieur S.
Loys fonda cette Eglife & y mit la premiere pier-
re: Et fut pour la ioye de la victoire, qui fut au
Pont de Bouvines, l'an 1214.

Du coſté de Midy.

Les ſergens d'armes, pour le temps gardoient
ledit pont: & vouèrent, que ſi Dieu leur don-
noit victoire, ils fonderoient vne Eglife de ſain-
cte Katherine, & ainſi fut-il.

En laquelle Eglife verrez vn tableau, contenāt
l'inſtitution de l'ordre des Religieux y faiſant
profeſſion, fondez de S. Auguſtin.

Ce monastere, alors estoit hors la ville & pres la porte : car la rue Sainct Anthoine estoit close en cét endroit où est de present l'hostel d'eureux. On voit encores derriere cét Hostel les vieux murs, garnis de leurs tourelles, sur partie desquels on à basti, & de l'autre costé de la grand rue, est vne Image de nostre Dame, qu'on dit auoir esté autrefois dessus la porte.

Le circuit des terres de ce monastere, qu'on appelle la culture, ou closture, & en langage vulgaire la Cousture, Saincte Katherine a esté baillee à bastir dès le temps du Roy François, & y a maintenât de belles rucs, & de sumptueuses maisons: Les ruines des vieilles portes y apparoissent encores.

En cette Eglise sainte katherine sont plusieurs sepultures de nobles personnes, avec leurs effigies de marbre, & autres pierres, entre lesquels iay notté ceux cy.

Monsieur Pierre d'Orgemont, Cheualier, Chancelier de France & du Dauphiné, qui trespassa l'an M. trois cens octante neuf le xx. iour de Iuin,

Madame Marguerite de Voysines, iadis femme dudit monsieur Pierre d'Orgemont, qui trespassa l'an mil trois cens quatre vingts, le x x viij. iour de Mars.

Monsieur Charles d'Orgemont, Cheua-

lier, seigneur de Mery, de Zamuille, Grilly & Champrond, chambellam du Roy, qui trespassa l'an M. D. ij.

Messire Pierre d'Orgemont, Cheualier, seigneur de Montia y, de Chantilly & de Chauenry, qui trespassa en la bataille de Auzincourt, l'an M. quatre cens xv. le xx iij. iour d'Octobre.

Monsieur Pierre d'Orgemont, cheualier, seigneur de Cerbonne, Tresorier de France, qui trespassa le xvij. iour de Iuin, l'an mil cinq cens.

Le reste est rompu.

Iean des Marets, Aduocat du Roy en Parlemēt. Cestuy cy fut mis à mort par forme de Iustice, au temps de la rebellion des Citoyens de Paris, cōtre le Roy Charles fixiesme.

Et madame Guillemette, sa femme, qui trespassa l'an M. trois cens Lxxjx. le xx iij. iour de Novembre.

Messire Guillaume Calinel, cheualier, seigneur de Romainuille, de Ponpōne & de Ver, maistre d'hostel du Roy, fondateur de

la chapelle où il repose, qui trespassa l'an mil quatre cens treze, le vingt septiesme iour d'Aoust.

Messire Guillaume de Môtmorecy, cheualier, seigneur de S. Leup, de champenos & de challine, qui trespassa l'an mil trois cens quatre vingts huict.

Madame Ieanne d'Andrezel, femme du dit feu messire Guillaume, qui trespassa l'an mil trois cens iiij. vingts quinze.

Monsieur Ferry de Mets, maistre des Requestes du Roy, qui trespassa l'an mil quatre cens xxiiij.

Thibaut de Bourmont, seigneur de main camp, qui trespassa l'an mil trois cens quatre vingts cinq.

Iean de montigny, dit monceaux, premier Eschanson de Charles le Quint, trespassa l'an mil trois cens lxxv.

Regnaut coupé maistre des monnoyes, qui seruit le Roy Philippe le Bel, son fils Loys, le Roy Charles, cestuy est enterré au chapitre. Dans le cœur sont 4. effigies, à genoux, deuant l'Image nostre Dame, du costé de Midy, qu'on dit

estre de Messire Hugues Aubriot, iadis Preuost de Paris & de ceux de sa famille.

Leans en la chapelle nostre Dame, vers midy, gist le corps de reuerend pere en Dieu, Anthoine Sanguin, Cardinal du S. Siege, & seigneur de Meudon, lequel trespassa l'an mil cinq cens cinquante neuf, laissant imparfaict vn tresexcellent & superbe edifice d'hostel qu'il auoit faict commencer en la culture sainte Catherine.

Or cette chapelle est maintenant nommee chapelle des Alegrins, maison ancienne & renommee, yssus de deux Chanceliers de France, l'un desquels viuoit du temps de Loys le Gros, & l'autre sous le bon Roy S. Loys: & lesquels estoient sortis de la tres-ancienne maison de Caïeux en Normandie: ainsi que j'ay pouoir en leurs chartres anciennes, & par l'arbre de leur genealogie.

*Chapelle
des Ale-
grins.*

En la chapelle deuxiesme à main droicte, ainsi que l'on entre en ladicte Eglise, est la chapelle du Cardinal de Birague, iadis Châcellier de France, & est enterré en icelle, & d'autre part de cette chapelle en autre tombeau separé, est son espouse.

*Chapelle
du sieur de
Birague.*

Vient à aduertir le lecteur que la femme dudit seigneur de Birague mourust & passa de ce monde au parauant son mary, luy estant veuf print les saintes ordres de prestre & fut pourueu de

ANTIQUITEZ

dignitez en l'Eglise Catholique, par nostre saint Pere le Pape fait Cardinal, auquel degré il finas ses iours au grand regret de ses amys.

L'autel pour celebrer le saint Sacrifice de la Messe a esté fait de neuf lors que fut fait le tombeau dudit Seigneur de Birague acheué au moys de Iuin 1585.

Au dessus du Tombeau est escrit en lettre d'or graué sur vne table de marbre noir.

Quid tibi opus statua satis est statuisse Birage

Virtutis passim tot monumenta tua

I. Moreus. R. S.

Au dessous de cest escript est la figure apres le naturel du seigneur de Birague, comme vn Cardinal à genoux, son manteau rouge & le tout esleué & eslaboré en brôze, soustenu de deux gros pilliers de laspe & marbre tout autour, auquel marbre est escrit ce qui ensuit.

*Epitaphe
du sieur de
Birague.*

RENATO BIRAGO PATRITIO MEDIOLAM VLTIS ET SVMM DIGNITAT, FVNCTO TVM FRANC. CANCELLARIO, AC DEMVM S. R. ECCLE. CARDIN. FRANCISCA. F. VNICA ET CÆS. BIRAG. AGNAT MOESTISS. NON MEMORIAE SED DESIDERII PERPET. MONVM.

H. P. C.

*Vixit annos LXXVII. Menses IX. Dies xxvj.
Obijt viij. Cal. Decemb. M. D LXXXIII.*

La sepulture de la Femme dudit sieur de Birague, est pres d'iceluy ou est escrit ce qui ensuit,

D. O M. S.

Valentia Balbiana Matron, clariss.

Atque Ornatiss.

Cuius anima salute & quiete fruitur sempiter.

Corpus renatus Biragus Franc Chancellar.

Coniux pientiss. Vxoris Benemer, memor hic condi cur.

Obijt anno Christian. salut. M. D. LXXII.

13. Calend. Ianuar. Vixit annos LIIII.

Mens sex sex dies xx.

Aux deux costez d'icelle sepulture il y à deux figures de brōze, dont celle du costé droit porte escrit en lettres d'or au dessus en vn petit tableau de marbre noir.

Morte n'est point qui vid au Ciel.

Au dessous des pieds d'icelle figure de bronze est escrit en lettre d'or, graué en marbre.

Qui bien ayme tard oublie.

Au costé fenestre est escrit les deux mesmes vers en Latin au dessus, & dessous l'autre figure de bronze. Ce Tombeau est magnifiquement eslaboré, le tout de marbre blanc & noir. L'effigie d'icelle dame est tout de blanc albastre, appuiee sur son coulede, deux oreillers de marbre au dessous, & au dessus de ladite effigie il ya deux figures d'Anges, le tout de bronze & autres tenant vn roulleau où sont les armes dudit Sieur de Birague: Voyez le 2.liure ou sont representez les figures, ainsi qu'ils se voyent aux Tombeaux.

Du mesme costé de main droite à costé du cœur de ladite Eglise, il y a vn souterrain où l'on voit la figure du sepulcre, tout semblable de celuy qui est en la S. cité de Ierusalem, à l'entree d'iceluy est escrit la datte du tēps qu'il fut fait, cōme s'ensuit.

*Epitaphe
de madame
de Birague*

*Au 2. li.
des Anti-
quitez de
Paris, sera
mis tous les
Epitaphes
de nouveau
mises, aussi
les sepulch-
res des roys
de France &
des autres
plus nota-
bles estant
à Paris &
S. Denys,*

Ce sepulcre de Iesus fut fait l'an mil quatre cens vingt: Et depuis repaint l'an 1577.

De l'autre costé du cœur allant au cloistre, sur la voute d'une chappelle, il se voit comme vne montaigne pleine de beaux pastourages, & sur icelle les pasteurs gardans leurs troupeaux, & receuans la ioyeuse nouvelle de la natiuité & venue du fils de Dieu en ce monde.

*Fondation
du petit S.
Anthoine.*

Sainct Anthoine le petit, prieuré commendatoire, est vne des fondations du Roy S. Loys.

En icelle Eglise est escrit ce qui ensuit.

L'an de grace mil quatre cens quarante deux, le premier Dimenche apres la feste Dieu, tresreuerend pere en Dieu, monsieur Denis Patriarche d'Antioche, Euesque de Paris, dedia & consacra cette presente Eglise de S. Anthoine, dans Paris.

Il y a vn Crocordile mort, attaché contre la paroy d'icelle Eglise, & dessous est escrit.

En l'an mil cinq cens quinze, messire Pierre de la Vernade, Cheualier Conseiller, maistre des requestes de l'hostel du Roy François, fut enuoyé par ledict Sieur en ambassade à Venise, auquel lieu les Venitiens luy firent present d'un Crocordile, lequel il donna à S. Anthoine.

Derriere le cœur d'icelle Eglise est la chapelle des Herauts des Roys de France.

Ce fut aussi Sainct Loys qui fonda la maison & monastere des Mathurins, Religieux de la Trinité, & instituez pour la redemption des pauures captifs qui sont entre les mains des infideles : & estime l'on, que leur fondation soit premiere que celle des Templiers, la mesme que celle des Cheualiers de saint Lazare de nostre temps remis par Philebert Emanuel, Duc de Sauoye, sur quoy ie ne vous scaurois donner resolution: bien scay, que tous les ordres furent instituces au fin du rachat des Chrestiens, esclauces des Barbares, & ils sont presque de mesme téps, sauf ceux du saint Sepulchre, lesquels estoient instituez auant le voyage des Latins en Palestine. Ces Religieux sont obligez à certain temps limité, de faire vn voyage, soit en Barbarie ou ailleurs, pour deliurer ce qu'ils peuuent de Chrestiens, captifs, & faut que le general de l'ordre, luy mesme, face ce voyage.

*Connēt des
Mathurins
par qui son
dé & pour
quelle in-
tentien.*

Leans gist maistre Robert Gaguin, iadis ministre general de l'ordre, croniqueur de l'histoire Françoisse, duquel l'Epitaphe sur sa tombe est tel.

*Illustris Gallo mituit qui splendor in orbe.
Hic sua Robertus membra Gaguinus habet.
Sic tanto non seua viro libithina pepercit,
Quid speret docti cetera turba chori?
Anno à natali Christiano millesimo quingentesimo
primo vicesima secunda Maij.*

Entre autres Epitaphes des nobles qui sont in-

humez, i'ay extraict ce deux-cy.

Messire Iaques de Rully, Cheualier & President en parlemēt, qui trespassa le huietiesme iour d'octobre, mil iiij. cens neuf.

Monsieur Pierre des Essars, Cheualier, Conseiller du Roy, & garde de la preuosté de Paris, qui trespassa le premier iour de Iuillet, l'an mil quatre cens treize.

Cestuy à fait faire l'Image sainct Christofle qui est en la grande Eglise nostre Dame.

Au cloistre du susdict monastere des Mathurins gist Iean de Sacrobosco, qui composa le liure de la Sphere, sur sa tombe est engrauee vn Sphere, & tel Epitaphe.

*De Sacrobosco qui composita Ioannes
Tempora discreuit, iacet hic à tempore raptus,
Tempore qui sequeris, memor esto quod morieris,
Si miser es plora, miserans pro me precor ora.*

*Fondation
du conuent
dict les Cor
delieres. S.
Marceau.*

Madame Marguerite, femme du Roy Sainct Loys, edifia en la ville Sainct Marcel, lez Paris, le conuent & monastere des nonnains, qu'on appelle vulgairement les Cordelieres sainct Marceau, De l'ordre de saincte Clere, & y fut rendue Religieuse vne des filles dudit Roy.

*Du college
de Sorbon-
ne & des
disputes.*

Entour la personne du Roy frequentoit maistre Robert de Sorbonne, homme tressçauant, & Docteur en Theologie, lequel fonda le College Theologal de Sorbonne, & y donna beaucoup

derentes pour l'entretienement des bacheliers, & nourriture des Docteurs de la susdite faculté, de laquelle tous les Theologiens de Paris sont appelez Sorbonnistes, à cause que c'est en Sorbonne que ce sont les actes principaux pour la preuue du sçauoir de ceux qui aspirent au Doctorat: Ce lieu est remarquable tant pour son antiquité, ayant iadis esté vne des appartenances du Palais Imperial, lorsque les Romains estoient seigneurs des Gaulles, ainsi qu'il est dit au commencement de ce liure, qu'aussi pour l'égard des hommes illustres & renommez en sçauoir, qui viuent ordinairement en vne sainte société en cette maison: En laquelle se font les disputes generales tous les Vendredis de la feste des glorieux Apostres, Messseigneurs S. Pierre & saint Paul, au mois de Iuin, iusques à la Toussaincts, & où le respondant tient & fait teste des le matin iusques au soir à tous les Bacheliers à chacun en son rang, sans qu'il y ait aucun Presidét pour supporter celuy qui respond. On tiét que cette coustume fust introduicte par vn Religieux de l'ordre saint François, qui pour faire preuue de son sçauoir, ouurit le pas tout le long du iour, & ses compagnons ne voulans estre veus moindres que luy, continuerent le mesme, tellement que ce qui gisoit en la volonté des arguants & respondants, s'est conuerty en loy inuiolable. Là faut qu'assistent les Docteurs, à fin qu'ils iugent du meritent des hommes, & sçachent à qui ils deuront donner les premiers lieux des licences.

Semblablement vn autre noble homme, nom-

*Fondation
des Haudriettes.*

mé Estienne Haudry, estant au seruice du susdict saint Loys, fonda la chapelle des femmes vefues qu'on appelle les Haudriettes, bastie en la rue de la mortellerie.

*Lignée de
Bourbon.*

Dudit Sieur Roy, sont descendus les Ducs de Bourbon, le tiers desquels nommé Loys, fit edifier à Paris, sur la riue de Seine, pres du Louure, vn grand hostel de plaissance qu'on nomme l'hostel de Bourbon. Voila presque les fondatiōs faites au temps de ce Roy tres-chrestien: reste à dire quelques particules esquelles l'ordre de l'histoire ne se peut garder.

*L'estat de
la Preuosté
de Paris.*

Viuant ledict bon Prince, l'estat & office de la Preuosté de Paris se vendoit, & les Citoyēs seuls & non autres l'achetoient, dont s'ensuiuoit plusieurs greuances, oppressions, concussions & iniustices: car les riches faisoient ce qu'ils vouloient. A cette occasion le roy deffendit deslors en auant icelle vente, & constitua gages ordinaires à celuy qui seroit Preuost de Paris: en quoy faisant il establit pour garde de la Preuosté Estienne Boileau homme equitable & bon iusticier, qui rendit en peu de temps les affaires de la ville en meilleur ordre.

*Don fait
par saint
Loys.*

Saint Loys donna aux pauures Lingeres, & aux pauures ferrons, qui n'auoient puissance d'auoir propre heritage, la place entour les murs du cimetiere des Innocens: ce sont aujourd'huy la halle de la Lingerie, & la rue de la Ferronnerie. La lingerie a esté rebastie de neuf au temps du Roy Henry second.

En l'an mil deux cens quarante huiet, le Roy S.
Loys,

Loys, en entreprenant le voyage d'outremer, en la terre-saincte, print en grãde reuerence & saincte ceremonie le bourdon & l'escharpe de pelerin, Chrestien, en l'eglise nostre Dame de Paris, par la main de Regnaud Euesque dudit lieu.

L'an mil deux cens cinquante neuf il fonda le conuent des Nonnains de Long-champ, pres Paris, & y fut religieuse & prieure madame Isabel, sa sœur.

Des Nonnains de Lõchamp.

Ce fustdit Roy S. Loys, faisant le saint voyage, fut agité de grãdes tempestes, sur la mer. Il debella Cartage, & mit le siege deuant Thumes. La peste se prit fort grande en son camp. Pendant ce voyage mourut deux de ses fils, l'un nommé Loys, l'autre Iean Tristan, qui mourut premier que son pere, mais peu apres le S. Roy, alla bien tost apres luy, & mourut d'un flux de ventre, le vingt cinquiẽme iour d'Aoust : Pour la ceremonie du conuoy & enterrement du corps du Roy, depuis Paris iusques à saint Denys en France, furent edifiees des stations & reposois, en façon de Pyramides, à chacune desquelles sont les effigies de trois Roys, & l'image du Crucifix à la poincte, ainsi qu'on les voit encores de present. Aucuns les appellent Mont-ioyes.

La mort & trespas de saint Loys.

Des mont-ioyes, sur le chemin S. Denis.

Philippes, fils de S. Loys, fut 45. Roy de France, il succeda à son pere, l'an du monde, 5232. De Iesus Christ, mil deux cens septante, il regna quinze ans. L'espouse duquel, Marie, fille de Henry Duc de Braban, fut couronnee Roynne, en la Saincte-chapelle du Palais, l'an mil deux cens septante quatre le vingt deuxiẽme iour de Iuin:

Philippes, 45. Roy de France.

& pource que controuerſe fut ſuſcitez entre les Eueſques, fut dict & ordonné, que la Sainte-chapelle eſtoit exempt de ſubiection enuers tous Archeueſques & Eueſques.

*Deborde-
mens des ri-
uieres.*

L'an mil deux cens quatre vingtz, la riuierè de Seine fut ſi grande à Paris, qu'elle rompit la maiſtreſſe arche du grand pont, vne partie du petit pont, & encloyt toute la ville qu'on n'y pouuoit entrer ſans baſteau.

En ce temps y eut diſcord entre les Eſcoliers, Picards & Anglois, eſtudians à Paris.

*Le college
des Cholets*

L'an mil deux cens quatre vingtz trois, Iean Cholet, preſtre, Cardinal de ſainte Cecile, Legat en France, natif de Beauuoisin, fonda à Paris vn College de Picards, nommé le college des Cholets.

L'edifice du Palais de Paris, les noms des Roys qui y ſont en effigies, fondation du college de Nauarre, la Marche, & du college de Lan, deſcription des eſcritures qui y ſont, du Cardinal le Moyne, des Billettes, & du miracle de la ſainte Hoſtie auenu à Paris.

CHAP. XIII.

*Philippe
le Bel 46.
Roy de
France.*



APRES Philippes troiſième, regna ſon fils Philippes le Bel, quarante ſixieſme Roy de France, il ſucceda à ſon pere, l'an du monde, cinq mil quatre cens ſept, de Ieſus Chriſt mil deux cens quatre vingts. cinq. Il fut ſacré à Reims le ſixieſme iour de Ianuier. Il regna vingt huit ans.

Le susdict Roy fit edifier de tressumptueux & magnifiques ouurages, le grád Palais Royal, pres de la saincte Chapelle, & du petit Palais, dict la salle Saint Loys, & de la petite salle: conduisant l'œuure & architecture: Messire Enguerrant de Marigny, Comte de Longueuille, & general des finances, (voyez quels hommes on employoit iadis à rels estats,) pluſtoſt que des affamez, & des hommes qui ne demandent que piller l'argent du Prince, la statue duquel estoit posée pour marque sur vn des portaux du Palais, mais le susdict seigneur estant mort, par Iustice, ou au moins par sentence du Iuge, cette representation fut abbatue. Ce Palais estoit la demeure des Roys d'alors, & s'y tenoient les plaids de la porte ou des requestes, estant le Parlement ambulatorie, & les Roys venans: suiuant l'ordonnance ancienne, à Paris, deux fois l'an tenir court, & ouyr les doléances du peuple, ainsi qu'on obserue és diettes d'Alemaigne. Mais le Roy Loys, surnommé Hutin ordonna que le Parlement fut arresté, & ſedentaire en vn lieu, à ſçauoir à Paris, laissant son Palais Royal aux Iuges, afin que les parties n'eussent tant de frais, comme dirons sous le regne du susdict Roy: lequel Palais pour la grandeur d'iceluy, disposition des lieux, Tours, salles, Chambres, Galleries, Cours, & Iardins, est estimé le bastiment le plus durable & accompli de France.

Les murs d'iceluy garnis de Tours & Tourelles, cōtiennent depuis le pont aux musniers, où est l'horloge, iusques au pont Saint Michel, environnans des deux costez de la riuieré, tant le-

*Le Palais
de Paris,
par qui
basty.*

*Parlemens
arresté à
Paris.*

dict Palais iufques à la poincte de l'Isle de la Cité, où estoit la maison des Estuies & Iardin du Roy, à l'endroiect duquel iardin passoit iadis vn petit bras de Seine, separant vne petite Isle d'avec la grande, laquelle nous y auons veu ioindre remplissant le canal de l'eau des vidanges de la ville. Apres que le Palais fut edifié, le Roy Philippes y tint feste l'espace de huiet iours, en laquelle il fit ses trois fils Cheualiers : durant laquelle feste, le peuple de Paris tint les boutiques fermées, pour s'acommoder à la ioye du Prince.

Pource qu'il se voit ordinairement controuerser entre les Historiographes, entant que touche l'ordre des Roys (mesmement des anciens) & le temps de leurs regnes, ie les mettray cy en la propre maniere qu'il est escrit sous leurs effigies, en la grande salle dudiect Palais, le commencement desquels est entre les deux verrieres, au chef de la table de marbre vers Occident, du costé du parquet des Requestes. Aucuns sont en cette opinion, que ceux qui ont les mains hautes ont regné vertueusement, & ceux qui ont les mains basses ont esté infortunez, ou n'ont faict actes d'excellence, & sur ce est à noter, que la main dextre signifie la puissance de regner, & les victoires de cette-là aussi aucuns tiennent le sceptre Royal. La main senestre denote Iustice, de laquelle ils tiennent le signe de la main de Iustice : & ainsi pourroit on iuger (s'il est licite) des actes des vns & des autres. L'ordre est tel.

Les genealogies des Roys de France, le

temps de leurs regnes, & leurs trespas, ainsi qu'il est escrit sous leurs effigies, au Palais Royal à Paris.

Pharamond, premier Roy des François regna payen onze ans, & trespassa l'an 430.

Clodio fils de Pharamond, regna payen vingt ans, & trespassa l'an quatre cens cinquante.

Merouee, fils de Clodio, regna payen dix ans, & trespassa l'an quatre cens soixante.

Childeric, fils de Merouee, regna vingt cinq ans, & trespassa l'an quatre cens iiij. vingt cinq.

Clouis, premier Roy Chrestien, fils de Childeric, regna xxx. ans, & trespassa l'an v. cens xv.

Childebert, fils de Clouis, regna avec Clotaire son frere, quarante cinq ans, & trespassa l'an cinq cens soixante.

Clotaire fils de Clouis, regna avec Childebert quarante cinq ans, & depuis Childebert cinq ans, & trespassa l'an cinq cens soixante cinq.

Chilperic, fils de Clotaire, regna vingt ans, & trespassa l'an mil cinq cens quatre vingts & six.

Clotaire deuxiesme, fils de Chilperic, regna quarante iiij. ans, & trespassa l'an six cens trente.

Dagobert, fils de Clotaire, regna seize ans, & trespassa l'an 646.

Clouis deuxiesme, fils de Dagobert, regna dix-sept ans, & trespassa l'an 663.

Clotaire troisieme, fils de Clouis, regna trois ans, & trespassa l'an six cens soixante six.

Childeric deuxiesme, frere de Clotaire, regna douze ans, & trespassa l'an six cens septante huit.

Theodoric, frere de Childeric, regna seize ans, & trespaffa l'an fix cens quatre vingts & treize.

Clouis troisieme, fils de Theodoric, regna quatre ans, & trespaffa l'an fix cens iiij. vingt. dixsept.

Childebert deuxieme, frere de Theodoric, regna dixhuiet ans, & trespaffa l'an 715.

Dagobert deuxieme, fils de Childebert, regna cinq ans, & trespaffa l'an sept cens vingt.

Clotaire, quatrieme fils de Theodoric, & frere de Clouis & de Childebert, & oncle de Dagobert, regna deux ans, & trespaffa l'an 722.

Childeric second, fils de childebert, frere de Dagobert, regna apres Clotaire son oncle cinq ans, & trespaffa l'an 727.

Theodoric deuxieme, fils de Dagobert, regna apres chilperic son oncle quinze ans, & trespaffa l'an sept cens quarante deux.

Childeric troisieme frere de Theodoric, regna neuf ans, & mourut sans hoirs.

Pepin, fils de charles Martel de la lignee de clotaire second, fut esleu Roy, & regna dixhuiet ans, & trespaffa l'an sept cens soixante neuf, cestuy-cy est monté sur vn Lyon.

Charles le Grand, fils de Pepin, Roy, obtint l'Empire des Romains, & regna quarante six ans, & trespaffa l'an huiet cens quinze.

Loys, fils de charles le grand, regna Roy & Empereur vingt sept ans, & trespaffa l'an 841.

Charles second, dit le chauue, fils de Loys, regna Roy & Empereur trente sept ans, & trespaffa l'an huiet cens septante neuf.

Loys secõd, dict le Begue, fils de charles le chau-

ue, regna deux ans, & trespassa lan 881.

Charles troisieme, dict le Simple, fils de Loys le Begue, regna quarante ans, & trespassa l'an neuf cens vingt six.

Sous ce regne, sont compris les regnes de Charles le Gros, & d'Eude comte de Paris.

Loys troisieme, fils de Charles le Simple, regna vingthuit ans, & trespassa l'an 954.

Lothaire, fils de Loys, regna trente & vn an, & trespassa l'an neuf cens quatre vingts & cinq.

Loys quatrieme, fils de Lothaire, regna trois ans, & trespassa l'an neuf cens quatre vingthuit sans hoirs.

Hue, dict Capet, fils de Hue le Grand, comte d'Angers, fut esleu Roy, regna neuf ans, & trespassa l'an neuf cens quatre vingts & dixsept.

Robert, fils de Hue capet, regna trente quatre ans, & trespassa l'an mil trente & vn.

Henry, fils de Robert, regna trente huit ans, & trespassa l'an mil cinquante neuf.

Philippe, fils de Henry, regna quarante huit ans, & trespassa l'an mil cent & sept.

Loys cinquiesme, dict le Gros, fils de Philippe, regna trente trois ans, delaisa le royaume à Loys son fils, l'an mil cent trente sept.

Philippe second, fils de Loys le Gros, regna deux ans, durant la vie de son pere, & trespassa l'an mil cent trente deux.

Loys sixiesme, frere de Philippe regna quarante trois ans, & laissa le Royaume à Philippe son fils, l'an mil cent septante neuf.

Philippe troisieme, dict Auguste, fils de Loys,
N iiij

regna quarante quatre ans, & trespassa l'an 1223.

Loys septiesme, fils de Philippes Auguste, regna trois ans, & trespassa l'an mil 226.

Sainct Loys, fils de Loys, regna heureusement & sainctement quarante quatre ans, & trespassa l'an mil deux cens septante.

Philippes quatriesme, fils de Sainct Loys, regna quinze ans, & trespassa l'an 285.

Philippes, dict le Bel, fils de Philippes, regna trente ans, & trespassa l'an mil 314.

Loys, dict Hurin, fils de Philippes le Bel, regna deux ans Roy de France & de Nauarre, trespas-
sa l'an mil trois cens seize, & Iean son fils vesquit
sept iours apres son pere.

Philippes sixiesme, dict le Long, Roy de France & de Nauarre, frere de Loys, regna six ans, & trespassa l'an mil 321.

Charles quatriesme, dict le Bel, Roy de France & de Nauarre, frere de Philippes, regna cinq ans, & trespassa l'an mil 326. sans hoirs.

Philippes septiesme, dict de Valois, cousin germain de Charles quatriesme & neveu de Philip-
pes le Bel, regna vingt quatre ans, & trespassa l'an
mil trois cens cinquante. *{ C'est celui à qui Humbert
ceda le Dauphiné l'année 1360. fol. 80.*

Iean second, fils de Philippes, regna quatorze ans, & trespassa l'an mil 364.

Charles le Quint, fils de Iean, regna seize ans, & trespassa l'an mil trois cens quatre vingts.

Charles sixiesme, fils de Charles le Quint, tref-
aimé & debonnaire, regna quarante deux ans, &
trespassa l'an mil quatre cens vingt deux.

Charles septiesme, fils de Charles sixiesme, tref-

glorieux, victorieux & bien seruy, regna trente neuf ans, neuf mois, & trespassa l'an mil quatre cens soixante & vn.

Loys vnzieſme, fils du Roy charles septiesme, fut Roy l'an mil quatre cens soixante & vn, & deceda le vingt quatriesme an de son regne, mil quatre cens quatre vingts trois. Il est à genoux deuant l'Image nostre Dame.

Charles huitiesme Auguste liberal & aimé, fils de Loys vnzieſme, à regné quatorze ans, passa les Alpes, & Naples conquesta, il trespassa l'an mil quatre cens quatre vingts dixsept. Au rang des preux est raison que mis soit.

Loys de Valois, Duc d'Orleans, regna Roy dou ziesme de ce nom, dixsept ans, & deceda l'an mil cinq cens quatorze.

Ce qui sensuit doit estre escrit sous l'effigie du Roy François, Henry, François second, & Charles neuſieme.

François premier du nom, restaurateur des bonnes lettres, arts & sciences, regna trente trois ans trois mois, & deceda le dernier iour de Mars, l'an mil cinq cens quarante six.

Henry second, Prince belliqueux, regna treize ans, & trespassa le dixiesme iour de Iuillet, mil cinq cens cinquante neuf.

François deuxiesme du nom succeda à son pere, Henry deuxiesme, l'an mil cinq cens cinquante neuf. Il trespassa le cinquiesme iour de Decembre, mil cinq cens soixante.

Charles neuſieme du nom, Roy tres-chrestien, succeda à François, son frere, l'an mil cinq cens

soixante. Il estoit aagé d'environ vnze ans seulement. Il trespassa le troisieme iour de Iuin, iour de la Penthecoste l'an 1574.

L'effigie de ce Roy n'a esté encores esleuee avec les autres au Palais, mais on peut estimer qu'elle y sera mise bien tost.

Voyla amy Lecteur, les Roys qui ont regné sur la France, iusques à present, lesquels sont esleuez en effigie audit Palais Royal de Paris, aussi ce qui est escrit sous leur susdite effigie de leur regne & trespas.

*Fondation
du colège de
Nauarre.*

La Royne Ieanne, espouse du Roy Philippes le Bel, fonda & fit construire le grand College appelé de Champagne ou de Nauarre, ensemble l'Eglise qui est au milieu d'iceluy, comme il est engraué sous son effigie à la porte d'icelle, & leur donna deux mille liures tournois de rente, sur son domaine de la Brie, & Champagne. Ce college est le plus beau de Paris, & de grand circuit de forte muraille. Aux deux costez de la porte d'iceluy, qui est de nouueau basty, sont les effigies d'un Roy & d'une Royne, sous lesquels est escrit ce qui s'ensuit, sous l'effigie du Roy.

*Philippus pulcher Francorum Rex Christianissimus
Ioanna maritus, huius domus fundator.*

Sous l'effigie de la Royne.

Ioanna Francia & Nauarra Regina Campania Briaque comes Palatina, has aedes fundauit 1304.

Sur le portail.

Dextra potens, lex aqua, fides tria lilia Regem Francorum, Christo principe, ad astra ferent.

En quatre langues, Hebreu, Grec, Latin & Fran-

çois, est escript, *Vive le Roy.*

Sous l'Image de la vierge Marie.

Dilectus meus pascitur inter lilia. Canti 6.

A la summité du bastiment:

Custodiens paruulos Dominus Psal. 114.

Dans le College.

Au portail de l'Eglise ou chapelle dudit college, sont trois Images de pierre, peintes d'or & d'azur: l'une au milieu, entre deux portes, represente S. Loys, & dessous est escript,

Ludovicus decus regnantium.

La seconde est du Roy Philippes le Bel à main dextre dessous est escript.

Philippus pulcher huius domus fondator egregius.

La troisiéme à main fenestre, est de la Roynne Ieanne, & dessous est escript.

Ioanna Francia ac etiam Nauarra Regina, huius domus quodam fondatrix inclita. Anno domini 1304.

Sous les pieds de l'Image Sainct Loys dedans le pillier, est engraué vn sceptre, autour duquel est escript.

Sceptrum dat Vim hominis vires superare leonis.

De l'autre costé est engrauee la main de Iustice, & entour est escript.

Iusticia quæ manus vult sese cuncta regantur.

Pres de là est grauee vne couronne & dessous est escript.

Coronam gloria sanctorum & honnore.

Quia mundi gaudia duxit in timore.

Au mesme pillier est grauee vne couronne, & entre plusieurs escritures malaisées à lire i'ay no-

té ceci.

Fœlix terra cuius Rex sapiens: iustus clemens, modestus, patiens: cuius vultus est malos feriens, bonos aliciens.

Pres l'Eglise en la grand' court est escript 1531.

Viuat Rex sine fine Deo, Viuat quoque clero, Viuat nobilibus, Viuat & is populo.

Plus bas en icelle court sont escripts ces vers d'Horace.

*Qui studet optatam cursu contingere metam,
Multa tulit, fecitq; puer sudauit & alsit
Abstinnit Venere & Baccho.*

En vn autre lieu sont taillez dedans vne porte ces deux vers sur les armes de France & de Nauarre.

*Conseruant & alunt regalem Franca Nauarram
Lilia Francorum, diuina insignia Regis.*

Nous ne voulons obmettre vn tableau escript à la main estant dans la nef de l'Eglise dudit Nauarre, & y en a vn semblable en l'Eglise des filles Dieu, dont l'extraict est tel.

Aucuns ont voulu dire que saint Loys, Roy de France, ait en son temps apauury son royaume, pour le premier voyage qu'il fit en la Terre sainte, à l'encontre des infidelles, à cause du payement de la rançon de sa personne, & de sa cheualerie, & que ses successeurs Roys s'en aperceurent bien: mais au contraire, il enrichit son royaume: car il acquist & racheta la sainte couronne d'Espines de nostre Seigneur, & plusieurs autres saintes reliques de sa passion, qu'il mit en la sainte Chapelle de son Palais, à Paris, laquelle il fit edifier pour ceste cause.

La declaration desdictes sainctes reliques est inceree au chapitre de la fondation de la saincte Chapelle.

Les noms des Roys de France qui ont esté en la Terre-saincte.

Le Roy sainct Charlemaigne y alla en personne, & reestablit aux Chrestiens le Royaume de Hierusalem.

Le Roy Philippes premier, y enuoya Hue le Grand, son frere, & grand cheualerie de France, avec Godefroy de Buillon, qui depuis fut Roy de Hierusalem.

Le roy Loys vj. y alla en personne, menagrand' cheualerie, & fit son entree en la saincte Cité.

Le Roy Philippes deuxiesme, dit Auguste, y alla aussi en personne.

Le Roy S. Loys y alla deux fois en personne.

Le Roy Charles sixiesme, y enuoya grand' cheualerie de France, par trois diuerfes fois.

La rançon de sainct Loys ne fut pas excessiue, pour vn tel Roy, & pour sa cheualerie : car elle ne fut que de huiet mille bezans d'or Sarrazinois, chacun besant estimé cinquante liures tournois, qui sont quatre cens mille liures tournois, qui n'est pas semblable à celle du Roy Iean, qui fut de trois milliõs d'or, dont le noble estoit compté pour deux escuz : & n'en fut le royaume appauury : car quant est de la rançon de Sainct Loys, ce n'est que le mariage d'vne fille ainee de France, qui souuent a esté tel quand le cas s'est offert.

Declaration des Eglises fondees par S. Loys, à Paris.

La Sainte Chapelle du Palais. La maison Dieu.
 Les quinze vingts aueugles.
 Les filles Dieu, lors estans hors la ville.
 Sainte Katherine du val des Escoliers.
 Le Conuent sainte Croix.
 Le conuent des Blancs-manteaux.
 Les Iacobins. Les Cordeliers. les Carmes.
 Les Augustins. les Beguines, où sont de present
 les sœurs de l'Auë Maria.
 Les Chartreux. Autres fondations par ledit S.
 Loys contenues audit Tableau.
 Les Iacobins à Compiègne.
 La maison Dieu audit lieu.
 La maison dieu de Vernon.
 La maison Dieu de Ponthoise.
 Le Conuent de la sainte Trinité à Fontaine-
 bleau en Gastinois.
 L'abbaye du Lis, pres Melun, qu'il fit fonder par
 la Royne Blanche, sa mere.
 L'abbaye de Maubuisson, pres Pontoise, qu'il fit
 fonder par la Royne Blanche, sa mere.
 L'abbaye de Long-champ, en faueur de sa sœur,
 madame Ysabeau de France.
 L'abbaye de Royaumont, qu'il fit construire &
 fonda en son ieune aage.
 L'abbaye de Royalieu.
 L'abbaye Saint Mathieu de Rouen.
 Les Iacobins à Rouen,
 Le conuent des Dames, appellees les emmurées
 de Rouen.
 Le conuent des Beguines de Rouen & plusieurs
 autres.

Si le royaume eust esté tant appauury, qu'on eust fait de la monnoye de cuyr en son temps, comme aucuns ont dit, ledict Sainct Loys ne fust pas retourné au second & dernier voyage en la Terre-saincte, Et se trouue és anciens registres de la chambres des Comptes, que le Roy Philippes le Bel, en l'an mil trois cens quatre, promit faire monnoye, aussi bonne qu'elle estoit du temps de Sainct Loys. Et depuis, en l'an mil trois cens quinze, le roy Loys Hutin ordonna, que les ordonnances de monsieur S. Loys, sur le fait des monnoyes, fussent gardees, qui est grand argument que Sainct Loys n'a fait faire en son temps de la monnoye de cuyr.

Le roy Philippes, troisieme de ce nom, son fils alla en personne avec grand ost, contre le roy d'Arragon, qu'il subiugua, & y fut occis ledict roy d'Arragon, les frais duquel voyage monterent plus de vingt deux milles liures, qui n'estoit point monnoye de cuyr.

Le roy Philippes le Bel, trouua le royaume si opulant, qu'il fit faire le Palais de Paris, excepté la sainte Chapelle, & l'edifice du costé de la Conciergerie, qu'auoit fait faire saint Loys, & encores de present on appelle les salles qui y sont, les salles Sainct Loys. Iceluy Philippes le Bel, fit faire la canonization de saint Loys, l'an mil deux cens quatre vingts & dixsept. Et fit construire le manoir royal de Poissy, & y entrerent les religieuses, l'an mil trois cens quatre. Il fit aussi construire l'abbaye des religieuses du Moncel, pres le pôt saint Maixence, l'an mil trois cens neuf. Il ob-

*L'abbaye
de Poissy
& du
Moncel.*

tint les victoires qui s'ensuiuent.

Pres la ville de Fumes, l'an mil deux cens quatre vingts dixsept, furent occis cinq cens hommes de cheual, & seize mille hommes de pied.

A saint Omer, l'an mil trois cens deux quinze mille Flamens furent occis. Deuant ledict saint Omer quatre mille Flamens occis.

A Monts, l'an mil trois cens quatre vingts, trente six mille Flamens occis en champ de bataille.

Le Roy Charles le Quint, fit six choses qui s'ensuiuent. Il batailla, acquesta, Son domaine deschargea, Edifia, Fonda, & Thesaurisa.

Ce present abbrege faict à l'honneur de Saint Loys, a esté extraict du thresor des Chartres de la chambre des Comptes, par moy Loys le Blanc, Notaire, Secretaire du Roy & Greffier en ladite chambre des Comptes à Paris.

Fin du Tableau.

*Du College
de la Marche.*

Quand au College de la Marche bien qu'il soit moderne, si est-il à mettre entre les plus fameux de Paris, & pour laquelle fondation declarer, faut entendre que du temps que les Papes residoient en Auignon y eut vn tresçauant homme nommé Iean de la Marche, natif de la Duché de Bar, en vne petite ville nomme la Marche, situee en l'extremité de ladicte Duché, vers la Comté de Bourgogne, lequel fut longuement auditeur de Rothe au consistoire Apostolicque, en Auignon : & depuis exerçant ledict office s'en alla à Rome, avec le Pape Gregoire vnzième du nom, lequel reduit le Saint siege & la court Apostolique à

lique à Rome, l'an mil trois cens septante six, où le susdict Iean fina ses iours opulent en biens: & laissa pour heritier vn sien frere, hommed'Eglise, licentié en Droiect, & Aduocat à la court de l'Official à Paris: & cestuy s'appelloit Guillaume de la Marche: lequel estoit fort riche, & distribua grandement de ses biens en bonnes œuvres: & en la fin de ses iours ordonna par testament, apres plusieurs Legats payez, que de sa maison où il se tenoit, & laquelle auoit iadis esté appelée le college de Constantinople, qu'il auoit acquise & achetee par decret du consentement de l'vniuersité, à cause que le lieu estoit venu en decadence, fut appliquee à iamais à vn college de pauvre Escoliers, & notamment qui fussent entretenus: à sçauoir vn Maistre ou Principal, homme d'Eglise, Prestre, sçauant & gradué, pour lire ordinairement, & dresser l'estude audict college: & voulut que ce Principal fust natif de la ville susdictée de la Marche, s'il y en auoit de capable, ou sinon qu'il fust du pays de Barrois, la premiere tenue des Principal, Bourciers & Chapellains de ce college, furét au lieu nommé la petite Marche, mais depuis ils se transporterent en la maison du second fondateur M. Beufue de Vvinuille, laquelle est assise au Mont-Sainte Geneuiefue assez pres du college de Nauarre, où est leur demeure à present: & cecy firent-ils, à cause que leur premier lieu estoit trop humide, & mal-sain, à cause de la riuierere: & fut executee cette dernière volonté du susdict la Marche, l'an de nostre salut, mil quatre cens vingt & trois, à cause que les guerres qui

furent entre les François & Anglois y donnerent long temps empeschement.

College de Laon fondé En cette mesme saison, presque fut fondé le college de Laon, à sçauoir en l'an de nostre Seigneur mil trois cens vingt sept, & l'vnziesme du moys de May, par vn homme appellé Guy de Laon, Prestre, & Thresorier de la Sainte Chapelle du Roy, & Chanoine de Paris & de Laon. Leur premier lieu & demeure fut au Clos-Bruneau, en la rue Fremetel. En l'an mil trois cens octâte neuf François de Montagu, chanoine de Soissons, transporta cette assemblee d'Escoliers de L'aon, & son Diocese au lieu où à present est la maison collegial de L'aon, en la rue de Nauarre, apres des Carmes.

Fondation du College du cardinal le Moyne. Enuiron presque ce mesme temps, fust cōstruit le college, chapelle, & Eglise parrochiale de S. Remy, où Fremy en la rue Saint Victor, qu'on appelle le college du cardinal le Moyne, à cause que Iean le Moyne cardinal, Picard de nation, en fut le fondateur: sous le Pape Boniface huictiesme, & enuiron l'an de nostre Seigneur, mil deux cens quatre vingts & seize: & de ce cardinal, encores auiourd'huy ce college porte le nom, ressentant de l'antiquité en son bastiment & estendue, assis sur l'ancien cours de la riuier de Bieure qu'on destourna, & de laquelle la rue, ou plustost le Ru de Bieure, est encores dicté: les canaux, de laquelle on voit en ce college, & en celuy des Bons-enfans, mesme n'a pas soixante, ou soixante & dix ans, qu'elle trauersoit le bout de ladicte rue, & descendoit en Seine, vis à vis de l'Euesché:

qui sont choses à remarquer, à ceux qui veulent sçauoir la raison des noms, & où est-ce qu'estoit, pour lors, le cours de la riuiera de Bieure, puis que non sans cause la rue porte le nom, ayant passé ce petit fleuve par le fossé qui est à la porte Sainct Victor, & selon le college du Cardinal le Moyne.

Au regne de Philippes le Bel, & seant à Rome le Pape Nicolas quatriesme du nom, à sçauoir en l'an de nostre Seigneur, mil deux cens quatre vingts & dix, fut bastie l'Eglise des Billetes pour l'occasion qui s'ensuit.

*Fondation
des Billetes
à Paris.*

Vn Iuif ayant presté de l'argent sur gage à vne pauvre, mais meschante femme, demeurante à Paris, conuint de marché avec cette malheureuse qu'elle luy porteroit le S. Sacrement qu'elle receuroit le iour de Pasques: Elle n'y faut, ains allant à l'Eglise Sainct Merry, vient à la sainte & sacree communion, & comme vn second Iudas, elle porta l'hostie au retailé infidelle lequel soudain s'acharna à coups de caniuet sur le corps precieux de nostre Seigneur, & bien qu'il soit impossible, si est-ce que la sainte Hostie ietta du sang, en grand abondance, qui n'empescha que le maudit Hebrieu ne la ietast dedans le feu, d'où elle sortit sans nulle lesion, & se print à voler à l'entour de sa châtre. Le Iuif forcené la prit, & lança dans vne chaudiere d'eau toute bouillante, & soudain cette eau fut toute changee en couleur de sang, & aussi tost s'esleua l'Hostie miraculeusement, & apparut à clair & visiblement ce qui estoit caché sous le pain, à sçauoir la for-

*Miracle de
la Sainct
Hostie.*

*Le Iuif
brulé.*

me & figure de nostre Seigneur Iesus Christ crucifié, non sans grand estonnement du Iuif, qui sans se conuertir se retira tout esperdu en sa chambre. Ce forfait si detestable fut descouuert par vn fils du Iuif qui le dist aux enfans des Chrestiens ne pensant que cela fut la ruine de son pere : ce qui causa qu'on entra au logis du criminel, l'Hostie trouuée, & portée à Sainct Iean en Greue, le Iuif fut pris, & brulé tout vif, selon la griefueté de son crime.

Après cecy, comme le Roy Philippes le Bel, & Madame Ieanne, son espouse fussent instruits de la verité du crime, feirent acheter la maison du Iuif, où ils fonderent vne Eglise, laquelle ils donnerent aux religieux & Hermites de l'Hospital nostre Dame, lesquels il fit venir d'un lieu assis sur la riuere de Rongney, au Diocèse de Chaulons, à fin que là ils seruissent Dieu, & y feissent mémoire de ce miracle, au lieu mesme où le Iuif auoit exercé sa tyrannie. Là est vne caue où l'acte pitoyable fut faict: auquel lieu on monstre le Ganiuet le premier dimanche d'apres Pasques. Et s'appelle, le Monastere de l'humilité nostre Dame, dit des Billetes.

Des inondations & creue du fleuue de Seine, edifice de l'Hostel de Flandres. D'aucuns cas aduenus à Paris, sous le Roy Philippes le Bel, de la porte Barbette, du Temple, & des Templiers de Sainct Iean de Latran, & la mort d'Enguerrand de Marigny.



L'AN mil deux cens quatre vingts & seize, la riuere de Seine fut si grande, *Desbordement des eaux.* que toute la cité de Paris en fut couverte, & la ville circuye de toutes parts, tel

lement que du costé des portes Sainct Anthoine, Sainct Martin & sainct Denis on n'y eust peu entrer ou sortir sans bateau. Les deux ponts de pierre, les moulins & maisons de dessus en tresbucherent.

L'an mil deux cens quatre vingts dixhuiet saint Loys, Roy de France, fut inferé au Cathologue des Saincts, par le Pape Boniface, à la requeste de *S. Loys canonisé.* Philippes le Bel, qui mit le chef dudit Sainct à la sainte Chapelle de Paris, & donna l'une des costes à l'Eglise nostre Dame de Paris.

L'an mil deux cens quatre vingts dixneuf, Philippes le Bel gaigna le pays de Flandres, enuoya prisonnier au Louure à Paris Guy comte de Flandres, avec ses enfans, lequel estant depuis eslargy, *Guy comte de Flandre prisonnier.* fit edifier l'hostel de Flandres, au lieu qu'il acheta de Pierre Coquilliere, Bourgeois de Paris : la rue où est ledit Hostel, se nomme encores la rue Coquilliere.

Ledit Comte acquist au mesme lieu, trois ou quatre arpens de terre, d'Arnulphe, Euesque de Paris, à raison dequoy cette portion d'Hostel est en la censue de la grand' Eglise. Cét hostel a esté baillé à bastir maisons, du temps du Roy François premier, & du Roy Henry second.

L'an mil trois cens trois, y eut dissention entre l'Vniuersité & le Preuost de Paris, pour vn Escollier que ledit Preuost auoit fait pendre : par cette *Lectures cessées.*

discorde furent les Lectures cessées.

En ce temps le Pape Benedic donna faculté & puissance au Chancelier de Paris, de licentier & faire Docteurs en Theologie, & Decret.

*Emeutes
& pilleries
pour raison
des mon-
noyes.*

L'an mil trois cens six, le menu peuple de la ville de Paris, à l'occasion de l'affoiblissement des monnoyes, pillerent les hostels de ceux qu'on disoit en estre cause; car les riches & proprietaires des maisons, refusoient de leurs locatifs la monnoye abaissée, & exigeoient d'eux autre monnoye de plus haut pris. De la mutation & empiement desdictes monnoyes, auoit esté inuenteur Estienne Barbette, lequel auoit plusieurs maisons d'excellence, & iardins plaisans, au lieu où le nom de la porte Barbette est demeuré, laquelle porte Barbette a esté demoly, durant le regne du Roy François, & aussi la porte Beaubourg.

*La maison
d'Estienne
barbette pil-
lee.*

A ces manoirs & heritages d'Estienne Barbette, s'adresserent les mutins rompirent portes, huys, fenestres, pillerent les meubles, deffoncerent les vins, descouurirent les hostels: & de là se transporterent en la rue S. Martin, où celuy Estienne faisoit sa demeure, apres auoir rompu les huis de la maison, la pillerent & s'accagerent. Pour la fin de cette rebellion, vindrent au Temple, où estoit le Roy Philippes le Bel, enuironnerent le Chasteau, comme s'ils l'eussent voulu assieger: arracherent des mains des officiers & seruiteurs du Roy, la viande qu'on luy vouloit seruir sur table. Le Roy dissimula pour l'heure, & les fit appaiser avec douces remonstrances, par le Preuost de Paris, & aucuns de ses Maistres-d'hostel, mais

*Indiscretiō
d'un peuple
mutiné.*

trois ou quatre iours apres, informations faictes, furét prins les malfaiçteurs, & leur proces faictes, furent pendus deuant leurs maisons & aux portes de la ville, iusques au nombre de vingt huiçt.

L'an mil trois cens neuf, les Cheualiers Templiers (l'ordre desquels auoit esté aboly & condamné au Concile de Vienne) pour les heresies *Iustice faite des Templiers, & l'occasion de leur punition.* Idolatries, & pechez de Sodomie, dont on les accusoit, furent bruslez vifs, iusques au nombre de cinquâte, à la porte saint Anthoine vers le moulin, tous attachez chacun à vn pieu, & le bois à l'entour d'eux depuis le pieds iusques à la teste.

Iaques Molay M. general d'iceux, avec le frere du Seigneur Dauphin dudit ordre, en la presence du Roy, & tout le peuple, pour les mesmes accusations furent bruslez vifs en l'Isle qui est vis à vis des Augustins, maintenant ioincte à celle du Palais. A cette cause le roy Philippes se saisit de tout leur reuenue, & mesmement du Temple, auquel lieu il establit sa demeure ordinaire, & de là en auant y tint ses thresors, toutes ses lettres, chartres & registres. Iean le Turc commandeur du

Temple, fit en son temps edifier la grosse tour au dit lieu long temps apres son trespas, les ossemens furent desenterrez & bruslez, pource que par les *De la maison des templiers conuertie en lieu saint maintenant dit le temple.* inquisiteurs de la foy auoit esté trouué Heretique. Le circuit de ce lieu est trespacieux & plus grand que mainte ville renommee de ce Royaume, il est clos de fortes murailles à tourelles, & ple.

carneaux larges, pour y cheminer deux hommes de front. Là sont plusieurs chapelles & anciens logis en ruyne, qui seruoient aux congregations

des Templiers, chacun en sa nation : aussi il y a grand par-terres, prairies, Vignes & Iardins, arrousez de deux fontaines par dedans : y sont aussi plusieurs riches bastimens nouueaux faits, par les Cheualiers de Rhodes, ausquels les biens desdits Templiers, furent depuis donnez : & par consequent ledict lieu du Temple, dont l'Eglise est faicte à la semblance du Temple de Ierusalem, en laquelle Eglise sont religieux, prestres, comme seculiers, qui chantent le seruice diuin, portans, comme les cheualiers, vne croix blanche en leurs habits, sur la poitrine. A costé du cœur de ce Temple, vers Midy, est vne excellēte chapelle, dediee au nom de Iesus, enrichie sur vn chap blanc d'or & d'azur, à ouurages de subtil artifice semee de flammes de feu & d'espees, autour desquelles est escrit : pour la foy, A l'entour d'icelle sont les effigies des douze Apostres : la table d'Autel d'icelle, excède les plus riches peintures de l'Europe : le Paué est de carreaux de marbre blanc & noir, & fut edifiee l'an mil cinq cens vingt neuf, cōme est escrit à l'entour & circuit d'icelle par dehors.

*Philippes
de Villiers
grand M.
de Rhodes.*

En icelle est l'effigie, en marbre blanc, du grand maistre de Rhodes, Philippes de Villiers, sous lequel la ville & l'Isle de Rhodes fut prinse par Soliman, grand seigneur des Turcs. Il est armé à genoux, deuāt la representation du baptesme de nostre seigneur, esleuee au plus pres du naturel, sous laquelle representation est escrit en lettres d'or.

En l'an mil cinq cens trente deux le treizieime iour d'Auril, fut beneiste cette chapelle, & dediee au nom de Iesus Christ.

Et au dessus est escrit mil cinq cens trente.

A l'entree de la chapelle est escrit en lettres d'or sur champ noir, ce qui s'ensuit.

*Habet interior Gallia antiquissimam familian de Vil-
liers l'isle adam, multis magnisque rebus gestis claris.
regum amicitias celeberr. Vnde suis totisque reipubli.
Christiana prodiit tantis dignus natalib. Philippus, cu-
ius modo viator monumentum cernis honoris virtutis-
que ergo Positum, Hunc eo sua per gradus euexerunt me-
rita, ut concordib. omnium votis in uniuersum suum or-
dinem obtinens imperium, eius militiae magister fuerit.
Quae DEO OPT. MAX. est & Ioanni Zachariae,
sacra cellam hanc viuens ineffabili Tetragrammato. No-
mini, extra quod nulli salus, vir pius ac religiosus di-
catam voluit.*

En la nef dudit Temple, vers Midy, est la cha-
pelle nostre Dame de Lorette, qui resplandit de
miracles approuuez & pour la saincteté du lieu,
est ornee des vœus, deuotions, & offrandes des
Chrestiens fidelles.

*La chapel-
le nostre
Dame de
Lorette.*

A l'opposite, vers Septentrion, est vne autre
chapelle tres-riche, par l'art de peinture, en
laquelle est vn sepulchre de marbre, & dessus les
effigies de deux anciens Cheualiers à genoux: au
flanc dudit sepulchre est escrit.

*Chapelle
S. Pantas-
leon.*

Icy est le monumēt de nobles & religieu-
ses personnes, frere Bertrand de Cluys, iadis
prieur d'Aquitaine, & depuis grād prieur
de France, lequel a fait construire cette
chapelle de fond en comble, dedee à l'hon-

neur de Monsieur Sainct Pantaleon, en commemoration de la victoire obtenue par grace diuine contre le grand Turc, l'an mil quatre cens quatre vingts, le iour de la feste dudit sainct, & y estoit le susdit fondateur en personne.

La chapelle fut faicte l'an mil cinq cens vingt neuf, & beniste l'an mil cinq cens trête deux. Les portes & murailles de la clocture dudit lieu ont esté reblanchies & fortifices l'an mil cinq cens quarante sept.

*maison des
Hospita-
liers de S.
Iean de
Latran.*

Du mesme ordre que ceux du Temple, sont ceux de sainct Iean de Latran, en l'Vniuersité: on les appelle les Freres Hospitaliers de Sainct Iean, en Hierusalem, & sont diuisez en trois degrez, à sçauoir les Nobles, appelez Cheualiers de Sainct Iean, ou de Rhodes, ou de Malte, lesquels ont les grandes commanderies. Les autres sont les seruás ou coadiuteurs ausdits Cheualiers au faict des guerres, qui ont les petites prieurez. Les tiers sont les Prestres qui font le diuin seruice, & ont les chapelles, cures & autres petits Benefices de la collation des commanderies. A cét hospital de S. Iean de Latran furent dōnez & annexez plusieurs Benefices qu'auoient possedez les Templiers: mais de l'âtiquité du lieu ne s'en trouue rien que par coniecture des tombeaux estans au cloistre d'icelle Eglise, entre lesquels les vieux sont de nobles hōmes, Cheualiers, Escuyers, Freres de l'ho-

spital, trespassez en l'an mil deux cens quatre vingts dixneuf.

Il y a à costé du cœur vne chapelle Nostre Dame, edifice par noble homme Frere Girard de Vienne, Prieur de leans, en laquelle il gist, & trespassa l'an mil trois cens quatre vingts & six. A costé de la nef est vne autre chapelle de nostre Dame de bonnes nouuelles, edifice par Frere Gilbert Ponchet, en laquelle il gist, & trespassa l'an mil quatre cens dixneuf. On l'appelle Saint Iean de Latran à *Latere Parisiensis*, c'est à dire à costé & pres de Paris.

Quand Philippes le Bel fut decedé son fils Loys Hutin succeda au Royaume. A son aduenement Enguerrād de Marigny, Comte de Longueuille, conducteur de l'edifice du Palais, accusé d'auoir desrobé le thresor du Roy defunct, fut pendu & estranglé au gibet de Paris: son effigie fut ietee du haut en bas des grands degrez du Palais. Sa pourtraicture est encores en platte peinture deuant l'Image nostre Dame, contre vne muraille, aboutissant à vne Tour, ainsi qu'on monte les degrez de la grand salle: & pres de là est graué en pierre.

*Enguerrād
de Marigny
fut pendu.*

Chacun soit content de ses biens

Qui n'a suffisance il n'a riens.

Vn an apres sa mort son corps fut despendu du gibet, & enterré dedans le cœur des Charreux, lez Paris, avec l'Archeuesque de Sens, son frere. Et depuis fut transporté à nostre Dame de Escouys, qu'il auoit fondée, en l'an mil trois cens

dix. Iceluy Enguerrand en vne oraison qu'il fit au peuple de Paris, en la presence du Roy Philippes le Bel, nomma Paris chambre Royalle.

Erection du Parlement, nombre des chambres & estats d'iceluy, des Roys qui ont regné sur la France, & choses les plus memorables aduenues durant leur regne.

CHAP. XV.

Loys Hutin 47. roy ordonne le Parlement estre arresté à Paris.

LOYS surnommé Hutin, fils de Philippes le Bel, quarante septiesme Roy de France, succeda à son pere, l'an du monde 5275. De Iesus Christ mil trois cens treze. Il regna deux ans. Ce Roy ordonna que le Parlement fust arresté, & sedentaire en vn lieu, à sçauoir à Paris, laissant son palais Royal aux Iuges & Conseillers, à fin que desormais les parties n'eussent tant de frais à faire suiuan la Court, qui trotte ça & là, & d'heure à autre : Ce fut l'an de grace mille trois cens quinze.

Ce nom de Parlement est issu d'un terme ancien dit le Parlouër, qui estoit iadis le nom du lieu de Iustice, & y auoit le parlouër du Roy au Palais, & le parloüer aux Bourgeois en l'hostel de ville, iadis pres les Iacobins.

Conceillers estoient iadis de robes courtes.

Le Roy Pepin institua ce Parlement suiuant, qui estoit vn corps des douze Pairs de France, de plusieurs Euesques, avec aucuns prudens & anciens Cheualiers, qui decidoiēt des causes contentieuses : & y a quelque coniecture, que quand il fut arresté à Paris, les Presidens & Conseillers

estoyent de robe courte & Cheualiers, comme on trouue en diuers monumens, entre lesquels en y a vn en l'Eglise saint Estienne des Grecs, où est l'effigie d'un Cheualier armé de toutes pieces appartenantes au combat, son Epitaphe est tel.

Cy gist noble homme Messire Pierre de la Neuue ville, Cheualier, seigneur de Non ray, & iadis Conseiller du Roy nostre Sire en son Parlemēt, qui trespassa l'an de grace mil trois cens quatre vingts, le Lundy neufiesme iour d'auril.

Il y auoit au temps de son trespas soixante ans que le Parlement se tenoit à Paris : Toutesfois parauant ledict Roy Loys, si il suruenoit quelque faict d'importance, les Roys le remettoient pour estre iugé & décidé à leur Parlement, lequel pour cette cause ils faisoient assembler à Paris, & là estoient pronōcez les arrests, comme il se trouue en la vie saint Loys, lequel donna assignation à Thibaut, Roy de Nauarre, & à la fille de Thibaut, Comte de Champagne, pour eux trouuer à Paris, où il tiendroient son Parlement, à fin de les ouir & leur faire droit.

Aussi en l'an mil deux cens cinquante sept, à la feste de la natiuité nostre Dame, il y eut proces pendant & debattu deuant le Roy Philippes, fils de Saint Loys, pour le Comté de Clermōt, pour lequel les Comtes de Poictiers & d'Anjou, auoiēt

*Affaires
d'importā-
ce estoient
iugez par
les Roys.*

*Notable
Parlemēt.*

proces contre luy : & en ce iugement assista le Roy, avec son conseil royal, auquel estoient les Archeuesques de Rheims, & de Rouan, & l'Euesque de Troyes, & plusieurs autres Euesques & Abbez, & le General des Iacobins, ensemble le Connestable, & plusieurs Comtes, Barons, Seigneurs Cōseillers, tant Prestres que Laiz. Aussi l'an 1230. au camp d'Ancenis en presence du Roy S. Loys, fut donné vn Arrest contre le Duc de Bretagne, où estoient les Comtes de Flandres, & de Champagne, de Neuers de Blois de Chartres, de Vendosme le Vicomte de Beaumont, le Connestable, & l'Archeuesque de Sens, & les Euesques de Paris & de Chartres, & plusieurs Barons, qui signerent ledict Arrest.

Des requestes du Palais. Maistres des requestes.

Du temps dudit Sainct. Loys, y auoit vne autre Iustice, qui le suiuiot, & s'appelloit, Les plaids de la porte, qui s'appelle autrement (ce dit la Cronique) Les requestes du Palais, à Paris: les maistres des Requestes sont plus anciens que les Cours de Parlemens, & leur nombre a esté diuers selon les temps. L'an 1285. vn peu deuant le regne de Philippes le Bel, il se trouue que le Chancelier au sceel deuoit estre assisté & accompagné de deux hommes lettrez, & qu'il y en auroit trois qui feroiēt sur la porte du logis du Roy assis & appuyez sur la barriere dudit logis, & receuoient les requestes & placets des parties, vuidoient sur le champ les choses dont le iugement estoit facile, & portoient les requestes de conséquence au Roy, auquel ils les rapportoient ou dans sa chambre, ou lors qu'il iroit à la Messe, ou quand il se pour-

menoit:c'est pourquoy on les appelloit Les gens des requestes, aussi les Iuges de la porte, pource qu'ils donnoient leurs iugemens & sentences sur la porte. L'an mil trois cens quarante deux leur nombre fut mis à six, & lors commencerent d'estre appelez Maistres des requestes, puis l'an 1407. on les mit à huit. Or come les affaires vindrent à croistre, & qu'ils furent employez en diuers affaires ils n'eurent plus loisir de se tenir sur la porte & ne bougeoient d'aupres du Roy, qui leur donnoit toutes les requestes qui luy estoient presentees: ils estoient logez dedans le logis du Roy, & deuoient estre pres du Chancelier, lors qu'il sceloit mais cela ne s'obserue plus.

*Gens des
requestes
Iuges de la
porte.*

Les causes qu'aujourd'huy sont commises aux requestes du Palais à Paris estoient anciennement agitees deuant les maistres des Requestes de l'hôtel, auxquels Philippes le Bel, par Edict expres, ordonna tant la cōnoissance des estats & offices qu'il auoient donnez, que semblablement des causes pures personnelles qui se presentoient entre ses domestiques. Toutesfois ces maistres des Requestes se trouuans occupez à plus grands charges, mesmes estans ordinairement à la suite des Roys, se reseruerent seulement la cognoissance, en premiere instance, des debats qui interuiendroient à raison des offices. Et au regard des differens des officiers & domestiques du Roy, en matiere personnelle (comme estans, peut estre, de trop legere importance) ils furent laissez à la iurisdiction des Conseillers qui residoient perpetuellement dans Paris, qui furent, &

*conseillers
des Re-
questes.*

*Priueges
des maistres
des Re-
questes.*

qui sont, appelez Cōseillers aux Requestes. Lesdits maistres des requestes desquels le nombre depuis a esté augmenté, selon la volonté de noz Roys, sont du corps de la Cour de Parlement de Paris, sont assis en ladite Cour apres le Presidens deuât les Conseillers, & en toutes Seneschauſſees & Baillages, rapportent requestes de Iustice, & quelquesfois de finance, au Conseil signent en queuë lettres de Iustice, les rapportent quand besoing en est: ont leur iurisdiction vniuerselle par tout le royaume, tiennēt le seel des Chanceliers, quand ils vont aux villes des Parlemens, & ont plusieurs beaux & amples priueges.

*Chancelier
de France,
tient le pre-
mier lieu.*

Entre ceux de la Iustice, le Chancelier tient le souuerain & premier lieu. Quelques vns disent que ce mot de Chancelier vient du verbe Latin, *Cancellare*, & d'auantage l'autorité & la majesté de cēt Estat est bien peu monstree & signifiee par vn mot, qui veut dire, rompre: car s'il vient de là, c'est à dire, que c'est à luy à rompre les lettres qui ne sont ciuiles. L'estat est de long temps ainsi nommé comme il appert par plusieurs antiques Chartres. Il s'en trouue vne de Charles le grād, en laquelle sont ces mots en latin, Gauzelin, Notaire, à recongnu cecy pour & au nom de Rocher, Archeuesque & grand Chancelier, l'an vingt-huict de l'indiction huictiesme, regnant le glorieux roy Charles, & l'an mil cent cinquante sept. Hue Chancelier du roy Loys le Jeune, se souſcriuit & signa en vne chartre dudit roy, par laquelle il remettoit à l'Euesque d'Orleans, le droit des regalles: il s'en trouue beaucoup d'au-

*Antiquité
du Chan-
celier.*

tres

tres semblables. Deuant qu'il fust nommé Chancelier, il estoit appellé grand Referendaire, c'est à dire, grand rapporteur, comme on voit en l'histoire de Dagobert qu'Audo en estoit son referendaire, & auoit le cachet & le seel du roy. Et Otho estoit referendaire du Roy Childebert, qui signoit de sa main & seeloit les lettres commandées par le Roy, ou passées par le conseil. Et par là on peut apprendre que les Chanceliers signoient les lettres, & seruoient comme secretaires d'estat & souuent en plusieurs lieux, ce mot de Chancelier est prins pour Secretaire, ce qui fait penser qu'on ne faisoit pas lors tant de despeche qu'on faict à cette heure, & qu'un Chancelier seruoit de ce qu'aujourdhuy sert vn Chancelier, & vn Secretaire signât & seelant les lettres. Depuis fut appelé Chancelier, comme il a esté dit : & comme les affaires sont venues à croistre ; on a separé ces deux charges, l'une donnée aux secretaires pour signer, l'autre au chancelier pour sceller : & croy que la valeur des personages qui ont exercé cet estat, luy apporta le rang, l'autorité & grandeur qu'il a eu depuis, car on a veu qu'il a souuent esté entre mains de grans personages, de Cardinaux, Archeuesques, Euesques & autres Prelats, mesmes des personnes extraites de la maison des Princes. Au temps de Philippes I. du nom, Roy de France, Geoffroy, frere d'Eustache, cōte de Boulongne, Euesque de Paris, estoit chancelier de France, non du Roy, & les Bourguignons, cōme dit Paul Emile, portoient vn tel honneur à cet estat, qu'ils appelloient Archichancelier leur chā-

celier. Au temps de Charlemaigne cest estat estoit en dignité, & on a veu deux des Dormans, l'un Cardinal & Euesque de Beauuais, & l'autre aussi Euesque de Beauuais : deux des Vrsins, l'un Archeuesque de Reims, & l'autre Baron de Trainel: Guillaume Brisfonnet, cardinal Archeuesque de Reims & de Narbonne, & Euesque de saint Malo en Bretagne: Anthoine du Prat cardinal, Legat en France, Archeuesque de Sens, & Euesque d'Alby, auoir esté chanceliers: & Poncher, Euesque de Paris, & Archeuesque de Sens: & Iean Bertrand, Archeuesque de Sens & cardinal, auoit esté Garde des seals, lors que les chanceliers sont suspens, ou qu'on les enuoye doucemēt en leurs maisons. Il y a eu aussi des Princes & gentils-hommes, qui ont esté chāceliers, cōme Vvaleran de Luxembourg, les deux des Vrsins, les deux de Rochefort, Claude & Guy. Depuis que les chanceliers furent instituez, il y a eu des tēps, ausquels il n'y en a point eu, & se treuve en plusieurs chartres, depuis l'an mil vn cent quatrevingts quinze iusques à Philippes Auguste, ausquels sont souff-

Quel est la charge du Chancelier crits ces mots, vacquant la chancelerie. La charge du chancelier en France est, de garder qu'aucune lettre ne passe & que chose aucune ne se face au preiudice du Roy & de son estat, & quand les Roys tiennent leur liēt de Iustice, ou leurs estats, où sont en vne cour de Parlement, le chancelier est assis deuant luy, à main gauche, & le Connestable à droicte, & aux conseils le Connestable & le chancelier, comme les deux principaux officiers de la couronne, sont assis l'un de

uant l'autre. Il tient le grand ſecl du Roy, & de luy meſme peut ſecler lettres de iuſtice & de finance, bien que iadis il ne ſeclaſt aucune lettre ſans l'aduiſ d'un ou de deux, maiſtres des requettes, qui aſſiſtoient au ſecl, & comme ſeul contreroolleur des ordonnances, edicts, volonteſ, commandemens & dons du Roy, & eſt le ſouuerain magiſtrat de la iuſtice.

Le Royaume de France eſt à preſent diuiſé en huit Prouinces, contenues és huit Parlements, & leſquelles nous eſplucherōs l'un apres l'autre, les noms deſquelles ſ'entendront aiſement par les citez où ces ſouuerains ſieges ſont ordonnez. La premiere eſt celle de France, qui fut l'ancien royaume de Paris, ſouche de la maiſon Royale, & le ſiege eſt auſſi à Paris. La ſeconde fut ordonnee en Languedoch, en partie de l'Aquitaine, le ſiege de laquelle eſt la cité de Thoulouſe. La troiſieſme eſt pour la Guienne, ayant ſa capitale en la cité de Bourdeaux qui fut la ſeconde Aquitanique, ou, comme autres diſent, la premiere. La quatrieſme comprend vne partie de la Neuſtrie, contenuë à preſent ſous le nom de Normandie, & à la cité de Rouan pour ſiege, & liēt de Iuſtice ſouueraine. La cinquieme Prouince eſt celle de Bourgogne, le chef de laquelle eſt Dijon, plus pour l'eſgard des Ducs anciens, que pour l'ancienneté de la ville, y en ayant de plus anciennes, & leſquelles eſtoient citez remarquees de toute antiquité. La ſixieſme a eſté inſtituee pour les Allobroges ou Viennois, qui eſt le pays de Dauphiné, comme à Prouince royale, & qui ne peut eſtre demem-

*Le nombre
des Parle-
ments en
France.*

bree de la couronne , & a pour siege & ville capitale la cité de Grenoble. La septiesme Prouince compréd partie du royaume d'Arles, & de celle ancienne region , qui pour sa loyauté fut appelée la Prouince des romains , & laquelle encores à present est nommee , par nous , Prouence, ayant pour siege de souueraineté Aix, cité ancienne. La huictiesme Prouince est le Duché & iadis royaume de Bretagne, des anciens appelé Armorique, ayant pour siege de Iustice la cité de Reines. Et la neufiesme Prouince, bien que ne porte tiltre de Parlement, est celle du Pays Messin, où le Roy a vn President, qui iuge souuerainemét. Et pource ie la comprens entre les Prouinces Gauloises, comme vraye possession & heritage de l'ancien royaume d'Austrasie, appartenât par droite succession à la maison de France, & non à l'Empire, qui s'en auoit acquis l'inuestiture par vsurpation. La premiere donc est celle de Paris , laquelle comme la plus excellente ie l'ay nommee la premiere, d'autât que ça esté le premier siege souuerain qui a esté erigé en France, & auquel encores se rapportent les affaires de plus grande & vrgente consequence, comme estant le siege des Roys, & le lieu où ils souloient iadis venir rendre iustice à leurs subiects à certaines saisons de l'an. La Gaule Parisienne donc ayant le Senat le plus beau & graue de l'vniuers, & qui pour son integrité a iadis vuidé les differents des plus grands Monarques de l'Europe , est aussi estendue plus longuement que les autres ayant vne infinité de Prouinces. Mais le plus beau & necessaire de par-

remēt des Prouinces de Gaule, est celuy des gouuernemens, si les gouuerneurs estoient tels que ceux que iadis les Romains enuoyoiēt pour Preteurs Prouinciaux, à sçauoir doctes & sçauans à la Loy, de grande experiēce aux affaires. Celle diuision que ie trouue la plus belle, & qui a esté faicte presque de nostre temps est celle des Parlemēts, & il nous faut recognoistre que les Capets sont ceux qui ont estably ces iuges souuerains, & que par l'establissement, tant d'eux que des Bailliages s'est ensuiuy le bien Public, non pas qu'il faille estimer qu'il n'y eust quelque commencement, mais non de lieu arresté.

En ce Parlement, selon le nombre ancien, doit auoir cent hommes, à la similitude des cent Senateurs Romains: à sçauoir les douze Pairs de France, les terres desquels sont du ressort d'icelle cour.

*Nombre
ancien des
Conseillers
de la Cour.*

Huict maistres des Requestes de l'hostel du Roy.

Quatre vingts Conseillers, compris les quatre supremes Presidents; à sçauoir, quarante Clercs & quarante Lais; entre lesquels l'Euesque de Paris, & l'Abbé de S. Denis en France sont tousiours du nombre. Les deux Aduocats, & le Procureur du Roy.

Es actes notables & publiques, les quatre Presidés sont reuestus de chappes, d'escarlate fourrees de menu vert & mortiers de velours noir, brodez d'or, en la teste. Les Seigneurs Conseillers vestus de robes d'escarlate, & chapperons fourrez de menu vert. Les deux Aduocats, & Procureur

general du Roy en mesmes habits: le Greffier civil vestu d'un manteau d'escarlate, le mortier de drap d'or en la teste. Les Aduocats & Procureurs en icelle Cour vestus de drap noir. Et est à noter que tous n'entrent au Palais qu'en robe de drap, tout ce corps est diuisé ainsi qu'il s'ensuit, à sçauoir la grand' chambre du plaidoyé, où president les quatre supremes Presidents, avec vingt des plus anciens Conseillers, selon leur reception, à sçauoir dix Clairs, & dix Laiz.

*Ordre de
messieurs
de Parle-
ment.*

*Chambre
de la tour-
nelle.*

La Chambre de la Tournelle, où se iugent tous les proces criminels où president deux Presidents & vingt autres Conseillers, anciens, qui changent de trois mois en trois mois, de la grand' Chambre du plaidoyé à la Tournelle.

*La premiere
des en-
questes &
autres.*

La premiere châtre des enquestes vingt Conseillers dont y a deux Presidents, qui estoient anciennement les deux plus anciens de la chambre, à present sont erigez en offices. La seconde chambre Idem. La troisieme idem. La quatrieme idem. La cinquiesme & derniere de mesme que les autres, esquelles se iugent tous les proces par escrit qui resortissent en ladite Cour par appel. En chacune desquelles chambres y a un Huissier qui porte verge à la main, erigé pour le seruice de la chambre. Outre les seize autres Huissiers qui sont de la grand' chambre & qui portent verge.

*Maistres
des reques-
tes de l'ho-
stel.*

Les maistres des requestes de l'hostel du Roy, tant anciens que nouuellement erigez, tiennent leur iurisdiction dans le Palais de Paris, & iugent par sentence, à sçauoir pour le regard de la contention de ceux qui sont pourueus des estats du

roy & officiers du roy & l'appel resortist en la cour de Parlement.

Et pour le regard de l'extraordinaire qui est vne commission que le royleur a attribuee pour iuger & donner renfort & par arrest: ce qui concerne l'effect & entiere execution de l'edict de la pacification des troubles, & remettre les parties en tel estat qu'elles estoient au parauant icelles: mesmes casser & adnuller tous les arrests & procedures faictes contre ceux de la nouuelle religion pendant leur absence. Il ont vn Greffier & plusieurs Huissiers. Le tout est reuoké. *Extra-ordinaire.*

Il y a les requestes du Palais, qui est vne iustice exercee par huit conseillers & deux presidents tirez anciennement du corps de la cour de Parlement, & depuis augmentez du regne de Henry troisieme à present regnant de quatre autres cōseillers qui iugent par sentences de toutes causes d'entre les officiers & domestiques de la maison du roy, de la royne, & de monsieur son frere & sœur, lesquels en vertu de leurs lettres de commitimus ont leurs causes commises, edictes requestes, & l'appel de leur sentence se relieue en ladicte cour de Parlement. *Requestes du Palais.*

Il y a vn Greffier, deux principaux commis, & six autres, vn premier huissier & six autres huissiers, leur iurisdiction se tient au coing de la grande salle du Palais.

Messieurs les gens du roy ont leur parquet pres la grand chambre du plaidoyé en la grande salle du Palais, & y a deux Aduocats & le Procureur du roy, qui ont communication de toutes *Messieurs les gens du Roy.*

affaires où le roy a interest.

*Greffier de
la Cour.*

Les quatre notaires & Secretaires du roy signent les arrests & commissions de ladite cour pour l'absence du Greffier.

Le Greffier ciuil Prothenotaire de
la Cour,
Le Greffier criminel,
Le Greffier des presentations.
Les Huissiers.

*Generaux
des aides.*

La cour des Aides est souveraine & iuge en dernier ressort des appellations qui ressortissent des esleuz pour le faict des aides, tailles, equiuallent & autres subides, & consiste en deux chambres, & en chacune d'icelle deux presidents & vingt conseillers, aduocats du roy, & vn procureur general, vn Greffier, & huit huissiers: & leur iurisdiction se tient dessus la salle Merciere du Palais.

*Eaux &
Forests.*

Le grad maistre Enquesteur & general reformateur des eaux & forests du royaume de France au siege de la table de marbre du Palais, avec huit conseillers & vn Procureur du Roy iuge ce qui cōcerne leurs eaux & forests, & cognoist des appellations interiettees des gouuerneurs & maistres des eaux & forests particuliers, & y a appel de luy, qui se iuge en la cour de Parlement.

Ledit grand maistre a des commissions particulieres du roy, pour iuger en dernier ressort, où assistent aucuns de messieurs de la cour de Parlement: Il y a vn Greffier & huit Huissiers.

Chancellerie

La chancellerie du roy se tient au Palais, où sont sceelées toutes remissions, pardons & lettres royaux de iustice apres auoir cōmunié icelles

au conseil ou assistent les Maistres des Requestes ensemble aucuns de messieurs de la cour de Parlement & des Aydes. Ladite chancellerie est composee de plusieurs secretaires, tant bourgeois que gagez avec chaufecires, Audienciers, Referendaires & Huissiers.

Le Baillage du Palais cognoist de tous excez & larcins qui se peuuent commettre dans l'enclos du Palais : Ensemble cognoit premierement de tous iuges de toutes causes qui se peuuent mouoir entre les manans & habitans des fauxbourgs Saint Iagues. La iurisdiction se tient au bout de la grand salle du Palais, & à vn Lieutenant, vn Conseiller & vn Procureur du Roy, vn Greffier & six huissiers.

*Baillage
du Palais.*

La Mareschaussée & Connestablie de France, sont à la table de marbre du Palais, ont vn Lieutenant qui cognoist & iuge des monstres & payement de la gendarmerie, & pardeuât lequel de trois mois en trois mois, tous les Preuosts des Mareschaux & leurs archers viennent faire monstre deuant luy.

*Mares-
chaussée de
France.*

La Chambre du Tresor est composee de six Conseillers, dont le plus ancien preside, & cognoissent de tous droicts d'aubeinnes aduenuz au Roy aussi des baux à ferme pour le faict du domaine du Roy il y a appel deux & se releue à la Cour.

*Chambre
du Tresor*

La chambre des Comptes oyent, examinent & vident tous les comtes des Tresoriers & Receueurs des finances du Roy pardeuant lesquels se doiuent verifier tous dons & aubeynes que le

*Chambre
des Comtes.*

Roy donne à aucuns particuliers & est compoſee de Preſidents maiſtres des Comptes, Audiériers, Greffier & Huiſſiers.

Les monnoyes.

La cour des monnoyes eſt ſouueraine, & iuge en dernier reſſort & ſ'exerce leur iuriſdiction ſur la chambre des comptes & ſont vingt Cōſeillers, deux Preſidents, vn Procureur du Roy, & pluſieurs Huiſſiers & cognoiſſent generally par tout le royaume de France de tous les differens des monnoyes eſſaiz d'icelles, enſemble des Orfeures & affineurs d'or, pour l'eſſay de leur ouvrages d'or & d'argent ſ'il eſt tel qu'il doit eſtre.

L'Admirauté.

L'Admiral de France apres le ſerment par luy fait de ſon eſtat, en la grand chābre du plaidoyé eſt inſtitué par monſieur le premier Preſident en ſon ſiege à la table de marbre : Et y a vn Lieutenant & vn Greffier, qui iugent & cognoiſſent de tous droicts d'Admirauté, pour les priſes & voleries faiçtes ſur mer par des nauires pillards ou autres, & de la conſiſcation des marchandises y eſtans : y a appel de luy en la cour de parlement.

Les Eleus.

Les Eleus de Paris, qui ſont huit, cognoiſſent de tailles ſubſides & aides de leur election & tiennent leur iuſtice au bas du Palais ; & y a appel d'eux en la cour des aydes.

Chambre de la roine.

La chambre de la Roine eſt vne iuſtice que le Roy Charles neufieſme du nom a erigee, pour cognoiſtre de tous acquets faits ſans payer lots & ventes, ſaiſines, & amandes & la foy & hommage non faiçte, des fiefs acquits qui releuēt de luy, & pour faire brief ſont ſaiſir leſdicts lieux : & pour auoir main leuee faut apporter ſes tiltres à

ladite chambré où y a plusieurs de messieurs de la cour & du Thresor, qui sont iuges, & iuge en dernier ressort, y a vn procureur du Roy & Greffier.

Tous les clerks du Palais ont vne iustice entre eux, sous vn Roy & vn Chancelier, nommee la *Bazoche*, qui s'exerce par douze maistres des requestes ordinaires, dix extraordinaires aduocats & procureur du Roy Greffier quatre notaires & secretaires, & plusieurs huissiers: Et est ladite iustice exercée par les principaux clers des procureurs sur tous lesdits clerks, & de tous leurs differents, & iugent en dernier ressort & sans appel. Et est ladicte iustice auctorisee par la cour, tellemēt que l'on ne peut faire adiourner vn clerk du Palais pardeuant autres iuges que ledict chancelier de la Bazoche, & pour l'entretienement d'icelle, le Roy leur donne tous les ans deux amandes de soixante liures parisis.

L'an mil cinq cens cinquante quatre, le Roy Henry deuxiesme auoit ordonné par Edict perpetuel & irreuocable, que les Seigneurs de la Cour de Parlement seroiēt semestres: c'est à dire que l'une partie d'iceux seruiroit six mois, & l'autre partie six autres, & n'y auroit plus de vacations: mais depuis par luy mesme fut reuoké.

La grand chambre du plaidoyé, autrement nommee, chambre doree, à le Lambris taillé de menuiserie à l'antique, releué d'or fin sur chāp d'azur, au chef de laquelle dedans vn riche tableau, sous le crucifix, sont escrites ces deux sentences de l'Escripture sainte, *Chābre du plaidoyé.*

A dextre.

Facite iudicium, & iustitiam: quod si non audieritis hoc, in me iuravit, dicit Dominus, quod deserta erit domus hæc. Ieremi. xvij.

A fenestre.

Videte iudices quid facitis: non enim hominis exercetis iudicium sed Dei. Et quodcunque iudicaueritis, in vos redundabit, ij. Paralipo. xix.

Cette Cour est enuirōnee & accompagnée dans l'enclos du Palais, des iurisdicitions qui s'ensuiuent redigee en bref.

Les requestes de l'hostel du Roy, & les extraordinaires. La Chancellerie.

Les requestes du Palais, Le bailliage du Palais. La chambre des eaux & forests.

Acette iurisdiction resortissent trois cens sieges des maistres des eaux & forests.

La mareschaussée & connestablie de France, à la table de marbre. La chambre des Comptes.

La chambre du Thresor. La chambre des monnoyes. La iustice des aides dits Generaux.

Les Esleus. Le siege de l'Admirauté, à la table de marbre. Messieurs les gens du Roy,

la chambre de la Roynne erigee par le Roy Charles neufiesme du nom.

De Philippes le Long & autres Roys de France, fondation du College de Bourgongne, mort d'un Preuost de Paris, ponts rompus, de l'Eglise du S. sepulcre, du Tresorier Pierre Remy, & du gibet de Mansfaucou, du Roy Philippes à cheual dans nostre Dame, de maistre Pierre de Cumieres, du college d'Authum, du College de Tours, des Bernardins, & autres choses memorables.

Philippes le long, frere de Loys Hutin quarante huietième Roy de France, succeda à son frere, l'an du mōde 5277. De Iesus christ 1315. Il regna cinq ans.

*Philippes
le long 48.
Roy.*

De son temps vn Preuost de Paris, nommé Henry Lapperel, fit executer à mort vn pauvre homme, prisonnier au Chastelet, luy imposant le nom d'un riche homme, coupable & cōdamné, lequel il deliura : Duquel cas le preuost accusé & conuaincu, fut pendu & estranglé.

L'an de grace mil trois cens trente vn. Trestre-
lustre dame & Princesse Madame Ieanne de Bourgongne, & dame de Salins, sollicitée par les admonitions de reuerendissime Sieur Pierre Cardinal, prestre du titre de saint Clement, & du fameux & excellent Docteur Nicolas de Lyre, religieux de l'ordre de saint François, & de Thomas de Sauoye, Chanoine de Paris, fonda & institua le royal College de Bourgongne, & de sa volonté voulut que fussent executeurs ceux que cy dessus i'ay nommez : & pour fournir aux fraiz du bastiment, elle ordonna que son hostel & palais de Nesle, avec ses appartenâces, qu'elle auoit pres les murs de Paris, fust vendu, & que du pris d'iceluy on bastist celle maison, qu'elle nomme de congregation, tant de reguliers que de seculiers, venans à Paris, pour raison de l'estude. En ce college fut fondee la chapelle au nom de la glorieuse vierge, mere de nostre Dieu, & le nombre des Bourciers limité, iusques à vingt estudians en logique & sciences naturelles, sans passer outre,

*Fondation
du College
de Bour-
gongne.*

en autre faculté, & que le principal fut maistre es Arts, ayant vn chapelin pour celebrer les messes, & assister au diuin seruice. Et entre autres articles de la fondation cestuy y est inseré : Nous voulôs & expressement commandons, estre à iamais obserué, que si quelque Escolier du comté de Bourgogne est trouué suffisant pour ouyr les susdites sciences, si il y a lieu vacant, qu'il soit preferé à tout autre. Et quâd à la nomination du principal dudit college, elle est donnee par les statuts au chancelier nostre Dame, & au gardien des freres mineurs de Paris, ausquels appartient d'y mettre le chapelain & les boursiers à leur volonté, au reste tant le principal que le chapelain seront retenus en leur place & dignité à vie, si il n'y eschet crime, ou si de leur volonté ils ne veullent s'en deffaire.

*Charles le
Bel 49.
Roy.*

Charles le Bel, fils de Philippes le Long quarâte neufiesme Roy de France, succeda à son pere, l'an du môde cinq mil deux cens quatre vingts deux: De Iesus Christ mil trois cens vingt. Il regna sept ans. Ce fut le dernier de la lignee de Hugues Capet: Il fut seure iusticier gardant le droict à vn chacun.

*Heresies des
Frerots.*

L'an mil trois cens vingt trois, Iourdain de l'Isle fut pendu & estranglé au gibet de Paris, le septiesme iour de May, il auoit espousé la mere du Pape, L'an mil trois cens vingt quatre, le Pape Iean condamna l'heresie des Frerots. En ce tēps, fut à Paris condamné l'heresie appellee *Arts notoria*, dont auoit esté inuenteur vn moine de Morigny, pres d'Estampes, le liure duquel fut bruslé.

Durant le regne du susdit Roy , l'an mil trois
cens vingt cinq , fut si grād yuer, que le fleuve de
Seine fut tout glacé , & au degeller les glacons
rompirent & ruinerent deux des ponts de Paris.

*Grand
Tuer.*

Deux ans apres fut edifiee l'Eglise du saint Se-
pulchre de Hierusalem à Paris, comme on voit à
la porte d'icelle Eglise , en escriture si antique
qu'à peine l'a peut on lire.

*Eglises du
S. Sepul-
chre basties*

L'an de grace, mil trois cens vingt sept, le Ven-
dredy deuant Noel , fut chantee la premiere
Messe de cette Eglise, & les fondemens leuez,
côme il apert, par maistre Guerin de Lorcignes,
qui erigea ce portail, & le fonda premierement.
Le reste est rompu.

Audit an l'Euesque de Paris , par auctorité du
Pape, reuestu des ornemens pontificaux, accom-
pagné d'autres prelats , au paruis nostre Dame,
excommunia Loys de Bauieres, Empereur, enne-
my du Pape.

*L'Euesque
de Paris
excommu-
nie l'Em-
pereur.*

Enuiron ce temps, Pierre remy, Thresorier de
France, & gouuerneur du Royaume, nay de bas
lieu fit faire de neuf le gibet de Môtfaucou, pres
Paris : en vne des pierres duquel au principal
pillier fut entaillé secretement ce qui s'ensuit.

*Pierre Re-
my fut pen-
dis au Gi-
bet.*

En ce gibet icy emmy

Sera pendu Pierre remy

La prophetie fut verifiee, car il y fut pendu pour
les larcins par luy cōmis sur les deniers du Roy,
au temps de Philippes de Valois.

Philippes de Valois, cousin germain des trois
Rois precedents succeda à Charles le bel, & fut

*C'est lui à qui
Humbert de
la Dauphine.
Sup. fol. 80.*

*Philippes
de Valois
50. Roy.*

le cinquantième Roy. L'an du monde cinq mil deux cens octante neuf. De Iesus Christ mil trois cens vingt sept. Il regna vingt deux ans.

Il eut debat avec Edouart, tiers du nom Roy d'Angleterre, qui fut fils d'Isabelle, fille de Philippes le Bel, pour le droict de ladicte couronne, soustenant ledict Edouart, luy deuoir appartenir: Ce qui luy fut, par les douze Pairs desnié, partant fut declaré ledict Philippes de Valois legitime Roy, comme venant de lignee masculine, & non feminine: dont sont ensuiuis tant de guerres, entre les François & Anglois.

*Philippes
de Valois
armé &
monté à
cheual en-
tre dans
l'Eglise no-
stre Dame.*

Après donc la mort de Charles le Bel Philippes de Valois,, son cousin germain & le plus proche pour succeder à la couronne fut Roy de France du consentement de tous les François, pour soustenir Loys, comte de Fládrès son vassal, fit guerre aux Flamens, dont il obtint victoire à l'encontre desdicts Flamens, en l'an mil trois cens vingt huit: estant retourné à Paris, s'en alla rendre graces à Dieu, en la grand'Eglise, en laquelle il entra tout armé & monté à cheual iusques deuant le Crucifix, & presenta son cheual & ses armes à l'image de la vierge Marie, luy attribuant l'honneur de la victoire, & donna à icelle Eglise cent liures de rente perpetuelle, qu'il leur assigna au pays de Gastinois. En memoire de cela est son effigie comme vn Prince armé monté à chetual, en la nef d'icelle Eglise deuant l'image nostre Dame.

*Italiens &
usuriers
chassés de
France.*

L'an mil trois cens quarante huit au mois de Decembre, les Lombards & Italiens, Changeurs, Banquiers

Banquiers & Vfuriers, furent empoignez, chassiez & bannis de France, pour les grandes vsures qu'ils exerçoient contre le droict. Durant le regne du susdict Roy Philippes de Valois, viuoit pour lors Edouard, Roy d'Angleterre, qui entra en France avec grosse armee, & vint iusques deuant Paris, loger à Poissy, & son fils à Saint Germain en Laye. Les Anglois bruslerent tous les villages d'alentour iusques à Saint Cloud, & occuperēt roye & Montioye, pour lors maisons royales & de plaissance. Le Roy de France auoit son armee dedans Paris, mesmemēt aux fauxbourgs Saint Germain des prez, en intention de combattre le Roy Anglois, lequel se retira iusques à Crecy, où fut donnee la iournee au grand domnage des François.

Pierre de Cuiueres, Cheualier & Conseiller dudit Roy Philippes, en la grand'salle du Palais, en la presence du Roy, des Princes & des Prelats, proposa vne harangue, tendant à fin d'oster le *Harangue, à fin d'oster le temporel.* temporel aux gens d'Eglise, & leur laisser le spirituel: Bertrand, Euesque d'Authun, fut principal deffenseur à l'encontre de luy, en fin le Roy les accorda.

Ce Bernard, Euesque d'authun, & Cardinal, *Collegio d'Authun* fonda le College d'Authun, en la rue Saint. André des Arts, où est vne belle chapelle à deux autels, lesquels furēt benis & sacrez l'an mil trois cés quarāte & vn, l'an septiesme du Pape Benoist douziesme par reuerend pere en Dieu, Pierre, Euesque d'Arras, neuueu dudit reuerend pere. Bertrand, Cardinal, fondateur dudit lieu, és pre-

sences de Pierre de Palude, Patriarche de Hierusalem, Guy, Archeuesque de Lyon, & Iean, Abbé de Sainct Germain des Prez. L'an d'apres la chapelle fut dediee au nom de la vierge Marie, par ledict Euesque d'Arras, comme le tout appert en vn tableau en Latin, dedans ladicte chapelle. Dessus la porte du college est escrit.

Le College Maistre Pierre Bertrand, Cardinal, natif d'Annonay, au diocese de Vienne.

Aux deux costez sont deux effigies de deux Cardinaux: sous l'un est escrit.

Petrus Bertrandi dioc. Vienn olim Niuernensis, deinde Atrebatensis episcopus, postea t. S. Susanna presbyter cardinal. demum Ostien. & velletren. Episcopus Cardinal.

Sous l'autre effigie.

Petrus Bertrandi dioc. Vienn. olim Nyuernensis deinde Eduensis Episcopus, & demum tituli S. Clementis presbyter Cardinalis.

Enuiron ce temps, Estienne, Archeuesque de Tours, fonda, en la rue de la Harpe, le College de Tours, ainsi qu'il se trouué engraué dás vne pierre avec ses armes.

Stephanus de Burgolio Turonem. Archiepiscopus, huius collegi fondator magnificus, obiit anno M. iii. c. xxxiiij.

*Le Lendit
brulé.*

Durant ce regne, le Lendit, seant sur le chemin Sainct Denys, fut entierement bruslé, d'un feu soudain qui se mit en la rue des Merciers. Cela aduint l'an mil trois cens trente six.

Aussi en ce temps, Hugues de Crecy, natif de

Bourgogne, autrefois Preuoſt de Paris, & depuis Preſident en la cour de Parlement, fut pendu & eſtranglé, pour vn certain iugement par luy corrompu, le dixneufieſme iour de Iuillet, l'an mil trois cens trente ſix.

*Juſtice
d'un Pre-
ſident.*

En ce meſme temps, le Pape Benoïſt douzième de ce nom, de l'ordre de Ciſteaux, tenāt ſon ſiege en Auignon, fonda le college & Eglise des Bernardins à Paris: & vn Cardinal, natif de Thoulouze, auſſi dudiēt ordre paracheua le baſtiment, y dreſſāt vne librairie, & y fonda à perpetuité ſeize eſtudians en Theologie, comme il eſt eſcrit à l'entree de l'Eglise ſous deux armoiries peintes contre la muraille, leſquelles ſont effacees: & de l'eſcriture ſe peut lire ce qui ſ'enſuit.

*De l'Egli-
ſe des Ber-
nardins.*

Hec arma ſunt ſanctiſſimæ memoria domini benediſti Papæ duodecimi, Ciſterciensis ordinis cuius eſt præſens ſtudentium collegium profeſſoris, qui hanc fundauit eccleſiam, & multis dotauit indulgentiis.

Dominus Guilhelmus quondam Cardinalis Doctor Theologiæ Tholoſanus natione, Ciſterciensis religione, eccleſiam præſentem ad perfectionem qualem obtinet produxit. Bibliothecam inſigniuit, ſexdecim ſcolares in Theologia ſtudentes in perpetuo fundauit.

Des choses aduenues au temps & regne du Roy Iean, du trouble estant à Paris, & aduersité de ce temps. Fondation du College de Beaucourd.

C H A P. X V I I.

*Le 51. Roy
de France.*



LEAN fils de Philippes de Valois, cinquante vniesme Roy, succeda à son pere, l'an du monde 5311. De Iesus Christ mil trois cens quarante neuf.

*Le Roy
prins pri-
sonnier.*

Il regna quatorze ans le vingt cinquiesme de Septembre il fut couronné à Reims, avec sa secōde femme, la Comtesse de Boulongne, & le dixseptiesme iour d'Octobre, il fit son entree à Paris avec grand pompe. Ce Roy fut prins prisonnier le dixneufiesme iour de Septembre, mil trois cēs cinquante six, à vn Lundy, & cette bataille fut faite à vne lieuë pres de Poictiers, és champs qui s'appelle Beauuois & Maupertuis, le Roy d'Angleterre s'estoit caché dedans des vignes, hayes & buissons, avec petite armee. Le Roy se rend à vn Cheualier d'Artois, nōmé Denis Morbesque, qui lors estoit en Angleterre, banny de France. Philippes, son fils, fut prins aussi en deffendant son pere vertueusement: En l'absence desquels y eut de grands troubles & diuisions en France, & mesmement à Paris, pour les partialitez de Charles, Duc de Normādie, fils du Roy, premier Dauphin & de Charles Roy de Nauarre. L'an mil trois cens cinquante, raoul, Connestable de France, fut decapité à l'hostel de Nesle de Paris.

*Cōnestable
decapité.*

En ce temps d'aduersité, ceux de Paris voulurēt

entreprendre le gouuernemēt & domination du Royaume, par le conseil & deliberation de quelques vns, non natifs de Paris, qui s'en trouuerent mal. Le principal des seditieux, & qui mit le trouble entre le Duc Charles, regent, & le Roy de Nauarre, fut messire Robert le Coq, Euesque de Laon, auquel le Preuost des Marchans aida bien à conduire la besongne. Le Duc Charles, regent, assembla le conseil à Paris, au moys d'Octobre, l'an mil trois cens cinquante six, & les remōstrances par luy faictes, sur ce qui estoit à aduiser pour la deliurance du Roy, son pere, furent esleuz cinquante hommes des trois estats, qui se tindrent au conseil l'espace de quinze iours, au cōuent des cordeliers : la deliberation desquels fut, qu'il falloit desapointer aucuns qui auoiēt le maniemēt des affaires du royaume, & confisquer leurs biens pour faire finance de deniers.

Grands troubles à Paris.

Conseil assemblé à Paris.

De rechef, le vēdredy troisieme iour de Mars, l'an mil trois cens cinquante six, fut autre conseil general assemblé en Parlemēt, auquel par sentence de Charles, furent priuez de leurs estats vingt deux officiers du Roy, à la requeste de l'Euesque de Laon, au nom des Parisiens, à sçauoir les principaux, Pierre de la Forest, Cardinal & Châcelier de France, Pierre d'Orgemont, President, Nicolas Braque, Simon de Bussi, Iean Chamelart, Iean Poileuain, maistre des comptes, Bernard de Fremant Thresorier de France, Iaqués Lempereur, Thresorier des guerres, Maistre Estienne de Paris, Ancel Choquart, maistre des Requestes de l'hôtel du Roy. Regnaut Dacy, Aduocat du Roy en

Officiers du Roy priuez de leurs estats.

Parlement, & autres notables personnages.

*2. Maref-
chaux de
France oc-
cis dans le
Palais le
regēt prent
la fuite.* Estienne Marcel, Preuost des Marchans, assem-
bla le peuple à Sainct.Eloy, & vindrent au Palais
en la chambre du regent , en la presence duquel
occirent deux grāds Seigneurs, les bien fauorits,
les Marefchaux de Clermont & de Champagne,
& trainerent leurs corps nuds sur la pierre de
marbre, autant en auoiēt faict de Regnaut Dacy,
Aduocat du roy. Le Preuost des Marchans pour
sauuer le regent, luy bailla vn chaperon en teste,
de couleur pers & rouge, liuree du peuple seduit.
Et fallut audiēt Seigneur quitter la ville , pour
les seditions , apres auoir faict aucunes remon-
strances, tant en la place des Halles, qu'en la place
de Greue, sur les degrez de la Croix.

Le Roy de Nauarre vint susciter les Parisiens,
& les conseiller de se mutiner contre le regent,
par deux fois, l'vne au pré aux clers, & l'autre en
l'hostel de ville.

*Transport
d'Artil-
lerie.*

Les Parisiens prennent l'Artillerie du Roy au
chasteau du Louure & la font transporter en l'ho-
stel de ville. La plus part des villes de France te-
noient du party de Paris.

*La ville de
Paris as-
siegee.*

L'an mil trois cens cinquante sept Monsieur
Charles, Regent, avec trente mille hommes de
cheual, assiegea la ville de Paris, du costé de Cha-
renton, où se firent plusieurs courfes d'vn costé
& d'autre. Ce pendant les Parisiens reuoltez, tue-
rent trente neuf Anglois, qui estoient en la vil-
le, & prindrent aucuns des plus nobles qui sor-
toient du disner d'avec le Roy de Nauarre, en
l'hostel de Nesle, maison royale, & les mirent en

prison au Louure.

Nicole Gilles en ses Annalles, dit eēt hostel de Nesle, auoir esté edifié par Iean, Duc de Berry, fils du Roy Iean. Le Roy de Nauarre, qui auoit esté fait capitaine de Paris, & le Preuost des Marchās, tomberent en l'indignation des Parisiens.

Iean Maillard, Bourgeois & Quartenier de la ville, print vne banniere de France, & cheuauchāt par les rues, crioit, Montioye Sainct Denys. Autant en fit Pepin des Essars, Cheualier, ausquels se ioignit le peuple. Le Preuost des Marchans se cuidant sauuer en la Bastille Sainct Anthoine, fut tué avec aucuns des siens.

Charles Confac, Escheuin, Iofferan de Mascon, thresorier, Pierre Gille, Pierre Caillart chastelain du Louure, Iean Preuost, Pierre le Blond, Pierre Puisset Aduocat en Parlement, Pierre Godart Aduocat en Chastelet, pour auoir fauorisé le roy de Nauarre, furent traînez & decapitez, & leurs corps iettez en la riuere de Seine. Le regent entre à Paris, & remet le peuple en son obeysance, faisant vne harangue en l'hostel de ville.

Alors estoit la noble ville de Paris, assiegée de Nauarrois & Anglois, qui tenoient toutes les forteresses d'alentour, tant par eau que par terre. L'an mil trois cens cinquāte sept, la vigile de my Aoust, les habitans de Paris offrirent à nostre Dame vne chandelle, qui auoit la longueur du tour de la ville, pour estre allumee iour & nuict, & depuis a esté continuée.

L'an mil trois cens cinquante neuf Edouard, Roy d'Angleterre, courant tout le Royaume de

*Anglois
deuant
Paris.*

France, assiegea Paris, à fin de cōtraindre les François d'accorder les articles de la paix, pour la deliurance du Roy de France: plusieurs assemblees se firent pour traiter de paix: entre autres s'en fit vne le Vendredy d'apres pasques, où assistoit le Legat du Pape, le lieu où se fit l'assemblee estoit en vne Maladerie, vers la tombe ysoire, pres ladicte ville, derriere Sainct Germain des prez.

*La tombe
du geant
Ysoire.*

*Paix ac-
cordee avec
l'Anglois,
au retour
du Roy
Iean à
Paris.*

Le Roy d'Angleterre voyant que la paix ne pouoit estre accordee, approcha ses batailles, pres de la ville Sainct Marcel, & n'y faisant rien se retira vers Chartres, où la paix fut traictée.

*Restabli-
sment du
parlement.*

Le roy Iean retournant en France, entra à Paris, entre les magnificences de sa reception, vne fontaine estoit outre la porte Sainct Denis, rendant vin en toute abondance. Estant retourné à Paris, il restablit le Parlemēt, l'an mil trois cens soixante vn, lequel auoit cessé pres de deux ans. C'est l'estat de Paris, durant le regne du susdict roy.


*College de
Beaucourd*

L'an mil trois cens cinquante trois, Messire Pierre de Beaucourd, Cheualier, desirieux de l'auancement des Escoliers natifs du diocese de Therouēne aux sciences humaines, fonda le college, qui ores porte le nom en sa maison qu'il auoit au mont sainte Geneuiefue, laquelle il donna pour l'exercice des lettres & pour y nourrir huiēt escoliers, du pays susdict, sauf qu'il excepte les escoliers qui sont du Diocese de l'obeissance du Comté de Flandres, avec autres charges qu'il donna aux Reuerends peres l'Abbé de Sainct. Bertin, à Sainct Omer, & l'Abbé du mont Sainct. Eloy. Ce college a depuis esté tout reffaict, pres-

que, de neuf, par feu de bonne memoire Maistre Pierre Galand, professeur royal, & principal de ce College.

Duregne du Roy Charles le Quint, edification de l'hostel des Tournelles, fondation des Colleges de Beauvais, & de Presles, edifice du Couuent des Celestins, ensemble les Epitaphes des corps Nobles qui y gisent, Priuileges des Bourgeois, & des habitans des fauxbourgs, avec la fondation du College de Dainville.

CHAP. XVIII.

 Charles le Quint, dit le Sage, fils de Ieã, fut le cinquante deuxiesme roy de France, succeda à son pere. L'an du monde cinq mil trois cens vingt cinq. De Iesus Christ mil trois cens soixante trois. Il regna seize ans, & fut sacré à Reims, avec la royne sa femme, Ieanne Duchesse de Bourbon, le dix-neufiesme iour de May : L'an trois cens soixante quatre. En cette mesme annee le Roy fit grand' ioye à cause que la Royne estoit accouchee à Paris, d'un beau fils, qui fut Charles sixiesme, apres graces rendues à Dieu, fit donner aux colleges de Paris trois mil florins d'or, & à chasque personne qui voulut aller à Sainte Katherine du val des escolliers, ordonna, estre baillé huiët deniers parisis, plusieurs femmes y moururét en la presse.

52. Roy de France.

Aumos-
ne faicte
par le Roy

L'an mil trois cens soixante neuf, le vingt deux- ziesme iour d'Auril, furent commencez les fondemens de la Bastille, à Paris, à la porte saint Anthoine, ainsi qu'on la voit à présent, & fut la pre-

Commencement du
bastimẽte
de la Bastille.

miere pierre assise par Huges Aubriot (aucuns disent Ambriot) Preuost de Paris, le tout aux despens du Roy, des deniers qu'il auoit donnez à la communauté des Parisiens.

*Siegedeuât
Paris par
les An-
glois.*

L'an mil trois cens septante & vn, les Anglois conduits par Robert Canolle, assiegerent Paris, du costé de Ville-luifue, & y eut quelques escarmouches enuiron Sainct Marceau, où demourerent sept cens Anglois. Eux se retirans, bruslerent Ville-luifue, Cachant, Arcueil, & le chasteau de Vicestre. Lequel chasteau les Annales de France disent auoir esté edifié par Iean, Duc de Berry, fils du Roy Iean : lequel Duc donna à l'Eglise de Paris, le chef de Sainct Philippes, Apostre, decoré & garny de pierres precieuses : lequel se monstre le premier iour du moys de May. Iceluy chasteau de Vicestre aussi appartient de present à la dicte Eglise.

*Habits &
liures des
turlupins
bruslez.*

L'an mil trois cens septante deux, les habits & les liures des Turlupins (autrement dictz la compagnie de paureté) furent bruslez en la place de Greue.

*Desborde-
ment de la
riuiere.*

L'an mil trois cens septante trois le fleuve de Seine creut & se desborda en telle maniere desmesuree, que par l'espace de deux moys on alloit à Paris par batteaux en la rue Sainct Denys, & de la rue Sainct Anthoine, iusques à Sainct Anthoine des Champs, & de la porte Sainct Honoré iusques au port de Nueilly. On attachoit les batteaux à la Croix Hemon, au dessus de la place Maubert.

L'an mil trois cens septante huiet, charles qua-

triefme Empereur, fit son entree à Paris, en grande magnificence, accompagné du Roy des Romains. Le Roy de France leur presenta le bâquet, en la grand'salle du Palais, sur la table de marbre, comme est de coustume aux grands Princes.

Entree de
l'Empereur

En ce temps estoient en grande renommee & reputation, ceux de la maison des Dormans, aucuns desquels furent Chanceliers de France, l'un d'iceux fit cōstruire le College de Beauuais, ainsi qu'il est escrit sur la porte dudiect college, en la rue des Carmes, comme s'ensuit:

College de
Beauuais.

Ce college des Dormans fut fondé par feu de bonne memoire monsieur Iean des Dormas, luy viuant cardinal, prestre du Saint Siege de Rome, iadis Euesque de Beauuais. En repos soit son Ame.

En iceluy college y a vne chapelle, & au cœur d'icelle sont deux effigies d'Euesques, en cuiure, sur vn tombeau de marbre, autour desquelles est escrit.

Hic iacent domini Milo de Dormano Episcopus quondam Andegauensis, post Baionensis, & demum Beluacensis, Cancellarius Francie, qui obiit decimo septimo Augusti, Anno millesimo trecentesimo octuagesimo septimo. Et Guillelmus de Dormano eius Germanus, episcopus quondam Meldensis, post Archiepiscopus Senonensis, Regis consiliarius, qui obiit anno millesimo cccc. v. Secunda die Octobris, doctores legum ne pates domino Ioannis Cardinalis de Dormano : & filij nobilis Viri Domini Guillelmi de Dormano fratrum, & francie Cancellariorum, huius Collegij fundatorum, quorum

corpora iacent apud Cartusienses prope Parisius. Orate pro eis omnibus.

Aux deux costez dans cette chapelle sont six effigies de pierre: c'est à sçauoir du costé de Septentrion trois effigies de nobles & illustres hommes, de la maison & furnom des dormans: & du costé de Midy, trois effigies, de Dames alliees en ladiète maison & de la lignee desdicts Dormans.

College de Presles.

Le college de Presles, iadis fondé par maistre Raoul de Presles, confesseur du Roy Charles le Quint & cestuy, & le college de Beauuais, ont esté rebastis tout à neuf de nostre temps, durant le regne des Roys treschrétiens François premier, & Henry second du nom. Pour le scisme qui estoit entre les deux Papes, en l'an mil trois cens septante neuf, furent assemblez deux Cōciles de l'Eglise Gallicane en la ville de Paris, le premier l'vnzieme iour de Septembre, & l'autre le dixseptiesme de Ianuier.

Conciles assemblez à Paris.

Hostel des Tournelles

Le Roy Charles fit edifier le grand hostel des Tournelles, le chasteau du Louure, & celuy de Saint Germain en laye: Et lors que l'ancien hostel des Tournelles estoit debout c'estoit iadis la Paroisse des Roys que l'Eglise Saint Paul, & où les Cheualiers alloient à la Messe, & posoient leurs armoiries apres quelque grand feste & ioye de tournoy: mais Henry deuxiesme estant fortuitement occis en vn esbat, en la rue Saint Anthoine, cét hostel a esté mis par terre, pour ne seruir plus de logis aux Roys, puis que le meilleur Prince auoit eu vne fin tant calamiteuse.

Nous auons dict cy deuant que les Celestins

furent mis au lieu, où iadis auoient esté, & faict leur demeure les religieux, dits les Carmes, pres Sainct paul, & non loing de la riuiera, le bastimēt desquels fut dressé par le bon & sage Roy Charles le Quint. Or l'ordre des celestins fut institué par vn bon & Sainct homme nommé pierre de Moron, natif du pays d'Italie n'aquit l'an mil deux cens dix faisant profession de solitude, lequel par sa grāde saincteté fut choisy en sa cellule pour commander sur toute l'Eglise, & faict pape, & fut appellé Celestin cinquiesme, lequel en fin quittant la dignité par les ruses de Boniface huitiesme, comme il se retiroit en son hermitage pour y instruire ses religieux fut cōstitué prisonnier par son successeur, lequel feit mourir, soit de faim, soit de poison, ce bon Celestin. Ce pape viuoit du tēps de philippes le Bel, & ses religieux vindrent à paris, bien tost apres la mort de leur pere, mais il n'eurent si tost Eglise, ains Charles cinquiesme est celuy qui leur donna la place des Carmes, qu'on appelloit la porte des barrez : ie laisse la magnifique structure de cette maison, de laquelle de nostre temps on a retranché quelque cas pour le bastiment de l'Arsenal, entre autres choses memorables voy les tombeaux des corps qui reposent en ladicte Eglise. A la porte d'icelle sont les effigies d'un Roy & de son espouse.

Sous l'effigie du Roy est escrit.

Carolus Quintus fundator Ecclesia.

Sous l'effigie de la Royne est escrit.

Ieanne de Bourbon espouse de Charles le Quint.

*Celuy qui
commença
l'ordre des
Celestins.*

Ce que j'ay peu recueillir de la fondation d'icelle Eglise.

Reuerend pere en Dieu Monsieur Charles de Bourbon Cardinal Archeuesque de Lyon mist la premiere pierre au fondement del'Eglise de ceās, à l'honneur & reuerence des dix mille martirs: La feste est celebree la surueille Saint Iean Baptiste.

Reuerend pere en Dieu Monseigneur Loys Euesque de paris, a confirmé les priuileges.

J'ay trouué graué dās la pierre d'icelle Eglise ce qui ensuit.

*Milibus hec deuīs tu sossis diua capella: De populi
dones ultro patrata fuit 1883.*

En deux lignes plus bas

*Pontificis digna ludomici parisiensis, fabrica qua-
rum tueris ore dirata nitet 1888.*

En ceste Eglise sont plusieurs sepulchres de marbre noir & blanc, & d'albastre, avec les effigies enrichies d'or & d'azur, dont s'ensuiuent les Epitaphes.

Icy reposent les entrailles de Madame la Royne Ieanne de Bourbon, espouse de Charles le Quint, & fille de tres-noble Prince monseigneur Pierre de Bourbon, qui regna avec sondit espoux treze ans & dix mois, & trespassa l'an mil trois cens soixante sept au moys de Feurier.

Autre.

Cy gist tres-noble & excellent Prince,

Lyön de Lizingnen, quint Roy Latin du Royaume d'Armenie, qui rendit l'ame à Dieu, à Paris, le vingtneufiesme iour de Nouembre, l'an de grace, mil trois cens quatre vingts & treize.

Cy gist noble Dame, madame Anne de Bourgongne, espouse de tref-noble Prince monseigneur Iean Duc de Bethesfort, & regent de France, & fille de tref-noble Prince monseigneur Iean Duc de Bourgogne : laquelle trespassa à Paris, le quatorziesme iour de Nouembre, l'an de grace mil quatre cens trente deux. Es verrieres du cœur sont les effigies des Roys Charles le Quint, & Francois premier du nom, & le long d'icelle est escrit.

Rex franciscus primus has sex vitreas erexit 1539. turris de Billi fulgure ruens antiquas excussit 19. Iulij 1538. quas priores posuit 1360. Carolus quintus fundator primus.

En la chapelle des Ducs d'Orleans à costé du cœur, vers Midy, est vn haut sepulchre de marbre blanc estoiffé d'or, au flâcs duquel sont les douze Apostres, & autres saincts : dessus sont quatre

effigies de deux Ducs, vn conte & vne Duchesse, en deux estages, l'une esleuee sur l'autre, & est escript en lettres d'or autour du cercueil.

Loys Duc d'Orleans , Valentine de Milan, sa femme, Charles Duc d'Orleans leur fils , pere du Roy Loys douziesme, Philippes Comte de vertu leur fils.

Là sont deux Epitaphes Latins.

*Hoc tecum illustris Pario Ludouice sepulchro.
Iuncta Valentina coniugis ossa cubant.
E merito Insubris tibi iura ducalia sceptri
Tradita legitima premia dotis erant.
Subiacet & Carolo, clausus cum fratre Philippus,
Inclita iam vestri pignora bina thori.
Magnificus Carolo nascens Ludovicus ab alto,
Hæc posuit larga busta superba manu.
Sfortiadem indigna pepulit ex sede tyrannum,
Et sua qui Siculus subiungamisit opes.
Vt tantos decorata duces Aurelia iactat,
Gallica sic illo scepra tenente tument.*

En la mesme chapelle est vn sepulchre , vouté tout de marbre blanc , doré , avec l'effigie d'une ieune princesse de pareille estoffe: est escript.

Aliud

*Qui tumulum posuit? regum rex maximus ille
Filius & regum rex Ludovicus honor. (phum,
Quando? post Ligurem, Insubrem Siculumque trium-
Post captos reges, Sforcia dasque duces.
Quis iacet hic? magni heroës Ludovicus & vxor.
Alma valentina: regia progenies,*

Aureli

*Aureli proceres, Carolus cum fratre Philippo.
 ille auus, illa auia est: hic pater, hic patruus.
 Qui genus à francis. Studium quod: regna tueri,
 Bellaque sanguinea sollicitare manu.
 Qua mulier? Ducis Insubrii pulcherrima proles,
 Ins. Mediolani, sceptraque dote dedit.
 Viuere debuerant propter facta inclyta semper?
 Debuerant: sed mors impia cuncta rapit.
 Hos ergo rapuit proceres? non corpora tantum.
 Semper erunt animæ: gloria semper erit,
 Ludouicus, Rex xij. quieti perpetua & memoriæ perenni
 illustrissimorum principum Ludouici aui,
 Valentina auia, Caroli patris piissimorum pientissi-
 morumque parentum, ac Philippi patrui.*

Feliciter M. D. ij.

*Cygist tres-excellente & noble Damoi-
 selle, Renee d'Orleans. en son viuant Com-
 tesse de Dunois, de Tancarville, de Mont-
 gomery, dame de Monstreubellay, de Cha-
 steau regnant, fille unique delaissee de tres
 excellent & puissant Prince & Princesse,
 Francois en son viuant Duc de Lon-
 gueuille, Comte & seigneur desdites comtez
 & seigneuries, connestable hereditail de
 Normandie, lieutenant general & Gou-
 verneur pour le Roy en ses pays de Guyë-
 ne: Et madame Francoise d'Alençon*

Son épouse, pere & mere de ladicte Damoiselle, laquelle trespassa en l'aage de sept ans, au lieu de Paris, le vingt troisieme iour de May, l'an mil cinq cens quinze.

Es verrieres de cette chapelle sont par rang les effigies, à genoux, d'unze personages, que Roys que Ducs: & sous chacun est escrit.

Rex Carolus Quintus.

Ludovicus Aureliorum Dux, eius natus secundus.

Ludovici ac Valentina à Mediolano, Carolus primogenitus.

Ludovicus duodecimus huius filius.

Virtutū comes Philippus Ludovici & Valentina secundus.

Ioannes Angolismensis dux eorumdem tertius.

Ioannes filius Carolus Angolismensis dux.

Rex Franciscus primus Caroli proles.

*Franciscus Delphinus Viennensis & Britannorum dux
eius primogenitus, obiit hic Turnon vicenarius.*

Rex Henricus secundus Francisci regis filius.

Carolus Aureliorum dux Henrici frater.

Au dessus des effigies és mesmes verrieres est escrit.

*Quas 1398. struxit Ludovicus hic, Turris billia destruxit, dum 19. Iulij 1538. fulgereruit, 1540. erexit
novus Franciscus hic à quo nobilis hac prolex exurrexit*

En la nef de l'Eglise.

Cy gisent G. de Rochefort, Chancelier de France, & madame G. de Vouurey, il mourut l'an mil quatre cens quatre vingts douze.

En la chapelle qui est derriere le grand autel, se fait le service pour les Notaires & Secretaires du

Roy, comme il est contenu en vn tableau estant en ladicte chapelle.

Le college des Notaires & Secretaires du Roy, de la courõne & maison de Frãce, a fondé cét autel, qui est assis au chef de cette Eglise, pour le remede & salut des ames des Roys de France, & de leurs chanceliers, Secretaires & Notaires trespassez, presens & à venir: & fut benist l'an de grace mil trois cens septante deux, le Mercredy, feste de la Conception nostre Dame, le huictiesme iour de Decembre, par tresreuerend pere en Dieu monsieur Guillaume de Melun, Archeuesque de Sens.

Vers Midy, à costé du maistre Autel.

Cy gist reuerend pere en Dieu messire André d'Epinaÿ, cardinal, Archeuesque de Lyon & de Bordeaux, Primat de Frãce & d'Aquitaine, zelateur & bienfaiteur de l'ordre des Celestins, qui trespassa à Paris, aux Tournelles, le dixiesme iour de Nouembre, l'an de grace, mil cinq cens. Priez Dieu pour luy.

Vers Septentrion, à costé du maistre Autel.

Carolus magnus equitem auratum excubiarum portæ regie præfectum regisque cubicularium, martiana magna soror sua piiss. in sper resurrectionis corporis hoc tumulo posteritati commendauit 1556.

Au chapitre du cloistre dudiect monastere est graué ce double Epitaphe, sur vne tombe.

Cy gist monseigneur Philippes de Maisieres en Sancters, cheuallier, chancelier de Chipre, conseiller & banneret de l'hostel du Roy de Frãce, Charles le quint de ce nom: qui trespassa de la gloire de l'hostel Royal, à l'humilité des celestins, l'an de grace, mil trois cens quatre vingts: & rēdit son esprit à Dieu, le vingtneufiesme iour de May: l'an de grace, mil quatre cens cinq.

Ledit cheualier fut faict chancelier de Chipre, au temps de tref-vaillant Roy, Pierre de Lizingnem, quint Roy, Latin, de Hierusalem, apres Godefroy de Buillon, & roy de chipre, lequel par sa grande Proüesse & haute emprise, print par bataille, & à ses fraiz, les citez d'Alexandrie, en Egypte, Tripoli, en Surie, Layas en Armenie, Sathalie en Turquie & plusieurs autres citez & chasteaux, sur les ennemis de la foy de Iesus Christ: & apres la piteuse mort du tref-excellent Roy, ledit, son chancelier, fut appellé au seruice du Pape Gregoire vnziesme, & finalement au seruice

de son droict seigneur naturel, lettré, sage & bon-
naire, catholique & bien fortuné Roy de France,
charles le quint de son nom : desquels Pape &
Roy, les bonnes memoires soient presentees de-
uant Dieu.

Le susdict Roy charles le quint, en l'an mil trois
cens septante & vn donna aux Bourgeois de Pa-
ris, priuileges de pouuoir tenir fiefs, vsfer & iouyr
de tiltres de noblesse.

*Priuilege
des Bour-
geois.*

L'an mil trois cens septante & quatre, il octroya
lettres, par lesquelles appert qu'il veut & ordōne
que les faux-bourgs de Paris soient reputez &
tenuz de la ville, & vne mesme ville sous vn mes-
me nom.

*Fauxbourgs
reputez de
la ville.*

Le College de Dainuille fut fondé en la mai-
son de messieurs de Dainuille, pres les Cor-
deliers, au temps du susdict Charles le quint, par
Iean de Dainuille, Secretaire des Roys, Iean, &
dudict Charles, & par son frere l'Euesque de The-
rouenne : dont les representations sont au coing
dudict College, en la rue de la Harpe.

*College de
Dainuille.*

*Des guerres ciuiles aduenues à Paris, regnant le Roy
Charles sixiesme, des autres Roys qui ont regné apres
luy, de Hugues Aubriot Preuost de Paris, & ediffices
par luy dressez, sedition à Paris, fermeture des faux-
bourgs, de la Preuosté des Marchans, erection de la
Chapelle de Braque, rasement de maisons, de celle de
Sauois, & autres actes, fondation du College de
Forteret.*

*Lesz. Roy
de France.*



Charles sixiesme, cinquante deuxi-
me Roy, succeda à son pere Char-
les le quint l'an du monde cinq mil
trois cens quarante deux. de Iesus
Christ mil trois cens octante Il re-

*Creation
d'un Con-
nestable.*

gna quarante deux ans, & fut sacré Roy fort ieu-
ne: à l'occasion & pour le different de ses tuteurs,
le quatriéme iour de Nouëbre, Loys Duc d'An-
jou, le plus ancien de ses oncles, demeura regent
en France. Le Roy faisant son entree à Paris, deux
mil Bourgeois allerent au deuant de luy, en ha-
bits mipartis de blanc & de verd. Il crea Conne-
stable de France Oliuier de Clisson, de Bretaigne,
lequel fit edifier l'hostel de Clisson, ainsi dit de
son nom, qui auiourd'huy est nommé l'hostel de
Guyse.

*De Hu-
gues Am-
briot.*

L'an mil trois cens quatre vingts vn, les Esco-
liers & gens d'Eglise poursuuiuent en iustice, Hu-
gues Aubriot, homme bien venu à la Cour, & le-
quel estant Preuost de Paris, auoit edifié de grâds
& magnifiques œuures, & bastimens (Paul Emile
les explique) iceluy Aubriot mesprisoit lors les
Ecoliers & gens Ecclesiastiques, & les piquoit
& prouoquoit de paroles: l'Euesque de Paris,
estant monté sur vn eschafaut au Paruis nostre
Dame, declara ledit Ambriot, heretique, & par
sentence le condamna publiquemēt à perpetuel-
le prison: cetuy Ambriot auoit fait commencer
la Bastille, à la porte Sainct Anthoine, aussi les
murs de deuers la Bastille, tout le long de l'eau,
iusques au Bouleuert.

*Bastiment
faict par
ledict Am-
briot.*

Le pont Sainct Michel, sur Seine, ainsi nommé

pource qu'il adresse à la porte d'Enfer , ou Vauuert , que le Roy Charles sixiesme , fit nommer porte sainct Michel.

*Du pont
S. Michel.*

Le Petit-pont.

Le petit Chastelet, pour resister contre les cour ses des Escoliers, qui ribloient de nuict. Ces deux edifices furent bastis de la somme de dixhuiet mille escus, en quoy furent taxez & condamnez les Iuifs, lors demeurans à Paris, pour les cruautez & iniures qu'ils faisoient aux citoyens. Au parauant & d'antiquité y auoit tousiours eu Petit pont , & Petit-chastelet , aux lieux mesmes, mais il les fit refaire de neuf, pource qu'ils venoient en ruine. La commune de Paris, pour estre deschargee des tailles & impositions (nonobstant les remonstrances de Iean des Marets , Aduocat du Roy en la cour) apres auoir fait monopoles & assemblees , pilla les maisons des receueurs, fermiers & peagers espendit les deniers par les rues, deschira les papiers de compte , & tua plusieurs d'iceux collecteurs des tailles, autant en firent ils en quatre maisons des Iuifs.

*Du petit
Chastelet.*

*Es motion
pour raison
des tailles.*

De rechef le peuple de Paris se mutina pour la cueillette des tailles, à l'occasion que l'un des fermiers exigea vne obolle d'une pauvre femme, vendant du cresson. Les manouuriers & gens de mestier se mirent en armes, rompirent les portes de la maison de la ville, raurirēt les armures entre lesquelles estoient plusieurs maillets de plomb, desquels ils assommoient les receueurs & fermiers, sans mercy , iusques dans les Eglises, mesme ment en tuerent vn dedans l'Eglise Sainct Iaques

*Seconde es-
motion pour
la leuee d'u
ne obole:
d'ou vint
le mot de
maillotins.*

de la boucherie, embrassant l'image de la vierge Marie, & cela aduint l'an mil trois cens octante vn.

*Hugues
Aubriot
de luyré de
prison.*

Ce peuple se voulant ietter dás les fauxbourgs Saint Germain des Prez, les habitans luy resisterent: à cette occasion se ruerent és prisons de Chastelet, & de l'Euesque de Paris, d'où ils mirent hors les prisonniers, entre lesquels estoit le Preuoost de Paris Hugues Aubriot, qu'ils feirent leur capitaine: mais il s'absenta, & depuis ne fut veu.

*Debat en-
tre le Duc
de Bourgon
gne Et le
Duc d'An-
jou.*

Le Duc d'Anjou, & le Duc de Bourgogne eurent debat ensemble pour la priorité du lieu, pres la personne du Roy: le Duc d'Anjou se disoit l'aîné, & Philippes se disoit Pair de France, & Doyen des Pairs. L'an mil trois cens quatre vints & trois, le susdict Roy à son retour de Flandres, indigné contre les parisîés, entra en armes,

*Le Roy in-
digné cõtre
les Parisîés*

& ordre de bataille dans la ville de Paris. Les bouleuers & barrieres, qui estoient deuant la porte Saint Denis, furent rompus, & les portes mises en pieces.

*La clemen-
ce du Roy.*

Le Roy estant assis en vn trosne sur les grands degrez du Palais, deuant l'effigie de Philippes le Bel, fit parlementer au peuple illec assémblé, par Pierre d'Orgemont son chancelier: qui recita les rebellions mutineries & desobeissances des habitans de Paris, & le vouloir que le Roy auoit d'en faire punition.

Le peuple prosterné en terre, attendoit la iustice du Roy: mais les deux neueux du Roy, à genoux, le prierent qu'il pardonnast au peuple: semblablement les Princes en testes nues, gemif-

soint & ploroient pour impetrer sa misericorde. Le Roy esmeu de pitié pardonna à la ville, moyennant qu'il en fit mourir trois cens, & les autres baillerēt la moitié de leur bien pour payer les soldats & gens d'armes. En pareil cas le roy punit ceux de Rouan, & de quelques autres bonnes villes. Les chaisnes des rues & tous les bastōs & harnois de guerre furent prins & mis en la main du Roy: Aussi le susdict Roy deposa le Preuoſt des marchans & les Escheuins, les offices desquels ne furent restablis que cinq ans apres. Iean des Marets, Aduocat du Roy, aymé du commun, en porta la peine, & fut decapité avec douze autres. Audit an, mil trois cens quatre vingts & trois, le roy octroya lettres, par lesquelles appert que son vouloir estoit, que les faulxbourgs anciens d'entour Paris fussent clos & enfermez de gros murs, portes & fossez, & fussent reputez de ladicte ville, aussi que les habitans fussent iouissans des mesmes priuileges que ceux de la ville de Paris.

*Le Roy
deposa le
Preuoſt des
Marchans*

L'an mil trois cens quatre vingts & neuf, Isabeau de Bauieres Royne de France, faisant son entree à Paris: & passant sur le pont aux changes, tendu de tafetas bleu à fleurs de lys d'or, vn homme en forme d'ange vollāt, vint des tours nostre Dame, à l'endroiēt dudit pont: & comme la Royne passoit, luy mit vne couronne d'or sur la teste: puis par mesme subtilité retourna, comme fil eust vollé, au lieu d'oū il estoit party. Froissart en son troisiésme liure, faict vn long discours de cette entree, & recite que les presens que firent

*Entree de
la Royne
à Paris.*

*Vn hōme
vollant.*

les Parisiens, au Roy à la Roïne, & à Valentine, Duchesse de Touraine, en vn mesme iour montoient à six cens cinquante marcs d'or & d'argët, & estoient estimez selon le pris du temps, à plus de soixante mille couronnes d'or.

*Preuost des
Marchans
& Esche-
uins remis.*

L'an mil trois cens quatre vingts huiët, Jean Iu uenal des Vrsins, au lieu de Jean de Folleuille, qui exerçoit les offices des deux Preuostez de Paris, & des Marchans, fut crée par le Roy Charles, garde de la Preuosté des Marchans. Il recouura les libertez des Parisiens, parauant diminuees, & fit les fleuues nauigables, pour la descente des basteaux.

College de Forteret.

*College de
Fortet.*

Du viuant du Roy Charles sixiesme, & l'onzième an de son regne seant à Rome Boniface, à sçauoir, l'an de nostre salut mil trois cens nonante vn, fut basty pres le college de Montagu, & de Rheims, le college de Fortet, par Pierre de Fortet, chanoine de nostre Dame de Paris & sorty du pays d'Auuergne, & de la ville d'Orillac, & de la famille illustre des Fortets. Je laisse à part vne infinité d'autres colleges lesquels sont en cette vniuersité, partie pour estre nouueaux en fondatiõ, partie à cause qu'il n'y a point d'exercice, pour toucher simplement ceux qui sont frequentez des Escoliers, pour le bon ordre qui y est, & les hommes de sçauoir, qui ordinairement y repaierent, tels que sont les colleges de la Marche, de Lisieux, Reims, Sainte Barbe, le Mans, Harcour, Iustice, Boncour, & celuy qu'on appelle la petite Sorbonne : la reedification du college se

verra au chapitre vingt huiët, cy apres.

En ce temps , Arnoul de Braque fit edifier la chapelle dite de son nom , Chapelle de Braque, *Chapelle de Braque.* où il gist au milieu d'icelle.

A costé du grand autel, est vne autre chapelle, où est vn sepulchre avec trois effigies d'un homme & de deux Dames.

Les Epitaphes sont tels.

Cygist noble & puissant seigneur messire Nicolas Braque , iadis seigneur de S. Maurice & de Chastillon sur Loing, Conseiller & maistre d'hostel du Roy nostre Sire , qui trespassa l'an mil trois cens quatre vingts & huiët , le treziesme iour d'Aoust.

Madame Ieanne de Tremblay , iadis femme dudit sieur, qui trespassa l'an mil trois cens cinquante deux , le treiziesme iour de Septembre.

Madame Ieanne la Bouteillere de Senlis, iadis femme dudit sieur, qui trespassa l'an mil trois cens septante six , le quatorzieme iour de Mars.

En ce temps , les Gouverneurs des finances du roy , pour espargner ses deniers, deliberent de

*Cerf du
Palais.*

faire vn Cerf d'or massif, & pour patron, fut fait celuy de bois qui est en la salle du Palais entre deux pilliers, & deslors fut commencé la teste & le col seulement, faits de fin or.

*Biens con-
fisquezz.*

L'an mil trois cés quatre vingts douze, pource que messire Pierre de Craon ne voulut cōparoïr à Paris, en iugement, pour les naureures par luy faits faire, en la personne d'Oliuier de Clifson, Connestable, il fut banny, & ses biens confisquezz, & par le commandement du roy, ses belles & spacieuses maisons, pres l'Eglise Sainct Iean en Greue furent abatues & rasees, & le fons fut deputé à la sepulture des paroissiés. Le roy Char-

*Le Roy
presque
bruslé.*

les sixiesme vestu, avec aucuns de ses familiers, en feinte d'homme sauuage, & dançant aux torches, en la maison de la royne Blanche, à Sainct Marceau, fut en dāger d'estre bruslé, sans vne Damoiselle, qui l'affubla de son manteau. La maison, pour certe cause fut rasee rez pieds rez terre. L'an mil trois cens quatre vingts treize, le roy donna deux cens marcs d'or, pour faire la chasse Sainct. Loys.

*Don du
Roy.*

*Concille
prouincial.*

Concile Prouincial, fut assemblé à Paris, pour offer le scisme de l'Eglise, & deposer deux Papes, contendans à qui le seroit: en ce faisant l'vniuersité de Paris, se monstra auoir grand autorité, iusqu'à sentencier le Pape Benoist, de renoncer à la dignité.

*Venue de
l'Empereur*

L'an mil trois cens quatre vingts dixneuf, Paleologue, Empereur du Constantinople, vint en France, fit son entree à Paris, & logea au Louure, maison royalle.

L'an mil quatre cens quatre, l'vniuersité de Paris faisant procession à Sainte Catherine du Val des Escoliers, vn page de la maison de Sauoisy, cheuauchant vn cheual, escaillbota vn Escuyer, de la bouë du ruisseau, de quoy indigné, frappa le page, lequel secouru de ses compagnons, l'vn d'iceux tira vne sagette, iusques au grand autel de l'eglise Sainte Catherine, comme on vouloit chanter Messe. L'vniuersité, qui estoit alors en grand credit, pourchassa tellement la reparation de l'iniure, que la maison du Cheualier, Councillier & Chambellan du Roy, fut rasée iusques à terre, & luy banny. Toutesfois estant de retour en France, obtint lettres du Roy en date du quinzième iour de Septembre, l'an mil quatre cens six : par lesquelles luy fut permis de faire reedifier sa maison, par le consentement de ladicte vniuersité : laquelle neantmoins fut long temps deserte & en ruine, iusques au temps du Roy François, qu'elle fut reedifiée: & se nommoit alors la maison du Thresorier Morlet. L'vne des grandes portes d'icelle est muree, & dessus est escrit le faict ainsi qu'il s'ensuit.

Cette maison de Sauoisy, en l'an mil quatre cens quatre, fut desmolie & abbatue par Arrest, pour certains forfaicts & excès commis par messire Charles de Sauoisy, (cheualier pour lors, seigneur & propriétaire d'icelle maison, & ses seruiteurs,

*Maison de
Charles de
Sauoisy rasée
& luy
banny.*

à aucuns escoliers & suposts de l'universi-
te de Paris, en faisant la procession de la-
dicte université à Sainte Catherine du
Val des Escoliers, pres dudit lieu, avec au-
tres reparations, fondations des chapelles,
& charges declarees audict Arrest, & a
demeuré desmolie & abbatue l'espace de
cent douze ans, & iusques à ce que ladicte
Vniuersité de grace especial, & pour cer-
taines causes a permis la reedification d'i-
celle, aux charges contenues & declarees
és lettres sur ce faictes & passees à ladite
vniuersité en l'an mil cinq cens dixsept.

*Loys Duc
d'Orleans
occis.*

L'an mil quatre cens sept, le vingt deuxième
iour de Novembre, Loys Duc d'Orleans, frere
du Roy, fut occis de nuict, à Paris, au pourchas
du Duc de Bourgogne : & fut inhumé aux Ce-
lestins, comme il est dict cy dessus. En cét an, les
riuieres ayant esté gelees, par la grand froidure
d'hyuer, au degel les glaçons rompirent tous les
ponts de Paris, & ruinerent & desmolirent plu-
sieurs maisons des pays bas.

*Ponts de
Paris rom-
pus.*

*Iustice de
deux Es-
coliers.*

L'an mil quatre cens huit, messire Guillaume
de Tignouille, Preuost de Paris, fit pendre deux
escoliers, homicides d'un meschant homme: l'un-
niuersité de Paris le pourchassa tellement, qu'il

fut condamné à faire despendre du gibet les deux corps morts, les baïser en la bouche, & les faire porter en l'Eglise des Mathurins, le conducteur du chariot estre vestu d'un surplis de prestre, luy estant sur le cheual. La sepulture se voit au cloistre des Mathurins. L'epitaphe est tel.

Hic subtus iacent Leodegarius du Monsel de Normania, & Oliuerius Bourgeois de Britania oriundi, clerici scolares quondam ducti ad institiam secularem, ubi obierunt, restituti honorificè & hic sepulti, Anno domini M. cccc. viij. die xvj. mensis Maij.

L'an mil quatre cens neuf, le Roy Charles sixiesme, confirma les lettres donnees par son pere aux Bourgeois de Paris, touchant la iouissance & priuilege de tenir fiefs & arrierefiefs, vsr des droits de noblesse, à sçauoir, selon les merites & facultez des personnes, prendre les armes de Cheualier, auoir brides d'or, esperons dorez, & autres accoustremens appartenans à l'estat de Cheualerie.

L'an mil quatre cens dix, le Duc d'Orleans assiegea le Duc de Bourgongne, dans Paris. La paix s'en fit au Chasteau de Vincestre. Auparauant environ l'an mil quatre cens neuf. Le Duc de Bourgongne tout armé & enuironné d'une grosse compagnie de gës bien armez & equippez, vint au Parlement, contre la veue de Valentine pour defendre son faict, comme licite & raisonnable, ce qui ne fut pourtant ainsi trouué, toutesfois par craincte luy fut pardonné: Guillaume de Baviere, pour faire la paix entr'eux, s'en alla à Char-

Confirma-
tion de pri-
uilege.

Siege à
Paris,

tres: ce different à long temps duré entre les deux maisons, & pour peu de chose.

*Sédition
par vne cō-
gagnie de
Bouchers.*

*Siege à
Paris.*

L'an mil quatre cens vnze, Pierre des Essars, Preuost de Paris, tenant le party du duc de Bourgogne, leua vne compaignie de Bouchers, à Paris, le Capitaine desquels estoit nommé Caboché. Ils tenoient toute la ville en crainte, & firent mourir aucuns nobles, du party du Duc d'Orleans: Alors pour la guerre ciuile & faction, ou ambition de ces deux Princes, Paris, & autres lieux de France, souffrirent & endurerent beaucoup. De rechef fut Paris assiegé par le Duc d'Orleans, où se firent plusieurs courses del'un & de l'autre party.

*Reduction
de la Pre-
uosté des
Marchans*

Audit an, mil quatre cens vnze, le Roy Charles sixiesme, se tenant ordinairement à Paris, octroya lettres de reduction de la Preuosté des Marchans & Escheuins, aux manans & habitans de la ville de Paris, & pour iouyr perpetuellement les remit en leurs maison de ville, confirma leurs offices, ensemble les offices du Clerc, du Greffier, & des Sergens du Parlouier aux Bourgeois: pour iouyr par eux de la iurisdiction, cohercion, cognoissance, rentes, reuenus, possessions droicts, honneurs, Noblesses, prerogatiues, franchises, libertez & priuileges d'ancienneté: Icelles lettres sont en date du vingtiesme iour de Ianuier, auquel iour fut esleu pour Preuost des Marchans, sire Pierre Gentien.

Les esleuz & ordonnez Escheuins, furent, Maître Iean de Troyes, Iean de l'Oliue, Denys de S. Yon, Robert de Bellon.

Audit an,

Audit an , mil quatre cens vnze , fut edifiee la chapelle de l'hospital Sainct Geruais , ainsi qu'il est escrit dans icelle. L'an mil quatre cens douze, le vingt troiefieme iour de Feurier , les Preuofts de Paris, & des Marchans, furent fuspens de leurs offices. L'an mil quatre cens treize , au moys de May, la compagnie des bouchers, avec leur capitaine Iean Caboché, se mirent sus de rechef, avec le commun de Paris , de tous lesquels estoient conducteurs le seigneur de Iaqueuille, & maistre Iean de Troyes, Chirurgien : Et partans de l'hostel de la ville, assiegerent la maison de monsieur le Dauphin, Duc de Guyenne , & emmenerent, par force , plusieurs nobles Cheualiers & Escuyers, seruiteurs du Dauphin, qu'ils emprisonnerét en l'hostel d'Artois, le Duc de Bourgongne present, à qui la maison appartenoit. Pierre des Effarts, Preuoft de Paris, s'estant par crainte, mis en la Bastille , en fut tiré par douces promesses du Duc de Bourgongne, & mené en la grosse tour du bois, pres le marché aux moutons, vis à vis de la porte de Nesle, & pour les cas à luy imposez (à tort ou à droict) comme d'auoir prins plusieurs offices , vendues à son profit , & amoindry les monnoyes , fut decapité, & depuis enterré aux Mathurins. Deux autres Gentilshommes de la maison du Dauphin, l'un mort en prison, & l'autre vif, furent decapitez aux halles, tout par l'ordonnance & autorité desdicts bouchers , sostenuz du duc de Bourgongne: Henry de Marle, President en Parlement, & Iean Iuuenal des Vrsins , accompagnez des Citoyens & Bourgeois

*Hospital
Sainct
Geruais.*

*Les Pre-
uoft suspës.*

*Les bou-
chers assie-
gerent la
maison du
Dauphin.*

*Iustice de
Pierre des
Effarts pre-
uoft de
Paris.*

*Harant
gue auroy.*

de Paris, feirent vne harangue & plusieurs remon-
strances au Roy, à monsieur le Dauphin, & aux
princes de son conseil, touchant les seditions
qui se faisoient en la ville de Paris, dont à la fin
s'ensuiuroit la ruyne du Royaume: à cette occa-
sion le Dauphin se monstra le plus fort dans la
ville voyant estre supporté des habitans, & d'un
courage magnanime print les armes en main,
mit les nobles, qui estoient prisonniers, Dames
& Damoiselles, hors de prison que les bouchers
y auoient mis: lesquels bouchers se voyans affoi-
blis, s'en fuirent és pays du Duc de Bourgogne.
Le dixneufiesme iour d'Aoust, audit an, mil qua-
tre cens treize, le Roy donna lettres d'abolition
des excès faits à Paris par le discord de ces deux
Princes.

*Lettres d'a-
bolition
d'excès.*

Celle mesme année, fut esleuee dans l'Eglise
nostre Dame de Paris la grand'Image de saint
Chrestofle, deuant laquelle Image est l'effigie
d'un Cheualier, à genoux, au dessous duquel est
escrit.

*L'images.
Chrestofle à
nostre Da-
me de Pa-
ris.*

C'est la representation de noble homme messie-
re Anthoine des Essarts, Cheualier, iadis seigneur
de Tieux, de Glatigny, au val de Galie, Conseiller
& chambellan du Roy nostre Sire, Charles sixies-
me de ce nom: lequel cheualier fit faire ce grand
Image, en l'honneur & reuerence de monsieur
Saint Chrestofle, l'an mil quatre cens treize.

*Ordonnan-
ces pour les
boucheries.*

L'an mil quatre cens seize, le Roy Charles six-
iesme decreta lettres par lesquelles ordonna que
la grand boucherie de Paris seroit abbatue & des-
molie, avec le corps de la communauté des bou-

chers, & seroient faictes quatre boucheries nouvelles, vne vis à vis de Sainct Leuffroy L'autre en la halle de Beauuais, La troisieme, à l'entour des murs du cimetiere sainct Geruais, & la quatrieme à petit pont.

L'an mil quatre cens dixsept, Taneguy du Chastel, Preuost de Paris, avec vne armee de Parisiens, en haine du Duc de Bourgongne, s'en alla assiéger la cité de Sens. Ceux de dedans feirent composition de luy rendre la ville, & pour ce faire, baillerent ostages: mais eux aduertis que secours leur venoit du costé de Bourgongne, ne voulurent rendre leur ville au iour déterminé, à cette cause les ostages eurent les testes tranchees, & moururent pour leur pays.

*Siege à la
ville de Sens.*

La prinse de la ville de Paris, pour & au nom du Duc de Bourgongne, & des grandes seditions en icelle, de la domination des Anglois, le siege de la ville, Couronnement du Roy d'Angleterre à Paris, & autres Histoires.

CHAP. XX.

L'An mil quatre cens dixhuiet, le vingt-neufiesme iour du mois de May, Iean de Villiers, seigneur de l'Isle-Adam, au nom du Duc de Bourgongne entra dedans Paris, par la porte sainct Germain des Prez avec trois cens combatans, & de nuiet luy fit ouerture, Pernet le Clerc, serrurier, qui auoit desrobé les clefs à son pere. Le Dauphin avec ceux de son party, se sauua en la Bastille S. Anthoine.

*Surprinse
de la ville
de Paris.*

De Villiers criant Bourgongne par la ville tira droit à l'hostel S. Paul, où estoit le Roy, en malaise de son esprit, lequel il fit monter à cheual, le mena parmy la ville, à fin d'attirer à soy la faueur du peuple, & allât avec tel exercite de gés amassez par les maisons des grands seigneurs & Bourgeois, amis & seruiteurs du Roy & du Dauphin, fit vne grande tuerie : entre les autres furent occis le Comte d'Armignac, Henry de Marle, Chancelier de France, le Comte de grand Pré, & plusieurs autres Prelats, Barons, Cheualiers & Citoyens, iusques au nombre de quatre mil.

*Grand per
te pour s'e-
stre amu-
sez, à piller* Monseigneur le Dauphin estant allé iusqu' à Melun, retourna vers Paris, avec Pierre de Rieux, Marechal de France, & autres de sa compagnie, equippez de gens d'armes, lesquels entrans dans Paris, par la Bastille saint Anthoine, en esperance de recouurer la ville, mais estans paruenus, par la grand rue, iusques à l'apport Baudoyer, s'amuserent au pillage, dequoy les Citoyens irritez, les contraignerent eux retirer, & cesser leur entreprife.

*Chose di-
gne à re-
marquer.* Audict an, le troisieme iour de Iuillet, vn compaignon de guerre sortant d'une Tauerne en la rue aux Oues, par despit d'auoir perdu son argēt au ieu, frappa d'un cousteau l'Image de la vierge Marie, qui est encores au coing de ladite rue, derriere saint Magloire, laquelle Image rendit sang. Le malfaicteur fut puny audict lieu, auquel tous les ans, & à tel iour, on fait vn feu pour souuenance du miracle.

Au moys d'Aoust ensuiuant, le Roy confirma

à Guy de Bar l'office de garde de la Preuosté de Paris.

*Confirmation
degar-
de de la
preuosté.*

Celle mesme annee, la boucherie de Paris fut reestablie en sa premiere institution. Toutes choses se faisoient par l'autorité de Iean Duc de Bourgongne. L'an mil quatre cens dix neuf, Philippes, Duc de Bourgongne, apres que son pere eut esté occis à Montereau, liura la ville de Paris, à Henry Roy d'Angleterre, avec les pays de Brie, & Champagne, ensemble les personnes du Roy, la Royne, & leur fille Catherine estans à Paris.

*La ville de
Paris li-
uree aux
Anglois.*

En cette annee, le Parlement fut assis à Poitiers, par monsieur le Dauphin, & y fut dixhuiët ans, iusques en l'an mil quatre cens trente six, que Paris fut rendu à l'obeissance de son Roy naturel, Charles septiesme. En telle miseres & afflictions fut la ville de Paris regnant Charles sixiesme: iamais le Royaume de France n'auoit esté si trauaillé que sous le regne de ce ieune Roy, lequel departant ses biens à tout le monde, sans regarder à qui, vsoit d'une tresgrande prodigalité: puis estant en aage parfait, fut malade en son esprit, & lors plus que iamais les troubles & ambitions des Princes furent descouuertes les vns contre les autres, chose pitoyable pour le gouuernemët de la France.

*Le Parle-
ment à
Poictiers.*

Charles septiesme fut le cinquante quatriesme Roy, regnant en la France, il succeda à son pere Charles sixiesme. L'an du monde, cinq mil trois cens quatre vingts quatre. De Iesus Christ mil quatre cens vingt trois. Il regna trente huiëtans. Apres que le susdict Roy eut esté sacré à Reims, il

*Charles 7.
54. Roy
de France.*

*Les gouver-
neurs de
Paris.*

*Siege par
le Roy de
France de-
uant la ville*

*De Ieanne
la pucelle.*

dressa son armee vers Paris , dans laquelle estoit le Duc de Bethfort, regnant en France, au nom du roy d'Angleterre, lequel voyant que la fortune fauorisoit au Roy Charles & voullant aller donner ordre aux affaires de Normandie, laissa le gouuernement de Paris à Loys de Luxembourg, Euesque de Therouenne que les Anglois appelloient chancelier de France, à Iean Racher cheualier Anglois, & à Simon Morthier, preuost de Paris, avec deux mil hommes d'armes en garnison. Le Roy Charles poursuiuant sa fortune, estât à Sainct Denys en France, fit asseoir son camp au village de la Chapelle, contre lesquels les Parisiens sortirent & combattirent par plusieurs fois. Le Duc d'Alençon avec sa compagnie alla mettre le siege deuant la porte Sainct Honoré, & de primfaut emporta le bouleuert, basti contre la porte, ce fut l'an mil quatre cens trente.

En ce costé y auoit doubles fossez, & entre les deux vne butte à dos d'asne: les François s'estans faits maistres du premier, s'efforcerent de toute leur puissance, par la conduicte de Ieanne la Pucelle, de gagner le second fossé, plein d'eau, le remplissant de bois, pierres, terres & autres choses, pour ioindre à la muraille: mais en ce combat fut tiré vn coup de traict, par vn de ceux de dedans, dont la pucelle fut nauree en la cuisse, au moyen dequoy la retraite fut sonnee, & l'entreprinse faillie. Cela aduint en l'an mil quatre cens trente.

L'an de grace mil quatre cens vingt neuf. Le Dimenche dixneufiesme Iour du Mois de Iuin,

fut dediee L'Eglise parrochiale de Saint. Laurens, lez Paris, par Reuerent pere en Dieu, Jacques, Euesque de Paris, estant curé dicelle messire Richard chrestien, Lequel Euesque a laissé pour chacun iour d'icelle dedicasse, celebrec par chacun an le Dimenche deuant la saint Iean, & des festes qui ensuiuent, assauoir de la natiuité, Circoussion, Resurrection, Assention, Penthecoste, le S. Sacrement, la commemoration de tous les Saints, & des cinq festes de la vierge Marie, 40. iours de vray pardon & aux biens faicteurs qui visiteront ladicte Eglise & donneront de leurs biens 840. iours de vray pardon.

*Del'Eglise
S. Laurens*

Ceste Eglise a esté presque toute rebastie de nostre temps, & est quasi parfaite en cest an mil cinq cens octante cinq. Le tout par les aumosnes & charité des Bourgeois de Paris & habitans des Fauxbourgs d'icelle: De la premiere fondation d'icelle Eglise ie nay peu trouuer autre memoire que ce qui est cy dessus: messieurs les moynes Religieux de Saint martin, ont quelque droit sur ladicte Eglise & certains Iours de l'annee y viennent chanter le seruice diuin.

L'an 1430. sous le nom de Henry Roy d'Angleterre, commença le Parlement à Paris, le lendemain de la Conception nostre Dame. Toutes lettres de Chancelleries s'expedioient en son nom, estans seellees d'un seau de cire à doubles armes, de France & d'Angleterre, dont il s'intituloit Roy, & son image estoit de l'autre costé. Aussi durant cette tyrannie, furent publices les ordonnances de Chastelet, en l'an mil quatre cés

vingt cinq, lesquelles se doiuent lire en l'auditoire par chacun an, le lendemain de Quasimodo.

*Couronne-
ment du
Roy d'An-
gleterre à
nostre Da-
mede Paris*

L'an mil quatre cens trente & vn Henry sixiesme du nom, Roy d'Angleterre, aagé de douze ans, estant passé en France, apres le trespas de son pere, vint à Paris, en bonne compagnie d'Anglois, & fut couronné Roy de France, par le Cardinal de Vicestere, en la grand'Eglise nostre Dame de Paris: duquel Royaume vsurpé par luy à faux tiltre, il ne iouyt gueres longuement.

Reduction de Paris, au Roy de France, famine & pestilance en icelle, l'entree du Roy Charles septiesme, institution des Requestes du Palais, fondation des Coleges de Rheims, Lisieux & des Bons enfans.

CHAP. XXI

*Recoure-
ment de Pa-
ris, les An-
glois estant
à la ville,
mis à mort.*



N l'an mil quatre cens trente six, le comte de Richemont, Conneftable de France, ſçachant que les Pariſiens eſtoient ennuyez de la domination des Anglois, les fit pratiquer ſecrettement de rendre leur ville au Roy de France, moyennant qu'il leur promit les remettre en la grace du Roy, & impetrer pour eux lettres d'abolition de tout ce qui leur pourroit eſtre imputé à faute. Ces con- cluſions prinſes, le Conneſtable print avec luy le baſtard d'Orleans, le ſeigneur de la Suze, le Sei- gneur de l'Isle Adam, le ſeigneur de Carment, & autres Capitaines, & vindrent au poinct du iour à la porte ſainct Michel, aſſeant leur camp aux Chartreux, le Védredy prochain d'apres Paſques,

Michel l'Allier, Jean foraines, & quelques autres citoyens, aduertis de leur venue, comme le iour commençoit à luyre esmeurēt le populaire contre les Anglois : à iceux se ioignirent Thomas Pigache, Jean de saint Benoit, Nicolas Louuier & Iaques Berger, hommes de nom qui tuerent partie des Anglois, & les autres mirent en fuitte, faisant beaucoup de prisonniers : les chaisnes de fer furent tendues à chasque coing de rue & carrefour de la ville, de façon que l'on trenchoit le chemin aux Anglois fuytifs, qui ne sçauoient où se sauuer, tant de ceux qui les pourfuyuoient par les rues, que des pierres, thuiles, bois & autres matieres qu'on leur iettoit des maisons. La tuerie fut grande, & le Chancelier des Anglois Vilbie, capitaine & Simon Morchier, preuost de Paris, euitans le fureur du peuple, se retirerent en la Bastille Saint Anthoine. Le bruiet & clameur du dedans la ville paruint à l'ouye du Connestable & des François, lesquels cognoissans que la deliberation sortoit à effect, les vns rompirent les portes Saint Iaques & Saint Michel, monterēt par dessus les murailles, les autres entrerent par basteaux dans la ville, sans faire meurtre : & tous d'une volte assiegerent la Bastille, que tenoient les Anglois : lesquels despererez de leur salut se rendirent, & s'en allerent en pleine liberté par dehors les murailles, dont ils furent mocquez & iniuriez du peuple. Tost apres que le bruiet fut apaisé, & que les François furent Seigneurs de la ville, les cloches commencerent à sonner & en routes les Eglises, pour rendre graces & louāges

*Deffaitte
des Anglois.*

*La Bastille
assiegee.*

à Dieu fut chanté *Te Deum laudamus*, Le soir on fit les feux de ioye. En memoire de cette reduction messieurs les Preuosts & Escheuins de la ville avec la cour de Parlement, messieurs des Comptes & plusieurs autres officiers, vont à l'Eglise nostre Dame de Paris, tous les ans le premier Vêdredy d'apres Pasques, & font chanter le mesme cantique.

*Prieres qui
se font tous
les ans.*

*Les habi-
tans de Pa-
ris affliges
de famine.*

Peu apres, les Parisiens furent persecutez de famine & pestilence, & tout le territoire affligé de la cruauté des gens de guerre: au moyendequoy, peuple innumerable mourut à l'hostel Dieu de Paris: dont espouuëtez les principaux de la ville, se transporterent en autre lieux, & n'en demeura que trois pour la garder, à sçauoir Adam de Câbray, premier President, Ambrois de Lore, Preuost de Paris, & Simon Charles, President des Comptes: à ces causes elle demeura bien deserte: outre plus à ces maux s'adiousta la course des Loups continuellement dedans la ville, apres qu'ils eurent deuoré plus de quatre vingts-hommes par les champs, lesquels firent de grands dommages aux personnes, & aux biens des citoyens: n'osoit on aller de nuict par la ville. Pour reprimer cette rage louuine fut par Edict constitué, que pour chasque loup qui seroit prins, les preneurs auroient vingt tournois, des deniers du Roy, outre le salaire publique, que le peuple de son bon gré contribuoit.

*La course
des loups
dans Paris.*

*College de
Reims.*

Entre les maisons qui sont seignalees est le College de Reims, assis au haut de l'Vniuersité, & non loing de celuy de Montagu, & fut iadis l'ho-

ftel du Duc de Bourgogne, mais Philippes comte de Neuers, & depuis Duc de Bourgogne, le vendit l'an mil quatre cens douze, & le douzième de May, à vn Archeueſque de Reims, qui le fonda en college, d'où eſt venu que la collation de la principauté de cette maiſon appartient à quiconque ſoit Archeueſque de Reims. Quand au college de Liſieux, il a eu diuers fondateurs, & nommément les trois qui ſ'enſuiuent, leſquels eſtoient freres, à ſçauoir Guillaume d'Eſtouteuille, Abbé de Feſcamp, & Colard d'Eſtouteuille, cheualier & ſeigneur de Torcy, & voulurent iceux freres, fondateurs, qui ont donné & renté cette maiſon, qu'on l'appellaſt le college de Torcy, ainſi qu'il ſe recueille des teſtaments des ſuſdicts Eueſques & Abbé, daté l'un de l'annee mil quatre cens quatorze, & huitième de Decembre, & l'autre de l'an mil quatre cens vingt deux du douzième d'Octobre: & ordonné par arreſt de la Cour, que il ſera appellé de Torcy, dit de Liſieux. Les maiſons où eſt baſty ce college appartenoiēt à l'Abbé ſaincte Geneuiefue, mais le ſuſdit Eueſque les acheta, y commençant la fondation, laquelle ſon frere, executeur de ſon teſtament, pourſuyuit ce que l'autre laiſſa imparfait en mourant, le ſuſdit Eueſque donna pluſieurs des fiefs & biens qu'il auoit de ſon patrimoine, à fin d'obuiuer aux querelles & proces qui pourroient puis apres eſtre meuz par ſes ſucceſſeurs: y ayant donc deux fondations, la premiere, qui eſt celle de l'Eueſque, precede les teſtaments, & la deuxieme, qui eſt de l'Abbé, executa la volonté de celuy qui auoit

*College de
Liſieux.*

commencé la susdicte fondation.

*Entree du Roy Char-
les 7. à Pa-
ris.* L'an mil quatre cens trente sept, le Roy Char-
les septiesme, fit son entree à Paris, le quatriesme
iour de Nouëbre, enuiron dix-huict moys apres
sa reduction. Auec le Roy estoient monseigneur

*Ordre de
l'entree.*

le Dauphin son fils, Messire Charles d'Anjou,
frere de la Roïne, monseigneur le Connestable,
le comte de la Marche, le comte de Vendosme,
le comte de Tancarville, le comte de Vertus, le
Bastard d'Orleans, & autres grands nombre de
Ducs, Barons & grands Seigneurs. Au deuant de
luy vindrent iusques à la Chapelle les Estats de la
ville, à sçauoir. Le Preuost de Paris, le Preuost des
Marchans, Escheuins, & Bourgeois : La cour de
Parlement, ja retournée de Poictiers à Paris, l'E-
uesque de Paris, le Chapitre & le Clergé, le Re-
cteur de l'Vniuersité avec les quatre facultez, la
chambre des comptes, & tous les autres estats.
Ainsi accompagné vint iusques à Sainct Ladre,
auquel lieu vindrent au deuant de luy quatorze
personnages, representans les sept vertus, & les
sept pechez mortels, montez sur diuerses bestes.

*L'ordre te-
nu à l'en-
tree du roy.*

A l'entree de la porte Sainct Denis, vn iouuen-
ceau en guise d'un Ange volant en l'air par artifi-
ce, luy fit present des clefs de la ville.

Le Roy estoit monté sur vn braue courfier, &
armé de toutes pieces, deuant luy on portoit son
heaume, sur lequel estoit vne couronne d'or, sa
cotte d'armes de veloux azuré à trois fleurs de
lys d'or. Son espee en escharpe semée de fleurs
de lys, le tout releué de broderie. Au deuant
estoiét les Herauts des Princes de son Royaume,

& d'autres Roys & Princes estrangers. Derriere venoient mille Archers, avec les Gentils-hōmes. Suyuoit la bataille conduite du Bastard d'Orleans, laquelle estoit de huiēt cens lances, l'enseigne estoit semee d'estoilles d'or, avec l'image Sainct Michel. En tel & plus grande triomphe entra Charles septiesme, dans Paris, laquelle estoit tendue par tout de tapisserie. Deuant les Filles-Dieu y auoit vne fontaine à quatre tuyaux, l'vn fluoit de lait, l'autre de vin vermeil, le tiers iettoit vin blāc, & le dernier eau claire: & y auoit gens propres avec rasses d'argent pour en presenter à boire aux passans. Tout le reste des rues Sainct Denis & autres, estoient ornees de theatres, ieux, personnages, & representations selon que l'vsage de ce temps là le permettoit. L'an mil quatre cens cinquante, les Parisiens aduertis de la victoire des François, contre les Anglois à Formigny, assemblerent douze mil enfans masles, au cimetiere des Innocens, duquel lieu ils allerent en procession à nostre Dame de Paris, chacun portant vn cierge ardant en sa main, pour rendre graces à Dieu.

*Procession
solennelle.*

L'an mil quatre cens cinquante trois, le Roy Charles septiesme crea & institua la iurisdiction des Requestes du Palais Royal à Paris, le quinzieme iour d'Auril, & l'an de son regne trente-deuxiesme auant Pasques, comme plus amplement est declaré cy deuant à l'ordre du Palais Royal, & des officiers de la Cour de Parlement. Il fit aussi vne ordonnance, par laquelle les seize examinateurs, ou Commissaires du Chastelet de Paris,

*Les requestes
du Palais.*

*Creation de
seize Com-
missaires.*

*College des
bons enfans.*

sont tenus , chacun endroict soy, de demourer aux seize quartiers de la ville, anciennement partis & diuisez sous seize quartiniers, pour s'informer des maluersations & crimes qui pourroient aduenir & en faire rapport à Iustice , à fin d'en faire punition. De son temps Iaques Cœur , de Bourges, marchant, & depuis argentier de France, fonda le college des Bons enfans, & la chapelle Sainct Cler en la rue sainct Honoré: en laquelle gist Messire Geoffroy Cœur, cheualier, son fils, qui trespassa l'an mil quatre cens vingt-huict.

*Du regne du Roy Loys vnziesme & autres ses succe-
seurs, des partialitez en Paris, pour le Roy, & le Duc
de Bourgogne, du siege deuant icelle ville, par les
Princes, des priuileges des Bourgeois, de la monstre ge-
nerale des habitans en armes, fondation du Monastere
de l'Aue-Maria, & autres histoires.*

CHAP. XXII.

*Le 55 Roy
de France.*

LOYS vnziesme du nom fut cinquante
cinquiesme roy de Frâce, fils de Char-
les septiesme, il succeda à son pere, l'an
du monde, cinq mil quatre cens vingt-
deux, de Iesus Christ mil quatre cens soixante, Il
regna vingt trois ans, & fut sacré à Reims, le quin-
ziesme iour d'Aoust. Or apres que le Roy Loys
vnziesme eut fait entree tres-magnifique en sa
ville de Paris, il fut aduisé de la rebelliō des Prin-
ces de France à l'encontre de luy: & voulât pour-
uoir à tel inconuenient, luy sembla pour le plus
expedient, d'enuoyer vers le Gouverneurs de Pa-

s, les sollicitier de leurs foy, loyauté, seruice & beiffance enuers luy, à fin qu'ils donnassent ordre, à ce qu'aucune sedition ne s'esleuast en la ville, dont les autres du Royaume pourroient prendre mauuais exemple.

Par cette remonstrance les Parisiens, enclins à l'amour de leur Roy, establirent guet en la ville, garde aux portes, dont aucunes furent estoupées, mesme celle de Bussy, qui a esté ouuerte du temps du Roy François premier, feirent racourcir les chaines és carrefours de la ville, & réparèrent leurs fortifications. On fit apres commandement aux Parisiens, d'auoir armures en leurs maisons, faire le guet dessus les murailles, mettre flambeaux ardents & lanternes aux carrefours des rues & fenestres des maisons. Le Roy fit son fort de leuer gens de guerre en l'vniuersité de Paris, mais Guillaume Fichet, Recteur, constamment luy contredist.

Le Comte Charles de Charolois, dressa son arce contre le Roy, puis il demanda aux Parisiens passage par dedans la ville, sinon se declaroit leur ennemy, ce iour estoient à la garde de la porte Sainct Denis, Pierre l'orfeure, & Iean de Popincourt Bourgeois, lesquels donnans responce aux herauts du comte, aduiserent les Bourguignons Sainct Ladre. Alors Ioachin Rouaut avec les Parisiens saillirent aux champs, & en tuerent plusieurs. Les artilleries de la ville les contraignit de retirer bien tost vers Montlehery, où depuis donna la bataille qu'on dit, La iournée de Montlehery. Apres ce conflict, le Roy se retira

Guet à Paris, & garde aux portes.

Somation aux habitants de Paris.

Iournée de Montlehery.

à Paris, où Guillaume chartier, Euesque de ladite ville, luy fit vne Oraison elegante, sur la police du Royaume : A cette cause furent esleuz pour le conseil de la Republique six conseillers de la cour, six de l'vniuersité, & six Bourgeois de Paris. Toutes les saules plantez au long des esgousts de la ville, furent coupez, la voirie de la porte saint Anthoine & saint Denis fut abbatue, & remparts furent faits au dedans des murailles.

Siege de la ville.

L'armee des Princes de Frâce, dont estoit principal conducteur le Comte de Charolois assiegea Paris, du costé Sainct Anthoine des champs. Le dict comte enuoya quatre lettres dans la ville: l'une aux Citoyens, l'autre au Parlement, les tierces au Clergé, & les dernieres à l'Vniuersité: à fin de leur notifier la cause de cette assemblee de guerre.

*Noms des
deleguez
qui furent
parler aux
Princes.*

La lecture faicte, furent enuoyez ambassadeurs de la ville, vers les Princes, à sçauoir au nom des Citoyens, Iean Choard, Lieutenant du Preuost de Paris, François Asser, & Arnaut l'Huillier. Du Clergé Thomas Courselle, Iean de l'Oliue, Docteur en Theologie, & Eustace l'Huillier. De la cour de Parlement, Iean Boulenger, Iean Sellier, & Iaqués Fournier. De l'Vniuersité, Iaqués Iuyn, Iean l'huillier, Iean de Montigny, & Enguerrand Parenty, Medecin. Ceux cy feirent leur legation vers les Princes, cōduits de Guillaume Chartier, Euesque de Paris : & estans en l'hostel de ville, annoncerent publiquement que l'intention des Princes tendoit au bien Public, & à fin que les affaires du royaume fussent plus sagement administrees

strees par le Roy qu'elles n'estoient ; & que la cause de prendre les armes estoit pour la protection des Citoyens, & quant à eux ils desiroiēt venir ensemble en la ville Royale , en laquelle on doit venir demander le iugement des François , & qu'à cette raison ils requeroient d'y entrer sans faire iniure à personne. A telles conclusions furent les Parisiens quasi sur le point de les accorder. En ces entrefaictes les soldats & compagnies , tant de pied que hommes d'armes, que le roy auoit laissez en garnison en ladite ville, de Paris, & pour la seureté & garde d'icelle, feirent monstre & reueue generale par les rues : par plusieurs iournees les Parisiens sortirēt de la ville sur les Bourguignons par les portes Sainct Anthoine, & Sainct Denis , & tousiours demeuroit quelcun de costé & d'autre. Les Ambassadeurs de Paris furent bannis & enuoyez en exil. Les compagnies de guerre, dont vne bonne partie estoient logez à Sainct Marceau (de la nation de Normandie) & estoient pour le seruice du Roy , l'vn d'iceux par contumelie appella les habitants de Paris Bourguignons , pour cette cause estant empoigné, fit amende honorable en l'hostel de ville, où il fut mené en chemise, la teste nue, vne torche ardante en la main : & apres s'estre desdit eut la langue persee d'un fer chaut.

*Monstrege
nerale des
soldats du
Roy.*

*Punition
d'un soldat*

Les hommes d'armes estoient logez dans la religion des Chartreux, où ils firent beaucoup de dommages.

Vne bataille se donna à Sainct Marceau, où y en eut beaucoup de prins & d'occis , des deux

parties.

*Gardes &
feux aux
carrefours,
pour l'in-
solence des
soldats.*

Le Preuost des Marchans assembla les principaux en l'hostel de ville, où fut ordonné que de nuit on feroit de grâds feux aux carrefours de la ville, & que chacū en son quartier feroit le guet en armes, pour contreuenir à l'insolence des soldats, logez par les maisons de la ville, qui se van- toient d'estre seigneurs des biens meubles de chafque hostel.

*Privileges
des bour-
geois.*

Après que la paix fut faicte entre le Roy & les Princes, les Parisiens luy feirent vn banquet sum- pteux en l'hostel de ville, où le susdict Roy rendit graces aux Bourgeois, de ce qu'ils estoient demou rez en foy permanente enuers luy, & leur donna de grands priuileges, à sçauoir, que les Bourgeois de Paris, ne doiuent estre contraincts à loger par fourrier.

Que nul ne peut empescher ne retarder les vi- ures & marchandises qu'on ameine à Paris.

Que les Bourgeois de Paris, ayans fiefs ou ar- rierefiefs sont exempts d'aller, enuoyer, ou con- tribuer au ban & arriereban.

Qu'iceux Bourgeois ne sont tenus respondre, ny ne peuuent estre traits hors les murs & clo- stures de Paris.

Ce pendant que le Roy seiournoit à Paris, il donna la garde de la Preuosté de Paris à Robert de Touteuille cheualier, & en deposa Jaques de Villiers. De Iean de Nanterre premier President, il le crea second, & donna le premier lieu à Iean d'auuet : puis esleut aucuns citoyens de Paris pour ses conseillers. Toutes ces choses furent faictes

L'an mil quatre cens soixante cinq.

L'an mil quatre cens soixante six , par l'expres commandement du Roy , & en sa presence, les Parisiens firent monstre des gens deguerre, pour sçauoir quelle force auoit cette grande ville , & sortirent par la porte Sainct Anthoine , avec les enseignes desployees, furent trouuez en nombre soixante & dix mil hommes, aptes aux armes.

Les monstres des habitants de Paris.

De rechef fit faire vne autre monstre des habitants de Paris, lesquels sortirēt par la porte Sainct Anthoine, en la presence des ambassadeurs d'Arragon, lesquels furent nombrez cent quatre mil en armes.

Autres monstres.

Le Roy Loys onzieme, fit faire la Chapelle du Palais , où on chante la Messe de messieurs les Presidens , & y mit les Images de sainct Charlemaigne, & Sainct Loys, qu'il fit oster hors de leurs places & y en mit d'autres. Aussi il feit faire son effigie, à genoux, deuant l'Image nostre Dame, dedans la salle dudit Palais. Il commanda aux Parisiens de celebrer la feste Sainct Charlemaigne, & fonda perpetuellement à la sainte chapelle vne Messe par chacun iour , en l'honneur de Sainct Iean.

Chapelle qui est à la grand salle du Palais.

L'an mil quatre cens soixante vn, la maison & religion des Beguines, pres les Celestins, fut restauree & restablie de neuf, & fut nommee l'Aue Maria. Leans furent mises les Sœurs de Sainte Claire, de l'obseruance de Sainct François.

Conuent de l'Aue Maria.

L'an mil quatre cens soixante seize, le dixneuuesime iour de Decembre, messire Loys de Luxembourg Comte de Sainct paul, & Connestable de

Iustice de deux grans Princes.

France, fut decapité en la place de Greue, & son corps enterré aux Cordeliers. Aussi l'an mil quatre cens septante & sept, le vingt quatriesme iour d'Aoust, Iaques d'Armignac, Duc de Nemours, fut decapité en ladiète ville, & son corps enterré audiet conuent.

*Un clocher
brulé.*

L'an mil quatre cens quatre vingts trois, le clocher Sainte Geneuiefue, qui auoit duré neuf cés ans, fut entierement brulé de la foudre du Ciel.

*Assiette
des postes.*

En ce mesme temps, l'assiette des postes, & les logis à trouuer cheuaux pour courir, furent premierement ordonnez en France par le susdict Roy.

*Institution
des Cheua-
liers de
l'ordre*

L'an mil quatre cens soixâte neuf, le Roy institua & crea les Cheualiers de l'ordre Sainct Michel.

Edifices sous le Roy Charles huietiésme, punition d'un sacramentaire, fondation des Colleges de Montagu, de Clugny, du Plessy, & du college de Marmoutier, institution des Filles Penitentes, desbordement du fleuue de Seine, & erection de la Chambre du Thresor.

C H A P. X X I I I.

*Le 56. roy
de France.*



Charles huietiésme, fils de Loys, cinquante sixiésme Roy, succeda à son pere. L'an du monde cinq mille quatre cens quarante trois, de Iesus Christ, mille quatre cens octante trois. Il regna quatorze ans : Au moys de Iuin fut sacré & couronné Roy, ayant presque quatorze ans d'aage, il fit son entrée à Paris l'an mil quatre cens quatre vingts & quatre.

L'an mil quatre cens quatre vingtz cinq, fut *Bastiment*
commencé à bastir l'hostel assis entre la chambre *faict.*
des Comptes & la maison du Roy, sur le chemin
par où on va en l'Isle du Palais, ainsi qu'il est es-
crit en lettres d'or & dazur dessus l'une des por-
tes dudiect hostel.

*Les lettres d'Or dient l'annee,
Que l'œuvre fut encommencee.
Au temps du Roy Charles le huit
Cestuy hostel si fut construit.*

Les lettres d'or nombrables de ce distique, sont,
V. M. V. I. C. I. L. C. V. I. L. I. V. C. V. I.

L'an mil quatre cens quatre vingts treze, Jean
L'anglois, prestre Heretique, osta l'Hostie & le
calice de dessus l'Autel où on chantoit Messe,
en la chapelle Sainct Crespin & Crespinian, dans
la grand Eglise de Paris, & la jetta par terre. L'in-
iure reparee enuers Dieu à la possibilité & deu-
otion des hommes, mesmement du clergé, le sacra-
mentaire fut degradé & bruslé au marché aux
pourceaux. Jean Standon, Docteur en Theolo-
gie, se mit en deuoir de le pouuoir conuertir.

L'an mil trois cens quatorze, par reuerend pere
Gilles Esselin, Archeuesque de Rouan, sorty de
la maison & famille de Montagu, autremēt nom-
mé Listenoys: cestuy acheta la place, de l'Abbé &
conuent Sainct Geneuiefue du Mont, avec tous
les cens & dependances d'icelle, sauf qu'il paya
quelque petite somme annuelle pour recognois-
sance: cette maison d'estude s'appella vn long

*Pénitien
d'un sacra-
mentaire.*

*Premiere
fondation
du College
de Montagu.*

téps des Effelins, & depuis, la coustume luy donna le nom de la famille de laquelle le fondateur estoit descendu, & la nomma l'on le College de Montagu.

*Seconde
fondation.*

Or cette premiere fondation aneantie, la seconde aduint l'an de grace mil trois cens nonante huit, sous vn Cardinal, Euesque de Laon, & forty de la race du premier fondateur, lequel y mit six boursiers, & mourant, donna la charge de cecy à l'euesque d'Eureux qui feit ses statuts que les boursiers deuoient garder, les soumettât à la visitatiõ & reformation de messieurs les chanoines nostre Dame de Paris, & des Chartreux.

Iean Standoc instituteur des Capettes de Montagu.

La troisieme fondation, ou restauration de celle maison collegialle fut faicte l'an de nostre Seigneur mil quatre cens octante, par vn principal nommé Iean Standocq, homme de sainte vie, Docteur en la sainte faculté de Theologie, & seigneur de Villette: cestuy fut le premier qui institua l'ordre des pauvres de Montagu, qu'on appelle Capettes receuant & nourrissant les pauvres qui abordoient & les faisant instruire aux lettres. Mais son reuenu ne suffisant pour la nourriture de si grand nombre de pauvres estudians, qu'il aduint que, l'an de grace mil quatre cens nonante deux, messire Loys Grauille, Admiral de France, soulagea l'indigence des pauvres de Montagu, & feit bastir le corps d'hostel où est la chapelle, & donna deniers, tant pour renter le college, que pour bastir le reste qui estoit en ruine.

L'Admiral de Grauille.

College de Clugny.

Entre les colleges fameux de Paris, pour les religieux saint Benoit, à esté celuy de Clugny, le-

quel fut fondé l'an de nostre Seigneur mil deux cens par Iuon, premier du nom, & Abbé de Clugny, lequel achetant la place, où se college est assis pres la rue de la Harpe & la porte Sainct Michel, laissa à son successeur, qui aussi s'appelloit Iuon, ou Yues, du nom, le moyen & la charge de bastir le susdict College, comme il feit, dediant l'Eglise en l'honneur de la vierge Marie, & y bastissant le cloistre en partie, le chapitre & la Bibliothèque. Au reste ne faut estimer que tout le corps de cette maison ne fut edifié par les Abbez susdicts, ains y auoit des bastimens anciens, & ce cy des le temps des Romains, & des premiers seigneurs Gaulois, ainsi que l'antiquité du lieu le demonstre.

Ce College du Plessy fut aussi fondé en la rue Sainct Iaques, presque du mesme temps que la premiere institution de Montagu : faut sçauoir qu'en l'an de nostre Seigneur mil trois cēs vingt deux, il y eut vn bon seigneur nommé Geoffroy du Plessy Notaire du saint Siege Apostolique de Rome, & Secretaire du Roy Philippes, surnommé le Long, Roy de France, & de Nauarre, lequel au moys de Ianuier sous le pontificat de Iean, vingt deuxiesme, & par l'autorité d'iceluy, fonda le college surnommé, & le doüa des rentes contenues à la fondation, & depuis s'alla rendre religieux de l'ordre Sainct Benoist, à Marmoutier, lez Tours, il fonda aussi le college en la rue saint Iaques, qui porte le nom de ladicte Abbaye de Marmoustier, & eschantilla les richesses de sa premiere fondation, pour en auätager la secōde.

*College du
Plessy.*

*College de
Marmou-
stier.*

*Consuet
des filles
repenties.*

L'an mil quatre cens quatre vingts & douze, par la predication de Iean Tisserant, Cordelier, fut commencé, à Paris, l'ordre & religion de la Magdelaine, des femmes & filles pecheresses cōuerties à penitence, & leur fut donnee la maison d'Orleans: elles sont de present appellees les filles repenties, mais de present on les a mises où estoit l'Abbaye Sainct Magloire, à la rue Sainct Denis, & les religieux ont esté (ainſi que dict est) trāsportez hors la ville, en l'Eglise Sainct Iaques du haut pas.

*Desborde-
ment de la
riuiere de
Seine.*

L'an mil quatre cens quatre vingts seize, le fleuve de Seine se desborda iusques dans la rue & maisons de la Megifferie, & autant ailleurs, en sorte que le lieu de la vallee de misere estoit couuert d'eau iusques à la porte de Paris: pour souuenance de cela, fut engraué dans vne pierre estant à vne maison faisant le coing de la megifferie en ladiète vallee ce que s'ensuit.

*Mil quatre cens quatre vingts seize,
Le septiesme iour de Ianuier
Seine fut icy à son aise
Battant le siege du piller.*

Depuis ce temps là, les maisons de la vallee de misere, aboutissans deuant Sainct Leuffroy ont esté basties: parauant c'estoit voirie.

*Chambre
du Thresor
erigee.*

Iceluy Roy, Charles huictiesme, erigea la chambre du Thresor à Paris, dans l'enclos du Palais, & y mit cinq Conseillers.

Le Roy François premier en a depuis créé trois

autres, qui font le nombre de huit, il en est plus amplement traicté au chapitre où il discourt du parlement de paris.

Du Roy Loys douzieme, & de ses ordonnances, la ruine & reedification du pont nostre Dame, decoration de la grand chambre de Parlement, edifices de l'hostel de la chambre des Comptes, & de la fondation du couuent des Minimes, pres Paris.

CHAP. XXIII.

LOYS douzieme, comme le plus prochain, succeda à la couronne apres Charles huitieme, & fut le cinquante septiesme Roy de France. *Du 57. roy de France.* L'an du monde cinq mil quatre cens cinquante neuf. De Iesus Christ mil quatre cens nonante sept. Il regna dixsept ans, & fut sacré à Reims, le xxvij. iour de May, son entree fut faicte à Paris le Lundy second iour de Iuillet.

Le susdict Roy fit plusieurs ordonnances pour la reformation de la Iustice, & interpreta les priuileges des estudes des Escoliers. *Ordonnances pour les Escoliers.* Toutesfois l'vniuersité sentant sa liberte greuee, fit plusieurs remonstrances en Parlement, pour modifier les status Royaux, & à ce qu'ils ne fussent publiez en icelle Cour: laquelle nonobstât telles remonstrances proceda à la publication, dont les Escoliers irritez firent congregation aux Bernardins, où fut conclud que defence seroit faicte à tous regens de colleges, maistres & maistresses d'escolles, de ne tenir escolles dans Paris, aux Pre-

dicateurs de ne prescher, & aux Medecins de ne subuenir aux malades.

Dequoy le Roy grandement courroucé vint à Paris accompagné de gens d'armes, ayant chacun l'arc tendu en la main, & le lendemain seant en Parlement confirma ses ordonnances.

Cheute du pont nostre Dame. L'an mil quatre cens quatre vingts dixneuf, le Vendredy deuât la Toussaints, vingt cinqiesme iour d'Octobre, le pont nostre Dame assis sur pieux avec soixante maisons dessus edifiees en tresbel ordre, & de mesme hauteur, vne heure deuant midy trespacha dedans la riuiere de Seine: quatre vingts deux ans apres auoir esté basti. Vn maistre charpentier ayant anoncé la future cheute à Iean Papillon, Lieutenant criminel, le denonça à la Cour de Parlement, laquelle ordōna ledict Lieutenant Cōmissaire, pour faire vider les habitās: lesquels effrayez de si soudaine ruine & perte de leurs biens & personnes, chacun se hastoit d'emporter ce qui luy appartenoit: Gardes furent mises aux deux bouts du pont pour empescher la voye aux passans à ce que nul ne tōbast au peril. A la cheute d'iceluy le cours de Seine fut arresté, & remonta contre mont dont quelques filles, estans en Glatigny, furent noyees: autres plus curieux de leurs biens que du salut de leurs personnes, perirent avec leurs meubles. Iaquies Piedefer Preuost des Marchans, & les Escheuins furent emprisonnez en la Conciergerie du Palais, par ordonnance de la Cour, tant pour gratifier le peuple, qui se plaignoit de son tresgrand interest adueni par leur faute, que pour chastier leur ne-

Filles noyees.

Le Preuost des Marchands emprisonné & priué de son office.

gligence, pour laquelle ils furent taxez & condamnerez en grosses amendes, & priez de leurs offices. La longueur de ce pont estoit de soixante & dix pas & quatre pieds, la largeur de dixhuit pas. Il estoit soustenu en sa largeur de dix-sept ordres de pieux & chacun ordre de trente pieux, chacun desquels auoit de grosseur vn pied en diametre, & en rondeur & circonference trois pieds & vn quart. Il se treuue au liure noir du Chastelet, lettres par lesquelles ledict pōt nostre Dame est donné à la ville de Paris, reserué au Roy le fonds de terre, la iustice haute, basse & moyenne, & qu'il n'y demeurera Changeurs ny Orfeures, avec obligation à icelle ville de le soustenir à ses despens.

*Liure noir
de Chaste-
let de Paris*

Depuis ce temps là iceluy pont a esté cōstruict & reedifié tout de pierre de taille, faisant six grandes arches esgales, dont les pilastres estans de la largeur du pont sont fondees sur pilotis, & sont renforcees des deux costez, selon le cours de l'eau en triāgle, faisant vne pointe pour empescher & rompre les glaces & autres choses qui pourroient porter nuyssance. Dessus sont edifiees par symmetrie & proportion d'architecture soixante-huit maisons, toutes d'une mesure & mesme artifice, de pierres de tailles & brique, chacune contenant cellier ou caue ouuoir, gallerie derriere, cuisine, deux chambres, & grenier: & aux maisons qui sont sur les pilles, il y a caue, & est chacune escripte selon le nombre de son rang en lettres d'or.

*Le pont no-
stre Dame
reedifié son-
de sur pil-
lots.*

Au milieu d'iceluy, qui est haut, sont les images de costé & d'autre de nostre Dame & Sainct De-

nis, avec les armes de la ville. Il est pavé ainsi que les rues, comme aussi sont les autres ponts, en sorte que les passans estrangers pensent estre en terre ferme. Brief, quant à la structure des ponts, c'est le seul chef d'œuvre de toute l'Europe, sous l'une des arches est escrit ce distique.

*Incundus geminos posuit tibi Sequana pontes,
Hunc tu iure potes dicere pontificem.*

Le conducteur de cet œuvre fut vn Cordelier Veronois, nommé *Ioannes Incundus*, fort sçavant architecte, & qui a aussi mis au deuant des Commentaires de Cesar les figures qui y sont.

Soit memoire, que le Samedi dixiesme iour de Juillet, mil cinq cens & sept, environ sept heures de soir: Par noble homme Dreux Raguier, Escuyer, seigneur de Thiouille, Preuost des Marchés, & sire Iean le Lieure, Maistre Pierre Paulmier, Nicole Segulier, & sire Hugues de Neuville, Escheuins de la ville de Paris: fut assise la dernière pierre de la sixiesme & dernière arche du pont nostre Dame à Paris, & à ce faire estoit present grande quantité de peuple de ladicte ville, par lequel pour la ioye du paracheuement de si grande & magnifique œuvre fut crié Noé, & grand ioye demenee, avecques Trompettes & Clairons qui sonnerent par longue espace de temps.

Le Ieudy vingtcinquiesme iour de Novembre mil cinq cens vng, fut faict l'entree de l'Archeduc Comte de Flandres, & de Madame d'Espaigne sa femme, à Paris & fut logé en l'hostel de Monsieur de Clerieux, pres des Augustins: le Dimanche ensuiuant apres auoir veu processions

*Le pont nostre Dame
acheué.*

du Recteur qui furent au monastere des Augustins s'en alla ledict Archeduc.

Le douziesme iour de Decembre audict an furent faites processions generales pour la paix faicte entre le Roy & ledict Archeduc.

Le dixseptiesme iour de Feurier mil cinq cens vn le Cardinal Archeuesque de Rouan Legat en France fist son entree Paris.

Le vingt septiesme dudict moys & an y eust emotion & mutinerie entre l'ordre des Iacobins & Cordeliers qui fut pour la reformation faicte par monsieur le Legat.

Du dixiesme iour de Mars ensuiuant fut prononcé l'arrest desdits Iacobins par lequel la Court à mis & met les appellations au neant sans amende & despens & ordonné que la sentence de monsieur le Legat seroit executee selon sa forme & teneur nonobstant oppositions ou appellations quelconques & que lesdits Iacobins excommuniez seront absouz en obeissant : sans preiudice du droict pretendu par l'Vniuersité de Paris, nonobstant ledict arrest, les Escolliers & autres entrèrent audict conuent, meirent hors d'iceluy & chasserent frere Iean cleret & quelque autres religieux tenant de force ledict lieu: Et à ceste cause fut enuoyé le Preuost de Paris ou ses Lieutenans, accompagnez de Sergens, la compagnee du Guet & autres Archers de ville, le tout es fins de donner ordre aux rebellions des Iacobins & Escolliers.

Le dernier iour de Iuillet cinq cens deux fut chantee Messe en l'Eglise Sainct Germain Lau-

xerrois par vn Prestre Grec de nation , la Messe dura l'espace d'une grand heure il fallust allumer par trois diuerfes fois la torche.

Le Vendredy vingt septiesme iour d'Aoust mil cinq cens trois, feste de Monsieur S. Loys, ainsi qu'un ieune prestre de la Sainte Chapelle disoit & celebroit messe en monstrant la sainte Hostie vn ieune clerc escollier de l'aage de vingt deux ans, natif d'aupres d'Abbeuille nommé Emond de la fosse, tenant la torche ou cierge & la chasuble du prestre, se leua & alla oster l'Hostie entre les mains du prestre qui la leuoit & monstroit, la ferra & brisa entre ses mains, incontinent fut pris battu & trainé hors de l'Eglise & iusques a bas des degrez sur le paué on luy fit deserrer la main & oster ladicte Hostie, & en tomba plusieurs petites pieces sur le paué qui furent amassees par gens d'Eglise.

Le dimenche vingt septiesme dudiect moys fut fait procession generale le Ieudy trente & vng iour ensuiuant fut commandé ieusner & fut deffendu de manger chair pour ce iour, le vendredy premier iour de Septembre furent faictes processions par toutes les paroisses, portant le S. Sacrement, & toutes les rues furent tendues & tapissees ainsi qu'un iour de la feste Dieu: le tout affin de prier Dieu, & pour reparer l'offence.

Le Mecredy sixiesme iour de Septembre lediect Emôd de la fosse heretique, par arrest de la court fut trainé sur vne claye au cul d'un tóbereau depuis l'huy de la consciergerie iusqu'au bout des degrez de la Sainte Chapelle, & la il cust le

poing dextre coupé & mené au marché aux pour ceaux ou on luy cuida couper la langue, il insista fort, fut brulé tout vif sans confession ny reconnaissance, iacoit qu'il fut assez admonnesté par Monsieur Standum, & autres gens de bien qui ny sceurent mettre remede.

Le Mecredy 20. iour de Nouembre mil cinq cens quatre, La Roynne fit son entree à Paris pour la seconde fois : elle auoit fait ia entree du temps de son premier mary le Roy Charles.

L'an mil cinq cens cinq fut tué le Duc d'Albanie aux ioustes qui se faisoient en la rue Sainct Anthoine.

Audit an en Avril apres Pasques fut plaidé : touchant le different meu entre le conuent des Cordeliers & le Preuost des Marchans de la ville de Paris pour le parlouer aux Bourgeois de Paris.

L'an mil cinq cens six , le siege & iurisdiction du Preuost de Paris, seant au chasteau du Louure, à cause de la ruyne des edifices du grand Chastelet, fut remise & restablie audict chastelet : lequel a esté réparé , tant des amendes prouenantes de Parlement, que de celles dudiect chastelet : c'est la grand'salle où sont les Procureurs , le deuant de laquelle aboutit vers Sainct Leufroy, où sont les images de nostre Dame, d'un Roy & d'une Roynne, le dessous est vouté par dessus le chemin publique de ceste salle , on va dedans vn autre bastiment, faict de brique , faisant le coing comme on descend en la vallee de misere , lequel a esté acheué l'an mil cinq cens cinquante : où est la Chambre des Commissaires.

Regnant ledict Loys douziesme, la grand' chambre de la Cour de Parlement, où sont plaidees les appellations verbales, fut sumptueusement decorée & enrichie d'or fin & d'azur, distinctement separez, selon les images, armoiries, frizures medalles, ouurages antiques, crotresques, manequins, bordures, & autres especes de figures entaillees à demy bossé, voyez au passage où il traite du Parlement.

A l'entree d'icelle chambre est la figure d'un lyon doré, ayant la teste baissée contre terre, & la queue entre les iambes, signifiant que toute personne tant soit grande en ce Royaume, doit obeyr & se rendre humble sous les Loix & iugemens de ladicte Cour.

Ledit seigneur Roy, fit edifier la Chambre des Comptes, ouurage tresmagnifique & excellent edifice: sur le deuant de laquelle se presentent en veüe cinq images, la premiere est Temperance, laquelle tient vn horloge & des lunettes, sous elle est escrit.

Temperantia. Mihi spreta voluptas.

La seconde est prudence, laquelle tient vn miroir & vn crible, dessous est escrit:

Prudentia. Conciliis verum speculor.

La tierce est Iustice, tenant vne balance & vne espee, & est escrit dessous elle:

Iustitia. Sua cuique ministro.

La quatriesme est force, qui embrasse vne tour, & tient de l'autre main vn Serpent, & est escrit sous ses pieds:

Fortitudo. Me dolor atq; metus fugiunt.

L'image

L'image du Roy est au milieu des quatre, vestu d'un manteau royal, & tient en vne main le sceptre du Royaume, & en l'autre la main de Iustice: Au dessous est escrit.

Ludovicus huius nominis duodecimus, anno sue etatis

X L V I.

Plus bas est ce distique.

*Quatuor has comites foueo, cœlestia dona innocuæ
Pacis prospera sceptragerens.*

Dessus le portail du premier perron des grands degrez de ladite châtre sont les armes de France, au dessus d'un porc espic couronné par deux cerfs volans, & au dessous est escrit.

*Regia Francorum probitas. Ludovicus honesti,
Cultor, & ætheræ religionis apex.*

Ledit seigneur Roy Loys douziesme acheta la maison peinte des gestes d'Hercules, pres des Augustins, laquelle auoit esté edifiée par vn Gentil-homme de Flandres, nommé Aluin, en ce lieu y auoit iadis vne voirie, le Roy François la donna depuis à messire Anthoine du Prat, Chancelier de France.

*L'hostel
d'Hercules.*

Le conuent & monastere des Freres Minimes, dits les Bons-hommes, de l'ordre de Saint François de Paule, Italien, qui viuoit du temps du roy Loys vnziesme, fut commencé à bastir de neuf, au regne du Roy Loys douziesme, l'espouse duquel Anne de Bretagne, & parauant femme du Roy Charles huitiesme, donna la place, qui estoit l'ancien hostel de Bretagne, dict Nigeon, pres le village de Chaliot, à vne lieue de Paris: l'Eglise dudit lieu fut bastie sous le Roy Fran-

*Conuent
des Freres
Minimes,
pres Paris.*

çois premier, au portail de laquelle au deffous de l'image nostre dame de pitié, sont escrits ces vers.

*Vigo expers naui & primeua nescia culpa,
Quæ Dominum ancilla & filia nixa patrem,
Hæreseôn pestes scelcrun contagia mundo
Hæc tibi diuina luce secare datum est.*

Au deffous sont deux armoiries ou escus, l'un de France & l'autre de Bretagne, & ces deux lettres, K. L. & plus bas les vers qui s'ensuyuent.

*Anna felicitis monimenta Britannica fulgent,
Octavi & Caroli & Lodoici lilia Regum.
Quorum animas sanctis precibus perducatur ad astra,
Christus, qui uiuis Rex est, iudexque sepultis.*

En ce temple, dans vne chapelle, est l'effigie d'une Dame, à genoux sur vn tombeau, representant l'espouse d'Anthoine du Prat, iadis Chancelier du Roy François premier, & depuis le trespas d'icelle Cardinal & Legat en France : au deffous sont escrits ces vers.

*Quis dedit hæc si quis querat: mihi grata secundi
Munera sunt nati qui regit ossa lapis,
Nobilis & generosa matrona, Francisca Veyni Epitaphium.*

*Hic Francisca tegor, clari quæ coniugis Vxor
Fœlix prole fui, & sanguine clara meo.
Me pietas calo & terra dat viuere proles,
Vitam ergo geminam mors dedit vna mihi,
Sex animam post lustra Deo, quam præbuit ille,
Restitui: & tellus, quæ dedit ossa tenet.*

Le douziesme iour de Iuillet mil cinqcens septante huiet, fut dediee ladite Eglise des Freres

Minimes avec les ceremonies, en tel cas requises, où il assista grand nombre de peuple.

Du regne du Roy François premier du nom, & aucuns actes d'iceluy, de l'Image nostre Dame de Souffrance, du deluge Saint Marceau, entree de la Royne, edifice de Saint Eustache, du bastiment de l'hostel de ville, procession du Roy, augmentation de l'hostel Dieu, ruyné de la Tour de Billy, fondation des Colleges de Cambray, Escolles de Picardie, College saint Michel & du Mans. Institution des Enfants-Rouges, entree de l'Empereur à Paris, de plusieurs Eglises, Saint Severin, Saint Iulian le pauvre Saint Cosme & saint Damian, & de S. Iaques de la Boucherie.

CHAP. XXV.

FRANÇOIS de Vallois, comme le plus prochain succeda au Roy Loys, & fut sacré Roy de France, estât le cinquante huiëtiesme qui regna sur les François. L'an du mōde cinq mil quatre cens septante six, de Iesus Christ, mil cinq cens quatorze. Il regna trente deux ans, il fut sacré Roy à Reims, le vingt v. iour de Ianuier. Il me seroit bien impossible d'escrire iusques à suffisance les choses qui ont esté faictes auant ma naissance, quand ie ne puis selon le deuoir reciter ce qui est adueni de mon temps en cette ville de Paris: neâtmoins en procedant sommairement, ie diray ce qui appartient à l'ordre de nostre histoire, ainsi que le subiect de la matiere s'y offrira.

Le susdict Roy premier du nom, au commen-

*Confirma-
tion des pri-
uileges des
marchans.*

cement de son regne à confirmé & autorisé toutes les libertez, franchises & priuileges, tant de l'hostel de la ville, preuosté des Marchans, que de l'Vniuersité de Paris: comme il appert par les ordonnances & edicts dudit seigneur: il fit son entree à Paris l'an mil cinq cens quatorze.

*Anglois
en France.*

L'an mil cinq cens vingt-trois, les Anglois estans en Picardie, les cloches ne furent sonnees le iour des Trespassez dans Paris, & furent les chaînes tendues, & guet ordonné parmy la ville, tant à cette cause, que pour la crainte des boute-feux.

*Trenchees
faits hors
les faux-
bourgs.*

Monsieur de Vendosme, Gouverneur de Paris & de l'Isle de France, fit faire des trenchees hors les fauxbourgs depuis les fossez saint Honoré, iusques à ceux de Saint Martin: & pour seureté de la ville, furent leuez parmy le peuple deux mil auenturiers.

*2. mil auen-
turiers le-
uez.*

L'an mil cinq cens vingt six, les Parisiens firent present au Roy de cent cinquante mille francs, pour la deliurance de messieurs les enfans, estants en Espaigne. En cet an le quinzième iour de May, la petite-rivière de la ville & fauxbourgs Saint Marcel, s'éfla de telle manière, que la plus part des rues dudit fauxbourgs & les maisons iusqu'au deuxième estage estoient dans l'eau. On l'appelle la rivière de Bicure, & est seule naturelle propre à faire la vraye & belle couleur d'escarlata.

*Don fait au
Roy. L'eau
fort gran-
de.*

*De l'ima-
ge nostre
Dame d'ar-
gent.*

L'an mil cinq cens trente-huit, le dernier iour de May, vn heretique rompit & coupa la teste à vne image nostre Dame, estant derriere le petit saint Anthoine: pour reparation duquel scan-

dalle, le roy François vint en procession, à pied iusques audict lieu, auquel il assit vne autre image toute d'argent, luy accompagné de grands Princes, Seigneurs, & Cardinaux de France. On appelle encor icelle image nostre Dame d'argent : & celle de pierre, à laquelle l'iniure auoit esté faicte, est gardee en grande reuerence en l'Eglise S. Geruais, on la nomme nostre Dame de souffrance.

En cette mesme annee, Madame Renee, fille du Roy Loys douziesme, fut espousee au Duc de Fer rare en la Saincte-chapelle. Le festin fut faict au Palais. *Mariage de madame Renee.*

En ce mesme temps le Heraut de l'Empereur fut receu en la grande salle du Palais, & pour ce faire le Roy fit dresser sur la table de marbre vn Theatre pour luy, & ceux de son sang. Ledit heraut ne fut ouy pource qu'il n'auoit lettres de la part de son maistre. *Vn Heraut receu au palais.*

Audict an fut acheué de bastir le College du Mans, l'an mil cinq cens vingt-neuf au mois de Decembre, trespassa Iean de Selua, President en Parlement. Il fut inhumé à Sainct Nicolas du Chardonneret, où on lit ainsi son Epitaphe. *College du mans.*

D. O. M.

Ioanni Selua, Parisiensis, Senatus amplissimi Gallia ordinis praesidi summo, magna probitatis atque integritatis viro, de quo Repub. in qua per multos honoris & dignitatis gradus, cum eos propter incredibilem eius moderantiam non concupiuit, adeptus est bene merito. Apud insubres anglos atque hispanos cum de reb. maximis ad eos missus esset, ob eximiam eius in administrandis negotiis, prudentiam, ceterasque non vulgares virtutes,

Sainct nicolas du Chardonneret.

præcognito valdè que laudato Regi mano francisco, à quo in sanctius atque interius consilium assumptus est, ob exploratam difficilimis atque grauiß. temporib. fidem eius & industriam grato atque probato, Cecilia que buxia bonæ bonis pregnata, castæ pudicæ, ac liberaliter ab illis dum vixerunt educati parentibus opt. atque chariss. P.

College de Cambray. Il y a plusieurs autres colleges, comme celuy de l'Aue Maria, dit d'Urbant, celuy de la Mercy, de Calamber, les trois Euesques, où se font les leçons ordinaires des Lecteurs royaux, instituez par le grand Apollon Gaulois, François premier du nom, pere & restaurateur des bonnes lettres, le College de Triguier, les Colleges de nostre Dame, de Caluy, Harcourt, des Thresoriers, Iustice, Seetz, & Narbonne, le College Mignon, Saint Denis, & celuy de Maistre Geruais, puis les Escolles de Picardie, Normandie, Allemagne & France, où se font les actes des maistres es Arts, leur determinances, & autres telles ceremonies propres pour honorer ceux qui font leur deuoir à l'estude, & à fin d'encourager les autres à faire le semblable: ne veux oublier les Colleges de Tournay, des Lombards, de Boisy, de Baieux, des Allemans, de Sainte Barbe, & Coqueret qui est de la fondation de feux de bonne memoire messieurs Simon, & Robert du Gast, freres, Docteurs en Decret.

College S. Michel. Je ne laisseray en arriere le College de Senac, dit de Saint Michel, fondé par les Seigneurs de la maison illustre de Pompadour, lesquels en sont les patrons & collateurs, & pource faut que

le Principal & Procureurs soient Limosins, d'autant que le lieu est affecté à ladite nation.

L'an mil cinq cens trente, fut abatue & demolie la fauce porte Sainct Martin au moys de Septembre : aussi furent les autres fauces portes dõt il est traicté cy dessus. Audiect an le cinquiesme iour de Mars, Eleonor sœur de l'Empereur, & épouse du Roy François, fit son entree à Paris.

*Entree de
la Royne.*

L'an mil cinq cens trente, le Capitaine Maclou fut executé à Paris, lequel auoit assemblé de sept à huit mil hommes, portans armes, tous brigas, larrons & voleurs qui faisoient infinis maux en Aquitaine.

Le susdict Roy ayma toutes bonnes lettres & sciences, institua à Paris leçons publiques par gēs doctes, en langue Hebraique, Grecque, & en Mathematique, Philosophie Eloquence: ausquels il donna gages honnestes & suffisans, au moyen dequoy, il rendit l'vniuersité de Paris tresflorisante & opulente es lettres.

L'an mil cinq cens vingt deux le vingt tiesme iour de Iuillet aduint qu'un larron qui coucha dedans l'Eglise Sainct Marry, veille de la Magdelaine, print la couppe qui pendoit dessus le grand autel & la ietta entre la grue & deux pierres à costé du cœur la ou on massonnoit & emporta ce qui estoit d'or & d'argent : Postea fut prins.

Le Samedy cinquiesme iour de May cinq cens & neuf, fut pendu & estranglé au gibet de Montfaucon Verdeler : le Mecredy suyuant despendu & inhumé.

L'an mil cinq cens trente deux, le dixneufiesme

*Bastiment
de l'Eglise
S. Eustace.*

iour d'Aoust, fut la premiere pierre assise par le Preuost de Paris, à Sainct Eustace, pour icelle Eglise estre reedifiee & accreue iusqu'au lieu, dict la Croix neuue. Le commencement dudit bastiment tesmoigne qu'en la perfection d'iceluy, il sera vn des plus excellents de la ville. De l'antiquité d'icelle on dit ainsi. Vn Bourgeois de Paris, nommé Alais, demeurant pres le pont Alais, ainsi dit de son nom, faisant conscience d'auoir esté inuenteur de l'impost d'un denier sur chascun panier de poisson, fit edifier vne chapelle dediee au nom de Sainte Agnes, laquelle depuis a esté faicte paroisse & dediee au nom Sainct Eustache. A la miene volonté que les vsuriers & imposeurs, qui de iour à autre s'aduisent de chercher imposts nouueaux, prinsrent exēple à cestuy, les affaires de la France ne se porteroient si mal.

*Du basti-
ment de
l'hostel de
ville, mai-
son des mar-
chans.*

L'an mil cinq cens trente trois, fut commencé le tresmagnifique edifice de l'hostel de la ville de Paris, bastiment tresexcellent en nostre aage, sur le portail est escrit en lettres d'or.

SENATVI, POPVLO, EQVITIBVSQVE
PARISIEN. PIE DE SE MERITIS, FRAN-
CISCVS PRIMVS FRANCORVM REX
POTENTISSIMVS HAS ÆDES AFVND A-
MENTIS EXTRVENDAS MANDAVIT AC-
CVRAVIT, CONGENDISQVE PVBLICE
CONSILIIIS ET ADMINISTRANDÆ REI-
PVBLICÆ DICAVIT, ANNO A SALVTE
CONDITA. M. D. XXXIII. IDIBVS IVLII.
INCISVM M. D. XXXIII. IDIBVS SEP-

TEMB. PETRO VIOLA PRÆFECTO DECVRIONVM, CLAVDIO DANIELE, IOANNE, BARTHOLOMÆO, MARTINO BRAGELONIO, IOANNE CVRTINO DECVRIONIBVS.

Dominico cortonensi Architectante.

L'an mil cinq cens trente quatre, aucuns Lutheriens affigerent par les carrefours de la ville de Paris libelles diffamatoires contre le sainct Sacrement de l'austel. Le Roy, pour reparation du crime de leze maiesté diuine, alla en procession, à pied, teste nue, & la torche au poing, apres la saincte Hostie, qu'il faisoit porter deuant luy, depuis la Paroisse Sainct Germain de l'auxerrois iusques à la grand'Eglise, luy accompagné de mesieurs ses enfans, & des Princes du Sang. A cette procession furent portees entierement toutes les sainctes Reliques, tant des fauxbourgs que de la ville, & mesmement celles de la saincte Chapelle, ce qui n'auoit iamais esté veu. Et apres le midy, du iour de cette procession furent bruslez six Lutheriens, les compagnons desquels & de semblables sectes deuant & apres finirent leurs iours en grand nombre par le mesme tourment.

L'an mil cinq cens trente cinq, fut peinte la vie du Prophete Helie au cloistre du monastere des Carmes. Audit an, le susdit Roy: pour tuicion & deffence de son Royaume fit faire & dresser legionnaires, à sçauoir pour le seruir & ayder en ses affaires: à sçauoir, au pays de Normandie vne legion, en Bretaigne vne legion, en Picardie vne legion, en Bourgongne, Champagne & Niuer-

*Procession
où le Roy
assista &
l'occasion.*

nois vne legion, en Dauphiné & Prouence vne legion au pays de Lyonnois & d'Auuergne vne legion, au pays de Languedoc vne legion, qui font sept legiōs, & en chacune auoit six milhommes, & s'en alla le Roy en Normandie & Picardie, pour voir les monstres desdits legionnaires.

Salle S. Loys. En ce temps on appropria la salle Saint Loys, dans le Palais, pour y tenir la chambre Criminelle de Parlement.

L'hostel Dieu à Paris. Aussi en la mesme saison fut acheuee l'augmentation du bastiment de l'hostel Dieu de Paris, du costé de Septentrion, des biens de monsieur Anthoine du Prat, Chancelier de France, l'effigie du quel est à genoux avec celle du Roy François, au deuant de l'edifice.

Remparts à l'entour de la ville. L'an mil cinq cens trente six, le dernier iour de Iuillet, furent commencez les ramparts, fossez & tranchees, pour enclorre les Faux-bourgs & la ville de Paris, par le commadement de reuerend pere en Dieu Iean du Bellay Cardinal, Euesque & gouuerneur d'icelle ville.

Moynes S. Eloy. En ce temps les Moynes Saint Eloy furent ostez de ladiète Prieuré, & en leur lieu furent mis Prestres seculiers.

Punitiō de soudats. Le iour S. Mathieu, 21. de Septembre audict an, pour ce que la compagnie des gēs de guerre, à pied, qu'on auoit leuez à Paris, pour la deffence d'icelle, n'auoit esté payee, ils rentrerent dans la ville, assiegerent la maison de l'Euesque, & apres quelques efforts en furent prins deux, le pere & le fils, & vng autre tous trois crocheteurs ou portefaits, dont on fit cette Rythme.

*L'an mil cinq cens trente six,
Fut pendu le pere & le fils.*

Le reste s'esuanouyssant comme fumee, ilz furent penduz & estranglez au Paruis nostre Dame. Ceste leuee fut pour resister au comte de Nanfau qui estoit à la coste de Picardie.

Ceste annee, le dernier iour de Decembre, le Roy d'Escoffe fit son entree à Paris, & le lendemain, premier iour de Ianuier, il espousa à nostre Dame, Madame Magdaleine, fille du Roy. Le festin fut faict au Palais.

L'an mil cinq cens trente huit, le dixneufiesme iour de Iuillet, enuiron cinq heures du soir, apres grandes tourmentes, esclairs & vents merueilleux, la foudre tomba sur la tour de Billy derriere les Celestins, en laquelle estoient pres de deux cens caques de poudre à canon, à cause dequoy toute la tour fut embrassee & rompue par laviolence du feu, de telle furie que les fondemens furent arrachez du fonds de terre, & les pierres transportees par le poussement du feu, iusques à Sainct Anthoine des Champs, Sainct Victor, au terrain, & dans la ville: & ne demoura en la place aucune forme de tour. Cette demolition gasta tous les iardins, abatit les murailles des Celestins, & toutes leurs verrieres: brisa les maisons d'alentour, tua & blessa plusieurs personnes. Les verrieres de Sainct Paul, de Sainct Geruais, de Sainct Victor, & de Sainct Marceau en tomberēt par terre, & les poissons sans nombre furent veuz morts sur le fleue de Seine.

*Entree du
Roy d'Es-
coffe.*

*La foudre,
sur la Tour
de Billy.*

*Institution
des enfans
rouges*

En cette année furent instituez par la Royné de Nauarre, les enfans orphelins, appelez les enfans rouges: & pour leur demeure fut fondée & edifiée vne maison avec vne belle chapelle, derriere le Temple, qui a esté fort augmentee par les biens faits des Parisiens.

L'an mil cinq cens trente neuf, le premier iour de Ianuier, Charles cinquième, Empereur, passant en France, pour aller en ses pays, fit son entrée en la ville de Paris, entrât par la porte Saint Anthoine, où il fut receu & honoré par commandement du Roy en triumphes, theatres & appareils de magnificence. Il alla rendre graces à Dieu en l'Eglise nostre Dame, & de là au Palais, où le Roy l'attendoit avec preparation d'un festin tresopulent.

Cette année on commença à iouer la Passion, à l'hostel de Flâdres. L'an mil cinq cens quarante trois, Maistre René Gentil, President aux Requestes, fut pendu à Montfaucon.

*Fuitted'au
cuns habi-
tans.*

L'an mil cinq cens quarante quatre, la ville de Paris receut vne punition diuine: car l'Empereur avec grande armée étant entré en France, vint accompagné de grand nombre d'hommes, iusques à Chasteau Thierry, à raison dequoy, aucuns habitans de Paris transporterent eux & leurs biens, es autres bonnes villes fermées. Ceux qui demurerent dedans, la plus part artisans, gens de mestier, se mirent en armes, & firent monstres en la presence du roy: mais, la grace à Dieu, on n'eut aucun besoing de les mettre en campagne, parce que l'Empereur se retira. Alors le tableau, étant

à nostre Dame de Paris, qui representoit le couronnement du Roy Henry d'Angleterre, en ladicté Eglise, fut osté par les Chanoines.

Ie n'ay aussi trouué les antiquitez des Eglises Sainct Nicolas, qu'on nomme du Chardonneret, ny de Sainct Iulian le Pauvre, & quand à celle de Sainct Yues, elle n'est de grande antiquité, puis que le saint, au nom duquel elle est fondée, n'a pas quatre siècles qu'il passa de ce monde en la gloire de Paradis. Sainct Yues estoit viuant l'an mil trois cens quarante cinq, souz le pontificat de Benoist douziesme.

Vous auez encores l'Eglise parrochiale Sainct Seuerain, fondée au mesme lieu où iadis viuoit solitairement le saint religieux Seuerain, au nom duquel elle est fondée: & est l'une des plus fameuses & grandes paroisses de Paris: de laquelle ie i'ay recueilli vne Épitaphe digne d'estre leur, qui est cy apres.

*Eglise S.
Seuerin.*

L'an mil ciuq cens quarante cinq, trespassa vn ieune seigneur Aleman, estudiant à Paris, lequel fut ensepulturé au milieu du cymetiere. Sainct Seuerin, son effigie est esleuee sur son tombeau, & à l'entour est escrit vn tel Épitaphe.

*Sepulture
estans à S.
Seuerin.*

*En souuenance du tresnoble sang des
Comtes de Phrise Orientale, aussi pour les
dons de grace, tāt de l'esprit que du corps,
de feu noble homme, Ennon de Embda,
esleu Gouverneur & Satrape de la cité*

de Embda , qui sur le cours de ses estudes fut icy rauy , par mort, en l'aage de vingt & trois ans, au grand regret de son pays, & de tous ses amis: Nobles femmes sa mere grand & sa dolëte mere, ont à leur cher & unique fils faict dresser ce present tombeau , en tesmoignage du deuoir de vraye & pure amitié, & certaine esperance de la resurreccion du corps, qui icy repose. Il trespassa l'an de nostre Seigneur, mil cinq cens quarante cinq , le dixhuitiesme iour de Iuillet.

Il y en a d'autres qui sont beaux , & en grand nombre tant en ladicte Eglise que au Cimetiere d'icelle.

Eglise S.
Cosme.

Outre laquelle Eglise S. Seuerin est celle de S. Cosme & sainct Damian, dans laquelle repose les ossemens de ce grand Docteur Theologien Maître Claude Despençe, duquel i'ay recueilly son Epitaphe.

Nobilissimo piissimo omnisq; disciplinarum genere cumulatissimo D. Claudio Espenceo Theologoru huius seculi facile principi paterno quidam genere ex clarissima Espenceorum materno illustri vrsinorum familia orto diuini verbi praconi celeberrimo pauperum patri benignissimo qui cum per xxlvj. Annos continuos in hac

prima omnium academia litteris humanioribus Philosophicis & diuinis operem cum omnium incredibilia admiratione nauasset A rege Christianissimo Francisco I. melodunum ab Henrico II. Bononiam Francisco II. aureliam a Carolo IX. pissa cum religionis componendæ ordinandæquæ nouime inter primos huius Augustissimi Regni procures partim legatus partim orator de Re Christiana sanctissime doctissimeque disceptasset per multos in sacro sanctam scripturam commentarios edidisset tandem grauißimo calculi morbo diu multumq; vexatus cum omnium principum senatorum nobilium plebe iorumque luctu ac desiderio. Obiit Anno etatis LX. Die V. Octobris M. D. LXXI.

Guido Gassarus flaminus prior sanctæ fidei apud columerios eiusdem amanuensis & per aut annos xvij. negotiorum gestor de vinctissimus hanc effigiam cum suo elogio pie domini charissimi & benignissimi memoriæ erigebat & mœrens ponebat Anno M. D. lxxij. Die Vltima Ianuarij.

Des edifices sous le regne du Roy Francois, du quay de la Megisserie, du chasteau du Louure cōmençé à reedifier, de Madric, des Ramparts, de l'augmentation des faubourgs, des lieux nobles baillez à bastir, reedification des Eglises, & autres accroissements.

CHAP. XXVI.

S O V s le regne du susdict Roy François, on ne cessa de bastir dedans la ville de Paris: premierement furent faictes les longues murailles du quay & chaussee de la Megisserie, depuis la vallee de misere iusques à la porte neuue, par dela le Chasteau du

*Murailles
du quay.
La porte
neuue.*

Louure, tout le long de la riuere, ouurage digne d'une telle ville, pour mettre les bateaux & marchandises en seureté.

Icelle porte neuue fut faicte au lieu où iamais n'y en auoit eu, dont le chemin pour sortir aux champs, fut beaucoup plus brief.

*La grosse
tour du
Louure.*

Ledit seigneur, dès l'an mil cinq cens vingt-neuf, fit raser la grosse tour du Louure pour spacier & amplifier la court d'iceluy Chasteau: auquel il fit faire de grandes reparations & nouueaux edifices: entre lesquels, vn peu deuant son trespas fit commencer vne grand salle, à la mode des antiques, la plus excellente, selon l'art d'Architecture, qu'on vit iamais: laquelle le Roy Henry second du nom a faict paracheuer, Sur le portail d'icelle est escrit en lettres d'or, sur marbre noir, ce qui s'ensuit.

HENRICVS II. REX CHRISTIANISS.
VETVSTATE COLLAPSVM REFIICI COEPT.
APATFRANCICO I. R. CHRISTIANISS.
MORTVIV SANCTISS. PARENT. MEMOR
PIENTISS. FILIVS ABSOLVIT.

An. A. M. D.

Salu. xxxx. RESTI. viii.

Aux deux bouts d'icelle est escrit,

VIRTVTI

REGIS INVICTISSIMI.

Au chef de ladite salle par dehors tout au haut d'icelle, dans vne auuale, en lettres d'or est escrit.

AB.

A B

S O L V T.

A N. S A L.

M. D. L.

V I.

Lediect seigneur fit aussi edifier de neuf, le chasteau de Madric, pres Paris, fit reparer de sumptueux edifices, le chasteau de saint Germain en Laye, & orna de bastimens excellēs & ouurages antiques, sa maison de Fontaine-belleau.

*Chasteau
de Madric.*

Par son commandement furent faits les ramparts es portes Saint Anthoine, du Temple Saint Michel, saint Iaques & autres lieux, en l'an mil cinq cens quarante quatre. On fit de son temps ouuerture de la porte de Buffy bastie toute de neuf.

*Ramparts
faits à
Paris.
Porte de
Buffy.*

A cette occasion les grands Seigneurs, mesme ceux de la Iustice, & les Bourgeois, firent bastir hors d'icelle porte, & en tout le fauxbourg saint Germain de prez, grand nombre de beaux hostels & riches maisons : & non-seulement en ce lieu, mais es fauxbourgs saint Victor, depuis copeaux iusques à saint Marceau & fauxbourgs S. Iaques & saint Michel: tellemēt qu'ils sont augmentez de moitié. Autant en a esté fait au fauxbourg saint Denis, sur la montaigne & voirie du grand moulin, qu'on appelle à present la Villeneuue, à la porte de Montmartre, & generalement en tous les fauxbourgs de Paris, continuant par nouvelle rues d'un fauxbourg à l'autre: car la moitié des terres desdicts lieux ont esté employees en bastimens, de sorte que le tout ensem

ble , nouveau basti , feroit monstre d'une bien grand ville.

Lieux nobles baillez à bastir.

En ce mesme temps furent baillez à bastir l'hostel de Flandres , où peu parauant auoient esté iouëz les mysteres du vieil Testament : de la Passion & des Actes des Apostres : les hostels de Bourgongne & d'Artois, d'Orléans à Saint Marceau, les terres & closture sainte Catherine du val des Escoliers, les terres de derriere les Celestins, l'hostel de la Roynie, & derriere saint Paul, les iardins qui estoient encores demourez derriere & à l'entour saint Eloy, vne partie de la closture du Temple, & autres lieux.

Eglise S. Estienne

L'Eglise Saint Estienne du Mont, portoit grande marque d'antiquité, auant qu'on y bastit de nostre temps, & ne la pense point estre de plus recente memoire que du temps premier des Chrestiens qui furent disciples de Saint Denys apostre de France. Et bien que l'on puisse dire, que s'il y eut eu Eglise la du temps que Clouis y fonda le temple de Saint Pierre, & Saint Paul, ce Roy ce fut contenté de surbastir sur celle de Saint Estienne, si est ce que l'antiquité du vieil bastiment faisoit foy, que cette Eglise est de plus long temps que depuis quel'vniuersité a esté partie en parroisses. Non que ie vueille soustenir opiniastrément ce qui est douteux, & que ie pretende rien establir par coniecture es choses ou il faut marcher avec pleine asseurance de raisons, & de preuues, neâtmoins est il aisé a croire que cette Eglise est des plus anciennes de Paris & que des que celle de Sainte Geneuiefue fut bastie, ce

cartier de la ville se peuplant, il est vray semblable que on y dressa vne parroisse: Entre plusieurs Epitaphes l'ay recuilly les deux suiuentes del'Auteur des Epitettes François, & de ses pere mere & frere.

Au Cymetiere de l'Eglise Sainct Estienne.
Epitaphc.

*Passant s'il ne te peut tomber en fantasie
Que mesme fleche puisse occire & donner vie,
Voy ce tombeau ou est de la porte enterre
Tombeau d'un graue corps rarement honnore
Phebus qui l'aimoit tant que d'un Enthuisame,
Comme d'un esguillon luy chatouilloit son ame,
Le fichant sur le liure & desprit curieux,
Luy faisant remacher les arts laborieux,
Luy à donné la mort auant l'age auancee:
Mais le mesme Phebus à bien recompensee.
Vne saison si courte a mile & million,
De siecle que viura de la Porte, son nom,
Il est mort sefforcant d'honorer nostre France,
Pointeler du desir d'acabler l'ignorance,
Ce desir qui a peu vne vie abreger
Luy pourra double vie à un coup prolonger
Vne sera au Ciel, l'autre en la terre basse
Car Dieu qui le cherit au ciel luy donne place,
Et son renom fameux le fait viure entre nous,
S'il est mort trauaillant pour le profit de tous
Honorant la memoire & les cendres muettes,
Et le cercueil ou gist l'auteur des Epitettes.
Et si tu es deuot dresse ta voix à Dieu,
Et pour le trespasse fay luy quelque humble vœu.*

Pour eterniser la memoire de la foy charitable, affection & sincerité de vie, d'honorables personnes Maurice de la porte, marchant Libraire & messager Iuré en l'uniuersité de Paris, & de Catherine L'heritier sa femme, pareillemēt d'ambroise de la porte leur enfāt bien aimé, & marchant libraire de ladite Vniuersité, duquel la viuacité d'esprit & la debonnaireté ne se peut assez rememorer. Maurice de la porte, fils & frere des dessusdicts regrettant leur trespas a faiēt grauer ce tableau.

Il y a grand nombre de notables personnes Inhumez en ladite Eglise Sainēt Estienne & Cimetiere d'icelle que i'ay laissez pour estre brief.

A Sainēt Iaques la boucherie se veoit escrit & graué sur vne pierre.

*Del'Eglise
se S,Iacques de la
Boucherie.*

De l'authorité de reuerend pere en Dieu, Monsieur François Euesque de Paris & a la supplicatiō de venerable & scientifique personne maistre. Iean, bolu Docteur en theologie curé de ceste Eglise, La feste & sollennité de la translation de Monsieur Sainēt Iaques le maieur patron de ceste Eglise qui souloit estre celebree par chacun an le penultiesme iour de Decembre a esté translatee au Dimenche d'apres la feste des Roys pour

subuenir a l'indigence des pauures gens : Eu esgard a la multiplicité des festes qui sont apres le iour de Noël Ce fut faict le dixhuiictiesme Iour de Decembre L'an mil cinq cens vingt deux.

I'ay extrait ceste Epitaphe pour l'antiquité de l'Eglise Sainct Iaques le Maieur Laquelle est au derriere du cœur sur vne lame de Cuiure.

Simon de Dammartin valet de chambre du Roy nostre sire changeur & Bourgeois de Paris & Marguerite sa femme, meü de deuotion à la gloire & louange de Dieu & reuerance de la Benoiste vierge Marie firent edifier ceste chapelle en laquelle ils fonderent perpetuellement chacun iour vne Messe de Requian, pour le remede de leurs ames, laquelle messe feront celebrer les Marguilliers, heure de grand Messe &c. Et pour ce faire ledit Simon & Marguerite ont donné plusieurs rentes & sommes de deniers contens Ladicte Marguerite trespassa le quinZiesme iour de Iuin l'an mil trois cens nonante quatre, & ledict Simon le quinZiesme Iuillet mil trois cens nonante neuf.

Furent aussi commencees à restaurer & reedifier de neuf les Eglises sainct Victor, sainct Estienne du Mont, sainct Barthelemy, saincte Croix en la rue de la vieille draperie, la Magdaleine, sainct Merry, sainct Geruais, sainct Eustace, sainct Sauueur, sainct Iaques de la boucherie en partie, aussi le Clocher sainct André des Arts, en partie, sainct Iean en Greue, sainct Germain de l'Auxerrois en partie, sainct Bon en partie, sainct Germain le Vicil, & autres. En faisant les fondemens de la neuue Eglise sainct Merry, on trouua sous le

Eglise S.
Merry.

grand autel, dans vn tombeau de pierre, le corps de son fondateur, ayant des botines de cuyr, doré, aux iambes, le quel si tost qu'il fut touché de l'air, tourna en poudre : son Epitaphe estoit aupres, la date duquel, pour la vieillesse ne peut estre reconneuë. Cét Epitaphe fut engraué en vne autre pierre, qui est au milieu du cœur, & contient ainfi.

Hic iacet vir bonæ memoriæ odo falconarij fundator huius Ecclesiæ.

Anciennement n'estoit qu'une petite chapelle, en laquelle dict Vincent historial, au cinquiesme liure, chapitre iiij. xx. ij. Sainct Merry trespasfa : son corps y fut enterré, & y reposa deux ans, & depuis en l'an mil trois cens quatre, il fut leué de terre, & mis en vne capse d'argent en la mesme chapelle, qui estoit alors dediee au nom de saint Pierre.

De l'Eglise
S. André des
Arts.

De l'Eglise Sainct André des Arts, ie n'ay peu trouuer aucune memoire, qui face mention du temps qu'elle a esté fondée, & à mon regret d'autant que c'est vne des grandes paroisses de la ville de Paris: l'ay recueilly les Epitaphes qui ensuiuent, entre plusieurs autres notables: en vne chapelle d'icelle Eglise est inhumé Monsieur le premier President, esleué en chef, de marbre blac representant le vif, fort bien elaboré, aux deux costez d'icelluy deux Colônes de laspe, au dessouz deux figures de bronze son Epitaphe est telle.

D. O. M.

CHRISTOPHI THVANO AVGVST. F.
 IAC. N. EQVITIQVI OMNIB. TOGÆ MY-
 NERIB. SVMMA CVM ERVDITIONIS,
 INTEGRITATIS PRVDENTIÆ LAVDE
 PERFVNCTVS, AMPLISSIMOSQVE HO-
 NORES SVB FRANC. I. HEN. II. KAK.
 IX. HEN. III. CHRISTIANISS. REGIB.
 COSECVTVS, SENATVS PARIS PRÆSES
 DEIN PRINCEPS, SACRI CONSISTORI
 CONSILIARIVS MOX HEN. TVNC AV-
 REL. ACADEMV M FRANC ANDEG. DD.
 CANCELLARIVS TANDEM CVM DE IV-
 DICIARIO ORDINE EMENDANDO QVÆ-
 STVRA REGNA FRAVDIB. AC RAPINIS
 VINDICANDA, ET SCOLAR DISCIPLI-
 NA RESTITVLEND A COGITARET NVL-
 LA INCLINATÆ A ETATIS INCOMMO-
 DA ANTEA EXPERTVS EX IMPROVISA
 FEBRI. DECESSIT. Vxor LIBERIQ.
 MAER. P.

*Vix. A. LXXIV. D. V. obiit anno. Sal.
 CIO. 15. XXCII. Kal. Nou.*

Au Caucau du Sieur premier President.

*Cy gist & repose attendant la Resurre-
 ction des morts le corps de feu vertueux
 seigneur Messire Christofle de Thou, Che-
 ualier, Conseiller du Roy en son conseil pri-
 ué & d'estat, premier President en sa Cour
 de Parlement, Chancelier de monseigneur*

frere unique du Roy, sieur de Bonnœil, Celly, Steims, S. Germain, Charenton, Saint Maurice, Aimery, Chanceuille, Fromont, Villiers, & Gonesse, lequel apres auoir tres vertueusement vescu soixante & quatorze ans trois moys, mourut encores plus heureusement le premier iour de Nouembre l'an de grace M. D. lxxxij.

MANE NOBISCVM DOMINE.

De l'autre costé est semblablement graué en marbre escrit en lettre d'or ce que ensuit.

POSTERITATI.

ANNÆ THVANÆ FEMINÆ CLARISSIMÆ ATQVE LECTISSIMÆ COR ET VISCERA HEIC IUXTA TVMVLVM CHRISTOP. THVANI PETRISIS, CVIVS ILLA VIVI VIVA COR FVIT PHIL. HVRALTVS FRANCIÆ CANCELLARIVS, HOC QVOD POSTVMO OFFICIO PIIS OPTIMI SOCERI MANIB. PARENTANS, CONDIDIT: RELIQVVM CORPORIS BENEMERITÆ CONIVGIS IN MONVMENTVM MAIOR SVOR IN ARCAE CEVERNIA NVPER ABS, SE INSTAVRATVM INFERRI CVRAVIT, VT OVACVM ANNOS P.M.XVIII. CONIVNCTISSIME VIXIT AB. EA. NEC MORTE DIVELLATVR. OBIIT XVI. KAL. AVG. ANNO. SAL. CIO. IO. XX. C. IIII.

Cy gist noble homme Jean deThou, sieur de Bonnæil, en son viuant Conseiller du Roy, & maistre des Requestes ordinaire de son hostel, filz aîné de messire Chrystofle de Thou, Chancellier premier President en la cour de Parlement, à Paris, deceda le cinquiesme iour d'Aoust mil cinq cens soixante & dix neuf.

MENS SANA IN CORPORE SANO.

Dumefme costé & premiere chapelle, i'ay recueilly l'Epitaphe de monsieur le President Seguier, grauee sur table de marbre ainsi,

PETRVS SEGVIERIVS ANN. DOM. M.V.LXXX.
OCTOB. XXV. HORA SECVND A, A MEDIA NO
CTE MORTALITATEM EXPLEVIT MAGNO
ASSIDENTIS CONIVGIS, ET CIRCVMIACEN-
TIVM LIBEROR. LONGA ILLI AETAS, AN-
NVMS EXTVM ET SEPTVAGESIMVM EXCES-
SIT IN ALTISSIMA TRANQVILLITATE, PA-
RI VENERATIONE, HONORES MVLT I, CI-
VIS EGREGIVS, FORTISIMVS ADVOCATVS,
IVDEX RECTISIMVS, VIDIT ILLVM SENATVS,
PRESIDEM, ANTIQVIS ILLIS (NIHIL EST DE
MODESTISSIMO VIRO DICENDVM ELATIVS)
PAREM: FORTVITORVM MAGNA COPIA,
VXOR OPTIMA, LIBERI PIENTISSIMI, OPES
SPETIOSE, FIRMA VALETVD SECVND A FA-
MA, ET SI QVE ALIA FELICIBVS ADSTRVIT
CASVS NON DENEGAVIT SED HEC CIRCA

ANTIQUITEZ.

ILLVM, NON IN IP SO FVERE, NON EST QVOD
 EX HIS, QVIBVS SINE MOLESTIA CARERE
 POTVIT FELICEM ILLVM IVDICES, FELICEM
 CREDE FELICEM PRONVNTIA, AMPLECTERE,
 ADMIRARE, CVI MAGNVS SACER EQVALIS
 ANIMVS, HAERENS ORIGINI SVE, QVI PER
 HYMANOS CASVS RECTA SEMPER INCESSIT
 VIA, QVI VITAM CONSVMMAVIT ANTE MOR
 TEM ET EXPECTAVIT SECVRVS RELIQVAM
 TEMPORIS SVI PARTEM, QVI VIDIT, CREDI
 DIT, SPERAVIT, SATIETATEM LETITIARVM
 DELECTATIONES INDEXTERA, QVI VIDET
 NVNC, QVI FRVITVR, QVI AMPLECTITVR,
 TOTVS IN ILLIS. VOS O PROPINQVS SAN
 GVIS, VXOR LIBERI, ET SI QVOS FIDELIS
 IVNXIT AMICIA PARCITE MVLIERIBVS LA
 MENTIS VOBISCVM EST, QVICQVID EX IL
 LO AMASTIS, QVICQVID MIRATI ESTIS MA
 NET, MANSVRVMQVE EST, IN ANIMIS HO
 MINVM, IN ETERNITATE TEMPORVM, FA
 MA RERV M: DOLOR ILLE VESTER, VESTRE
 ILLE LACRIME, INVIDENTIVM SVNT MA
 GIS QVAM AMANTIVM, NVM QVEM AD CO
 RONAM MAGNO CVM ANHELITV CVRREN
 TEM VIDISTIS CORONATVM INGEMISCI
 TIS? PARCITE, CESSATE ET ANIMOS VESTROS
 DOLORIS OPINIONE MAGIS QVAM DOLORE
 V LLO CONSTERNATOS SPE EIVS GLORIAE
 AD QVAM FELICITER RAPTUS ET ERIGITE,
 NEC LONGA MORA, NVLLA DILATIO EST,
 ECCE DVM COLLIGITIS VOS, AEVM COM
 PONITIS, ADERIT IMMORTALITAS.
 SACR: DEFF: MEMO: VXOR ET LIB: MOEREN:
 POSVERE. ANIMA EIVS IN BONIS DEMO
 RETVR: CARO EIVS REQUIESCAT IN SPE.
 A. S. PPP. VNVS EX LIBER. EXARAVIT.

Au dessus y a vne table de marbre demon
 strant quelle sert d'attente &c.

*Petro Seguierio Parisiensi, in suprema
Paris. curia Præsidi integerrimo humaniss.
feliciss. qui vixit annos LXXVI. men-
ses. II. Et in matrimonio feliciter annos
XLVIII. menses III. cum D. Lodoica
Bodestia, uxore concordissima, cordatiss.
castiss. & facondiss. superstitib. ex ea li-
beris XII. masculis VI. uno natu maxi-
mo fato suo functo inquisitionum in curia
Præsidi: Altero in suprema Paris. Curia
Præsidi. III. Aquis saltibusq; Præse-
cto. IV. In suprema regis curia Consiliario.
V. Vrbi supràfecto. VI. Libell. suppl.
magistro. Ex quatuor generis duobus à li-
bellis supplicib. III. In suprema curia A-
ctuario. Altero in eadem Curia Senatore.
Coniux mæstiss. liberiq; piissimj Parentis
optimj perpetuæ memoriæ.*

Posuerunt dicauerunt.

Obijt VIII. kal. Nouemb. MD.LXXX.

A fin de ne nous esloigner, nous traiterons des
choses memorables aduenus sous le regne du

*Compagnie
des centhar
quebuziers*

Roy François: il erigea la compagnie de cent harquebuziers de la ville de Paris. Aussi en son regne furent rebasties de neuf les fontaines de la Croix du Tiroir, & du Ponceau, & le magnifique hostel de Fescamp: il fit edifier la chambre du Conseil, pres la grande chambre Doree en Parlement. Aussi furent dressées les petites loges & ouuroirs de gens de mestier en la court du Palais, contre les gros murs, & à l'entour du cimetiere de la saincte Chapelle.

*Jurisdiction
du baillage.*

Ledit seigneur, Roy, crea & erigea la Jurisdiction du baillage de Paris, & vn cōseruateur, pour cognoistre des causes des priuileges royaux de l'vniuersité: lequel baillage fut tenu premiere-ment en l'hostel de Nesle, depuis au petit Chastelet, & apres le reunit avec la Preuosté de Paris. Il erigea aussi vn Lieutenant Particulier, Ciuil & Criminel, en la Preuosté de Paris.

Encores ledit seigneur donna par lettres, exemption à la ville de Paris, & à ses Citoyens, d'aller au ban & arriereban.

Sous le regne du Roy Henry deuxiesme du nom ruynée & reedification du pont saint Michel, sedition du Pré aux Clercs, desences de n'edifier aux fauxbourgs, & autres faits.

CHAP. XXVII.

*59. Roy de
France.*



ENRY second du nom, Roy de France, succeda à son pere, François de Valois, l'an du monde cinq mil cinq cens huit. De Iesus Christ mil cinq cens quarante sept, & à tel iour qu'il fut né, à sçauoir

le dernier iour du moys de Mars.

L'an mil cinq cens quarante sept, premiere année de son regne, le samedi dixiesme iour de Decembre, estant la riuere de Seine agrandie outre ses limites, & à l'occasion d'aucuns grands bateaux qui toucherent contre le pont saint Michel, neuf maisons assises sur iceluy vers le regard de petit Pont, trespucherent dans le fleuve. Depuis on a refaict ledict pont tout de neuf, & dessus ont esté basties de tresbelles maisons, esgales en hauteur & maçonnées de pierres de brique.

*Chente de
neuf mai-
sons sur le
pont saint
Michel.*

Ce pont a esté iadis basti droit à la ligne sur pilliers de pierre, ainsi qu'on peut voir les fondemens quand le eaux de Seine sont basses.

Or puis qu'il vient à propos, ie diray en passant, que le pont aux Changeurs estoit aussi d'ancienneté tout droit depuis le deuant du Palais, iusques sous la porte de Chastelet, dõt les pilliers se peuuent encores voir en temps sec. La porte saint Leufroy estoit à l'alignement dudit port, & le lieu de quelques maisons, qui sont à l'entour de ladicte chapelle y seruoit de cymetiere.

*L'estat du
pont aux
changes an-
ciennement.*

Après que le dict pont aux Changeurs eut esté dressé ainsi qu'on le voit, à fin d'abreger le chemin, on rompit les maisons qui sont à l'opposé de la Megisserie, & fit on vne rue qu'on appelle la tournée du pont, sur laquelle sont basties châbres en recompense des maisons qui auoient esté ostées aux propriétaires. Au bout dudit pont, vis à vis du chef saint Leufroy, où est l'esgout, y auoit vn abreuoir de cheuaux qui aboutissoit à l'escorcherie, comme on a trouué en faisant les

fondemens d'aucunes maisons.

*Sedition
& querelle
pour le Pré
aux Clercs.*

L'an mil cinq cens quarante huiet au moys de Iuillet, pour peu d'occasion fut suscitée vne querelle & sedition qui dura longuement, entre les Escoliers, les Religieux, Abbé & conuent de S. Germain des prez, & les habitans des maisons assises au pré aux Clercs, dont s'ensuiuit qu'iceux Escoliers desmolirent & ruerent par terre vn grand clos de l'abbaye, & arracherent les vignes qui y estoient, rōpirent les maisons des Seigneurs & Bourgeois situes audict pré, meirent en friche les beaux iardins & abandonnerent tout au pillage, disans à eux appartenir ledict Pré aux clerks, & qu'il n'estoit loisible à aucund'y edifier.

La Cour de Parlement, pour obuier à tels inconueniens, enuoya sur le lieu monsieur Genton, Preuost de l'hostel du Roy, & le Lieutenant Criminel, accompagnez de leurs Archers, Sergēs, & Guet de la ville, pour tenir force contre les Escoliers, aucuns desquels furent prins & mis en prison.

En fin apres que les religieux de saint Germain, qui auoient baillé ledict pré à bastir, & le Recteur de l'vniuersité, ensemble les detenteurs des heritages eurent esté ouys, icelle Cour delegua deux Cōseillers, Commissaires, pour limiter & borner ledict pré aux clerks, à fin de faire droit aux parties.

*Arrest de
la Cour
pour les
differens du
Pré.*

Le dixiesme iour de Iuillet, audit an, fut prononcé en Parlement l'arrest dudit pré aux clerks, par lequel fut dit entre autres articles, que toutes les veuës de l'Abbaye ayant regard sur iceluy

pré, seroient bouchees, & par mesme moyen les veuës des maisons circonuoisines. Que apres la limitation & borne faicte dudiect pré aux clerks, les maisons estants trouuees dedans lediect pré seroient rasees. Que les Religieux ouuriroient le passage ancien de derriere l'Abbaye, & pour ce faire seroit rompu leur clos neuf, pour y faire voirie. Qu'iceux Religieux bailleroient lieu sur leurs terres pour porter les immondices de leur seigneurie, & autres lieux aux macquignōs pour voltiger leur cheuaux, avec defēces aux porteurs de vidanges d'en porter audit pré, & aux macquignons d'y pourmener leurs cheuaux, sur amende. Toutesfois nonobstant l'arrest, les Escoliers ne se desisterent d'abatre les maisons, rompre les iardins, & mettre le feu dedans : & fut la furie d'iceux trop lōgue & dommageable à plusieurs.

*Insolence
faite de-
puis.*

Audit an, le ieudy dixseptiesme iour de Ianuier, fut publié en Parlemēt l'Edict du Roy, par lequel est defendu de bastir & edifier maisons és faux-bourgs de Paris, & que les bastimens commencent, qui n'auoient forme ne façon de maison, ne seroient paracheuez.

*Deffence
de ne bastir
aux faux-
bourgs.*

En ce temps fut dressée la montee pour aller en la Chambre des Generaux des Aides, sur la petite salle du Palais, ouuree des deuises du Roy, & de plusieurs H.H. couronnees.

L'entree du Roy Henry deuxiesme, à Paris, & de la Royne, son espouse, la proceßion par luy faicte, le bastiment à loger l'artillerie, des fontaines des Innocens, ouuerture de la porte de Nesle, des autres diuers bastimens de son

temps, des Edicts par luy faits pour la closture & police de Paris, & renouvellement des halles & autres actes.

CHAP. XXVIII.

*Entree du
Roy Hen-
ry.*

EN l'an mil cinq cens quarante neuf, le seiziesme iour de Iuin, le susdict Roy fit son entree, en armes, à Paris, la plus riche & magnifique qui fut iamais veüe entre les François, tant du costé du Roy, que de la part de la ville, qui n'auoit en rien esparagné ses thresors, n'y ses bons esprits, pour rendre l'honneur deu à son Prince, tant en habits & ornemens, qu'en Theatres & belles inuentions, dont ie descriray en passant les plus singulieres.

*À la por-
te S. Denis*

A la porte royale de saint Denis, par laquelle ledict Seigneur deuoit entrer, y auoit vn avant-portail d'ouurage Tuscan & Dorique : aux deux costez duquel estoient deux grands Colosses d'hommes, mis en lieu de Colonnes, tenant chacun vn grand croissant d'argent, d'as lesquels estoit escrit en lettre Romaine, la deuise du Roy.

Donec totum Impleat Orbem.

A la sommité de cet avant-portail estoit vn Hercules de Gaule, dont le visage ressembloit au feu Roy François : il tenoit en sa main dextre vne lance entortillee d'un serpent & d'un l'aurier, signifiant que guerre conduite par prudence donne la victoire.

En la gauche tenoit son arc, ayant le carquois en escharpe,

en escharpe, quatre chaines sortoient de sa bouche, assez lasches, qui estoient attachees aux oreilles de quatre personages, l'un representoit l'Eglise, l'autre Noblesse, le tiers conseil, & le quatriesme labeur. Es noms desquels estoit escript en lettre d'or.

Trahimur sequimurque volentes.

Signifiant qu'iceluy Roy François par sa douce eloquence & faits belliques, auoit attiré tous estats à luy: comme le denotoient quatre vers escripts en vn tableau, lesquels pour n'estre prolixes laisserons.

A la fontaine du Põceau y auoit trois Fortunes assises sous vn Iupiter. La premiere d'or, tenant vn gouuernail en dextre, & vne couronne d'abondance à la fenestre: elle represétoit le Roy & le Royaume, & portoit par escript.

Regnorum sors Diua comes.

La seconde estoit d'argent, & armee, representant les Nobles, son mot est tel.

Sors Fida potentum.

La tierce de plomb, signifioit le peuple, & tenoit vn coultre de charrue. Elle auoit aisles au dos, & disoit.

Impigra Iustàque sors plebis.

L'Image de Iupiter auoit ces mots.

Tibi sceptrum Iouemque consiliant.

Ainsi le susdict Roy continua de marcher plus auant iusques au grand Palais, à l'entree duquel sur les grands degrez estoit vn double arc triom-

Entree du
Palais.

phal, duquel la frize & cornixe estoient enleuees de moreſques dorees, & au deſſus estoient les armes du Roy & de la Roync, enuironnez de chapeaux de triumphe. Aux deux cantons estoient deux harpies, tenant chacune vn flambeau tousiours bruſſant, & au milieu des deux arcs, estoit vne Venus grande au naturel, qui iettoit lait de ſa mammelle dextre. Les degrez estoient tous couuers en berceau de feſtons de lierre.

Le dixhuiſtiesme iour de Iuin enſuiuant, la Roync Catherine de Medicis fit ſon entree en ladite ville, la plus riche & ſumptueuſe qu'on ait iamais veüe, eſtant accompagnee & ſuyue des grandes Dames & Princeſſes, dont les ornemets & beautez excedoient les excellences du mode.

Le lendemain, iour de la feſte Dieu, le ſeigneur Claude Guyot, Preuoſt des Marchans, & les Eſcheuins, presenterent à la maieſté du Roy vn riche preſent, tout de fin or, vray chef d'œuure de orfeurie: en la baſe duquel ſouſtenue par trois harpies enrichies des deuifes & armes du Roy, estoit eſcrit.

Henrico II. Principi P. F. princeps ciuitas Lutecia D. D.

Au milieu de cette baſe estoit planté vn palmier contrefait au naturel, autour duqueleſtoiet debout trois Roys armez & couronnez: l'vn reſſembloit naiſſement au Roy Loys douziesme, le ſecond au Roy François, & le tiers au roy Henry. Les deux premiers mōſtroient au tiers vne petite table pendante à l'vne des branches du pal-

mier, où estoit escrit.

Magnum magna decent.

Sous les trois Roys, contre la bafe estoient trois personages, à sçauoir, sous le Roy Loys, estoit Ianus à deux visages, l'un vieil & l'autre ieune, portant contenance de vouloir escrire: sous le Roy François estoit Iustice, tenant vne espee nue en la main, & sous sès pieds vne bourse.

Sous le Roy Henry estoit vn Dieu Mars, armé, garny d'une targue à vne teste de Lyon. Ces trois auoient leurs pieds sur le dos des trois harpies. A l'un des costez estoient les armes de la ville qui auoient ce mot dans vn rouleau.

Tumidis velis aquilone secundo.

Après que le Roy & la Royne eurent fait leurs entrees, & le tournoy eut esté acheué le troisieme iour de Iuillet, fut dressée vne bataille nautale, & donné l'assaut de gens de pied, contre vne petite ville feinte, en l'Isle de Louuiers, dans laquelle estoit Monsieur d'Aumalle & sa compagnie, comme tenans les Nauires & Galleres du Roy & des grâds Seigneurs, peintes & armoyees de leurs couleurs, voltigeoient à l'entour sur la riuiera de Seine, (chose plaisante à voir) & les assaillans de la ville tous à pied, & en fort bel ordre en armes estoient campez à l'Isle aux vâches. En cet assaut fut bruslee vne tour au milieu de l'eau, & l'Artillerie de tous costez fut deslachee de telle impetuosité que la terre trembloit, & empeschoit la fumee la clarté du Ciel. De l'estonne-

ment les verrieres des Celestins tomberent toutes par terre, vne gallere y fut bruslee par le feu qui se print à leur poudre estant ietté de ceux de dedans.

*Procession
generalle.*

Le lendemain le Roy fit faire procession generale à Paris, où il assista & avec luy la royne, tous les Princes & princesses, à pied, & cierges en la main: en icelle fut porté le S. Sacremēt de l'autel, les sainctes reliques de la Sainte Chapelle, la chasſe Sainte Geneuiefue, & generallyment tous les saincts reliquaires de la ville & fauxbourgs de Paris: Le Roy partit de S. Paul avec telle compagnie, & vint à nostre Dame de Paris, où fut celebré la Messe en toute humilité & deuotion, à laquelle il assista plusieurs Cardinaux, Archeuesques & Euesques, semblablement les deux cens Gentils-hommes, Suisses, Archers & Officiers de la maison dudit seigneur, tous ayans torches ardentes en la main, & les suyuoient les Estats de la ville, les Cours de Parlement, des Comptes des Aides, des Generaux, le Preuost de Paris, & toute la Iustice, marchant en bonne ordre à ladicte procession, aussi ayans torches ardentes & cierges bruslans en leur main. Ce iour furent bruslez cinq Heretiques sacramentaires, & plusieurs autres depuis.

*Ordre de
ladicte pro-
cession.*

*Heretiques
bruslez.*

En ce temps furent instituez les enfans Orphelins en l'hospital de la Trinité, comme auōs dict plus amplement sous le regne de Philippes Auguste cy deuant. Il y a vne place derriere les Celestins, ou de coustume les Roys font fondre leur Artillerie pour la defence du Royaume: en ce

lieu le Roy Henry second à faict faire deux grandes & spacieuses loges, en forme de Halles, en l'une desquelles on fond & forge les pieces d'Artillerie, & l'autre sert de les mettre à couuert, ensemble des logis & maisons pour les officiers & ouuriers dudit estat: & lors fut clos le passage par lequel on alloit de la, à la Bastille.

Del' Arsenal.

Audit an, mil cinq cens quarante neuf, le vingt cinquiesme iour de Nouembre, le Roy commanda par lettres patentes en forme d'Edict, par lesquelles il ordonna que toutes personnes, de quelque qualité, estat & condition qu'ils fussent, mettroient par deuers messeigneurs de la chambre de son Thresor, la declaration par escrit, des fiefs, arrieriefiefs, heritages, possessions, maisons, cens, rentes, prez, forests, & autres choses quelconques mouuans de son domaine, dont ils estoient en iouissance en la preuosté & viconté de Paris: à fin que par les tiltres & enseignemens on fist des papiers terriers, pour la conseruation des droits dudit seigneur. Par mesme voye les Quartiniers de Paris exhiberent par Rooles le nombre des maisons en chasque quartier, au moyen dequoy on cogneut à peu pres le nombre d'icelles, que l'on a estimé iusques à dix mil ou enuiron, non compris lesdits fauxbourgs, les Eglises, Chapelles, Colleges, Chapites & Cōmunautéz, les cinq ponts, les vnze halles, & beaucoup d'autres lieux du domaine du Roy.

Edict du Roy.

Nombre des maisons.

L'an mil cinq cens cinquante, les fontaines S. Innocent furent basties de neuf, avec vn corps d'hostel par dessus, le tout de pierre entaillée à

Fontaines S. Innocent.

l'antique , où sont representees au naturel les Nymphes & dieux Poëtiques, sur deux desquel- les estans demy nues est escrit en lettres d'or.

Fontium Nymphis.

*Porte de
Nesle ou-
uerte.*

Audit an fut ouuerte la porte de l'hostel de Nesle , pour passer du costé des Augustins , vers sainct Germain des prez : & pour ce faire fut fait de neuf vn pont de bois trauersant par dessus les fossez dudit hostel : depuis lequel on a fait vn quay & chaussée de pierre de taille , au long de la riuere, en réparât les vieilles murailles iusques

*Orloge du
Palais.*

au pont Sainct Michel , fut aussi peint de neuf & doré le quadran de l'horloge du Palais , & au dessous escrit en lettres d'or.

Henric.ij. Franc. Rex (Christianiss.

*Monnoye
faite à
Paris.*

L'an que dessus, le Roy fit plusieurs ordonnâces sur le faict des monnoyes , & furent dressées en l'hostel de Nesle plusieurs forges, où furent for- gees les pieces de deux sols six deniers.

*Le quay
de la riuie-
re de Seine.*

Cette mesme année, au moys de Iuin, fut com- mencé à bastir le quay au long de la riuere de Seine, depuis le port au foing, iusques en Greue.

*Ancienne
boucherie.*

Audit an & moys, le Roy Henry ayant donné à certain personnage la place d'alentour la bou- cherie de Paris , vis à vis de Chastelet, depuis la tour de la boucherie , iusques au coing abou- tissant deuant le marché à la volaille , les bou- chers sy opposerent, disant cela leur appartenir, & que l'ancienne boucherie comprenoit ius- ques là.

De fait le paué fut leué, pour verifïer leur dire, & furent trouuez les fondemens à l'allignement de ladite tour. En icelle tour font encores des degrez pour monter fur cette boucherie, où y auoit grandes falles à faire feſtes, & deſſous y a des caues.

En cét an fut eſtably le baſtiment de pierre de taille & de brique en la vallee de Miſere, cõtre Chaſtelet, au bas duquel ſont les demeurances d'aucuns Orfeures & Marchans : le haut eſtage eſt eſtably pour la chambre des Commiſſaires de Chaſtelet, dans laquelle on entre par la ſalle du-dit lieu.

Auſſi en cette ſaiſon fut acheué le baſtiment du cloiſtre des Celeſtins, tout vouté de pierre de tail- *Baſtiment des Celeſtins.* le, de tres-excellent ouurage.

En ce temps les Sergens à verge firent dreſſer les loges, autrement ſieges, ou bureaux, couverts d'ardoïſe, & deſſus les effigies d'un Roy & de *Siege des Sergens.* Juſtice, à fin d'y tenir leur aſſiſtence durât le iour. L'un à la porte Baudets, le ſecond pres ſainct Iaques de l'hõſpital, le tiers au petit Chaſtelet: l'autre au bout du pont Sainct Michel, & en la place Maubert.

Audiçt an, fut faiçte ouuerture en la groſſe muraille de la ſalle du Palais, & dreſſee vne porte pour entrer de front en la chambre doree de Parlement. Vers la fin d'icelle annee, mil cinq cés cinquante, on reſtaura de groſſes pierres de taille, pluſieurs ruynes au grand Chaſtelet.

Au moys d'Aouſt audit an, furent venduz pu- *Excellens meubles vendus.* bliquement, en la Megiſſerie, pluſieurs Images,

tables d'autels , peintures , & autres ornemens d'Eglise, qu'on auoit apporté & sauuez des Eglises d'Angleterre.

Edict du Roy.

En cette annee mil cinq cens cinquante, le Roy enuoya lettres en France, en forme d'Edict, au Preuost de Paris, & ses Lieutenans, Preuost des Marchans & Escheuins, par lesquelles il leur mandoit faire faire le portrait & dessein de la closture & fortifications de tout Paris, comprins les fauxbourgs, tant de l'vniuersité que de la ville, avec permission de bastir & edifier maisons dedans ceste closture : donné à Saint Germain en Laye, le huitiesme iour de Septembre.

Etablissement d'un Bac & autres commandemens du Roy.

Enuoya ledict seigneur Roy, autres lettres audit Preuost, pour aduiser l'establissement d'un Bac, sur la riuere de Seine, donné à Saint Germain en Laye, le neufiesme iour de Septembre audit an.

Enuoya autres lettres pour la police de la ville & nettoiyement des rues d'icelle, donnees audit lieu & mesme iour. Autres lettres, pour dresser les pantes des esgouts & conduits des immondices d'icelle ville, donné audit lieu & mesme iour.

Autres lettres pour le departement & establissement des Commissaires & quartiniers, par certains lieux & places de la ville, cité & vniuersité, & fauxbourgs : pour suruenir aux affaires & necessités d'icelle, donné audit lieu & mesme iour.

Halles baillies à rebastir.

En ce temps les Halles de Paris furent entiere-ment baillies à rebastir de neuf, où furent dressez, bastis & continuez excellents edifices, hostels & maisons sumptueuses par les bourgeois

preneurs des vieilles places & ruynes.

En ce moys furent faictes portes neuues de bois en la grande & petite falle du Palais, entaillees aux armes de France & Dauphiné, avec les croifans & HH. couronnees: ensemble furent faites les fenestres de mesmes estoffe en icelle grande falle.

*Porte neu-
ue au Pa-
lais.*

Le neufiesme iour d'Octobre, par cas fortuit fut bruslee vne grande partie du College de Reims.

Audit an mil cinq cens cinquante, la veille de Toussaints, fut publié à son de trompe par Edict du Roy, qu'aucun ne vendist marchandise, ou urist-boutique en iour de feste en la ville de Paris: & que nul artisan n'eust à faire son mestier, la veille de feste passé mynuict.

Le Dimanche septiesme iour de Decembre ensuyuans, ainsi qu'on chantoit vne antienne apres vespres en l'Eglise de nostre Dame de Paris, deuât son image: vn heretique, natif de Lorraine, passant entre les Chanoines, vint l'espee tiree vers l'image, & montant pour attaindre où elle est assise, s'efforça de la frapper, & la jetter par terre, mais estant arresté par les assistans, fut emprisonné, & le leudy ensuiuant eut la lague coupee par arrest de la Cour, pour ses blasphemies, & fut bruslé vif, au paruis nostre Dame, & le Dimanche d'apres, audit lieu, fut faicte procession generale par la cour de Parlement, magistrats de l'hostel de ville, & le peuple de Paris en grand nombre.

*Vn Here-
tique brus-
lé au Par-
uis nostre
Dame.*

L'an mil cinq cens cinquante & vn, le Samedy treziesme iour de Iuin, fut descendue la chasse

*Procession
generale.*

Saincte Geneuiefue, & portee en procession en l'Eglise nostre Dame, à cause des Tonnerres, foudres, gresles, & longues pluyes, qui auoient gasté beaucoup de pays, & tué ou bleffé beaucoup de personnes.

Villeneuve aux faux-bourgs. Le vingtiesme iour d'Aoust ensuyuant par les paroissiens de Sainct Laurens & autres habitans, furent assises les quatre premieres pierres pour fondement d'une chapelle nouvellement erigee en la Ville-neuve des fauxbourgs Sainct Denis, sur la montaigne du moulin : laquelle chapelle a esté acheuee de bastir & augmentee pour le soulagement desdits habitans.

Bornes mises aux fauxbourgs. Audit an, le Lundy cinquiesme iour d'Octobre, furent cōmencees à ficher les bornes pour enclore avec Paris les fauxbourgs de Sainct Germain des Prez, S. Michel, S. Marceau, & Sainct Victor.

Le sacre de reuerend pere en Dieu, l'Euesque de Paris, procession du Roy, reedification du petit pont, asiette des premiers fondements des rampars & bouleuers de la ville avec continuation d'iceux, fondation de l'Hospital des pauvres à Sainct Germain des Prez, la paix entre les Princes, trespass du tres-chrestien Roy Henry second du nom, & la reedification du College de Forteret.

CHAP. XXIX.



LE Dimenche quinziesme de Novembre, mil cinq cens cinquante vn, Eustache du Bellay grand Archidiacre de Paris, fut sacré Euesque en la chapelle de l'hostel Episcopal. Le Mecredy dixhuietiesme iour dudit moys, audit an, le Roy fit faire proces-

tion generale, où fut porté le Sainct Sacrement de l'Autel, les saincts reliques de la saincte Chapelle, les Chasses saincte Geneuiefue sainct Marceau, sainct Germain des prez, & toutes les autres Chasses, & Reliques de Paris: il partirent de la grand'Eglise, vindrét par la rue de la vieille draperie, entrerent en la grand salle du Palais, passerent par la petite salle, & deuant la saincte Chapelle, où estoient le Roy, la Royne & toute la seigneurie de la Cour, accompagné de la Cour de Parlement, de la Chambre des Comptes, du Corps de la ville de Paris, & autres estats d'icelle. Le Roy suyuit la procession, à pied, le cierge ardent en la main, suiuy de tous les Estats dessusdits, retournerent par la rue de la Calende en la grand'Eglise, où Monsieur du Bellay, nouuel Euesque de Paris, fit l'office, le quel ce mesme iour, de grand matin, auoit esté receu, & fait son entree d'Euesque, ainsi qu'il s'ensuit: Il faut entendre que c'est la coustume ordinaire quand le nouuel Euesque fait son entree, de coucher vne nuit à Sainct Victor & le matin l'Abbé de Sainct Victor le presente à l'Abbé de Saincte Geneuiefue, qui le conduit, avec ses Religieux, en l'Eglise saincte Geneuiefue des Ardants, ainsi qu'auons dit cy deuant où il est fait mention des Religieux Saincte Geneuiefue. Or pource que la procession empescha les solénitez, le Roy pour lors en deschargea lesdicts Barons & Seigneurs, & seulement vint ledict reuerend, Eustace du Bellay, en l'Eglise saincte Geneuiefue des Ardants, se reuestit des habit Pontificaux, atten-

*Procession
generale.*

*Entree de
l'Euesque
de Paris,
& ce qui
se fait à
ladiete en-
tree.*

dant l'Abbé sainte Geneuiefue, lequel vint suivant la Chasse sainte Geneuiefue, apportee en procession, & s'arrestant l'Abbé à la porte de l'Eglise sainte Geneuiefue des Ardants, fit la reuerence audit Euesque du Bellay, luy baillant vn liure ouuert à baiser: puis luy feit mettre les mains dessus & lire dedans, pour faire les promesses accoustumees.

*Les quatre
Barons de
France ap-
pellés.*

Cela fait, l'Abbé print l'Euesque par la main fenestre, le mena hors l'Eglise, & le presenta au Clergé de Paris, qui estoit attendant en la rue. Là furent appelez en defaut, par vn huyssier de Parlement, les quatre Barons de France (dont Montmorency souloit estre le premier, mais cette Baronnie, peu au parauant en la mesme annee, auoit esté erigee en Duché) à sçauoir le Baron de Massy, le Baron de Maugeron, le Baron de Cheureuse, & le Baron de Lusarches. Apres que le Doyen & le Chantre de l'Eglise de Paris, eurent receu leur Euesque avec oraisons, & harangues Latines, luy eurent presenté l'eau beniste, l'écensier, & fait les autres ceremonies, & que l'Abbé de sainte Geneuiefue eut protesté, & fait protester les autres que cette presétation, & reception faite en brief temps, par le commandement du Roy, seroit sans déroger à l'aduenir aux anciennes coustumes & vsage, ils menerét le dit reuerend pere, Euesque en la grand'Eglise: & deuant qu'entrer en icelle, luy firent iurer & signer de sa main les statuts de leans, qui luy furent leuz, puis l'introduirent en l'Eglise où fut chanté le Canticque, *Te Deum laudamus.*

Et ce fait, le menerēt au reuestiere & au tresor:
 & l'ayant assis au siege Episcopal, le meirent en
 possession de toute l'Eglise & Euesché. Le Di-
 manche vingt septiesme iour de Decembre, au-
 dit an, fut faite procession generale depuis l'Egli-
 se nostre Dame de Paris, iusques à l'Eglise Sainct
 Geruais, ou fut chantee la Messe, & faite predi-
 cation, touchant la veneration des Images, pour *Image no-*
 cause que quelques iours au parauant on auoit *stre Dame*
 rompu les testes d'une image de nostre Dame & *mise silen-*
 de son enfant, derriere Sainct Anthoine le petit, *ciement.*
 au mesme lieu où on auoit fait semblable iniure
 à vne autre image de nostre Dame, du temps du
 Roy François, lequel au lieu y en auoit mise vne
 d'argent, laquelle aussi auoit esté desfrobee, & de-
 puis vne autre de pierre remise, laquelle auoit e-
 sté ainsi brisee, comme i'ay dit, pour reparation
 duquel crime apres que la Messe eut esté chantee
 en l'Eglise Sainct Geruais, la procession de toutes
 les Eglises de Paris accompagnans le reueren-
 dissime Legat en France, & l'Euesque de Paris
 tenant vne image de nostre Dame, doree & ar-
 gentee, suyuis de la Cour de Parlement, du Corps
 de la ville, & grand nombre de peuple, tous alle-
 rent au lieu dessusdict, auquel le reuerendissime
 Legat en grand honneur posa icelle image, en la
 presence des assistans. Au commencement de l'an-
 nee mil cinq cens cinquante deux, furent ab-
 batues les maisons assises sur le petit pont, du
 costé de l'hostel Dieu, pour leur vieillesse tōbans
 en ruyne, & en furent edifiees d'autres de pierre
 de taille, toutes d'une grandeur & mesme alli-
Edifice de
petit Pont.

gnement: au milieu duquel fut apofee telle efcri-
ture en lettres d'or, fur marbre noir.

*Anno Dom. M. D. LII. Henrici II.
VI. Clau. Guiotus mercatorum præfectus
iterum continenter factus Ioh. Iayus Cos.
Luillierius, Gui. Lormierius & Rob.
Prætenfis.*

AEDILES POSVERE.

*Confirma-
tion de pri-
uileges.*

L'an mil cinq cens cinquante trois, le Roy
Henry donna le priuilege, & confirma les anciẽs
tiltres au Preuoſt des Marchans, Eſcheuins &
Bourgeois de Paris, pour les exempter d'aller au
ban & arriereban: par lettres donnees à Sainct
Germain en Laye, au moys de Iuin.

*Fortifica-
tions de la
ville de
Paris.*

Audit an furent commencees les fortificatiõs
de la ville de Paris du coſté du bouleuert dedans
le fleuve de Seine, là où le cours d'iceluy entre
dans les foffez, derriere les Celeſtins, en continu-
ant iufques à la Baſtille Sainct Anthoine, pour
laquelle choſe accomplir, enſuyuant l'Edict du
Roy, toutes les maiſons furent taxees & cotiſees,
pour ſubuenir aux frais, & fut la premiere pierre
aſſiſe le Vendredy onziẽſme iour d'Aouſt, la-
quelle eſtoit ainſi eſcrite & grauce que voyez cy
apres.

NISI DOMINVS

MANE NOBISCVM
DOMINE.

D. HENRI. II. R.

G. C. F. A. V G.

G. TH. C. P. M. VLOR.
RP. TL. IB.

QVARTVM VIRIS.

I. H. E. T. HE. VRB.

1553.

VIII. M. A V.

FRVSTRA VIGILAT

QVI CVSTODIT EAM.

CVSTODIERIT CIVITATEM,

Lesdictes fortifications à fons de cuue avec leurs remparts & secrettes defences, furent continuees iufques à la porte Sainct Anthoine, auquel lieu à main fenestre est grauee en pierre cete efcriture:

Regnant le Roy Henry II. M. Martin de Bragelonne, Confeiller du Roy, Preuoft des Marchans, M. Auguftin de Tou, Claude Marcel, M. Pierre Preuoft, & Guillaume L'archer, Efcheuins.

En cét endroiât, dans la pierre du fondement, est graué ce qui f'enfuit.

Henrico II. Francorum Rege Christianiſſ. Galliarum. Habenas moderante, præpoſitus & IIII. viri par. R. P. ad ciuium ſecuritatem & quietem A. fund. Erexere. M. D. LV I.

*Hôſpital
Sainct Ger
main.*

L'an mil cinq cens cinquante ſept, fut baſty de neuf vn hôſpital, pour loger & retirer les pauvres, hors les fauxbourgs Sainct Germain des prez, lediât lieu n'eſt preſque entretint que des auſmoſnes des Citoyens & Bourgeois de Paris, choſe grandement charitable, car en ce lieu y a grande abondance de pauvres.

*Seconde ſe-
dition pour
le Pré.*

Au moys de May audit an, ſ'eſmeut la ſeconde ſedition du Pré aux Clercs: ſinablement vn ieune eſcolier, nommé Baptiſte Croyquoyſon, natif d'Amiens, prins en la ſedition, fut pendu, eſtranglé, & bruſlé au milieu dudiât Pré.

*Seconde
fuytte.*

En cét an fut la ſeconde fuyte des Pariſiens, eſpouuentez de la prinſe de Sainct Quentin, & fit le Roy faire proceſſion generale, où il aſſiſta. Le Dimanche cinquième iour de Septembre, en la preſence

presence du Roy & de la Roynie , furent faictes monstres generalles des estats & mestiers de Paris, entre la chappelle & S. Denis en France. *Marché neuf.*

L'an mil cinq cens soixante vn fut ouuerte vne rue vis à vis de la rue neuue nostre Dame, maintenant nommee le marché neuf & boucheries , le long de la riuere de Seine , iusques à l'Eglise S. Germain le vieil , aboutissant de l'autre part au bout du pont Sainct Michel, pour la commodité des passans , & eslargissement des voyes publiques, acheuez sous le regne du roy Charles neuuiesme du nom, comme verrez cy apres.

L'an mil cinq cens cinquante neuf, le dixiesme iour de Iuillet, trespassa le Roy Henry deuxiesme de ce nom, en son hostel des Tournelles, par vne blessure qu'il auoit receüe d'un contre coup de lance le Vendredy dernier iour de Iuin , au tournoy empris & tenu en la rue Sainct Anthoine, auquel tournoy ledict seigneur Roy estoit l'un des tenans, ce qu'il fit pour la ioye de la paix, qu'il auoit obtenue par le don de Dieu, avec les Princes estrangers , au moyen dequoy il marioit , au roy Philippes d'Espagne, sa premiere fille, Elisabeth, & madame Marguerite, sa sœur à Philebert Emanuel, Duc de Sauoye. La mort dudit Prince apporta grande tristesse & pleurs aux François & estrangers : aussi les annees d'apres, le Royaume de France s'en ressentit. *La mort du Roy Henry.*

Le Ieudy , treiziesme iour de Iuillet, le cœur dudit feu seigneur roy, honnorablement embasme, fut posé dans vn cercueil de plomb, d'un pied en carré, dessous la couuerture duquel estoit

graué.

Icy gist le cœur de Henry, par la grace de Dieu second de ce nom, Roy de France Treschrestien, qui trespassa aux Tournelles de Paris, le dixiesme iour de Iuillet, l'an mil cinq cens cinquante neuf.

*Le cœur du
Roy Héry
aux Cele-
stins.*

Puis fut porté processionnellement ce mesme iour aux Celestins, où il fut mis en la presence des grands Seigneurs en vn caueau, sur vne colonne, deuant le grand autel dudit conuent des Celestins. Et apres tous les honneurs & ceremonies gardees, le Dimanche treiziesme iour du moys d'Aoust, son corps fut enterré à l'Eglise de Saint Denis en France.

*Chasteau
de Meudon.*

Durant le regne dudit seigneur Roy, le tresilustre & reuerendissime Cardinal Charles de Lorraine, fit bastir dans le bois du Chasteau de Meudon, vn lieu de plaissance, nommé la Grote, à l'imitation des anciens Romains, qui souloient bastir ainsi leurs edifices: est ledict Chasteau estoiffé de tant de colonnes, effigies, statues de marbre, de peintures grotesques, cōpartimens & images d'or & d'azur, & autres couleurs, qu'il est impossible le reciter: sur le deuant dudit lieu, dedans la corniche, est escrit en lettres d'or.

Quieti & musis Henrici II. Gall. R.

P. R. O. P. T. P. P. S.

Le Chasteau dudit lieu de Meudon auoit esté commencé à bastir du temps du Roy François

premier, par messire Anthoine Sanguin Cardinal du sainct Siege, & seigneur dudit lieu, & fut paracheué durant le regne du Roy Henry second.

L'an mil cinq cens soixante, fut réparé & reedifié le College de Fortet, cent septante ans apres la fondation, ainsi qu'on liët sur la porte d'iceluy, ainsi.

College de
Fortet ree-
difié.

Aurelia censium & Fortetica familiae decus D. Petrus Fortetus Parisiensis canonicus has ædes sacratis. musis. anno domini 1391. Dicauit prudentis. moderatores ruinosum vestibulum restituebant anno domini 1560.

Du regne, entree, sacre & couronnement du Roy François deuxiesme du nom, en la ville de Reims, & de plusieurs choses durant son temps, entre autres le commencement des guerres civiles en la France.

CHAP. XXX.

A Pres le trespas & decez du tres-Chrestien Roy Henry deuxiesme du nom, succeda à la couronne de France, son fils aîné, François deuxiesme de ce nom, lequel estoit aagé de quinze à seize ans, & commença à regner au mois de Iuillet, l'an de nostre Seigneur mil cinq cens cinquante neuf. Auquel temps furent faits plusieurs edicts & ordonnances pour le faict de la Religion.

François de
Valois 60.
Roy de
France.

Le leudy quinziesme iour du moys de Septembre ensuiuant, ledit seigneur Roy procédant à son sacre & couronnement fit son entree en la ville de Reims en Champaigne, & le Lundy d'apres, qui estoit le dixhuietiesme iour dudit moys, sa Majesté fut oingte & sacrée en la grand' Eglise, par le reuerendissime Cardinal de Lorraine, Archeuesque dudiect lieu, & Abbé de l'Abbaye Saint Remy, estant accompagné des Princes du Sang, des Pairs de France, & de plusieurs autres grands Seigneurs, avec excellétes pompes & magnificences, y estans gardees & obseruees toutes ceremonies requises ou accoustumées d'ancienneté. En celle mesme année, le douziesme iour du

Sacre du Roy.

Mort du President Minart.

moys de Decembre, maistre Anthoine Minart, tiers President du souuerain Parlement à Paris, en retournant du Palais en son logis estant monté dessus sa mullé entré cinq ou six heures du soir, fut frappé d'un coup de pistolle, en la vieille rue du Temple, dont il mourut peu apres.

Lettres du Roy pour assembler les estats.

Au moys d'Aoust, mil cinq cens soixante, furent despeschees lettres patétes, par lesquelles ledict Seigneur Roy mandoit au Preuost de Paris, & pareillement à tous autres Iuges, faire assembler à son de trompe ou autrement, en la principale ville de leur ressort, les trois estats, pour conferer ensemble, tant sur les plaintes & dôleances qu'ils auoient à proposer en l'assemblée générale des trois estats de France, comme aussi ce qui leur sembleroit tourner au bien public, & au soulagement & repos d'un chacun.

En celle mesme année, mil cinq cens soixante,

le dixiesme iour du moys de Septembre, le Roy François estant à Sainct Germain en Laye, despescha lettres patentes, par lesquelles il mandoit, prioit, exortoit, & neantmoins enioignoit à tous Euesques, Prelats & membres de l'Eglise, de son obeissance, qu'ils eussent à se trouuer en la ville de Paris, au vingtiesme iour du moys de Ianuier ensuyuant, pour en ce mesme lieu, ou autre prochain d'icelle, qui leur seroit assez tost designé s'assembler & conferer ensemble, sur le vray seruice de Dieu, & de nostre mere sainte Eglise, & pour la seurreté des consciences de tout le pauvre peuple.

Autres lettres, pour faire ladicte assemblée.

Au moys d'Octobre ensuiuant, le Roy partit de la ville de Paris, avec grand'compagnie, tous en armes, & chemina pour aller à Orleans, pour y assembler les trois estats de son Royaume, à fin d'entendre les plaintes & doleances de son peuple, ainsi que luy-mesme auoit fait crier & publier par tout son royaume. En ce mesme temps, le quatre & cinquiesme iour du moys de Novembre, fut faicte assemblée en l'Eglise nostre Dame de Paris, par le commandement du Roy, pour les dits estats.

Le Roy part de sa ville de Paris.

Audit moys de Novembre, le Roy escheut malade d'un caterre qui luy tomba sur vne oreille, & tellement le pressa ladicte maladie, qu'il en mourut vn Ieudy cinquiesme iour du moys de Decembre, audit an, mil cinq cens soixante, laissant madame Marie de Stuart, Roync d'Escoffe, sa femme, veſue sans aucuns enfans, & quelque peu de temps apres, son corps fut porté inhumer

La mort du susdict Roy.

en l'Eglise Sainct Denis en France, pres ses peres
& ancestres , ainsi comme on a de coustume de
faire , avec telle pompe funebre , que le temps
peut permettre.

*Du regne du Roy Charles, neufiesme de ce nom, cōtinua-
tion de l'assemblee des Estats en la ville d'Orleans,
l'entree, sacre & couronnement du Roy à Reims l'en-
tree du Roy à Paris, grande tempeste & merueilleuse
grefle tombee , poudres bruslees dedans l' Arsenal,
bastiment du neuf marchè , redification de la porte
sainct Victor , De deux sacrileges punis, l'un pour le
faict par luy commis à l'Eglise Sainct Barthelemy,
l'autre en l'Eglise sainte Geneviefue du mont, puni-
tion d'un seditieux, du fondement des fortifications
de la ville, & plusieurs bastimens d'icelle: & autres
choses dignes de memoire.*

CHAP. XXXI.

Charles
Maximi-
lian, 61.
R^{oy}.



Charles Maximilian, fils du Roy Henry
deuxiesme de ce nom , & de madame
Catherine de Medicis, nasquit à Sainct
Germain en Laye le vingtsixiesme de
Iuin , de l'annee mil cinq cens cinquante, & suc-
ceda à son frere François, qui mourut à Orleans,
estant le Royaume remply de diuisions : & pour
autant qu'il estoit encores en bas aage , tout le
maniement des affaires fut baillé à la Roynne sa
mere, pour en disposer & ordonner: toutesfois il
fut conclud qu'en toutes lettres & despeschés, le
Roy parleroit, sans qu'on fit aucune mention de

Regent ou Regente : & Anthoine de Bourbon, Roy de Nauarre, fut estably & declaré son Lieutenant general, representât sa personne, par tous les pays & terres de son obeissance : ce qui fut au grand contentement de tout le peuple.

*Sacre du
Roy.*

Le dixhuietième iour de May, mil cinq cens soixante, le Roy fut sacré à Reims : au moys de Septembre ensuiuant, fut assemblé à Poissy vn Colloque national des Prelats de France, pour Colloque à Poissy.
ouyr & examiner les opinions diuerses de ceux de la Religion pretendue reformee : auquel suyuant le sauf conduit & permission donné, assistèrent plusieurs ministres, avec lesquels ne fut rien accordé ny resolu. L'an mil cinq cens soixante deux, ils obtiennent l'Edict de lanuier, par lequel leur estoit permis de faire presches & autres exercices de leur religion, hors les villes seulement, & ce toutes fois par prouission, & sans approbation de deux religions en France.

*Entree du
Roy à Pa-
ris.*

Audit an mil cinq cens soixante & deux le Lundy sixiesme iour d'Auil, le Roy fit son entree à Paris, & s'en vint coucher au Louure, & le Dimanche ensuyuant, au matin, vint à nostre Dame, où il fit les solennitez qu'ont accoustumé faire ses predecesseurs Roys. En celle mesme annee, le troisieme iour du moys de Iuillet, sur les dix ou vnze heures du matin s'esleua telle tempeste & vn vent si grand en la ville de Paris & es enuirons, que plusieurs moulins à vent d'alentour furent abbatuz & renuersez par terre, & sur les deux heures apres midy tomba grande quantité de grosse gresle par endroits, qu'il n'estoit point me-

*Vents im-
petueux
& gresle.*

moire d'en auoir iamais veu la semblable. Et audit an depuis la Toussaincts iusques enuiron la my Carefine, la riuiere de Seine se desborda grandement, & outre passa ses limites accoustumez, tant pour les grandes eaux pluuialles, qu'aussi pour estre la terre trop trempee.

Le Roy estant au Chasteau du bois de Vincennes receut nouuelles d'une victoire obtenue contre ses ennemys, le Lundy vingt & vniesme de Decembre iour S. Thomas, & à la mesme heure partit dudit lieu vint à nostre Dame de Paris, avec grãde ioye rendre graces à Dieu de la victoire & fist chanter, *Te Deum laudamus*. Ce iour mesme fut apporté vingt six enseignes de guerres qui furent mises dans ladicte Eglise.

Au commencement du moys de Mars fut apporté à Paris, Monsieur le grand Prieur propre frere du Duc de Guise nommé François de Lorraine. Il fut inhumé en l'Eglise du Temple en la chapelle des Cheualiers de Hierusalem, le dernier iour dudit moys.

Tumulte à Paris. Le vingt sixiesme d'Auril mil cinq cens soixante deux audit an fut vn tumulte à Paris, à l'occasion que en la rue Sainct Denis en la maison ou estoit pour enseigne le pillier vert en laquelle se faisoit vn presche des nouueaux reformez, Ce qui esmeut le peuple, commencerent à ietter pierres, ce voyãt le maistre du logis sortant avec vn harquebuzze ou il tua trois hommes, puis fut aussi tué à coups de pierres, ce qu'estât fait la commune se ietta dans le logis dudit ou on pilla les meubles: Monsieur le mareschal de Montmo-

rancy aduertý du fait vint audit lieu fist prendre plusieurs & constituer prisonniers entre autres l'un d'iceux pillars estant principal autheur du tumulte & trouué saisy des biés de ladite maison fut pendu & estranglé en l'une des fenestres d'icelle, & sur le champ sans autre forme de proces.

Audit an le Mecredy sixiesme iour de May trespassa à Paris, en son hostel Monseigneur Paul de Termes Marechal de France, fut enterré au Celestins.

Le xxvij. iour de Decembre mil cinq cens soixante deux ceux de la religion pretendue reformee, faisant le presche aufaux-bourgs S. Marcel, lez Parisen vn lieu nommé le Patriarche, aucuns malins, larrons & sacrileges, firent de grâds scandales, & actes impies en l'Eglise S. Medard, y tuans & bleçans ceux qui y furét trouuez. Quelque temps apres furent punis aucuns desdits pilleurs, & entre autres Priere Creon, dit le Champenois, surnommé nez d'argent, & vn autre dit le Cager, aussi le Cheualier du guet, nommé Gabaston, lesquels furent penduz, ledit Gabaston fut executé à la Greue le vingtdeuxiesme d'Aoust: trois mois apres ou enuiron les troubles recommencerent en la France, vers la fin du mois de Noembre. Le camp fut deuant la ville de Paris iusques au huietieme de Decembre, & le dixneufiesme dudit mois fut donnee bataille pres Dreux, ou fut prins Monsieur le Prince de Condé & tout son armee mis en fuite.

*Eglise S.
Medard
pillee.*

L'an mil cinq cens soixante trois, le dixhuietieme iour de Feurier, François de Lorraine, Duc

*Mort du
Duc de
Guise.*

de Guise, ayant pour le seruice du Roy Charles neuuiesme assiegé la ville d'Orleans fut frappé par derriere d'un coup de pistolle, par vn nommé Poltrot, lequel depuis fut executé à Paris le dixhuietiésme iour de Mars, audit an, pour l'assassinat, & duquel coup ledict sieur Duc de Guyse mourut le vingtquatriésme iour de Feurier: & le susdict Poltrot fut tiré & desmembré par quatre cheuaux en la place de Greué. En fin pour euitier aux meurtres & pilleries, le tout fut pacifié par le prudent conseil du Roy & de la Royne sa mere, & en fut publié vn Edict de pacification, le dix-neuuesme iour de Mars, mil cinq cens soixante trois.

*Edict de pa-
cification.*

*Edict du
Roy pour
la creation
des Iuges
Consuls.*

Le dernier iour de Nouembre mil cinq cens soixante deux, par commandement & lettres patentes du Roy, il veut & entend, que le Preuost des Marchés face assembler cent notables Bourgeois de Paris, & d'iceluy nombre choisir cinq Marchans qui soient natifs & originaires de ce Royaume, & demeurés en ladite ville: le premier desquels se nommera Iuge des Marchans, & les autres porteroient tiltre de Consuls, & l'office desquels ne sera continué plus d'un an entier, ains trois moys auant que leur an eschaye seront tenus appeller soixante marchans lesquels en esliront trente d'entr'eux, & ceux-cy auant que partir du lieu feront l'election des cinq Iuges & Consuls, lesquels feront le serment entre les mains des anciens: Ces Consuls ne sont commis sur vne generalité de police, ains simplement sur ce qui passe de marchand à marchand, sur le simple

*Quel est
l'office des
Consuls de
Paris.*

faict de la marchandise. La façon de iuger desquels est autant sainte qu'elle est soudaine, & pleine de simplicité, sans faire la suite des proces immortels, & causer la ruyne des poursuivans. Ces Consuls sont vne troupe de Bourgeois de Paris, de bonne & vertueuse vie, sans nul reproche, lesquels vident en dernier ressort, & sans appel, les causes purement: ressentât ce qui est en nature de debte, pour l'esgard de la marchandise, & sur le differend du marchand à autre, veu qu'il n'y a homme qui entende mieux le fond du sac, de ce qui concerne le trafic que celui qui ne fit iamais autre estat: ils ont esté creéz sous le Roy Charles neufiesme du nom, pour le seul esgard & conseruation de l'estat de marchandise, qui sembloit s'aneantir, à cause que les proces, pour raison de leurs debtes, estoient tirez en si grande longueur, qu'il n'y auoit nul moyen de plus trafiquer, au grand preiudice du marchand, & souuēt d'un proces s'en engédroit vne infinité, par ignorance de ceux qui auoient les affaires en main. Leur ordre donc, avec lequel ils dressent leur façon de policer, est en telle sorte. Celuy qui est demandeur, faict adiourner sa partie, vient se presenter au bureau & parquet des Consuls, armé de la Cedulle & obligation de celui à qui il a affaire, là faut que l'une & l'autre des parties propose son droict de sa propre bouche, ayant faict serment de ne dire chose qui ne soit veritable. Or la Cedulle mise en ieu, le Cōsul s'enquiert du debteur si c'est son escriture, & si elle est suiuant la verité: s'il le confesse & ne peut monstrier quitta-

*En quel
temps in-
situez à
Paris.*

*Ordre de
la police des
Consuls.*

ce ny escriit tesmoignant qu'il aytpayé, il faut que sur le champ il fournisse la somme qu'il doit sans aller vser de subterfuges, ou qu'il donne caution suffisante pour le contentement du credeur, sans qu'il soit besoing que les parties se destruisent ny en poursuite, ny en despens, ny en espices pour le iugement. Et pour ce que les Iuges n'ont cognoissance quelconques sur les crimes ny autres actions, aussi n'ont-ils iurisdiction personnelle de peine, sauf que l'emprisonnement en default de payer, ou suffisante caution, car il ne se faut là presenter pour y chiquaner & chercher eschapatoires. Et ce qui fait ce magistrat si rond & entier, est pource qu'il est simplement annuel.

*Consuls
annuels.*

La maison où ladicte Iustice s'exerce, est pres l'Eglise S. Merry (bastye de nostre temps, aux despens des Marchans.)

*Fes sou-
dain à l'Ar-
senal.*

En l'annee mil cinq cens soixante trois, le vingt huitiesme iour du moys de Ianuier, iour Saint Charlemagne entre deux ou trois heures apres midy, le feu se print à plusieurs caques & vaisseaux de poudre qui estoient dedans l'Arsenal du Roy, en la ville de Paris, & par la grande violence de l'estonnement & du feu, cinquante maisons d'alentour furent abatues & ruinees, & les habitans d'icelles tous morts, les verrieres tomberent en plusieurs Eglises, mesme en la cité, il y eut tresgrande perte & dommage au monastere des Celestins, en l'Eglise saint Paul, & es enuiron.

Le second Dimanche de Carefme, dixhuietiesme iour du moys de Mars que l'on contoit mil cinq cens soixante cinq, dés le premier iour du

moys de Ianuier, comme le Roy Charles l'auoit ordonné par vn sien edict, reuerend pere en Dieu Guillaume Violle, estant sacré Euesque de Paris, fit son entree en la mesme maniere que les Euesques ont accoustumé de faire à leur reception. Ledit Violle ne vesquit guere longuement, & mourut le Mardy quatriesme iour du moys de May, l'an de grace, mil cinq cens soixante sept, estant en son hostel Episcopal, & fut enterré honorablement en la grand Eglise nostre Dame de Paris, avec telle solennité & pompe funebre que l'on a accoustumé faire.

*Entree de
l'Euesque
M. Violle.*

En l'annee mil cinq cens soixante huiet, fut acheué le Neuf marché & poissonnerie, commencé l'an mil cinq cens soixante & vn, & fut assise la premiere pierre le quatriesme iour de Iuin. Il est bastyle long de la riuere de Seine aboutissant d'un bout au Pont Saint Michel, & l'autre sortant dans la rue Neuue nostre Dame, auquel lieu a esté basty dixsept boutiques tout d'un costé, ioignant l'un à l'autre, dedans lesquelles se vend la maree & saline, & és autres places des enuirs se vend le Poisson d'eau douce, beurre, œufs, & autres telles marchandises de bouche. Il y a aussi en ce mesme lieu, sur le quay le long de la riuere trois maisons, deux desquelles ont esté basties pour vendre chair & tenir boucherie, & l'autre est pour la commodité des salines, chose singuliere au profit du peuple, à cause de la riuere de Seine, & de deux puits qui y sont audit lieu. Sur le portail de la maison du mitan est escrit ce qui ensuit.

*Du mar-
ché neuf
pres le Pa-
lais.*

*Cl. Guiotus præf. mercator III. Pe. Curtius. Aedæ.
Marcellum hoc piscarium inchoat. carnarium utrinq.
afundam. adificarunt.* . AN. DON. M. D.

LXVI. Car. Rege.

L'autre escrit estant contre la boucherie pres le pont sainct Michel, est tel qui ensuit.

*Regnant Charles neufiesme Roy de France, de l'ordon-
nance de meßire Nicolas le Gendre, Cheualier, Seigneur
de Ville-Roy, Preuost des Marchans, Nicolas Bourgeois,
Jean de Bray, Maistre Iaques Sâguin, & Claude Heruy,
Escheuins ces Edifices furent paracheue* M.D.LXVIII.

*Sacrilege
puny.*

Le Mecredy quatorziesme iour de Iuillet mil cinq cens soixante trois heure d'vne heure apres midy, ou enuiron, fut pris le Siboire qui estoit en l'Eglise Sainct Barthelemy, estant au dessus du maistre Autel, & la saincte Hostie fut mise sur des ordures au coing dudit maistre autel, parvn nom mé Iean Petit, aagé de vingt trois ans, n'ayant aucune apparce de barbe: & fut prins par vn Bourgeois ainsi qu'il remontoit la closture du cœur par où il estoit passé, & ainsi arresté, fut l'Eglise fermee & gardee contre la commune qui vouloit entrer leans pour le mettre en pieces: sur le champ, furent aduertis Messieurs de la Cour, lesquels enuoyerent interroger ledict malfaiçteur. Le rapport faict, au mesme iour fut condemné à estre pendu & estranglé, puis bruslé & reduict en cendre, fut executé à la mesme heure en la court du Palais: estant prest de mourir, dit ne l'auoir faict par desdain, mais par necessité, & mourut en l'estat de bon Chrestien.

Audiect an, le mecredy vingt deuxiesme iour de Decembre, à sept heures du matin, vnieune homme, pouuant estre aagé de vingt deux ans, n'auques au parauant religieux de l'ordre des Bernardins, estant à l'Eglise sainte Geneuiefue au mont de Paris, assistant à vne basse Messe, ainsi que le Prestre leuoit la sainte Hostie, l'osta au Prestre, la mit en pieces, la foulla aux pieds, & voulant fuir, fut pris & mené prisonnier aux prisons de ladiete Abbaye sainte Geneuiefue. Le Roy estant aduertý de ce faict, enuoya monsieur le Marechal de Montmorancy, pour en faire brefue iustice, & fut executé le mesme iour en la place Maubert, auquel lieu fust pendu, estranglé, puis bruslé: Ledit Sieur de Montmorancy assista tant qu'il fut expédié & iustice accomplie. Pour la reparation du crime, le vingt septiesme iour dudiect moys, iour Saint Iean apres Noel, fut faict procession generale, par le commandemēt du Roy, & passa par la grand salle du Palais, où ledit seigneur Roy attendoit pour y assister: La Messe fut chantee en ladiete Eglise sainte Geneuiefue.

Autres sacrilege pny.

Le Dimanche neufiesme Iuillet mil cinq cens soixante quatre plusieurs basteaux, chargez de bois, arriuerent à Paris, au Port de Greue, venās de la forest de Retz, appartenāt à la Roynne mere, & estoient descenduz par vne riuiera nouvelle-ment trenchee, tombante en Marne, & puis en Seine: les deux premiers d'iceux furent donnez à Messieurs de ville, en signe de recognoissance, car iamais n'auoit esté amené boys dudiect lieu.

Nouvelle riuiera.

Et ainsi qu'ils arriuerēt fut tiré cinq ou six coups de canon en ladicte place de Greue, pour la mémoire du temps de telle nouueauté.

*Des tour-
nelles.*

Au moys d'Aoust mil cinq cens soixante cinq on commença à desmolir l'hostel des Tournelles en la rue Sainct Anthoine à Paris, tant les bastimens que dans le parc, pour y faire Rues, & bailler places à bastir au profit du Roy, au plus offrant & dernier encherisseur.

*Cinq en-
fans nez.*

L'an mil cinq cens soixante six en la rue de Guerboisseau, la femme d'un pauvre aide à Masson accoucha de cinq enfans, à sçauoir, quatre vifs & vn mort, masles & femelles, lesquels moururent quelque temps apres.

*Punition
d'un sedi-
tieux.*

Audict an mil cinq cens soixante six vn Escollier aagé de vingt huit, ou trente ans, pour auoir attaché vn placart contre vn tableau assis en la court du Palais, par le Pape, de la saincte Chapelle, lequel auoit esté fait à l'honneur de Dieu, & de l'Eglise Catholique, & du Sainct siege Apostolique, ainsi qu'on a accoustumé faire tous les ans, le iour Sainct Nicolas, neufiesme de May, ledict placart tendoit & mesprisoit ces choses, qui fut presque occasion de sedition, & comme tel, fut par la Court condamné à estre fustigé de verges, & le fut de tel poinct, le Samedy vingt cinquiesme iour dudit moys, qu'il fut presque au mourir.

Le Ieudy vingtiesme iour de Iuing mil cinq cens soixante six arriua en court à Sainct Mor des Fossees pres Paris: Le Duc de Lorraine, ou le Roy le receut honnorablement, à l'occasion de sa venue

nue fut la Foire du Lendit continuee apres son temps.

Le Ieudy vingt septiesme iour, le Roy vint aux Thuilleries & au Louure pour apres souper prendre plaisir à veoir quelques ioustes qui furēt faites sur la riuere de Seine entre la porte de Nesle & la porte neufue, au milieu de leau estoit vn fort fait en façon d'un monde qui estoit entouré de canon & fusces le feu y fut mis par des hommes habillez en Diables, tenans flambeaux ardents de feux artificiels & ce fut fait pour remarque du iour natal dudit Seigneur Roy.

Le Dimenche septiesme de Iuillet fut fait Procession Generale en laquelle furent portees les Chasses Sainte Geneuiefue Saint Marcel & autres precieux Reliques & corps Saints, où le Roy assista & la Roynne sa mere, Messieurs ses freres, Monsieur le Duc de Lorraine & autres Princes du sang: Durant laquelle à l'heure de dix à vnze heures deuant midy, fut veue de grād nombre de peuple vne estoille au Ciel nonobstant la lueur du Soleil laquelle apparoissoit fort petite & estincellente, elle estoit du costé de Midy.

*Vne estoille
le apparue
deuant
midy.*

Le Mardy neufiesme & Mecredy dixiesme iour de Iuillet à l'hostel de Neuers à la Requete de Monsieur de Montpensier & du Duc de Bouillon furent faictes disputes de la Religion entre deux Docteurs de Theologie & deux Ministres, Assauoir Monsieur Vigor & de saintes Catholiques: Les Ministres, leurs contraires sont Despina & du Rosier, Ministres, de la Religion, qu'ils appellent reformee.

*Conference
de la reli-
gion.*

Le neufiesme iour de Septembre audit an deux Tresoriers des cōpagnies nommez les Miloirs freres pour auoir fait de faux aquits des deniers Royaux, & conuaincus d'auoir substraict la somme de soixante mil'escusfurēt par arrest condempnez à auoir la question extraordinaire puis pendus & estranglez au gibet de Monfaucon, ce qui fut executé: l'aisné ayant esperance de grace ne voulut iamais monter plus haut de cinq ou six eschellons de l'eschelle quelque force qu'on luy sceust faire & fut l'officier contrainct le pendre à ladiçte eschelle. Le mecredyuyuant l'vnziesme dudict moys l'vn des commis des dessus nommez fit amende honorable sur la pierre de marbre nu en chemise la torche ardente en ses mains, puis fut banny neuf ans. Lediçt iour vn Tresorier nommé Passac estant en la garde d'un sergēt s'en fuit & amena le sergent hors du Royaume.

Fondement
des fortifi-
cations.

Le 12. iour de Iuillet, mil cinq cens soixante six à quatre heures de releuee fut (le Roy present la Royne & autres Seigneurs) assise la premiere pierre des fortifications de la ville, du costé de la Porte-neuue, faisant le coing du iardin de la Royne en laquelle pierre furent mises des pieces d'argent, dorees de fin or, où estoit d'un costé le pourtraict du Roy avec cette inscription: *Carolus nouus galliarum Rex Christianissimus. 1566.* De l'autre costé estoit le pourtraict de la Royne mere avec cette inscription autour: *Catherina Regina Henrici Secundi Vxor Francisci & Caroli Regū mater.* Et estâts assises furent tirez plusieurs coups de canon: ces pieces pesoient presque le poys de trois

testons. Sur icelles pierres de fondement estoit escript ce qui ensuit. *D. Catharina*

Regina R. R. mater.

Anno Christi. 1566.

Durant tout le moys de May mil cinq cens soixante deux les portes de la ville furēt gardees par les Bourgeois d'icelle, lesquels peu apres firent monstres dessous chacune dixaine, & en chacune nuit on faisoit guet & sentinelle, & pour la conduicte furent esleuz vn Capitaine, Lieutenant, Porte-enseigne, Corporaux & Sergens de compagnie en chacunes desdictes Dixaines: cela fut ordonné pour resister aux troubles & guerres qui suruindrent. Et le Roy estant à Chantilly le vingt deuxiēme iour de Iuillet mil cinq cens soixante sept il fit & crea, pour la ville de Paris, seize Cēteniers sur les seize Quarteniers comme sont les seize Quarteniers en chacun quartier, à chacun desquels Centeniers il ordonna auoir puissance sur cent hommes d'un desdits Quarteniers: la volonté du Roy estoit, pour remedier aux meurtres qui se commettoient iournellement à Paris, principalement entre les grands Seigneurs.

*Centeniers
à Paris.*

Le Dimanche septiesme iour de Septembre mil cinq cens soixante sept furēt les vents si violents & impetueux, qu'ils firent grand dommage principalement autour de Paris, plusieurs arbres furent rompus & desracinez, trois basteaux chargez, esquels y auoit plusieurs personnes estants sur la riuiera de Seine, reuenants de Saint

Vents impetueux.

Cloud, furent submergez & noyez, iusques au nombre de dixhuiët ou vingt tant femmes que hommes : autres furent aussi noyez sur la riuiera de Loire, pensant aller aux grands iours à Poitiers.

*Proceſſion
generale,
monſtre en
armes.*

Le Dimanche quatorzieſme iour de Decembre mil cinq cens ſoixante ſept fut faiët proceſſion generale à Paris : le meſme iour fut faiët monſtre generale en armes, des habitans de Paris, au Pré aux Clers, là ils furent drefſez en eſcadrons les harquebuziers à part, les piquiers à part & ainſi les autres, leſquels il faiſoit bon voir: ils eſtoiët eſtimez au nombre de trente mil ou plus: le Roy accompagné de la Roynie, ſa mere, & ſa garde, avec leur cornette, auffi vindrent Meſſieurs de ville avec les archers, ayants leurs cornettes & trompettes ſonnans à leur venue, puis ayant environné tous les ſcadrons les harquebuziers tirent par pluſieurs fois.

*Proceſſion
generale.*

L'an mil cinq cens ſoixante huiët, le iour S. Michel, eſtant le Roy logé au Palais, fit faire vne proceſſion le lendemain, la plus ſollennelle qui fut iamais veuë au parauât, où furent portees les Reliquaires qui enſuit apres tous les Religions & paroiſſes, ayant chacun vn Reliquaire, furent portees les Chafſes Sainët Marcel & ſaincte Geneuiefue par ceux qui ont accouſtumés les porter, puis celle de Sainët Loys, par des Cheualiers de l'Ordre & Gentils-hommes, puis trois corps ſainëts, à ſçauoir Sainët Denis, ſainët Ruſtic & ſainët Eleuthere portees par des Eueſques, avec le Chef Sainët Loys, Sainët Denis, la Croix de

Victoire, la sainte Couronne, & toutes les precieuses Reliques de la sainte Chapelle, les Religieux de Saint Denis y assisterent nuds pieds en Chappes, suiuis des Cardinaux, à sçauoir monsieur le Cardinal de Lorraine, faisant l'office & portant la sainte Hostie marchant au dessous d'un ciel, à costé dextre estoit monsieur de Bourbon, & à fenestre le Cardinal de Guyse: ledict sieur Cardinal de Lorraine estoit nuds pieds, le Roy estoit à cheual, apres, faisant porter sa Couronne par monsieur d'Anjou, son frere & vn autre aussi, Madame sa mere, & autres grands Princes & Seigneurs, de Messieurs de Parlement, & notables Bourgeois: en tel ordre vindrent de l'Eglise sainte Geneuiefue, passerent par deuant le Palais, sur le pont aux Changes & le pont nostre Dame, allerent à la grand' Eglise, où fut chanté la Messe par le reuerdissime Cardinal de Lorraine.

Le Samedy quinziesme iour de Iuin mil cinq cens soixante neuf furent publices les obseques du Comte de Brisac, où luy fut donné tiltre de grand Fauconnier & grand de France, Capitaine de cinq cens hommes d'armes, Colonel de l'infanterie Françoisse, occis & meurdry au seruice de Dieu, & du Roy deuant la ville & chasteau de Lisedanne: le Lundy ensuiuant fut son corps porté en grand pompe funebre en l'Eglise & conuért des Celestins, où par le commandement du Roy fut inhumé en la Chapelle des Ducs d'Orleans.

*Obseques
du Comte de
Brisac.*

Le vendredy vingtiesme iour de Iuillet mil cinq cens septante, en la ville de Paris, Rue des

*Deux en-
fans lu-
meaux.*

grauilliers , nasquirent , vn peu deuant le iour, deux enfans lumeaux , lesquels estoient ioincts en vn corps, aulieu de la nature, ayants teste, bras mains, seing, estomach, à l'oposité l'vn de l'autre, & n'ayans qu'un corps, les pieds de l'un sous les aisselles des bras de l'autre : lesquels ayans vie, furent baptisez en l'Eglise Saint Nicolas des Champs, Paroisse de la maison de leur naissance & où demouroit leur pere, nommé Pierre Germain , ayde à maçon: la mere s'appelloit Mathee Pernelle, fort pauures. Lesdicts enfans moururent le Dimanche ensuiuant , peu de temps l'un apres l'autre.

*Porte S.
Victor re-
bastie.*

En cette mesme annee mil cinq cens soixante huit le Vendredy vingt-troisiesme iour de Iuillet, fut assise la premiere pierre dit tapecul , à la porte saint Victor , & fut rebastie ladicte porte tout de neuf , avec le logis qui est dessus, & aussi les deffences pour garder les fossez, & pour fortresse de la ville, pour reparation & augmentation desdits fossez , ledict bastiment fut acheué, ainsi que verrez par ce qui est escript suiuant.

Ce qui est escript entre la porte Saint Victor, graué en pierre de marbre

NIC. LE GENDRE PRÆT. MERG. II. I A Q.
KARVER, HIERO. DE VARADE, PE. POV-
LIN, FRANC. D'AVVERGNE. DECVR.
HANC D. VIC. PORTAM IN PRÆ SI-
GNE N. FACIEM REST. AN SALV. IN-
STAVRATÆ. CIO. IO. LXX. CAR. IX.
R. PIENTISS.

En l'an mil cinq cens septante le neufiesme iour du moys de Mars , fut faite l'entree de reuerend pere en Dieu messire Pierre de Gondy, & en grãd solennité accoustumee fut sacré Euesque de Paris, accompagné del'Abbé de saincte Geneuiefue & plusieurs autres Prelats & Pasteurs de l'Eglise Catholique & Romaine, fit les sermens qu'ont accoustumé faire ses predecesseurs en tel cas. En celle mesme année, au moys de Decembre, la riuere de Seine s'espandit & accreut tellement dedans la ville de Paris & autres lieux circonuoisins, qu'elle gasta & noya plusieurs terres à l'entour d'icelle ville. Et depuis, en l'année mil cinq cens septante & vn, enuiron le commencement de Feurier, recommença icelle inundation d'eaux beaucoup plus grande qu'elle n'auoit esté au parauant, tellement que parmy la place Maubert y auoit plusieurs basteaux pour passer ceux qui demouroient és maisons voisines, quand ils vouloient aller & venir à leurs affaires & negoces, & y auoit long temps que l'on ne l'auoit veu si fort desbordee, & dura cette grande innundation d'eau longuement.

*Entree de
l'Euesque.*

*La riuere
desbordee.*

Je n'oublieray de vous descrire deux notables Colleges, lesquels auôsveu dresser de nostre réps à Paris, maisons de toute pieté, car ainsi les faut-il nômer, puis que pour le seruice de Dieu les fondations en sont faictes, à sçauoir celle des freres de la société, & appelez en France, par feu de bonne memoire monsieur du Prat, Euesque de Clermont en Auvergne, qui fut cause qu'au cômémémēt on appelloit ce College les pauvres de

*College des
freres de la
Société.*

Clermont, & les chefs duquel se tindrent vn fort long temps en la rue de la Harpe, depuis ont esté mis en la rue Sainct Iaques à l'hostel de Langres, où ils lisent & enseignent la ieunesse, la Catechisent & informent en la loy & craincte de Dieu, selon que porte leur institution, & si aucun veut communiquer amiablement de quelque chose touchant la Loy, il est fort bien receu, & instruit de la verité.

Ce qui est graué en la premiere pierre, assise par le Roy en la maison & Eglise des Iesuittes rue Sainct Iaques.

RELIGIONIS AMPLIFICANDÆ SV-
DIO HENRICVS III. CHRISTIANISS.
REX FRANCIAE ATQ; POLOGNIAE IN.
AVGVSTISS. IESV NOMEN PIETATIS
SVÆ MONIMENTVM HVNC PRIMVM
LAPIDEM IN EIVS TEMPLI FVNDAM-
ENTA CONIECIT ANNO DOMINI
CLO IO LXXXII. DIE XX APRILIS.

Colleged'ablon. A esté fondé & basti vn college en faueur des pauvres de Paris, en la rue des Amendiens, des ausmosnes & biens-faicts de feu de bonne memoire le seigneur d'Ablon, Conseiller en la Cour de Parlement, lequel laissa la pluspart de ses biës, tant pour le bastiment que pour l'establissement des rentes & manutention de ce College. Nous auons cy deuant parlé de la demolition de la grande tour du Louure qui iadis seruoit de prison, que le Roy François premier du nom fit abatre, pour continuer ce superbe bastiment qui

y a esté faict, & de son temps & de celuy de Henry deuxiéme, & de Charles neufiesme: lequel est ores le siege de noz Roys, & le logis ordinaire des Princes. Cét edifice est à present vn des plus rares, pour l'Excellence de son architecture, qui se trouue gueres en l'Europe, & en vne assiette, belle & autant forte qu'homme sçauroit imaginer: ayant de tous costez l'air libre, la riuere de Seine qui luy est à l'obiet, & le chemin vny pour aller aux tuilleries, qui est le Palais de la Tresillustre & Tres-Chrestienne Roynne Catherine de Medicis, lequel est l'vn des plus plaisans & superbes qui soient en l'Vniuers, & lequel sa maiesté fait dresser de telle sorte, qu'elle l'enclora dedans la ville.

*Bastiment
du Chaste-
au du Lou-
ure, & le
Palais de la
Roynne,
aux tuille-
ries.*

Aussi la religieuse maison des freres nuds pieds, de l'ordre Saint François, qu'on appelle Capussins à l'imitation Italienne: car d'Italie les a l'on faict venir du viuant du Roy Charles neufiesme, & fut leur premiere retraitte en vn Hammeau, lieu pres de Paris nommé Piquepuce, hors la porte Saint Anthoine, fondé par les aumosnes de reuerend pere en Dieu monsieur l'Euesque de Cisteron: l'autre conuent desdicts freres est à Meudon, où le reuerendissime Cardinal de Lorraine Charles les a mis, & leur a fait de grands biens, comme soigneux des pauures, & amy de la saincteté de ces religieux, honnorez par tout à cause de l'austerité de leur vie, depuis changez & transmuez aux Fauxbourgs Saint Honnoré, où il sont à present.

*Capussins,
introduits
à Paris.*

Le dix-neufiesme iour de Mars, mil cinq cens

*Edict de pacification
des troubles.*

soixante trois fut publié à Paris l'Edict de Pacification, à fin d'eiter aux meurtres & pilleries, & les deux armées ioinctes ensemble, fut réprins le Haure de grace, que les Anglois tenoient. Au retour, le roy seant en son liect de Iustice, à Rouan, declara sa majorité, fit vne ordonnance que tous missent les armes bas.

Siege de Paris.

L'an mil cinq cens soixante sept, la ville de Paris fut de rechef assiegée par ceux de la religion pretendue reformée : & le Roy pensant faire la feste Saint Michel avec les cheualiers de son ordre, en la ville de Meaux, fut empesché à l'occasion des troubles pour le faict de la religion. La nuit du premier iour d'octobre, audict an, le Roy f'estât retiré en sa ville de Paris, fut bruslé dix sept ou dix huit moulins à vents, d'entre les portes du Temple & Saint Honoré.

*Bataille
pres Paris.*

La veille Saint Martin d'Hyuer, le dixiesme iour de Nouembre, mil cinq cens soixante sept fut donnée vne bataille en laquelle monsieur le Connestable fut blecé à mort, & rapporté en son hostel à Paris, où il mourut le quatriesme iour ensuiuant, le champ demeura au Roy, ladite bataille fut donnée entre Paris & Saint Denis, auquel lieu ils estoient entrez le deuxiesme iour d'Octobre, peu apres lesdits protestans deslogerent allant à Montereau fault Yonne, où ils furent suyuis du camp du Roy.

Le dixiesme iour d'Aoust mil cinq cens septante il fut publié à Paris le second Edict de pacification, qui dura aussi peu que le premier, car à peine l'estrange fut-il hors du royaume que la guerre

recommença. Apres ces choses fut pratiqué plusieurs mariages, mesmes du Roy avec madame Elisabeth d'Austriche, fille de l'Empereur Maximilian, laquelle il espousa au grand contentement de tout le Royaume, au moys de Decembre mil cinq cens septante en la ville de Mesieres sur la Meuse. Et le moys de Mars apres sa Majesté fit son entree en armes à Paris, suyuant la bonne coustume de ses predecesseurs, au deuant duquel furent tous les estats, luy offrans les seruices que les subiects doiuent à leur souuerain, comme aussi il leur promet tout tel traictement que doit vn Roy de France à ceux que la loy & la nature affranchissent. La Royne son espouse aussi ayant esté sacree à Sainct Denis, le vingtsixiesme iour de Mars, audict an, par monsieur le Reuerendissime Cardinal de Lorraine, lequel fit toutes les ceremonies accoustumees : Et le vingtneufiesme iour dudit moys, audit an, fit son entree, voire en la plus grande magnificence qu'il fut possible deliurant les prisonniers comme auoit faict son espoux, aussi plusieurs dons de lettres de maistrises qui furent donnez aux habitans de Paris.

*Mariage
du roy de
France.*

*Entree du
Roy & de
son espouse.*

L'an mil cinq cens septante & vn, il fut permis par don du Roy, auoir des Coches à la mode d'Italie, spécialement pour aller de Paris à Orleans, depuis plusieurs en ont faict faire pour aller & venir à diuerses villes, comme à Rouan, Troyes, & autres notables villes de France, pour le soulagement de plusieurs personnes.

*Coches à la
mode d'It-
alie.*

L'an mil cinq cens septante deux Jeanne d'Albret, royne de Nauarre, mourut le dixiesme iour

*Mariage
du roy de
Navarre.*

de May, au grandissime regret de plusieurs. Le dixhuitiesme iour du moys d'Aoust fut celebré le mariage, à l'Eglise de nostre Dame de Paris, suyuant les Sainctes ceremonies de l'Eglise Catholique, Apostolique & Romaine, d'entre Henry de Bourbon, Roy de Navarre, fils d'Anthoine de Bourbon, & de Ieanne d'Albret son espouse, avec madame Marguerite de France sœur du roy: les nopces & banquets furent faictes au Louure, & quelques combats à l'hostel de Bourbon.

*L'admiral
de Coligny
frappé d'un
coup d'ar-
quebuz.*

L'an mil cinq cens soixante & douze le vingt deuxiesme iour d'Aoust, quatre iours apres ledit mariage, l'Admiral se retirant du Louure en son logis, fut atteint d'un coup d'arquebuzee chargee de trois balles, ainsi qui lisoit vne requeste qu'on l'auoit prié de presenter au conseil: l'une luy emporta le maistre doigt de la droicte, l'autre balle le bleça au bras gauche pres du carpe, & sortit par l'olocrane, il monstra la maison de laquelle estoit sorty le coup, ou la porte fut soudain enfoncée, mais celuy qui auoit fait le coup ne fut trouué, on ne scait l'occasion particuliere de ce coup.

*Journee S.
Barthe-
lemy.*

Audit an, le xxiiij. dudit moys d'Aoust, iour Saint Barthelemy & vigile Saint Loys, par vn tumulte, tant la nuit que le iour, plusieurs Princes, Seigneurs & Bourgeois habitans de Paris furēt mis à mort: voy les croniques & Annalles.

*Vne espine
fleurie.*

Le iour mesme que cette execution fut faicte, aduint chose merueilleuse: car au Cymetiere S. Innocent, à Paris, vne Aubespine à demye seiche & desnuee de fueillages, commença soudain à

pouffer & produire, si bien qu'à veüe d'œil on la voyoit fleurir : Ce qui causa que le peuple y accourant de toutes parts, le susdict Roy Charles fut veoir l'arbre.

Le Ieudy vingthuiëtiesme iour dudiëtmois, le Roy fit faire procession generale en laquelle il assista & furent portez les corps saincts de saint Marcel, sainte Geneuiefue & autres precieux reliquaires, louans & remerciant Dieu, des aduertissemens qui estoient si bien venuz pour la conseruation du Royaume. *Processions generale.*

Le vingtseptiesme iour d'Octobre, audict an, la Royne, Elizabeth d'Austriche, accoucha à Paris, sur le point du iour, d'une fille: au grand contentement d'un chacun.

Cette annee encor les Moynes Saint Magloire ont esté transporez à Saint Iaques du haut pas, au Fauxbourgs S. Iaques, comme auons dict cy deuant.

Le Dimanche vingt troisieme iour de Nouëbre mil cinq cens septante deux fut enuoyé, de par le Pape Gregoire trezieme du nom, pour Le- *Entree d'un Legat à Paris.* gat le seigneur Cardinal des Vrsins, forty de la maison Vrsine, de tout temps affectionné à la Couronne de France, & tres-fidelle au saint siege de Rome, qui fit son entree en la maniere accoustumee & en telles ceremonies.

L'an mil cinq cens septante trois les neiges & gelees ont esté fort grandes cét hyuer sur le commencement de Ianuier, le degel y estant venu y a eu telle & si grande inondations d'eaux à Paris, *Innodatiōs d'eaux.* que de memoire d'homme on n'en vit le sem-

blable, veu qu'en plusieurs endroits de la ville & vniuersité il falloit aller avec des basteaux par les rues.

*Baptême
de la fille du
roy Char-
les.*

Le second iour de Feurier mil cinqcens septâte trois fut baptisee la fille du Tres-Chrestien Roy Charles neufiesme à Paris, en l'Eglise S. Germain de Lauxerrois. La solennité du baptême fut magnifique, & selon la grandeur des maisons seroit chose superflue de le reciter : pour vous dire quel estoit le parrain, fut esleu monsieur Philebert, Duc de Sauoye & Prince de Piedmond, l'espouse duquel est tante du Roy : il enuoya vn député pour tenir sur les fonds l'enfant, en son nom. Ainsi en ont vſé tresilustre Princeſſe Marie d'Autriche, Imperatrix de Rome, & Royne de Hongrie & de Boëme, mere de la Royne & premiere marrine, & madame Isabel, royne serenissime, d'Angleterre. Le député pour l'Imperatrix fut celui qui porta l'enfant au sacre, où seruoient Messieurs les Princes & Seigneurs, lequel député de l'Empereur nomma cette fille Marie, ainsi que celui d'Angleterre luy imposa aussi le nom d'Isabel, pour monſtrer l'vnion des trois maisons, & la concorde de ces trois nations, France, Alemaigne & Angleterre, laquelle ie prie Dieu vouloir maintenir.

*Departement de
monsieur
pour aller
au ſiege de
la Rochelle.*

Monſeigneur le Duc d'Anjou partit de la Court le Samedy dixième iour de Ianuier, mil cinq cens septante & trois, pour aller au ſiege, deuant la ville de la Rochelle, accompagnée de la plus grand'part des Princes du ſang & Seigneurs de France, & pendant qu'il estoit en ce lieu vint

nouvelles en France que les Polognois l'auoiēt esleu pour leur roy.

Le troisieme iour de Mars, audit an, le Duc d'Aumalle fut tué d'un coup de mousquet deuant ladicte ville de la Rochelle, au grand regret des Catholiques. Neantmoins que les forces du Roy Charles fussent fort grandes, tant sur mer que sur terre, pour assubiectionner ladite ville, aussi qu'elle estoit à demy foudroyee : mais entendue par ceux de dehors l'horrible desolation, la pitié de plusieurs, tant hommes que femmes qui là estoient retirez, & crioient mercy à ioinctes mains : à ce bon Roy Charles, usant de son humanité & clemence accoustumee leur donna la Paix, qui leur fut accordée au mois de Iuillet, audit an, & l'vnziesme iour dudit mois fut publicque à Paris, y estants compris ceux de Nismes & Montauban.

*Le Duc
D'aumalle
tué.*

A cette cause on eut meilleur moyen de recevoir les Ambassadeurs de Pologne qui estoient arriuez à Paris, le vingtroisieme iour d'Aoust mil cinq cens septante trois, pour faire compagnie à nostre inuincible Prince, Henry, qu'on auoit esleu Roy dudit royaume, pour le seul respect de ses vertus & actes belliqueux, les magnificences furent fort grandes, mesmes en son entree qu'il fit à Paris, le quatorziesme iour de Septembre, feste de Sainte Croix, accompagné de la Noblesse de France, & de Pologne : la porte par laquelle il entra fut la porte Sainte Anthoine, les rues estoient magnifiquement accoustrees, Messieurs de ville & autres Bourgeois de Paris, tous luy firent honneur, les preparatifs furent

*Reception
des Polo-
gnois, &
l'entree du
Roy de
Pologne.*

*Depart du
Roy de Po-
logne &
maladie du
Roy.*

*Le Roy de
Pologne
malade du
Roy.*

fort longs pour son voyage, en fin levingthuiet-
iesme de Septembre, veille de Sainct Michel,
apres auoir mis ordre à ses affaires, il partit de Pa-
ris. Le Roy Charles auoit deliberé de l'accompa-
gner iusques aux frontieres de France & de Lor-
raine, mais demeurant malade à Vitry en Parthois
d'une fièvre lente, qui a duré six mois & plus, cet-
te deliberation fut rompue. Ayant fait sejour
audict Vitry l'espace de cinq iours avec son frere,
& communiqué ensemblement de leurs affaires
prindrent congé l'un de l'autre, qui ne fut sans un
grand regret & augmentation de douleur, d'au-
tant qu'ils auoient vescu toute leur vie en bonne
& parfaicte amitié. De là, le Roy alla à Reims, en
attendant la Royne sa mere, qui conduisoit son
fils le Roy de Pologne iusques à Blamont, où el-
le luy dit à Dieu, sur la fin dudit mois se vint
rendre le Roy accompagné de sa mere & autres
Princes & Seigneurs à Sainct Germain, tant pour
se reposer que donner ordre à sa maladie, qu'il
voyoit de iour à autre prendre accroissement.

*La mort
du Roy
Charles.*

Le Dimanche trentiesme iour de May mil cinq
cens septante quatre, qu'on celebroit au Diocèse
de Paris un Iubilé, enuoyé de nostre Sainct Pere
le Pape, pour l'occasion des guerres & heresies
de ce temps, le Roy aggraué de maladie, longue
& fascheuse, demanda & receut le S. Sacrement
de l'hostel, comme Prince Tres-chrestien qu'il
estoit, & de nom & de fait: deslors quitta toutes
choses de ce monde, & fit sa tres-honoree Dame
& mere regente de son royaume en l'absence
de son frere, le Roy de Polongne, auquel il pria
tous

tous Seigneurs porter honneur, reuerence & obeyssance. Ayant donné ordre à sa conscience & à toutes ses affaires sur vne heure apres midy, la parole luy commença à faillir, sur quoy sans beaucoup se trauailler, encor qu'il fust en lasleur de son aage, rendit l'esprit à Dieu, le mesme iour de Pêtecoste, à trois heures apres midy, audict chasteau des Vincennes: auquel lieu furēt faictes les ceremonies que l'on a de coustumé faire aux roys de France, leuoyant en effigie par plusieurs iours, chose fort triste & pitoiable. Son corps fut apporté en pōpe funebre depuis Sainct Anthoine des champs iusques à nostre Dame de Paris, auquel lieu y auoit vne Chapelle ardente, couuerte de toutes parts de cierges, comme le semblable estoit par tout ladiète Eglise, auquel fut faict vn sermon funebre, & toutes les ceremonies que l'on a de coustume faire à la pompe funebre. Ce iour demeura le corps à nostre Dame, & le lendemain fut porté à Sainct Denis en France, où il fut mis en sepulture ioignant le lieu où estoit mis le Roy Henry, son pere, au grand regret de tous ses subiects, ayant perdu vn si bon Prince & seigneur, lequel est passé de cette vie en l'autre.

*Lamort du
Roy Charles
les 9.*

Ce qui est escrit sur le tombeau du Roy Charles en l'Eglise Sainct Denis en France.

*Icy est le depost du tres-Chrestien Roy
de France, Charles neufiesme de ce nom,
qui trespassa en son Chasteau de Vincen-*

nes, le propre iour de Pentecoste XXX. iour de May, en l'annee mil cinq cens soixante & quatorze, aagé de vingt trois ans, unze moys & vingt trois iours: Dieu doit bon repos à son ame, iusques à ce que elle soit reunie au corps glorifié en beatitude eternelle.

P A C E F R V A T E V R Æ T E R N A.

Des choses aduenues du temps que la Royne a esté Regente en la France, en l'absence du Roy Henry troisieme de ce nom, Roy de France & de Polongne, le partement du susdict Roy pour venir en France, & son entree en plusieurs villes, de son sacre & couronnement à Reims, du pont basti sur la riuiere, pour aller des Augustins à l'Escolle Saint Germain, de la Fontaine faite de neuf en la rue Saint Anthoine, institution de l'ordre des Cheualiers du Saint Esprit, du deluge Saint Marceau & autres choses memorables faictes de son regne.

CHAP. XXXII.

Aduertissement au Roy de Pologne.



PRES la mort du Roy Charles Maximilian, la Royne, mere du Roy, estât regente, par l'aduis des Princes & de Messieurs du Conseil, fut enuoyé aduertissement au Roy de Polongne de la mort dudit Roy Charles son frere, luy mandant qu'en toute diligéce il pleust à sa maiesté venir receuoir

la Couronne qui luy estoit escheue.

Le cinquiesme iour de Iuillet , mil cinq cens septante quatre , fut publié en la ville de Paris, Confirmation du pouuoir donné par le defunct roy Charles , à la royne mere, par lesquelles parentes, le roy Henry troisieme du nom, roy de France & de Pologne, donne de rechef pouuoir, puissance & autorité à ladite royne, sa mere, de faire tout ce qu'il luy semblera bon & vtile pendant son absence, pour le gouuernement du royaume. Donné à Cracouie , le quinzieme iour de Iuin, l'an de grace, mil cinq cens soixante & quatorze, & de nostre regne le premier, & de Pologne le deuxiesme.

*Premier
Edict du
Roy de
France &
de Pologne*

Or le roy de France & de Polongne scachant à la verité la mort du feu roy son frere , & estant appelé avec grande instâce par la royne sa mere, & la Cour de Parlement de Paris, pour y venir recevoir la succession de la Couronne, presuposant bien que les Polongnois ne se contenteroient aisement de son partement , estants priuez de la presence de leur roy: Il se partit secrettement accompagnè d'aucuns des siens , esquels il auoit toute fiance, & en cét estat en toute diligence arriua en grande celerité à Vienne en Autriche, où il fut paternellement receu, & royallement traité par la maiesté de l'Empereur, duquel lieu il escriuit aux serenissimes Seigneurs d'Allemagne, lettres d'amitié & beneuolence, leur signifiant le desir qu'il auoit allant en France , passer par les terres de leur obeyssance, & arriuer iusques à Venise pour les visiter.

*Departement du
Roy, du
pays de Po-
logne.*

Arriuee
du Roy à
Triuigi,
Venise &
Padoüe.

Le Senat de la ville de Venise eut grandement aggreable l'occasion d'honorer vn si grand roy, leur amy & allié & soudain delibera de receuoir sa majesté, avec la plus grande pompe & magnificence dont elle se pourroit aduiser.

Le Vendredy seiziesme iour de Iuillet, sa majesté arriua à Triuigi : mais vn peu deuant, enuiron deux lieues loing de ladicte ville, luy fut présenté vn cheual de pris & beauté admirable, estant paruenue à la ville fut salué d'artillerie en grád nombre, fut reccu par l'Euesque, Clergé & plusieurs notables Seigneurs : Le iour ensuyuant print le chemin de Venise, fort bien accôpagné de grands Seigneurs & Gentils-hommes, aussi d'un Cardinal & Legat du sainct siege Apostolique, estant arriuez furentaluez & conduits en toute magnificence, en l'Eglise Sainct Nicolas, où fut chanté *Te Deum Laudamus*, puis ayant seiourné quelque peu en ce lieu partit pour aller à Padoüe, puis à rouigo, où il fut festoyé & bien reccu du Duc de Ferrare.

Feu deioye
à Paris.

Le Mardy quatorziesme iour du present mois, qui estoit la feste & solénité de l'exaltation Sainte Croix, Messieurs de la Court de Parlement & Messieurs de Ville, prindrent ce iour pour faire les feux à Paris, parce qu'en ce mesme iour l'année precedente sa maiesté auoit faict entree en ladite ville, auant son partement de France, pour aller en Polongne, quarante pieces d'artillerie furent laschees, le *Tedeum* chanté, & les feux, & autres ioyes pour la bien-arriuee du susdict roy, en ses pays.

L'entree du Roy à Lyon fut le sixiesme iour de septembre, le roy se mit sur la Saonne, dequoyles habitans aduertis feirét faire à l'endroict de l'Ar-fenal vn basteau à la forme du Bucentaure de Venise, ayant quatre tournelles, & galleres magnifiques, puis estant descendu à terre se mit dans vn coche couuert de velours noir, estant accompagné de la royne, sa mere, du Roy de Nauarre, estant à cheual, & de la royne son espouse, le Duc de Sauoye, puis suyuoient quatre Cardinaux & plusieurs Princes & grands Seigneurs.

*Entree du
Roy à Ly-
on*

L'an mil cinq cens septante quatre, mourut en la ville d'Auignon reuerend pere en Dieu, Charles, Cardinal de Lorraine, le vingtsixième iour de Decembre, au grandissime regret de tous bons & fideses Catholiques.

*Mort du
Cardinal
& de M^o.
gomery.*

Gabriel de l'Orge, Comte de Mōgomery, pour les rebelliōs par luy faites, est decapité à Paris le vingtsixiesme de Iuin, à la place de Greue.

L'an mil cinq cens septante quatre, le iour de Noel fut publié par toutes les paroisses de la ville de Paris que le grand Iubilé commençoit ce iour à la ville de Rome: & de la puissance du Saint Pere, chef de toutel'Eglise Catholique, nommé Gregoire troiesme du nom: tous Pardons & Iubilez cessez & suspens, par tous lieux, iusques au mesme iour de Noel quel'on contera l'an mil cinq cens septante cinq que ledict Iubilé cessera à Rome: chose accoustumee à faire de cinquante ans en cinquante ans.

*Iubilé à
Rome.*

L'an mil cinq cens septante cinq, le treizième iour de Feurier, le Roy Henry, Roy de France,

*Sacre du
Roy de
France à
Reims.*

& de Pologne, fut sacré & couronné à Reims par reuerend pere en Dieu le Cardinal de Guyse.

*Mariage
du Roy.
Henry iij.*

Et le quinzième iour dudict. mois & an, il espousa Loyse de Lorraine, fille du Comte de Vaudemont, & les maria le Cardinal de Bourbon en la ville de Reims. Au mois de Mars ensuyuant, furent faictes les funerailles & prieres à Paris, en la grand'Eglise nostre Dame, pour les ames de Madame Claude de France, fille du Roy Henry deuxiesme sœur du Roy, espouse du Duc de Lorraine, & de madame Marguerite, fille du grand Roy François premier, espouse du Duc de Sauoye.

*Prieres
pour Ma-
dame Clau-
de.*

*Depart de
la Roynie.*

Le Lundy sixiesme iour de Decembre, mil cinq cens soixante quinze, fut le partement de tresilustre & tres-vertueuse Princeesse Elizabeth d'Austriche, fille del'Empereur Maximilian à present regnât, vefue du feu Roy Charles neufiesme du nom, laquelle sortit la ville Paris, par la porte saint Anthoine, elle fut conduicte par le Roy, & tous les Princes & Seigneurs, Cardinaux & autres, iusques à Saint Maur des fosses, maison de la Roynie mere, où elle fut magnifiquement festoyee: le lendemain fut sa departie, laissant vn grand regret de si tost abandonner la France.

*La paix
publiee à
Paris.*

Nous auons par cy deuant dict que durant l'absence du Roy de France & de Polongne, plusieurs Princes, Gentils-hommes & autres Seigneurs estoient mal-contens, & estoient mis en armes, mais voyant le susdict Sicur Roy le desordre & desolation qu'il craignoit veoir de son peuple, par la prudence sienne & de son conseil, le tout fut pacifié: & le Lundy quatorzième iour

de May, mil cinq cens septantefix. Les articles de la paix entre leſdicts Princes ont eſté publiez en la Chambre doree du Palais, le Roy eſtant en ſon ſiege au Parlement, accompagné de pluſieurs Princes & grands Seigneurs, auſſi de Meſſieurs les Preſidents & Conſeillers de ſa Cour, leſquels promirent tous garder & faire obſeruer leſdicts articles, ſuiuant la volonté du Roy : Le Mardy ſuiuant fut chanté *Te deum laudamus*, en l'Egliſe noſtre Dame par les Chantres de la Chapelle du Roy, auquel ledict Sieur roy aſſiſta, accompagné de pluſieurs Princes, & de Meſſieurs de Parlemēt & autres. Auſſi ce meſme iour fut faiēt vn feu en la place de Greue deuant la porte de l'hoſtel de ville, où il fut laſché beaucoup d'artillerie & autres canons.

Le vingthuiētiefme iour de Mars mil cinq cens ſeptante & huiēt, iour du Vendredy Sainēt, Monſieur le Cardinal de Guiſe treſpaſſa en l'hoſtel de Guiſe à Paris.

*La mort de
monſieur le
Cardinal
de Guiſe.*

Regnant Henry, troiſieſme du nom, Roy de France & de Polongne, fut commencé à baſtir le pont ſur la Riuiere pour paſſer du gay des Auguſtins, iuſques à l'Eſcolle Sainēt Germain. Et pour commencer à baſtir & conſtruire ledit pont fut aſſis la premiere pierre par ledit ſeigneur Roy, accompagné de la Royné ſa mere, de la Royné ſon eſpoſe, & de monſieur de Neuers: Il leur fut preſenté vne truelle d'argent par Claude Marcel, de laquelle ils prindrent du mortier dans vn plat d'argent qui leur fut auſſi preſenté, & ietterent du mortier ſur ladite pierre aſſiſe: & fut com-

*Commencement du
pont du
quay des
Auguſtins.*

mencé la premiere pille du costé des Augustins, quasi au deuant l'ancienne maison de Nesle, au-iourd'huy la maison de Neuers ; le Samedy dernier iour de May mil cinq cens septante huiet. Soubs cette premiere pierre furent mises despieces tant de cuiure doré que d'argent, du pois de trois testons ou plus, ayants les pourtraicts du Roy & desdictes Roynes, & encores pour perpetuer la memoire, il est escrit soubs la premiere pierre ce qui ensuit.

HENR. III. F. ET. POL. R. POTENTIS. AVSP.
CATH. MA. LVD. CONIVGE. AVGVSTIS. OB.
C. VTIL. PVB. FAV. FVND. PON. IAC. S. ET
DIVER. VRB. NOBILIS PART. MAG. VIAT.
COMP. M. RER. OM. Q. IMP. ET. EX. P. COM. PER.
DIVOR. AQ. CON. PRID. CAL. IY. N. I 578.

Au deffous il y auoit trois escusons, l'un aux armes de France, les autres deux des Roynes: d'autre costé les armes de Polongne.

Fontaine
rue S. Anthoine.

Ce qui ensuit est escrit au dessus de la Fontaine, faict de neuf, en la rue S. Anthoine, au lieu dict la cousture sainte Catherine.

*Henrico III. Franciæ & Pologniæ Rege Christianiss.
Regnat Biragui. S. Romanæ Ecclesiæ presby. Card. &
Franc. Cancellarij. Illustris. Benefico. Claud. Dambray.
Præfecto. Mercator. Ioh. le Comte, Renat. Baudart. Ioh.
Gedouyn. Pet. l'aîné Tribunis plebis curantibus. anno
redemptionis. M. D. LXXIX.*

Au deffous est escrit en lettres d'or engraues

en autre table de marbre, noir, ce qui ensuit.

*Hanc deduxit aquam duplicem Biragus in usum
Seruiat Vt domino, seruiat Vt populo
Publica sed Quanto priuatis commodo tanto
Præstat amora domus, publicus Vrbis amor,
Renat, Biragus Franc. Cancell. pub. Comm.*

Anno M. D. LXXVII.

En ladicte rue Saint Anthoine il y a vne Chapelle nouuellement erigee, pour les Freres de la compagnee de Iesus, nommez vulgairement Iesuittes, qui ont commencé à y faire demeure l'an mil cinq cens quatre vingts. L'eglise fut commencé a bastir l'an mil cinq cens octante cinq.

*Eglise &
maison des
Iesuittes.*

Le Tres-Chrestien Henry Roy de France & de Polongne, ayant affection de perpetuer la memoire des graces qu'il a receu, du tout-puissant, à diuerses fois, le iour qu'il pleust à la diuine Maieité, par son saint Esprit visiter la Vierge sa mere & ses Apostres (qui est le iour de Penthecoste) a voulu creer & eslire certains Cheualiers, qui seroient dictz de l'ordre & Milice du Saint Esprit, & auroit ledict Sieur Roy tres-chrestien esté meu à ce, entre autres occasiõs reseruees à sa majesté, aussi qu'en l'an mil cinq cens cinquante, ce iour il auroit prins naissance, pour de la à l'aduenir recevoir trois couronnes, desquelles ja des deux il est triomphant possesseur, ayant premierement en ce iour de l'an mil cinq cens septante trois, esté esleu Roy de Polongne, par les Estats du Royaume: & puis ce iour mesme aussi en l'an suiuant mil cinq cens septante quatre, auroit le

*Ordre de
S. Esprit.*

gitimement succédé à la Courōne de France, par le trespas de tressouable memoire Charles neuuiesme, son frere, Roy de France. L'autre couronne luy estant reseruee là sus en l'eternelle beatitude par l'Omnipotent.

*Premiere
assemblee
des Cheua-
liers.*

Pour ces causes donc, auroit la veille du premier iour de cét an mil cinq cens septante neuf, faict assembler, en l'Eglise des Augustins à Paris, des Princes & Seigneurs estants en la Cour, pour l'election & promotion audict ordre y tenir les ceremonies comme ils obseruent en l'ordre S. Michel, le tout avec deuotion & reuerence de Dieu.

Le lendemain, le Roy & lesdicts Seigneurs Cheualiers, s'assemblerent au logis de monsieur le Preuost de Paris, chacun reueüstus de leurs habits, commencerent à marcher enuiron neuf ou dix heures du matin, pour venir en ladicte Eglise des Augustins: auquel lieu Monsieur le grand Aumosnier celebra la Messe, & fust assisté des Diacres & Sousdiacres, de la plus honorable qualité que faire ce peut.

Et sur chacune chaise au cœur de ladicte Eglise des Augustins, estoit attaché vn tableau, auquel estoit depeinct les armoiries de chacun Prince, & Cheualier, avec le nom desdits Seigneurs, l'Eglise estoit tapissée de la tapisserie royale, aussi belle qu'il est possible voir: dehors ladicte Eglise il y auoit barrieres iusques à la maison de monsieur le Preuost de Paris pour euitier la foule du peuple.

Le premier iour de l'an, mil cinq cens quatre

vingts, ledict Sieur Roy donna de rechef l'ordre du S. Esprit à plusieurs Princes & Seigneurs & Euesques, en ladicte Eglise des Augustins, avec les ceremonies requises en tel cas.

Deluge aduenu à Sainct Marcel lez Paris, l'an mil cinq cens septante neuf, le Mecedry huietiesme iour du moys d'Auril, sur les dix à vnze heures auant la minuiet, le temps estant assez trouble & addonné à la pluye, la riuere passant à Gentilly, dicte la riuere de Bieure, passant à Sainct Marcel, s'enfla de telle façon qu'elle se ioignit à la riuere de Seine, avec telle impetuosité, non seulement aux prairies mais dedans le fauxbourg Sainct Marcel, & il n'y a memoire d'homme qui se puisse souuenir d'auoir veu le semblable, mesmes les Dames religieuses, dictes les Cordelieres, audit fauxbourg, faisant le diuin seruice, la nuit, se sont trouuees oppressees des eaux, & faisant sonner les cloches l'espace de trois heures durât, à fin que les habitans du fauxbourg les vinssent secourir: mais voyant n'auoir autre secours que de la misericorde de Dieu, firēt prieres & processions par troisfois portant la vraye Croix & plusieurs autres sainctes reliques, & plongerent lesdictes sainctes reliques en l'eau, & peu apres ladite eau se retira & ne creut plus: le plat pays & villages circonuoisins furent tellement surprins, que beaucoup n'eurent loisir se sauuer, ladite riuere emportants plusieurs maisons, murailles & edifices: le peuple estoit en grand treueur criant misericorde, deplorant leur presenté calamité, courant çà & là ne trouuans lieu seur pour prendre

Debordement de la riuere de Bieure.

leur aleine: L'eau a creu & desbordé, iusques passé l'Eglise Sainct Medard. Dedans ledict fauxbourg y eut vingt cinq personnes tant hommes que femmes, que petis enfans morts: & de blecez estimez du moins à quarante personnes: ladite eau a abbatu douze maisons, plus le pont & moulin aux tripes, ainsi nommé, pres coppeaux, aussi bonne quantité de bestial peris & perdus en l'eau. Le dommage adueni au fauxbourg Sainct Marcel est estimé à soixante mil escus du moins. Non compris les pertes des villages circonuoisins pour le regard des maisons & murailles que ladicte eau ou deluge auroit abbatu.

Ce qui ensuit est graué à vne pierre estant autour des fossez, bastis depuis la porte Sainct Honoré iusques à la porte neufue qui sont faicts pour la closture de la maison & palais de la royne Mere du Roy.

DV REGNE DV TRES-CHRESTIEN HENRY TROISIEME, ROY DE FRANCE ET DE POLONGNE ET DV GOVERNEMENT POVR SA MAIESTE EN LA VILLE DE PARIS ET ISLE DE FRANCE, RENE SEIGNEVR DE VILLEQUIER: ET DE LA PREVOSTE ET ESCHEVINS, DE M. AVGVSTIN DE THOV, IEAN GEDOVYN, M. PIERRE LAISNE, ANTHOINE MEMIN, ET NICOLAS BOVRGEOIS.
M. D. LXXXI.

Le Samedy dixneufiesme iour de Nouembre, mil cinq cens octante, enuiron l'heure de neuf à

dix heures de nuict, Le feu print en l'Eglise des Cordeliers à Paris, de telle façon que le clocher & les cloches d'icelle Eglise tomberent bas, les sepultures, des Princes & Princesses qui auoient tombeaux de marbre blanc & noir furent rompues & mises en pieces & presque toute ladicte Eglise reserué les quatre gros murs & quelques chapelles : Les pilliers du mitan soustenant la voute furent tous esclatez & offencez par la vehemence du feu : Il n'est possible veoir plus grand'ruyne de feu en si peu de temps. Le feu en grandeur & furie ne dura point plus de deux heures: mais sous les desmolutions le feu cōtinua iusques au Mardy suiuant. De sçauoir comment le feu y fut on n'en sçait aucune chose, cela nous donne bien assurance que Dieu est grandement courroucé a lencontre de nous, pour noz pechez d'auoir permis sa maison, son temple & sainte habitation tomber en telle ruine.

L'eglise desdits Cordeliers peu de temps apres à esté commencee à reparer par le moyen des aumosnes & biens faicts du Roy, des Roynes, Princes & Princesses, ensemble des Gentils-hommes, & par le moyen des questes qui pource ont esté faictes en la ville de Paris, tellement que Dieu aydant elle sera bien tost parfaicte. Les verrieres du cœur sont fort magnifiques esquelles sont fort bien portraictes l'effigie du Roy de Frâce & Polongne, de la Roynie sa mere & de son espouse & autres Princes, Cheualiers, Cardinaux, & autres seigneurs notables : au cœur d'icelle se voit vne voute fort richemēt faicte ou sont painctes,

*Le feu en
l'Eglise des
Cordeliers.*

les Escusons du Roy Henry, troisieme du nom & autres diuerſes peintures & doreures fort magnifiquement eſlaborees.

*Le M. ho-
ſtel des
Cordeliers
beniſt.*

Le vingt & vnieme iour de Decembre mil cinq cens octante trois, iour Sainct Thomas le maiſtre Hoſtel dudiſt monaſtere des Cordeliers a eſté beniſt : apres auoir eſté reſaiſt.

Au quay du port S. Landry rebaſty de noſtre temps.

*Le port S.
Landry.*

A. D. CIO. IO. LXXXII. VTINSVLA
PARIETE VNDIQUE INSVRGAT ORNA-
TIOR TVTIORVE CARPITVLVM INSI-
GNIS ECCLESIAE HVNC QVOQVE IN-
SVO SVSTVLIT L. ESGVIER DECANO
A. DIC MESNIL TVM CAMERARIO P.
DE LA BESSEE CANONICIS PROCV-
RANTIBVS.

*Dix iours
retrâchez.*

En l'annee mil cinq cens octante deux a Rome, ont eſté retranchéz dix iours du moys d'Octobre. Et par l'ordonnance faiſte par le roy Henry troisieme à preſent regnant leſdits dix iours ont eſté retranchés au moys de Decembre: tellement qu'au lieu de cōpter le quatorzieme l'on a com-
pté le vingt quatrieme de Decembre.

*Iuſticeme-
morable.*

Le Samedi dixſeptieme iour de Feurier mil cinq cens octante deux, apres midy fut faiſte à Paris, vne Iuſtice memorable au deuant du Chaſteau du Louure par ſentence de mōſieur le grād Preuoſt de l'Hoſtel. L'un d'iceux fut rompu ſur la rouë, pour auoir tenu les champs ſans com-
miſſion battu viollé pillé ranſonné ſes Hoſtes, & empesché vn enfant de trois moys d'eſtre al-

laicté,iusques à ce qu'il eust argent du pere & de la mere. Autres sept soldats ou pour mieux dire pillars, ont esté pendus & estranglez pour auoir tenus les champs sans cōmission, rensonné leurs Hostes brisé leurs meubles,crié le vin à vn double, couppé la langue des vaches, faict autres actes indignes de reciter: est à noter que chacun d'iceux auoit vng escripteau faisant mention dece qu'il auoit exercé & dequoy il estoit conuaincu: il y en eut vn bien ieune qui fut pendu sous les esselles. Autres vnze qui ont fait amende honorable & eule foit.

Le 25. Iour d'octobre mil cinq cens octante deux fut tiré a quatre cheuaux & desmembré a la place de greue deuant l'hostel de ville vn gentilhomme qui auoit conspiré la mort de Monsieur le Duc vnique du Roy, ledict conspirateur nommé Cerfelles natif du pays de Normandie, son pere estoit Espagnol, homme de grande entreprises.

*La mort de
Cerfelles.*

L'an mil cinq cens octante trois, regnant Henry troisieme du nom Roy de France & de Pologne, fut commencee & introduicte à Paris la congregation des Penitens, le Vendredy vingt cinquiesme,iour de nostre Dame en Mars, leur assemblée se fist au monastere des freres Augustins duquel lieu ils vindrent en procession en la grād Eglise nostre Dame, ayans lesdits Penitens chacun vng abit de toille blāche estants ceint d'vne ceinture blanche, depuis ont continué à faire prieres à Dieu,aux iours ordonnez, speciallemēt la sepmaine saincte & autres iours de deuotion.

*Congrega-
tiō des Pe-
nitens.*

Au retranchement faict pour eslargir la rue, au
deuant l'Eglise Sainct Geruais, dicte la porte Bau-
detz, est escrit sur table de marbre.

REGN. HEN. III. DILLIG. STEPH. DE
NVLly, ÆQ. POVSSEPIN IN FORO
PRÆT. R. C. DION. MAMINEAV EIVSD.
C. ET RAT. AVD. ANTH. HVOT PARIS.
CIVIS IO. DE LOYNES SVP. IN CVR.
ADTI ÆD. HÆC VIA 7. PED. DILLAT.
EST. COMMOD. VRB. ET ORNAM ER-
GO. 1583.

D'autre costé de la pierre de marbre est escrit.

*Ce retranchement a esté faict, mil cinq
cens octante trois, Messire Es. D. Nully
Cheualier Conseiller d'estat, premier Presi-
dent en la Cour des aydes, Preuost des
Marchans, Mess. le Poussépin, de Ma-
mineau Cōseiller du Roy, Anthoine huot
Bourgeois de Paris, & Maistre Jean de
Loynes Aduocat Escheuins.*

Ce qui a esté mis, escrit en lettre d'or sur table
de marbre, au portail del'Arсенac de Paris, de-
puis le desastre & violence du feu.

ÆTNA HÆC HENRICO VVLCANIA
TELA MINISTRAT, TELA GIGANTEOS
DE BELLATVRA FVRORES.

PILDEBERT DE LA GVICHE GRAN.
M. DE LAR. DE FRANCE 1584.

Le Lundy vingt cinquiesme iour de Iuin, 1584. le lendemain de la feste Sainct Iean Baptiste, l'effigie dudiect seigneur Duc d'Anjou, & d'Alençon, fut apportee en la grand Eglise nostre Dame, en grand pompe funebre, accompagné de plusieurs grands Princes & seigneurs, Archeuesques, Euesques & Preslats, Monsieur le Prince de Condé portoit le premier dueil marchant apres le corps ou effigie, estant suiuy de monsieur son frere, apres luy monsieur de Monpensier & monsieur de Mercure : le seruice estant fait en ladicte Eglise, fut porté le mardy ensuyuant, en l'Eglise, sainct Denis en France en'fort bel ordre accompagné de grand nombre de peuple.

Epitaphe estant à Chasteau Thierry, ou est inhumé le cœur de monsieur le Duc, d'Anjou.

*Cy est le cœur de treshaut, trespouissant,
tresillustre & magnanime François filz
de France, frere unique du Roy Henry
troisiesme, Roy de France & de Pologne,
ledict François Duc d'Anjou, d'Alençon,
de Berry, de Touraine, d'Eureux, & de
chasteau Thierry. Côte du Maine, de Dreux
de Monfort, de Mante, Meulan & de
Beaumont lequel seigneur mourut le di-*

xiesme Iuin mil cinq cens quatre vingt quatre. Audict lieu de Chasteau Tierry.

L'an mil cinq cens quatre vingtz cinq, fut restably le Cadran de l'Horloge du Palais de Paris, le conducteur & inuenteur de l'ouurage est Germain Pillon, Maistre Statuaire, & l'un des premiers hommes, de ce temps, qui par son art & industrie a rendu des ouurages cy parfaites, & si bien eslaborees, en nostre ville de Paris, & autres lieux de France, que la memoire en fera perpetuelle: Ce qui ensuit y est escrit.

QVI DEDIT ANTE DVAS, TRIPLICEM
DABIT ILLE CORONAM.

Plus bas est escrit.

MACHINA, QVÆ BIS SEX TAM IV-
STE DIVIDIT HORAS, IVSTITIAM
SERVARE MONET, LEGESQVE TVERI.

Aux costez du Cadran, y a deux Images, l'une representant la Loy, tenant es mains les Tables. L'autre representant la Iustice, & son equité, tenant es mains des balances.

Voila (Amy Lecteur) ce que i'ay peu recueillir en sommaire, tant des Croniques anciennes, diuers auteurs, Latins & François, que des vieilles chartres, monumêts, escritures antiques, tesmoignage des hommes, & de ce que i'ay veu, touchât les Antiquitez, Histoires & singularitez de Paris, ville souueraine & maistresse de France, te suppliant receuoir ce petit labeur de bonne part.

F I N.

LES NOMS DES EVEQUES de Paris.

- | | | | |
|----|-------------------------------------------------------------------------------------------------------------|--------------------------|------------------|
| 1 | Saint Denys Arcopagite, Apostre des Gaulois, qui souffrit mort sous Domitian, fut premier Euesque de Paris. | | |
| 2 | Mallo | 15 Eraclius | 28 S. Landericus |
| 3 | Maffus | 16 Probatas | 29 Robertus |
| 4 | Marcus | 17 Amelius | 30 Sigrobandus |
| 5 | Aduentus | 18 Libanus | 31 Importunus |
| 6 | Victurinus | 19 S. Germanus | 32 Aglebertus |
| 7 | Paulus | 20 Ragnemod ^o | 33 Sigofridus |
| 8 | Prudentius | 21 Eusebius | 34 Turnaldus |
| 9 | S. Marcellus | 22 Faramodus | 35 Aldulphus |
| 10 | Viuianus | 23 Saphoratus | 36 Bernecharius |
| 11 | Felix | 24 Simplicius | 37 Hugo |
| 12 | Flauianus | 25 S. Cerannus | 38 Merseidus |
| 13 | Vrsicinus | 26 Leuthbertus | 39 Fedolius |
| 14 | Apedinius | 27 Authbertus | 40 Ragne captus |
- Cc ij

41	Deodefridus	Soliaco	Canaco
42	Erkauradus	71 Odo de So-	86 Audoinus
43	Ermanfredus	liaco	87 Petrus 3. de
44	Ynchadus	72 Petr ^o Camb.	Foresta
45	Et Kauradus	secundus	88 Ioannes de-
46	Eneas	73 Guillelm ^o 2.	Meulant
47	Angelinus	Altissiodo-	89 Stephanus
48	Gorlinus	remsis	Pariensis 4.
49	Anchericus	74 Bartholo-	90 Aymericus
50	Theodol-	meus	de Mainach
	phus	75 Guillelmus 3.	91 Petrus de
51	Fulradus	Aluernensis	Ordemon-
52	Adelinus	76 Galterus 2.	te. 4.
53	Galterus	Castoterrici	92 Geradus de
54	Albericus	77 Regnaldus	môte Acuto
55	Constantius	de Corbolio	Parisien.
56	Garinus	78 Stephanus 2.	93 Ioānes Bre-
57	Lyfiardus	Aurelianensis	uifcope 2.
58	Raynaldus	79 Raynulphus	94 Ioannes de
59	Albertus	80 Simon Mati-	Rupescissa 3.
60	Franco	phus Sueffio-	95 Ioannes de
61	Ymbertus	nensis epif-	Nanto 4.
62	Gaufredus	copus	96 Iacobus du
63	Guillelmus	81 Guillelmus 4.	Chastelier
64	Fulco	de Aureliaco	97 Dionysius
65	Galo	82 Stephanus 3.	de Molédino 2.
66	Giobertus	de Borreto	98 Guillelmus
67	Stephanus	83 Hugo 2. de	Chartier 6.
68	Theobaldus	Bifoncio	99 Ludouic ^o de
69	Petrus Lom-	84 Guillelm ^o 5.	Bellomonte
	bardus	de Canaco	100 Gerad ^o Co-
70	Mauricius de	85 Fulco 2. de	baille 2.

101 Ioannes Si-	103 Frãciscus de	du Bellay
mon	Pócher Tu-	106 Guillelm ^o
5. Parisien.	ronem.	Viole
102 Stephanus	104 Ioannes du	107 Petrus de
de Poncher 5.	Bellay 6.	Gondy.
Turonen.	105 Eustachius	

*Les Magistrats & officiers de la Preuosté de Paris,
& du Chastelet.*

L E Preuost de Paris.	Examineurs.
Le lieutenant ciuil.	les Notaires Royaux.
Le lieutenant criminel.	les Aduocats & Procureurs.
Le conseruateur.	
Le lieutenant particulier.	les Sergens du Preuost,
Les deux Aduocats du	nommez Sergens de la
Roy.	douzaine.
Le Procureur du Roy.	le Concierge & guette
Douze Conseillers.	de Chastelet.
Deux Auditeurs.	le Geolier.
Les Conseillers du	Quatre Sergens fiefez.
Roy en la cōseruation.	Vnze vingts Sergens à
Le Greffier de l'audiēce	cheual.
ciuil & criminel.	Vnze vingts Sergens à
Le scelleur.	verge.
les greffiers de chastelet	Le Cheualier du Guet
Les Commissaires	auec ses Sergens.

*Les Magistrats & autres estats de
l'Hostel de la ville.*

L E Preuost des Mar-	Le Procureur.
chans.	Le Receueur.
Les quatre Escheuins	Le Clerc.
Le Greffier.	Vingt quatre Conseil-

lers.

Seize Quarteniers

Les Cinquantiniers.

Les Dixiniers.

Les Sergens du parlouer
aux Bourgeois.

Les Sergens de la mar-
chandise.

Les officiers Iurez sur le
faict des marchādifes de
bled, vin, bois & autres,
cōtenues és ordōnāces,
Les cēt Harquebuziers.
Les six vingts Archers.
Les soixante Arbale-
striers.

Les iurisdiccions temporelles.

LA Preuosté de Paris.

La Conseruation.

Le Baillage du Palais

Le fort l'Euesque.

La Iustice Sainct Ger-
main des Prez.

La Iustice du Temple.

La Iustice sainct Martin
des champs.

La Iustice Saincte Ge-
neuiefue.

La Iustice S. Benoist.

La Iustice S. Marcel.

La Iustice sainct Victor.

La Iustice de l'hostel de

Tison.

La Iustice sainct Ma-
gloire.

Les Prisons.

Prison de la Bastille.

Du Chastelet.

Du petit Chastelet.

De la conciergerie.

Du fort l'Euesque.

De sainct Eloy.

Du Temple, & autres
prisons, où sont les Iu-
risdiccions cy dessus nō-
mees.

*Les noms des Rues, Eglises, Chapelles, & Colleges de
la Cité, Ville & Vniuersité de Paris.*

La Cité.

LA cité commence

sur le Pont au Chan-
ge, & les enuiron finif-
sent au paruis nostre

Dame.

Le pont au Change,

La trauerse du pont.

Le pont aux Musniers,

La rue ſainct Leufroy
iuſques en Chaſtelet.
l'Egliſe ſainct Leufroy.
La rue de la vieille pelle-
terie.

La rue S.Barthelemy.
En icelle eſt l'Egliſe de
ſainctBarthelemy.

Vne ruelle deuant l'hor-
loge du Palais.

La rue deuant le Palais,
dicte la Babillerie.

Dans le Palais eſt la
ſaincte chapelle royalle
La Chapelle noſtre
Dame deſſous la Sainte
Chapelle.

La Chapelle S. Michel.
L'Egliſe S.Eloy deuant
le Palais , & en la ſaua-
terie.

La rue de la vieille drap-
perie.

En icelle ſont les Egli-
ſes de S. Pierre des aſſis
& ſaincte Croix.

La rue de la ſauaterie.

Sainct Marcial.

La rue ſaincte Croix

Rue au feure.

Rue de la Calande.

Sainct Germain le vieil.

Le pont ſainct Michel.

Le neuf marché,tant de
poifſon d'eau douce
que ſaline, & bouche-
rie, le long de la riuere.

La rue de la iuiſſie.

L'Egliſe de la Magda-
leine.

La rue de la lanterne.

En icelle eſt ſainct De-
nys de la chartre.

La rue Geruais laurens.

Le carefour du marche-
palu,deuât noſtre Dame
de Paris.

Vne ruelle deſcendante
du marchepalu à la rui-
ere de Seine.

Vne rue pres l'hoſtel
Dieu, deſcendant en la-
dicte riuere.

La rue neuue noſtre Da-
me,iuſques au paruiſ.

La rue des dixhuiſt

Le Paruiſ noſtre Dame.

La grand'Egliſe noſtre
Dame de Paris.

S. Iean le rond dedans

le paruiſ noſtre Dame.

Le grand hoſtel Dieu de
Paris.

L'Egliſe ſaincte Gene-

uiefue des ardens.	La rue saint Pierre aux
La rue s. Christophle.	bœufs.
l'Eglise s. Christofle.	En icelle sont les Eglises
Vne ruelle pres la porte	saint Pierre aux bœufs &
nostre Dame.	sainte Marine.
La rue des champs rou-	La rue des hermites
ziers.	La rue du coquatrix
La rue de la licorne.	Le Cloistre nostre Da-
La rue des canettes.	me, ainsi qu'il se com-
La rue de parpignan,	porte de tous costez.
Rue des marmouzets.	Dans le cloistre est
La rue saint Sympho-	l'Eglise S. Denys du pas,
riam.	derriere nostre Dame.
En icelle est saint Sym-	La chapelle des Notai-
phorian.	res en la salle de monsi-
La rue de Glatigny.	sieur de Paris.
La rue des hauts mou-	Vne ruelle descendante
lins.	sur la riuere pres l'hostel
La rue saint Landry.	monsieur de Paris.
En icelle est l'Eglise S.	Vne ruelle pres l'arche-
Landry.	diacre de Paris, descen-
Vne ruelle qui n'aqu'un	dant sur la riuere.
bout.	<i>L'Vniuersité.</i>
Rue de la Coulombe.	La grand'rue S. Iaques.
En icelle est la chapelle	En ladite rue est l'Eglise
de monsieur de Paris, &	S. Estienne des Grecs.
saint Aignan.	l'Eglise & college des
Le port Saint-Landry.	Freres prescheurs dits
Vne descente sur la ri-	Iacobins.
uiere, à degrez.	Saint Benoist.
Vne autre descente pres	Les Mathurins.
la porte sur la riuere.	Saint Seuerain.

Le college du plessis
 Le college de Marmou-
 stier.
 Rue de la grãde Breton-
 nerie.
 Rue dela petite Breton-
 nerie.
 rue s.Estiène des grecs.
 Le college de Montagu.
 Le college de lisieux.
 La rue des cholets.
 Le college des cholets.
 Le college S.Michel, au-
 trement dict cenal.
 Le college du Mans au
 dessus des cholets.
 La rue des cordiers.
 Le college & chapelle de
 clugny.
 Le college des dix huit.
 La rue de clugny.
 La rue des pores.
 Le college & chapelle de
 caluy, autrement dict
 petite Sorbonne.
 La rue de Sorbonne.
 La rue du palais au ter-
 me, autrement des ma-
 çons.
 La rue Frementel.
 Le cloistre saint Benoit.
 La rue s.Jean de Latran.

l'Eglise s. Ieã de Latran.
 Le college de Triguet.
 Le college de Cambray.
 Rue des Mathurins.
 La chapelle en la mai-
 son de Clugny.
 La rue du Foin.
 La rue du bour de Brie,
 le college & chapelle de
 maistre geruais chrestié.
 La rue de la Parche-
 minerie.
 La ruelle qui va par de-
 dãs le cloistre s. Seuerin
 La rue des Prestres.
 La rue des Noyers.
 La rue des Anglois.
 La rue du Plastre.
 La rue s. Ieã de Beauvais
 En ladicte rue est l'Egli-
 se & College s. Jean de
 Beauvais.
 Les grandes & petites
 Escolles de Decret.
 La rue des Carmes.
 En icelle est la chapelle
 & college de Presse.
 La rue des lauandieres.
 Là est le college de cor-
 nouaille.
 Le carrefour S. Seuerain
 Rue faillie en bien.

Rue de la huchette.	Le port & rue s. Bernard,
La rue facalie.	depuis le paué iusques à
La rue Bertret descen-	la Tournelle.
dant sur la riuere.	La rue de Bieure.
Vne ruelle descendant	Les fauxbourgs de S. Vi-
sur la riuere.	ctor ainsi qu'ils se com-
Le petit pont, & derriere	portent.
la boucherie, ain sicōme	Ausdicts faubourgs est
il se comporte.	l'Eglise & abbaye saint
l'anciēne place au pois-	Victor.
son d'eau douce descen-	La rue S. Victor depuis
dante sur la riuere.	la porte iusques au coin
La rue de la galande.	de l'Abbaye.
l'Eglise saint Blaise.	La grand rue S. Victor,
La rue de la boucherie.	depuis la Croix des Car-
Deux descentes sur la	mes iusques à la porte.
riuere.	En ladiete rue est l'Egli-
Rue au feurre.	se s. Remy & college du
En icelle sont les grādes	Cardinal le Moyne.
Escolles des quatre na-	La chapelle & College
tions de France, Picar-	des Bons-enfans.
die, Normandie & Alle-	La rue de Versailles.
magne.	La rue du meurier
La rue des rats.	Rue du bon-puits,
Rue des deux portes.	Rue suceraisin.
La place Maubert, de-	Rue du Paon.
puis le paué iusques à la	Rue saint Nicolas du
Croix Hemon deuant	Chardonneret.
les Carmes.	Rue des Bernardins. En
L'eglise & college des	icelle rue est l'Eglise &
Carmes.	college des Bernardins.
La rue perduë.	L'eglise saint Nicolas

- du Chardonneret.
 Lemont s. Geneuiefue.
 L'eglise & Abbaye de
 faincte Geneuiefue du
 mont.
 L'eglise fainct Estienne
 du mont,
 le college del'aue maria
 La chapelle & college
 de Nauarre.
 La chapelle & college
 de la Marche.
 La chapelle & college
 de Laon.
 La rue du cháp-gaillard.
 Rue Iudas.
 Rue du mont s. Hilaire.
 En icelle est l'eglise de
 fainct Hilaire.
 Le college & chapelle
 des lombards.
 Le clos Bruneau ainfi
 nommé comme il se
 comporte.
 La rue d'Escoffe.
 Rue des charrettes.
 En icelle est la chapelle
 & college de coqueret.
 Le college & chapelle
 faincte Barbe.
 La chapelle de s. Sym-
 phoriá martir ésvignes.
- La rue des Amandiers.
 En icelle rue est le colle-
 ge des Grassins, basty de
 nostre temps.
 Rue des sept voyes
 Le college & chapelle
 de Forteret.
 Le college & chapelle
 de Reims.
 Rue de la Bordelle.
 En icelle est la chapelle
 & college de Tournay.
 La chapelle & college
 de Boncourt.
 La rue trauerfaine,
 En icelle est le college
 des Allemans.
 La rue des Noyers.
 Sur les fossez commen-
 çant à la porte Bordelle,
 & finissant à la porte s.
 Victor.
 La rue du puits de fer, au
 tremét des morfondus.
 Rue neufue.
 Rue de maufetart.
 Rue de Copeaux.
 Rue neufue d'Aberon.
 Rue du pot de fer.
 Rue de l'Arbalestre.
 La rue fainct Marceau.
 En ladiète rue est l'egli-

se sainct Marceau.	La chapelle & college
L'eglise sainct Medard.	des Tresoriers,
La chapelle S. Martin	La chapelle & college
dans sainct Marceau.	de Bayeux.
L'eglise saint Ypolite.	La chapelle & college
Vn hostel Dieu S. Mar-	de Seez.
ceau, pres la fauce porte	La chapelle & college
La rue de l'Orsine.	d'Arras.
L'hospital S. Medart.	La chapelle & college
La rue de Bourgongne.	de Iustice.
Rue des Chartreux.	La chapelle & college
La rue sainct Ypolite.	de Narbonne.
La rue d'Orleans.	La chapelle & college
La rue du fer demoulin.	de Cussy.
Trois ruelles d'un bout	La Chapelle & College
du costé S. Marceau, au-	de Tours.
pres le pont.	La rue des Cordeliers.
Les Faux-bourgs de S.	l'Eglise & college des
Michel.	Cordeliers.
Ausdits Fauxbourgs est	La chapelle & college
l'Eglise & monastere	de Boisy.
des Chartreux.	La chapelle & college
Sur les fossez depuis la	de Dainuille deuant S.
la porte Sainct michel	Cosme.
iufques à la porte sainct	La chapelle & college
Iaques.	de Bourgongne.
La rue de la Harpe.	Rue de la haute fucille.
En icelle est l'Eglise de	La chapelle & college
sainct Cosme & sainct	de Premonstray.
Damien.	La rue Pierre-sarrazin.
Le college & chapelle	Rue percee, dicté des
de Halecourt.	deux portes.

- Rue du battouer.
 Rue de la serpente.
 Rue poupee.
 Rue du petit pet.
 Vne rue derriere S. André des arts.
 Rue s. André des Arts.
 l'Eglise Saint André des arts.
 La chapelle & college d'Authun.
 La rue de la vieille bouquelerie.
 Rue de Mascon.
 Rue des Augustins, tout au lōg de la riuere. depuis le pont sainct Michel iusques en Nesle, où y a porte & pont, pour aller aux fauxbourgs S. Germain des prez.
 En ladicte rue est l'Eglise & college des Augustins.
 La petite Nesle, ainsi qu'elle se comporte.
 La Rue Gilles le Cœur.
 Rue de l'arondelle.
 rue pauce d'andouilles.
 Rue de l'Abbés. Denis.
 En icelle est la chapelle & college S. Denis.
 la rue de l'esperon.
 Rue de la maison de Reims.
 Rue de la Chapelle Mignon.
 En ladicte rue est la chapelle & college mignon
 La rue de l'Archeuesque de Rouen.
 Sur les fossez S. Germain, depuis la porte iusques à la riuere.
 Sur les fossez s. Germain depuis la porte iusques à la porte s. Michel.
 La rue de Vaugirard.
 La grād rue S. Germain des Prez, depuis la porte tout au long iusques au Pilory.
 En ladicte rue est l'eglise & Abbaye saint Germain des Prez.
 l'Eglise sainct Suplice.
 La chapelle sainct Pere & la maladerie.
 La rue Neuue.
 Rue des mauuais garçons.
 rue de deuant le pilory.
 Rue de viracoublé.

Rue des Iardins, pres S. Supplice.	pres la fauce porte.
Les fauxbourgs de S. Iaques, depuis la porte tout au long.	La rue des marjolettes.
Ausdits fauxbourgs est l'Eglise & monastere nôstre Dame des chāps.	Rue du sançonnet, à la croix.
L'Eglise & Hospital S. Iaques du haut pas, où font demeurās les moy- nes S. Magloire.	Les fossez depuis la por- te sainct Iaques iusques à la porte Bordelle.
Vn hostel Dieu de no- stre Dame des champs,	La rue des poteries sur les fossez.
	Rue des postes, depuis le coin de braque ius- ques à sainct Medard.
	Rue du puis qui parle.

La ville.

Le Pont noltre Dame.	Rue de la vannerie.
la rue de la Tannerie.	la place de Greue.
Vne ruelle descendant à la riuiera.	En icelle est la chapelle du Sainct Esprit & l'ho- stel de la ville.
Vne autre ruelle descen- dant sur la riuiera.	la rue sainct Iean en Greue.
la rue des Recomman- dāresses.	En icelle est l'Eglise de sainct Iean en Greue.
Vne ruelle allant aux chambres maistre Hu- gues.	la rue du martel S. Iean.
Vne autre ruelle descen- dante sur la riuiera.	la rue de la mortellerie.
la rue & place de mi- bray.	En icelle est l'Eglise des Haudriettes.
la rue de la haute van- nerie.	l'Eglise & conuent des religieuses de l'AueMa- ria.
	Sur la riuiera depuis

Greue tout au long ius-	Vne autre descente sur
ques à l'hostel de Sens.	la riuere.
la ruelle des haudriettes	la rue des nōnains d'Y-
descendāte surlariuere.	erre.
la ruelle du petit portS.	Vne descente sur la ri-
Geruais descendāte sur	uere.
la riuere.	Rue du figuier.
la ruelle du port aubled	Vne descēte surla riuere
descendante surla riuie-	deuant l'hostel de Sens.
re.	Vne autre descente sur
la rue au coin de la por-	la riuere deuant l'Aue
te doree descendante	Maria.
sur la riuere.	la rue des fauconniers.
Pour aller au moulinde	Rue des iardins.
Maliuaut sur l'eau.	Rue des barrieres.
Vne autre ruelle descē-	Vne descente sur la ri-
dante sur la riuere	uere deuant saint Paul.
Ruelle du port aufoing	Rue sainct Paul.
descendante sur la riuie-	l'Eglise saint Paul.
re.	Rue de iouy.
Rue sainct Geruais	Rue de la petite pousse.
l'Eglise sainct Geruais	En ladicte rue est l'Eglise
pres la porte baudets.	& monastere des Cele-
l'hospital S.Geruais au-	stins.
pres.	la porte S. Anthoine.
la rue de long pont.	la grād rue S. Anthoine
la rue des barres.	En ladicte rue est l'egli-
la rue Garnier sur l'eau.	se & monasterede sainte.
la rue Geoffroy l'asnier.	Catherine du val des
Rue putigneuse.	Escoliers.
Vne descente sur la ri-	l'eglise sainct Anthoine
uere.	le petit.

la Bastille.	teaux.
Rue des tournelles	En icelle est l'Eglise &
rue sainte Catherine,	monastere des religieux
pour aller droict à la	des Blancs manteaux.
porte S. Anthoine.	La rue des Singes.
rue royalle.	Rue du puits.
rue petit mussé.	Vne ruelle du costé des
rue de la royne.	Blancs manteaux.
Rue d'Orleans.	Rue de l'homme armé.
la rue Iean beau sire.	Rue du plastre.
rue de balles.	Rue de la chapelle de
rue percee.	Braque.
Vne ruelle deuant saint	En ladicte rue est la cha-
Anthoine.	pelle de braque.
la rue de Iean de tizon	Vne ruelle deuant ladi-
Rue regnaut le febure.	cte chapelle.
La vieille rue du Téple.	La rue de Paradis.
Rue Charron.	Rues des poulles.
La rue du roy de Cecile.	Rue des 4. fils Aymôd.
Rue de mandestour.	Rue porte foin.
Rue des escouffles	Rue des Haudriettes.
Rue des Iuifs.	La porte Baudéts, ainsi
Rue du petit Mariuaut.	qu'elle se comporte.
La porte de Braque	Le cloistre de S. Iean,
La rue des rosiers.	ainsi qu'il se comporte.
Vne Ruelle qui est au	Deux rues en la tisséran-
coing de la rue des Iuifs	derie, & vne autre au
La rue de la Bretônerie.	cheuet saint Iean.
En icelle est l'Eglise &	Vne descente dedâs le s.
monastere des religieux	esprit, & respondant en
de sainte Croix.	la place de Greue.
La rue des Blancs man-	rue du Coq.

Le Carrefour Guillory.	le pain, & baille bou.
La rue du mouton.	Rue de la baudrerie.
Rue de la poterie	Rue de la pierre au lait.
Rue des coquilles.	Rue de la fontaine mau-
rue Iean de l'espine.	bué.
Rue de la coutellerie.	Rue Geoffroy l'âgeuin.
rue Iean pain mollet.	Vne ruelle deuant le pe-
rue de la tacherie.	tit paon.
Rue de saint Bon.	Rue de beaubourg.
En ladicte rue est l'E-	Rue Simon le franc.
glise saint Bon.	La rue de la bloquerie.
La rue de mariuaux.	La rue aux menestriers.
rue des Prestres.	La rue du cul de sac.
Rue des Lombards.	La rue des petits chāps.
Rue de guillaumelosse.	La rue de saint Iulien.
Rue de la Verrerie	La rue des estuues aux
Rue du regnard qui	femmes.
presche.	Le carrefour & la rue du
La rue des billettes.	Temple.
En icelle est l'Eglise &	Rue sainte Auoye.
college des religieux des	En icelle est la chapelle
billettes.	sainte Auoye.
Vne ruelle aboutissant à	l'Eglise du Tēple où est
la verrerie.	nostre Dame de Lorette.
La rue André malet.	La rue des bouchers.
Le vieux cimetiere S.	Vne ruelle pres l'eschi-
Iean.	quier.
Rue de boutibourg	La rue pastourelle.
La rue neuue S. Merry.	La rue des graueliers.
Vne ruelle deuant la	La rue du verbois.
corne de cerf.	La rue des fontaines.
Le cloistre de S. Merry.	La rue de fripaux.
La rue brise miche, tail-	La rue chappon.

Rue de la court au vilain.
 Rue de serpillon.
 La rue Michel le comte.
 La rue au maire.
 Rue trasse nonnin.
 Les fauxbourgs de S. Martin.
 Aufdits fauxbourgs est l'Eglise de S. Laurens.
 La grand'rue S. Martin.
 En ladiete rue est l'Eglise & monastere de S. Martin des champs.
 l'Eglise S. Nicolas des champs.
 l'Eglise S. Iulien le menestrier.
 l'Eglise Sainct Merry.
 La rue guerin boisseau.
 Rue de grenetal.
 Rue de la platriere.
 Rue du petit huleu.
 Rue du bourglabé.
 La rue de huleu.
 La rue du cimetiere S. Nicolas.
 la rue de Montmorécy.
 la rue du grenier S. Landre.
 la rue aux Ouës.
 vne ruelle derrieres.leu
 & sainct Gilles.

La rue de quinquépoit.
 La rue Bertaut qui dort.
 Vne ruelle en quinquépoit deuât la rue Bertaut qui dort.
 la rue Aubry le boucher.
 En icelle est l'Eglise de s. Iosse, qui d'antiquité estoit hospital du temps que s. Fiacre vint à paris.
 la rue des cinq diamás.
 la rue de Venise.
 rue du haumar, & vieille conrairie.
 la rue de la vieille monnoye.
 la pierre au laiët.
 rue de la fauonnerie.
 la rue saint Iaques de la boucherie.
 la rue du porche.
 Sainct Iaques.
 rue de la place aux veaux.
 rue de l'escorcherie.
 rue du pied de bœuf.
 rue de la vieille tannerie descendante à l'escorcherie.
 La porte de Paris, & le tour de la boucherie.
 rue du char blanc deuât la boucherie du costé

de Saint Iaques.	Rue de la heaumerie.
La grand' rue S. Denis.	Rue de la tableterie.
En icelle rue est l'eglise	Le cloistres. Oportune.
saincte Oportune.	Rue des vifs.
L'eglise & hospital de	La rue de trouffe-vache.
saincte Catherine.	Rue de la Ferronnerie.
L'Eglise & cymetiere de	le cimetiere s. Innocét.
sainct Innocent.	Rue au Ferre.
L'Eglise & chanoinerie	Rue de la cossonnerie.
du sepulchre.	Rue aux Prescheurs.
L'Eglise & abbaye de S.	la rue du Cygne.
Magloire, ou sont à pre-	la rue delacháuoirrerie.
sent les filles repenties.	la rue de la grande tru-
L'Eglise s. Leu & s. gilles.	anderie.
L'Eglise & Hospital S.	Rue du peronnet.
Iaques.	la Halle au pain ti. on-
L'eglise de la Trinité.	net, & teronne.
L'eglise S. sauueur.	rue de merderet.
La chapelle des Filles	la rue de la petite truan-
dieu, où il a des religieu-	derie.
ses qui dōnent aux mal-	rue de maudestour.
faicteurs la croix à bai-	rue de mau-conseil.
ser, & de l'eau beniste,	le cloistre de l'hospital
pain & vin dōt ils man-	sainct Iaques.
gent trois morceaux,	Vne rue qui trauerse par
quād on les meine pen-	dedans l'hostel de Bour-
dre à la Iustice.	gongne.
Les Faux-bourgs de S.	Rue du petit Lyon.
Denis.	la rue de la salle ducôte.
Sainct Ladre.	La rue du renard.
Rue de la haucherie.	Vne ruelle pres la Tri-
la rue Perrin Gasselin.	nité.
Rue d'Auignon.	rue leā lorier le comte.

Rue saint Sauueur.	la rue de Montmartre.
la rue des deux portes.	En icelle est l'Eglise de
Rue de tireboudin.	sainte Marie Egyptien.
la rue pauee contre l'ho-	ne.
stel de Bourgongne.	la rue des vieux Augu-
la rue de beaurepaire.	stins.
Rue de Mont-orgueil.	Rue de la plastriere.
En icelle est l'hospital	Rue breneuse.
de saint Eustace.	La place aux chats, pres
la rue & porte de la com	saint Innocent.
tesse d'Artois.	Lès fauxbourgs de saint
la pointes. Eustache.	Honoré.
En icelle place est l'egli-	la grand' rues. Honoré.
se & paroisses. Eustace.	En icelle est l'Eglise de
rue de la toillerie.	saint Honnoré.
la rue de la fromagerie.	l'Eglise des quinzevings
La halle au bled.	Aueugles.
la halle au fruit.	la rue des Bourdonois.
La fripperie.	rue de la limace.
La toillerie.	Rue de mauuaises pa-
la rue des ieux de pau-	rolles.
me, entre les halles.	rue de Betisi.
la rue de la lingerie ou	la rue des deschargeurs.
ganterie.	rue de la cordonnerie.
la rue de la chaufseterie.	rue tirechape.
La rue de la toillerie	rue des prouelles.
nouvelle.	rue des deux escus.
La rue de la halle aux	rue du four.
porces.	rue de la vicille.
La rue sous les pilliers	rue de la brehaigne, &
depuis le coin de la Cos-	pressoir du bret.
sonnerie, tout à l'étour.	rue des estuues.
rue de la lingerie.	la rue des deux haches.

rue d'
 rue de
 La croi
 raport
 puis la
 les foir
 la rue
 geois.
 rue de
 rue d
 la rue
 le clon
 la rue
 fans, p
 Vne ru
 fiemen
 Hono
 rue d
 rue d
 rue d
 rue le
 rue d
 cour
 En ic
 se &
 du l
 la ru
 En la
 ses. T
 l'alle
 les fo
 ché a
 ques

rue d'Orleans.	chasteau du Louure.
rue de seiour.	la rue de l'Autruche.
La croix neuue.	En ladicte rue est la cha-
la porte coquillere, de-	pelle de monsieur de
puis la porte iusques sus	Bourbon, contre le lo-
les fossez.	gis de Villeroy, pres le
la rue des francs bour-	chasteau du Louure & la
geois.	chapelle du Roy dedés
rue des Grenelle.	ledict Chasteau.
rue de poil de Con.	la rue des pouillies.
la rue des petits chāps.	la rue d'Aueron.
le cloistre des. Honoré.	la rue Jean tiron.
la ruelle des bons en-	la rue de l'arbre sec.
fans, pres S. Honoré.	En ladicte rue est l'Eglise
Vne ruelle deuant la rue	S. Germain l'Auxerrois.
frementeau, en la rue s.	le cloistre S. Germain de
Honoré.	l'Auxerrois.
rue du Coq.	la rue du coup de bastō.
rue de Beauuais.	rue des fossez S. ger-
rue de champ fleury.	main.
rue Jean de s. Denis.	la rue gloriette.
rue de Frementeau, la	la rue baillet.
cour saint Nicolas.	Vne ruelle pres le gros
En icelle cour est l'egli-	tournois.
se & college s. Nicolas	Vne ruelle deuant le
du Louure.	cloistre.
la rue saint Thomas.	l'Escole S. Germain.
En ladicte rue est l'Egli-	la grand' rue S. Germain.
se s. Thomas du Louure.	Est icelle est la iurisdic-
L'allee depuis la tour sur	tion tēporelle del'Eues
les fossez, depuis le mar-	que de Paris, & est nom-
ché aux moutons, ius-	mee le Fort l'Euesque.
ques aux lices, pres le	la rue du port au foin.

rue de la monnoye.	la rue des hautes brieres.
Vne rue qui trauersce par	la rue des lauandieres.
dedás ladiète monnoye.	l'abbreuoir popin.
En ladiète trauersce est la	Vne rue deuant la mai-
chapelle de la monnoye.	son où est l'enseigne des
Vne ruelle pres ladiète	quinze vingts, pres l'a-
monnoye.	breuoir popin.
la rue Thibaut oudet.	la rue de la petite fon-
la rue des estuues aux	nerie.
femmes.	la vallee de misere.
rue bertin poree.	la vallee de pic.
la rue des deux boules.	le carrefour des bouti-
la rue Jean l'ointier.	ques au poisson.
la rue des Quenoilles.	la rue de la pierre au
Vne ruelle aupres.	poisson.
la rue des deux portes.	la Megisserie tout au
En icelle est la chapelle	long de l'eau.
des Orfeures.	Fin des rues.

*Les principales maisons & hostels des grands Seigneurs,
iadis edifiez à Paris.*

L'Hostel du roy der-	L'hostel de Bretagne.
riere le Palais.	L'hostel de grauille.
Le chasteau du Louure.	L'hostel de Clichon.
La Bastille.	L'hostel d'Orleans, à S.
les Tournelles.	Marceau.
L'hostel de Nesle.	L'hostel de Vendosme.
L'hostel de Bourbon.	L'hostel de langres.
L'Hostel de Flandres.	L'hostel de Bauieres.
L'hostel d'Artois & Bour	L'hostel d'Anjou.
gongne.	L'hostel d'Albret.
L'hostel de la royne.	L'hostel de lorraine.
L'hostel Sainct. Paul.	L'hostel de Neuers.

l'hostel d'Alençon.	l'hostel de Fescamp.
l'hostel de Sens , sur la	l'hostel d'Eureux.
porte duquel sont les ar-	l'hostel de Tison.
moiries , & escrit des-	l'hostel de Beauvais.
fous,	l'hostel de Bourges.
Tristan Estienne , Ar-	l'hostel de la Couture.
cheuesque de Sens.	l'hostel de Rouen.
l'hostel de Reims.	l'hostel de Saouisy.
l'hostel de Clugny.	l'hostel de Clermont.
l'hostel saint Denis.	l'hostel des Vrsins.
l'hostel d'Auxerre.	l'hostel de Saonniers.
l'hostel de laon.	l'hostel de Chaalons.
l'hostel de Barbou.	l'hostel de laual.
l'hostel de lion.	

Il y a plusieurs hostels en grand nōbre , qui sont venus en decadance, & en main d'autrui, par la mutation des temps: car anciennement n'y auoit Prince, seigneur, n'y Prelat en Frāce, mesmēmēt des douze Pairs, qui n'y eust son hostel, pourceque les roys s'y tenoient ordinairement. Il y a de present autres excellents bastimēts, faits à la Romanesque, à la grecque & à la Moderne, dont ie laisse les noms, chose impossible à les nombrer: & aussi que tous les iours on en edifie de nouueaux, tellement qu'il semble à voir que la ville de Paris ne sera iamais acheuee.

Les portes de Paris.

la porte de Nesle.	la porte s. Victor.
la porte de Buffy.	la porte s. Anthoine.
la porte S. germain.	La porte du Temple
la porte S. Michel.	La porte S. Martin.
la porte s. Iaques.	La porte S. Denis, porte
la porte s. Marceau.	Royale.
autremēt dite Bordelle.	La porte de Mōmartre.

ANTIQUITEZ

La porte S. Honoré. dela porte de Nesle.
la porte neuue vis à vis

Les ponts de Paris.

Le pont nostre Dame. Le petit pont.
Le pont aux Changes. Le pont saint Michel.
Le pont aux muniers.

Les Fontaines.

Baudéts.
la fontaine delaroyne. la fontaine S. Auoye.
la fontaine S. Innocét. La fontaine S. Martin.
la fontaine Maubué. la fontaine du Temple.
la fontaine du Ponceau. la fontaine S. Julien.
la fontaine en la rue des la fontaine de Paradis.
cinq diamans. la fontaine de la barre
la fontaine de la croix du Bec.
du tiroir. la fontaine de S. Ladre.
la fontaine des halles. la fontaine des Tour-
la fontaine de la porte nelles.

Les Fauxbourgs.

les fauxbourgs S. Ger- les fauxbourgs du Tem-
main. ple.
les fauxbourgs S. Mi- les fauxbourgs S. Mar-
chel. tin.
les fauxbourgs S. Ia- les fauxbourgs s. Denis.
qués. les fauxbourgs de Mōr-
les fauxbourgs S. Mar- martre.
ceau. les fauxbourgs s. Ho-
les fauxbourgs Sainct noré.
Victor.

A PARIS,


De l'Imprimerie de Nicolas Bonfons, Libraire juré, de-
meurant rue neuue nostre Dame, à l'en-
seigne Sainct Nicolas.

LES
ANTIQUITEZ
ET SINGVLARITEZ DE PARIS.

LIVRE SECOND.

De la Sepulture des Roys, & Roynes de France,
Princes, Princesses & autres persōnes illustres:
Representez par figures ainsi qu'ils se voyent
encores a presēt es Eglises ou ils sōt inhumez.

Recueillis par Jean Rabel, M. peintre.



A PARIS,

Par NICOLAS BONFONS, demeurāt rue neu
ue nostre Dame, enseigne S. Nicolas. 1588.

AVEC PRIVILEGE DV ROY.

Extraict du priuilege.

PAR grace Et priuilege du Roy, Il est permis à Nicolas Bonfons Imprimeur, Libraire iuré en l'uniuersité de Paris, d'Imprimer ou faire imprimer, & exposer en vente, un liure intitulé les *Antiquitez & singularitez de Paris*, auquel est représenté par figures les Sepultures des Roys, Roynes, Princes, Princesses, & autres Nobles : Et sont faites deffences par ledit seigneur à tous Imprimeurs, Libraires, tailleurs d'histoires, graueurs, sculteurs, & autres de quelque qualité ou conduction qu'ils soient, de n'imprimer, ou faire imprimer, pocher tailler ou contrefaire lesdites figures soit en taille douce ou autre façon que ce soit, vendre ou distribuer dudit liure autre que de ceux que ledit Bonfons aura fait imprimé, ou de son consentement, iusques au temps de dix ans finis & accomplis, à compter du iour que ledits liures seront acheuez d'imprimer, à peine aux contreuenans de confiscation de ce qui s'en trouueroit tant figures que liures, Et de tous dommages & intersts dudit impetrant Et d'amende arbitraire : Et outre veut & entend ledit sieur qu'ayant mis un sommaire de ces presentes, ils soient tenues pour signifiées sans autre acte de Iustice, comme plus amplement est déclaré es lettres, surce données à Paris le 13. iour d'Auril. 1588. Par le Conseil,

DE PILEVX.



AVX NOBLES ET ILLVRES FAMIL- LES DE PARIS.



*N*TRE les choses qui ont apporté & acquis au peuple Romain, honneur & renommee, avec l'Empire souverain de tout le monde, se rendant admirables à la posterité, à esté selon mon iugemēt pour l'observation de la Religio & des peuples bien Zelez a icelle, qu' aussi de la Police & art militaire: Et de fait en ces trois points consistent l'Estat grandeur & accroissement de toute Republique bien ordonnee, despend encores l'entiere & parfaite congnissance de l'histoire & antiquité, esquels ils ont esté si bien aduiseZ, qu'ils se sont cõ- uiez a l'enuy de faire chose qui cognoissoiēt.

estre utiles pour la conseruation de leur estat: Et de cecy nous fera preuue la commune oppinion des anciens Grecs & Latins Historiographes, qui disent que Ianus Roy des Latins, commença le premier à edifier Temples à l'honneur des Dieux immortels, autres remettēt la Religion a ceux de Crete, à Phoroneus, & a Dyonisius: & depuis les Republiques, Princes & Empereurs qui eurent la volonté bonne embrassant la pieté, mirent toutes leurs forces aux ornemens magnifiques de leurs temples: Mais sur toutes nations, ce peuple Romain a gardé & obserué la pieté de la Religion, ayans avec grand soin & diligence fait bastir & construire des Temples & maisons sacrees, dediees a leurs Dieux & deesses. Comme il se voit encores à Rome le renommé Temple de Pantheon, (que fait edifier par grād sumptuosité M. Arippe, gendre de Cesar Auguste) car ils ne vouloient rien ceder ny estre inferieurs a nation de la terre, mais en fin ils tombe-

rent de trop feruente & ceremonieuse religion, en tout extrefme superstition, tant ils estoient agitez de differentes oppinions & contrarietez: Ils auoient (ainsi que recitent les *Autheurs*) tant de temples, figures ou idoles de leurs Dieux, ils en auoyēt des naturels, des estrangers, des celestes des terrestres & infernaux, & autres en si grand nombre, que quand chasque Dieu eust voulu loger son image à Rome, les temples non seulemēt en eussent esté comblez, mais aussi la pluspart des maisons particulieres: mais ie ne veux icy m'estendre à discourir d'auantage de leurs Dieux, ny des ceremonies en leurs temples, ains mon desir est de vous représenter par figures, les obseruations antiques, sepultures de noz tres Chrestiens Roys de France, des Roy-
nes, Princes, & Princesses, qu'aussi de quelques personnes illustres, tant des anciens que des modernes, lesquels viuās ont surpassé les Romains non seulement aux armes conquestes & batailles, mais prin-

cipalement en la Religion Chrestienne, qui est le puissant lien qui unit & maintient les volontez des peuples, conserve l'Estat en paix & concorde les Citez: Car ou default la Religion bien observee tout va en ruine, (& ainsi que le corps n'est rien sans l'ame image de Dieu) ainsi l'ame de la Republique est la vraie Religion: D'autant sommes nous plus obligez & tenus d'avantage de louer & remercier Dieu, de ce qui luy a pleu nous donner des Roys & Princes tres Catholiques pour regner sur le pays de France, car dequis Clouis cinquiesme Roy & premier Chrestien, il ne c'est trouué aucun luy succeder qui n'ayt maintenu gardé & deffendu la Religion Catholique Apostolique & Romaine. Et pource que c'est un des principaux points de monstrier que noz maieurs ont honoré les Temples & sepultures i'ay icy cōmençé a l'antiquité d'iceux, & pour qu'elle fin les Chrestiens des la primitive Eglise ont eu des Cymetieres & lieux saints pour en i-

ceux estre inhumez, mesme du temps des
saincts Apostres, chose qui a continué ius-
ques a nous, & ce pour faire honneur à
ceux qui l'ont merité estant bien passez de
ce monde, ont esté cōduits au dernier repos,
attendans la Resurrection, la cognoissance
de ce, outre le profit qu'on en peut retirer,
est pour nous acheminer a la souvenāce de
la mort, en laquelle le docte Platō a vou-
lu dire & asseoir le fondemēt, comble de
toute sapience & vraye Philosophie: & si
nous voulōs suivre l'opinion de Salomon
doué de singulieres graces de Dieu, il nous
enseigne, qu'ayāt essayé toutes les felicitez
de la terre il na trouué que vanité, travail
& rongement d'esprit: mais ie suis asseu-
ré que la peruersité de nostre siecle est si grā
de & depravee, que ceux qui pour le iour-
dhuy employe leurs esprits a porter au pu-
blic quelque plaisir, ou quelque utilité, ne
recoient le plus souuent pour recompence
de leurs labeurs, que le mespris des uns &
l'enuie des autres & ie ne doute point que

ne sois nomme temeraire en esgard que l'entre-
prise deuoit estre mis afin par un hōme
docte diligent & fauorisé de la Maiesté, ou
de quelque autre grand Prince, ayant eu
& le cōmandement & le moyen de four-
nir en vne despence si grande, pour ren-
dre ce labeur en sa perfection, mais tout
cela ma māqué, ains poussé d'une affectiō
& appetit de l'honneur de la ville ou i'ay
pris naissance & nourriture, & pour fai-
re cognoistre aux estrangers les raretez &
singularitez d'icelle, nostre Capitale Cité,
& vniuersité de PARIS, laquelle à bien
dire ce doit nōmer, la merueille du monde:
Cependant (Amy Lecteur) ie vous prie
trèshumblement receuoir ce petit labeur de
bonne volonté & pour tesmoignage du de-
sir que i'ay de faire seruice au public, auquel
ie me suis de tout temps dedié.

De PARIS ce 10. iour d'Auril. 1588.

N. B.



LES
ANTIQUITEZ ET
Singularitez de la grande & excellen-
te Cité de Paris, Ville capitale du Roy-
aume de France.

LIVRE SECOND.

Pour quelle fin les Sepultures, ont esté instituées par les
Chrestiens anciens qui nous ont precedé, & que les
sepultures ont esté honnorez dès la primitive Eglise.

CHAPITRE PREMIER.



'H O M M E à esté cree de Dieu principalement pour deux choses: La premiere, pour auoir congnouissance de luy: La secóde pour selon icelle le seruir reuerer & honorer. La premiere est appellee par Laétance, Sapience. La seconde religion, laquelle despend de la premiere, de telle sorte que l'hóme ne peut auoir la vraye religion, qui n'est autre chose que le seruice qu'on fait au vray Dieu, avec

certaines ceremonies, sans que au prealable il ait la sapience, c'est a dire la vraye cognoissance de Dieu: c'est pourquoy les anciens Ethniques, & payens ne pouuoient auoir autre que fausse religion, ne cognoissans point le vray Dieu, mais adoroient pour Dieu ce qui n'estoit pas: Et de la à comencé vne diuersité de Religions & de ceremonies avec si grand desordre que plusieurs peuples & nations Barbares, ont les vns eu cette opinion que quand l'homme estoit mort & son esprit separé du corps, tout estoit passé & finy, n'ayant la certaine cognoissance, que si l'homme à iustement & selon les commandemens de Dieu, vescu en ce mortel monde, son ame, & son corps au grand iour du Iugement eternal sera glorifié & mis avec les biéheureux aux sieges des Anges. C'est l'occasion principale qui a incité noz maieurs de faire Sepultures honorables a ceux qui ont vescu & obserué la Religion Chrestienne, estants soigneux de faire honneur aux corps de ceux qui ont passé leur vie avec integrité & sincerité obseruans les saincts commandemens de Dieu eternal: Or entre les sages l'on à estimé tous les hommes & nations Barbares, qui n'ont voulu approuuer les sepultures, ou en ont fait aussi peu de cas comme s'ils estoient bestes, comme tresbien traictét Herodote, Diodorus, Strabo, Solin, Trogus, Plinc, Valere, saint Hierosme & Eusebe, comme estoient au nombre des Barbares les Scytiens, Massagéttes, peuple voyfin d'Hircanie, Bebryces qui deuoroient les corps de leurs amys & parens, & leurs auançoiet leur mort

*Bebryces
ou plustost
Bebryciens.*

afin qu'ils n'endurassēt les incomoditez de vieillesse. Ceux du pays d'Hyrcanie donoïēt les chairs des corps morts à manger aux chiens & oyseaux de rapine, comme faisoient les Caspiens. Les autres desprisoient la sepulture, comme Socrates, Anaxagoras, & Diogenes qui commanda qu'apres sa mort on laissast son corps à inhumer aux chiens & oyseaux: Mais tous ces peuples estoient ignorans de la dignité du corps, qui à esté entre nous baptisé & oingt de Iesuschrist: le sang avec son sang, les os avec ses os. De sorte qu'ils sont vne chair qui resuscitera avec Iesus christ en gloire reluisant comme le Soleil. Car le corps qui à feruy à Dieu, enduré, & martyrisé, à esté organe du saint Esprit, lequel Dieu veut estre honoré. Pour celà a il reuelé les corps de saint Denys apostre de nostre France, de S. Rustich & S. Eleuthere, comme il se voit l'Histoire & de S. Geruais & Prothais, de S. Vital & Agricole à S. Ambroise, à Iustin prestre le corps S. Estienne, afin qu'ils fussent honnorez. Et Dieu a fait de grands miracles aux sepulcres des saints, comme S. Augustin & S. Ambroise recitent: Nous lisons que le malheureux Iulian l'apostat viola le sepulcre de S. Iean Baptiste en Samarie, & brusla les os allant en Perse. Peu de temps apres, il fut miserablemēt tué & par iuste punition diuine. En Perse vn meluc gouuerneur à Ebron, de par le soudan d'egypte, pour lors Roy de Hierusalem, par vne sienne curiosité ouurit le sepulcre de Ioseph Patriarche, & trouua que ce corps estoit grand comme vn geant. La nuit en son dormant ce corps luy

apparut, disant as-tu esté si hardy & outrecuidé de violer les sepulcres des trespassez? or tu n'escha-
 peras pas que tu ne meures ce iourd'huy en puni-
 tion de ta temerité, ce qui aduint: Je me suis grâ-
 ment esbahy comme ceux qui se disent de la reli-
 gion reformee, qui ont esté, comme nous, nour-
 ris & instruiets es ceremonies Chrestiennes, sont
 tant aueuglez & que l'ennemy a tant gainné sur
 eux qui n'ont non plus de reuerence à enterrer
 leurs morts que cheuaux & bestes, sans faire prie-
 res à Dieu, ny honneurs, ains les mettent en terre
 prophane & hors les sepulcres de leurs peres, ce
 que les Iuifs estimoiet vne malediction de Dieu.
 Ils n'ont appris cela ny des Mahometistes, ny
 des Iuifs & encores moins des Chrestiens, les-
 quels tous enseuelissent les corps de leurs trespas-
 sez en sepulcres glorieux avec grands prieres, lu-
 mieres & aumosnes, & nul sur la peine de sa vie
 n'oseroit violer les sepulcres. Et il n'y a secte au
 monde qui n'enseuelise avec grande solemnité
 les corps des deffunts hors mis ces nouueaux re-
 formez. Par leurs sepultures prophanes, hors les
 temples & cymetieres, ils confessent qu'ils sont
 heretiques & partant indignes de sepulture ec-
 clesiastique, comme il est dit au Canon. *Sicut eam
 de heret. & de consecrat. dist. 1. can. ecclesiam & can.
 sané 24. q. 2.* Mais ie ne puis penser autre chose
 sinon qu'ils ont perdu la foy de la Resurrection,
 & immortalité de noz ames, de la diuinité de Ie-
 sus christ. Et pour reuenir à la sepulture Chrestien-
 ne, nous voyons accompli en nous, ce qu'a pre-
 dit Dauid des Babyloniens enuers les Iuifs. Ils

ont exposé les corps de tes seruiteurs, pour estre
 pasture aux oyseaux de l'air, les chairs de tes fidel
 les saincts aux bestes de la terre. Ils ont respendu
 leur sang, comme l'eau à l'entour de Hierusalem,
 & n'y a aucun qui les enseuelisse. Les Lyons avec
 leurs pates, ont fait la sepulture de S. Paul hermi
 te, present S. Anthoine, & sainte Marie Eryp
 tienne, & celle de S. Onofro. Ceux qui sont ense
 uelis en lieux saincts, sont aydez des prieres des
 saincts, au nom desquels sont dediez ces lieux. Et
 les diables n'ont point de puissance de prendre
 les corps de ceux-la, cōme font souuent les corps
 des pēdus, & autres inhumez es lieux non sacrez.
 Enseuelir les corps est vne des sept œuures de mi
 sericorde, fort agreable à Dieu, & est de luy fort
 remuneree: Comme traicte S. Augustin, Aussi S.
 Iean Damascene declare, comment les prieres &
 ceremonies que nous faisons aux sepulcres, ser
 uent à l'honneur de Dieu, profit de l'Eglise & des
 pauvres, incitans à deuotion & prieres pour l'a
 mour du trespasé: mais l'auarice & contentions
 desquelles on vse souuent en ses sepultures, offē
 ce Dieu & scandalise le peuple.

*Augu. d.
 ciuita. cap.
 14.*

*D'ou nous auons appris les Ceremonies des obseques, fu
 nerailles des Trespassez, des plaintes & oraisons fu
 nebres & Epitaphes.*

CHAP. 2.

OR la verité est telle que nous auons apris des
 Iuifs, pour lors le peuple de Dieu, d'enseue
 lir solemnellement les corps des fidelles avec

Num. 20.
Deu. der.
chap.
2. R. 3. 1.
Act. 7.

pleurs. Adam premierement pleura cent ans la mort de Cain : les douze Patriarches la mort de Iacob leur pere 70. iours en Egypte & 7. iours au lieu nommé Adap, de la le fleuve Iourdain. Ils pleurerent la mort d'Aron 30. iours. La mort de Moyse aussi 30. iours. Samuël avec larmes fut enterré en Samatha, la mort de Saul fut pleurée de Dauid, & de tous ses gens tout le iour sans manger ne boire. S. Estienne fut ensevely avec grand plainte. A la mort du Lazare non seulement ses sœurs, & ceux qui estoient venus de Hierusalem pour les consoler, mais encores nostre Sauueur Iesus Christ a pleuré. Parquoy ont dit ceux qui estoient là, *Ecce quomodo amabat*. Et voicy comment il aymoit le Lazare. Numa Pompilius le legislateur Romain à esté inuenteur a Rome de pleurer les morts, & sacrifier pour eux. Les veufues pouuoient pleurer leurs maris dix mois, dans lesquels ne se pouuoient remarier sans reproche. De cecy voyez Senecque au 7. li. de ses Epist. & Ouide au premier des fastes. Et le prophete Hieremie a pleuré les morts de son peuple. Et saint Paul n'a point prohibé de pleurer les Morts (ainsi que disent les Heretiques) mais à prohibé de pleurer les morts en la sorte des payens, qui n'ont point esperance de la vie eternelle de noz ames, & resurrection des corps. Nous chantons de S. Martin que cest vne chose pie de se resiouir de la mort de S. Martin, & aussi cest chose pie de pleurer sa mort. S. Hierosme en son Epistre du trespas de s. Basile à sainte Paule, dit que les Iuifs auoient occasion de pleurer: car leurs morts des-

Hiere. 2.
Eccle. 22.
E/ 38.
s. Paul. 1.

cendoient aux enfers, ce qui n'est pas de nous qui auons vescu, & auons certaine esperance de la vie eternelle. saint Cyprian eut par reuelatiō de ne pleurer les morts, sinon par raison de noz peres, non quant à eux. Nous deuons nous resiouir de quoy Dieu a retiré de la prison de ce corps, ce que tous les bons desirent. Retire de ceste prison mon ame. Et que dieu à appellé en sa compagnie en Paradis, ceste ame peut dire, si vous m'aymiez vous seriez ioyeux de ma mort: Car c'est le chemin par lequel ie m'en vois à mon pere. Mais la cause qui nous induit a pleurer cest que nous perdons vne bōne compagnie, comme les Apostres la compaignice de S. Estienne, laquelle illustroit l'Eglise, de la foy, sapience, predications & miracles, nourrissoit les pauures, & les fēmes veufues & ses oraisons confermoient le peuple, comme les oraisons d'Abraham, de Moyse, de Hieremie, de Daniel & des autres saints personnages. Cest signe de l'ire de Dieu, quand il retire les bons, le iuste est pery & n'y a aucun qui y pense en son cuer. Et les hommes benigns ont prins fin, ou selon l'hebreu sont assemblez, scauoir avec leurs peres, sans qu'on y entende, le iuste a prins fin de peur de l'affliction, ils entrent en paix, ils reposent en leurs couches avec leurs peres.

*Psal. 141.**Rom. 7.**Ioan. 14.**4. Reg. 22.**2 Para. 34**Tobie. 4.**Esa. 57.*

De la maniere de ceux qui portoient le dueil, & feste des Trespassez, obseruee par les Romains.

CHAP. 3.

ENTRE les Romains les amis du trespasé en signe de dueil se vestoiēt d'habillemēs blācs, qui estoit la couleur du suere, duquel estoit vestu

le trespasſé, comme voyons encores les femmes de qualité couuertes de toile blanche. Les autres prenoient des habillemens de couleur noire, qui eſt la couleur de la terre. Meſmement de celle ou on à accouſtumé d'enſeuclir les morts. Ceſte couleur noire ſignifie triſteſſe. Comme nous voyons que la nuit noire & obſcure apporte triſteſſe Varro appelle c'eſt abillemét de dueil, le matéau noiratre, autrement on le nômoit *Anthrachium*, qui ſignifie vn charbon, car c'eſt la couleur du charbon eſtaint. Le dueil entre les Iuiſſ duroit trente iours dans leſquels ſe veſtoient d'vn ſac, la cendre eſparſſe ſur la teſte. Ainſi ſeit David le dueil d'Abſalon, la teſte couuerte d'vn chapperô noir, comme on fait a preſent. La maniere de lauer & oindre les corps des Trespasſez ſcauoir eſt, ſacrifices & publiques ſuplications, comme diſt Cicero a la premiere Philippique, & en l'oraiſon pour Flaccus, vne fois l'an. Les Romains auſſi faiſoient vne feſte pour les Trespasſez, comme nous faiſons le ſecond iour de Nouembre, & les Iuiſſ en Aouſt, en laquelle feſte ils faiſoient Sacrifice pour les ames des Trespasſez. En quoy ils monſtroient qu'on peut ayder anx ames qui ſont en l'autre monde, & qu'elles ſont immortelles. De ceſte feſte parlent Macrobe & Caton. Auſſi ils faiſoient ſacrifices le 9. iour côme nous faiſons, qu'ils nômoient *Nouendia*, dequoy parle Horace in epodo, auſſi auons de cecy en Virgile. au 5. des Eneides. Quand on portoit enſeuclir les corps, ceux qui l'accompagnoient, vne parrie preçedoit le corps, & l'autre ſuiuoit. Et apres tou

Dueil des
Iuiſſ.

1. Reg. 18.

res les ceremonies luy disoient le dernier *Valé*, luy disant *Valé*: Bien te soit, nous te suivrons. De la vient que nous appellons le seruice fait aux Trespassez obsequé, a raison de cette suite, cōme dit Donatus. Quand on portoit enterrer les corps des Roys, ou autres nobles, le peuple prece- doit avec flambeaux allumez, ce qu'on obserue à present enuers tous. Les Romains donnoient es- cussions à ceux qui auoient eu quelque victoire, lequel escusson & armes on portoit deuant le corps. Et puis estoient affichees sur leurs sepultu- res, comme on fait les enseignes & estendarts aux Capitaines. Quand aux oraisons funebres, Solon qui donna les Loix aux Atheniens ordon- na comme dit Anaximenes orateur, les Oraisons funebres pour collauder les vertus des Trespassez & induire les viuans a les imiter. Platon dialog. 5. du liu. de Repub. vouloit que par Hymnes & chansons de triumphes, oraisons & autres cho- ses d'honneur, on honorast apres la mort, ceux qui estoient morts en bataille. Ou en icelles auoient fait choses excellentes, comme Homere, Ajax, & Achilles, fils de Peleus Roy de Thesallie, lequel fut tué par trahison de la main de Paris, au tem- ple d'Appollo à Troye, & enterré sur vn promo- toire nommé Sigeon, la ou passant le grand Ale- xandre, & voyant son sepulcre dict. O bien heu- reux ieune Prince, d'auoir eu vn collaudateur de tes vertus & triumphes, scauoir est le poëte Home- re. Quand aux Romains la premiere oraison fu- nebre fait Valere Publicola, des louanges de Bru- tus: laquelle fut si agreable que depuis on accou-

*Oraisons
funebres.*

*Achilles
tué par Pa-
ris.*

*La 1. orai-
son funebre*

stuma de faire oraisons par gens notables au trespas de ceux qui auoient vaillamment bataillé. Et depuis que les Dames Romaines baillerent leurs ioyaux d'or pour faire vne grande tasse d'or qu'on enuoya par vœu au Temple d'Apollon en Delphe, le Senat ordonna qu'on feroit aussi oraison de louange au trespas des Dames Romaines. Lyfander interrogué d'un Persien, qu'elle Republique il estimoit & approuuoit, respondit qui aux forts & pusilanimes rend ce qu'ils ont merité en honneur ou deshonneur, louange ou vitupere. Achilles se despitoit dequoy on faisoit le mesme honneur aux lasches, qu'aux forts & vaillans, comme il se voit encores a present autour des Princes, beaucoup de fauorits qui scauēt leurs iniquitez & leur sont cooperateurs en leurs mauuais desseins, sont preferez en biens & honneurs & familiarité aux excellents Capitaines, mesme apres leur mort, en laquelle ils n'ont faute de collaudateurs en vie ny apres leur mort: Car cōme l'on dit il nia si mauuaise cause qui ne trouue vn Aduocat. Et apres la mort les mondains ont beaucoup de moyens pour perpetuer la memoire d'eux & de leurs noms, comme Sepulcres riches, comme celuy de Mausolus, Roy de Carie, les Pyramides d'Egypte: Les autres par statues, comme Belus: les autres par grands edifices, cōme Herodote qui veut dire heroique: les autres par arcs triumphans, Epitaphes, liures & autres moyens. Mais disoit Antisthenes, la seule Vertu est celle qui rend immortelle, gloire honneur & paix a ceux qui font œutres vertueuses: car hon-

*Beleus roy
des Assy-
riens pere
de Ninus.*

Rom. 2.

neur est le loyer de vertu, comme dit Aristote, Premièrement deuant Dieu. Ioan 12. Celuy qui me seruira, dit le Sauueur, sera honnoré de mon pere qui est es Cieux & aussi des hommes perpetuellement Prouerb. 10. La memoire du iuste sera avec louange, mais le nom des impies pourrira comme vn fumier. Dauid fait l'oraison funebre par maniere de deploration de la mort de Saul, & de Ionathas, chose si bien & mieux dictée que toutes les oraisons de nōz Orateurs & Poètes Grecs, & Latins: Iesus Sirach en l'Ecclesiastique depuis 44. iusques au 49. fait vne belle collaudation des vaillans & saintes gens du peuple de Israël, comme font les liures des iustes, & celuy des batailles de Dieu en Hebreu, qui furent perdus à la captiuité de Babilonne. S. Paul en met vn bon nombre, avec leurs triomphes qu'ils ont obtenu par la foy: S. Hierosme a fait plusieurs oraisons funebres sur le nom des Epistres ou Epitaphes, collaudant les gens de bien trespassez, comme de sainte Paule Romaine, de s. Leon, de saint Marcelle, de s. Fabiolle, de Nepotian, de Lucunius Bericus. Comme aussi s. Ambroise en a fait de la mort de ces bons Empereurs Valentinian, & Theodosius, & autres. Aussi s. Gregoire nazi-enzene en a fait plusieurs. Il ne faut point louer les hommes ce pendant qu'ils sont viateurs en ce mode, comme dit l'Ecclesia. sinon apres le trespas & leur consommation. Il ne faut point louer la felicité du Nautonnier, que premierement ne soit arriué au port: ny la force & vertu du capitaine iusques a ce qu'il soit paruenue a la victoire.

4. des Epi.

2. Reg. I.

Aux hebreux II.

Eccle. II.

Lesquelles louanges, collaudations des personnes decedees, ont esté à la posterité tant agreables & d'elles si biē receuës qu'ils n'ont seulement cōseruē les Epitaphes des vertueuses personnes, mais aussi de celles qui a vertu & singulieremēt a la religiō estoiet contraires, rendāt aux vertueux Epitaphes d'honneur & aux malins notte de leur peruerse vie: l'auois deliberē mettre icy l'ordre des ceremonies faictes à l'enterrement de nostre s. pere le Pape, des Roys & autres grands, mais ayant veu les Memoires du sieur du Tillet & les Funerailles des anciens, par Claude Guichard, ce ma semblé estre suffisāt pour cōtenter le lecteur.

De la Sepulture de Clouis V. Roy de France & premier Roy Chrestien.

CHAP. 4.



AY voulu cōmencer par ceste Eglise fondee premierement en l'honneur de Dieu & au nom de monsieur saint Pierre & s. Paul, maintenant Abbaye, dicte de sainte Geneuiefue (maison royale & de grāde antiquité) qu'au si a raison que le premier Roy Chrestié de nostre France, en à esté le fondateur, l'ayant fait bastir en l'an de Iesus Christ 499. Et depuis ce temps à esté augmentee par sainte Clothe son espouse, decoree par les Roys, & priuilegiee par les Papes & reuee d'un chacun chrestien: Ledit Clouis a son Tombeau au cœur d'icelle Eglise, ainsi que cy apres vous est representé par ceste figure.



*Sepulture de Clovis V. Roy de France
& premier Roy Chrestien.*

Epitaphe du Roy Clouis, faite par S. Remy, laquelle iay tirce del'Histoire d'Aymon moyne.

*Diues opum, virtute potens, clarúsque triumpho,
Condidit hanc sedem Rex Clodouaus, & item
Patritius magno sublimis fulsit honnore,
Plenus amore Dei, contempsit credere mille
Numina, quæ variis horrent portenta figuris
Mox purgatus aquis, & Christi fonte renatus,
Fragrantem gessit, infuso Chrismate, crinem
Exemplúmque dedit, sequitur quod plurima turba.
Gentilis populi, spreto quæ errore suorum
Ductorem est cultura Deum, verúmque parentem:
His, fælix, meritis superauit gesta priorum,
Semper consilio, castris, bellisque tremendus,
Hortatu dux ipse bonus, ac pectore fortis:
Constructas acies firmavit in agmine primus.*

Autre escrit pres de sa Sepulture.

Hic est illustrissimus Rex Ludouicus, qui & Clodoucus, ante Baptismum est dictus, Francorum rex quintus, sed verus Christianus, qui ab Anastasio Imperatore, Consul, & Augustus est creatus. Hunc sanctus Remigius baptisauit: & in baptisinate eius, angelus ampullam sacri Chrismatis derulit. Hic ex Aquitania Arrianos expulit, ac totam illam terrá vsque ad mótes pyreneos subiugauit. Huic per Viennam fluuium Ceruus miræ magnitudinis viam ostendit: Postquam rex & milites vadum transierunt, & in eius aduentu muri Angolismæ ciuitatis corruerunt. Alemaniam,

Toringiam, & Burgundiam tributarias fecit, terram adiacentem Sequanæ, & Ligeri acquisiuit : Parisiis sedem regni constituit, Ecclesiam istam fundauit in honorem apostolorum Petri & Pauli, monitis sanctæ, Clotildis vxoris suæ, & beatæ Genouefæ, quam beatus Remigius dedicauit, in qua post laudabilia opera rex sepultus est à quatuor filiis suis regibus, Theodorico, Clodomero, Childeberto, & Clotario: anno domini 513, regni sui 30.

VERS DE P. DE RONSARD,
sur les faicts d'icelluy Roy.

VOIS-tu Clouis grand honneur des Troyens ?
 Qui le premier abhorrant les Payens
 Et des Gentils les menteuses escoles,
 Pour suiure Christ laissera les idoles,
 Donnant baptesme aux François desuoyez ?
 Et lors du ciel luy seront enuoyez
 Vn Oriflame, estandart pour la crainte
 De ses haineux, & l'Ampoule tressainte
 Huile sacree, onction de tes Rois.
 Son escusson deshonoré de trois
 Crapaux boufis, en changeant de peinture,
 Prendra les Lis à la blanche tainture,
 Present du Ciel : Dieu qui le choisira,
 D'honneur de force & de bien l'emplira !
 Ne vois tu pas comme son front assemble
 La grauité & la douceur ensemble,
 Ayant le bras armé sans estre armé,
 Ensemble craint ensemble bien aymé ?

Nul ne vaincra ce Roy de courtoisie :
 Mais quand l'espee au poing aura saisie ,
 Nul conquerant tant soit braue de cœur ,
 De ce Clouis ne se dira veinqueur :
 Il poursuiura d'une ardente colere
 Siagre fils de Gillon , qui son pere
 Deposseda , & son camp assaudra
 Si viuement que Soissons il prendra ,
 Perdant du tout la puissance Romaine :
 Puis dès le Rhin iusqu'aux riués de Seine ,
 De Seine à Loire il sera conquerueur ,
 Des Rois voisins la foudre & la terreur .
 ,, La fortune est d'inconstance emplumee ?
 Luy conduisant vne gaillarde armee
 Outre le Rhin contre les Allemans
 prompts aux combats , aux guerres uehemens ,
 Sera pressé d'une si grande suite ,
 Que tout honteux de penser en la fuite
 Aura recours tant seulement a Dieu :
 Lors s'eslançant furieux au milieu
 Des Alemans , de sa francoise espee
 Rendra de sang la campagne trempee ,
 Tu'ra leur Roy , & des peuples donteZ
 Tributs par an luy seront apporteZ .
 Lors enrichi des despoilles conquises
 Au nom de Christ bastira des Eglises .
 Puis ce chargeant (comme Prince inuaincu)
 Le dos de fer & le bras de l'escu ,
 Ira de Vienne aborder le riuage .
 Vn Cerf chassé monstrea le passage
 Au camp François , grand miracle diuin !
 Pres de Poitiers fera trembler le Clin

*Dessous ses pieds, assaillant de furie
Alaric Roy des peuples de Gothie.*

*Desia le vent bransle les estandars,
Pied contre pied se fichent les soudars
Ioyeux de sang : tout le cœur leur bouillonne,
Une poussiere en rond les environne,
Et sans relache au milieu des travaux
Sont renuersez chevaliers & chevaux,
Le Roy Clouis ardant à la conquête,
Perçant son camp opposera sa teste
Contre Alaric : là d'un cœur haZardeux
Ces puissans Roys s'affronteront tous d'eux
Braues, hautains, furieux comme foudres.
Sous leurs chevaux deux tourbillons de poudres
Noirciront l'air, & sans avoir repos
Icy Clouis icy le Roy des Gots
PousseZ tourneZ de fortune diuerse,
Seront porteZ tous deux à la renuerse.
Le mol sablon imprimera leurs corps :
Eux releuez plus ardants & plus forts
Cherchant la mort espondront sur la place
Gréues cuissots morions & cuirasse
Suant tous deux de colere & de coups :
Mais à la fin Clouis plein de courroux
Fera du Goth victime à Proserpine,
D'une grande playe enfondrant sa poitrine.
Ainsi Clouis Alaric occira :
L'ame Gothique aux enfers s'en ira !*

*Puis s'emparant des thresors de ce Prince,
prendra TholoZe & toute la province
D'Alby, Rouargue, Auvergne & Lymosin,
Et le païs de Garonne voisin.*

*De la pompeux d'une si noble gloire ,
Des Bourguignons raura la victoire ,
Les massacrant d'un courage trop chant
Pour le forfait de leur Roy Gondebaut .
Bref ce Clouis d'invincible puissance
Doit bouter hors son empire d'enfance ,
Le rendre masle , à fin que tous les Rois .
Tremblent de peur aux armes des François .*

*De ses vertus l'acquise renommee
Sera si grande & si haute scmee ,
Que ses enfans ne seront maintenus
En leur grandeur que pour estre venus
D'un pere tel , lequel durant sa vie
Ne vaincra pas tant seulement l'envie
Des Roys vassaux à son glaiue pointu ,
Mais si au large estendra sa vertu ,
Qu'enseveli dessous la terre sombre
Fera trembler les Princes de son ombre :
Tant vaut l'honneur d'un Prince apres la mort ,
Qui en vivant fut equitable & fort !
Or pour monstrier que telle creature
Se vestira de celeste nature ,
Avant sa mort les feux presagieux ,
Le tremble terre & les foudres des cieux
Esbranleront sa royale demeure .*

*„ Mais quoy ? Troyen il faut que l'homme meure !
„ En son bastean Caron prend un chacun ,
„ Et du Tombeau le chemin est commun .*

Des enfans du Roy Clouis .

L Odomire, ou Clodomire, Roy d'Orleans re-
gnoit enuiron l'an 4482. estoit filz du Roy

Clouis premier du nom : Il espouza Gundioche, de laquelle il eut trois fils, Assauoir Thibauld, Guntaire & Cloauld. Tibaut aagé de dix ans Guntaire de sept, furent tuez par les Roys Clotaire & Childebert leurs oncles, & enterrez à sain. Geneuiefue, l'an 528. Cloaud eschappa, se fit d'Eglise, ouquel estat il fut enduré par sesdicts oncles, qui ne vouloient que le Royaume d'Orleans: & donnerét audit Cloauld quelques heritages pour son entretien qu'il legua à l'Eglise de Paris. Fut enterre au village de Nogent, de luy depuis appelé S. Cloud, deux lieues de Paris, ou son Tombeau paroist avec c'est Epitaphe en lettres maiuscules. En la grotte dessous le cœur de ladite Eglise. Ce Tombeau est esleué de la hauteur d'un grád pied de haut & tout de marbre noir, avec quatre colonnes de Porphire, lesquelles ont esté rompues durant les troubles, toutesfois on à retiré ce qui ensuit.

Artubus hunc tumulum : Clotoaldus consecrat almīs

*Epitaphie
de S. Cloud*

Editus ex regum stemmate perspicuo

I. uiuētus regni sceptrum retinere caduci

Basilicam stud. t hanc fabricare dō ..

Aeclesiæ que dedi... atricis iure tenendam

Vrbis Pontific... t. que foret Parisij.

Plusieurs lettres deffaillent ainsi que voyez par ses points lesquelles ne se peuuent lire.

ANTIQUITEZ

Epitaphe de Theodoric ou Thierry troisieme
 fils de Clouis, Roy de France: enterré en l'Ab-
 baye de S. Vast d'Arras, fondee par luy : Il dece-
 da l'an 693.

*Rex Theodoricus ditans ut verus amicus
 Nos ope multi moda iacet hic cum coniuge
 Doda*

*Regis larga manús & præsul vindicianus
 Nobis regale dant & ius pontificale
 In decies nono cum quinquagesies duodeno
 Anno defunctum sciet hinc qui quatuor
 addet*

*Qui legio hac hora dominū pro regibus ora
 Muneribus quorū stat vita Dei famulo-
 rum.*

Et affin que ie ne laisse rien a dire des Antiqui-
 tez de cette Royale maisō de saincte Geneneufue,
 la bōne Royne Clothe ayant faict de grands biēs
 en icelle Abbaye, esleut sa Sepulture avec le Roy
 son mary, & estant trespassee en la ville de Tours,
 fort agee & pleine de vertus, fut apportee en ceste
 Eglise, avec honorable conuoy, & enterree au-
 pres de sondit mary, par ses deux filz Childebart
 & Clotaire, l'an de grace 552. Depuis elle a esté
 Canonisee & esleuee, par Reuerend pere en dieu

S. Clothe
 canonizee
 l'an 552.

Philippe le Bel, Abbé de sainte Geneuiefue : ses Reliques ont esté dispersez à plusieurs Eglises: Comme aussi leur fille Clotilde, qui fut mariée à Alaric Roy des gots, laquelle mourut reuenant en France, son corps fut apporté & enterré avec son pere & mere l'an de grace 525. ils n'ont aucun tombeau esleué effigie ou Epitaphe.

Epitaphe estant en la derniere chappelle de la nef d'icelle Eglise, en tombe platte.

Cy gist noble & puissant dame Madame Catherine d'Alençon Duchesse en Baviere Contesse de Mortaigne, Dame Dexmes, de saint Siluain, & de Thuit en Normandie, laquelle trespassa l'an mil quatre cens l x i j. le xxv. iour du mois de Iuin. Dieu face à l'ame mercy.

Du costé de Midy, est vn tombeau fortancien de S. Ceranne le 25. Euesque de Paris, qui viuoit du temps des Merouinges, & à esté depuis canonizé & esleué en vne chaise & le 16. iour de Novembre on celebre sa translation.

S. Ceranne
25. Euesq.
de Paris.

Aussi y est le corps de sainte Aude vierge, de Paris, qu'on dit auoir esté l'une des vierges qui accompagnoient sainte Geneuiefue en ce monde, & quelques martirologues font foy icelle auoir esté enterree en ladicte Eglise.

Sain^{te} Aude v^{ierge}.

Outre plus se voit en la mesme Eglise le chef de saint Baudelle martir & soudiacre d'Orleans il

Le chef de
s. Baudelle.

est en vne chapelle en la grand nef, envne fenestre dans la muraille fermée a barreaux de fer.

Or l'oppinion de plusieurs, est que la Caue qui est souz icelle Eglise, est de grande antiquité, & vn lieu de deuotiō plus ancien que ladite Eglise. Et les Religieux de leans tiennent pour vray & est chose digne de croire, que l'vn des trois sepulcres qui y sont, est le tombeau & monument de Prudent 8. Euesque de Paris, & predecesseur de S. Marceau, lequel combien qu'il ayt esté au parauant, il est aisé a cognoistre, que le lieu ou il est enterré est plus ancien que du tēps dudit Clouis: Et y a apparēce que les premiers Chrestiens, pour crainte des infidelles, n'ayans pas le moyen de faire leur assemblée appertement comme ils eussent voulu, cherchoient les lieux les plus cachez, comme sont les caues, pour faire en plus grand seureté leurs prieres & congregations, lieux dis-ie separez & hors les villes, & prenant accroissemēt par la grace de Dieu, ont tousiours esté respectez & hōnorez par les fidelles, de sorte que les grāds & saincts personnages y desiroient faire leur sepulture & y estre enterrez. Partant Dieu a permis qu'on ayt basty des Eglises dessus.

Le Roy Robert selon mon opinion a faict faire le Cloistre d'icelle Abbaye, selon qui se lit en son obit. *Obijt Francorum Rex Robertus, qui dedicauit claustrum huic Ecclesie & c.* Et qui plus est on void audit cloistre l'esfige d'vn Roy d'vn costé, sans celle de Clouis qui est de l'autre: Plus ce Roy deuot & pieux enrichit d'or & d'argent la table d'autel de S. Pierre & S. Paul, & estoit fort affectionné

Tombeau
de Prudent
8. Euesque
de Paris.

Du Roy
Robert.

à l'Eglise donnant en cela exemple aux Princes de faire le semblable. Enquoy son fils Henry premier la imité lors qu'il à confirmé les priuileges de ladicte Abbaye les lettres sont en datte de l'an mil trente cinq.

L'Abbaye saincte Geneuiefue fut enclose à la ville de Paris, l'an 1190. Au regne du Roy Philippe Auguste 2. du nom, qui institua les Escheuins d'icelle pour faire agrandir la ville du costé de l'vniuersité: ladicte maison de saincte Geneuiefue estoit close de forte murailles tout au tour, ayant en tout de seize à dixsept arpens d'estendue sans le cloistre ancien qui s'estand iusques au portail vers le College de Montagu, & au bout de la rue des prestres d'un costé, & de l'autre a la rue des amandiers, ou anciennemēt estoient semblables portaux, y est aussi comprinse au circuit l'Eglise de S. Estienne, comme elle se comporte. Ceste mesme année 1190. fut dedice la chappelle de misericorde qui est au Cloistre, laquelle fut bastie quelque temps au parauant.

*Le circuit
& grādeur
anciē de la
maison de
Saincte
Geneuiefue*

Le Pape Alexandre 3. s'estant retiré en France, residoit en la ville de Sens, le 4. de son pontificat l'an 1163. confirma audit Abbé tous les priuileges donnez a la dicte maison saincte Geneuiefue, par Eugene 3. avec les biens temporels & specialemēt qu'il ne fut licite a aucun d'y iamais changer l'ordre de S. Augustin, ny aux Roys ou Princes de France, de donner ladite Eglise en benefice: les lettres sont en date du 8. des kalendes de May. Voyez au 1. liu. des Antiquitez de Paris, le reste de singularitez d'icelle Abbaye. fo. 12.


*Confirma-
tion des pri-
uileges d'icelle
abaye.*

*De l'Eglise fondee en l'honneur de Dieu & de monsieur
S. Vincent, maintenant nommee S. Germain des prez:
Des Roys, & Roynes de France enterrez en icelle, &
autres antiquitez d'icelle Abbaye.*

CHAP. 5.



N l'an de Iesus Christ 515. Chil-
debert 2. Roy Chrestien com-
mēça à regner. Et pour l'heureux
succes de la guerre d'Espaigne, à
son retour à Paris, il fit fonder &
battir l'Eglise & Abbaye S. Vincent depuis nō-
mee Sainct Germain des prez: Enuiron l'an 552.
A compter depuis ce temps iusques a huy 1588.
Il se trouue 1036. annees que le susdict bastiment
à esté faict premierement: En ce mesme temps
fut commencé a bastir l'Eglise sainct Germain dit
de l'Auxerrois à Paris: Je scay que l'an 1163. es
Calendes de May, apres sa nouuelle reparation
elle fut dediee au bon Euesque S. Germain, pour-
ce qu'il fut enterré en icelle, ainsi que i'ay deduit
amplement au premier liure des antiquitez ou
iay inseré la coppie des lettres de la fondation.
& autres singularitez dignes d'estre veues: voyez
cy apres la figure du fondateur d'icelle Abbaye
qu'aussi des autres Roys & Roynes qui y sont en-
terrez, avec le vray dessein d'icelle Eglise.



Le portraict de l'Eglise & Abbaye saint Vincent maintenant nommee S. Germain des prez.

Childebert second Roy Chrestien, fondateur de ce monastere, sous le tiltre de S. Vincent à esté enterré par saint Germain, derriere le grand autel, non trop magnifiquemēt, ayant sur son corps vn tombeau de pierre, esleué de deux pieds : par dessus est representee l'effigiee d'un Roy ainsi que voyez en ceste figure, autour d'icelle se lit ceste inscription.

Childebert Roy des François second chrestien, fondateur de ce monastere, fils de Clovis premier Roy chrestien, eut le principal siege de son royaume à Paris: mourut l'an v c. lix. ayant regné x l v.

Epitaphe du Roy Childebert.

*Francorum rector preclarus in agmine rector
Dacus & Auernus Britones & Gothus hiberus
Condidit hanc aulam Vincenti nomine clarem
Amplectens humiles prosternes mente rebelles
Milia mendicis solidorum dans & egenis
Cuius & Allobroges metuebant soluere leges
Hic situs en dictus Rex Childebertus honestus
Vir pietate cluens probitatis munere pollens
Templa Dei ditans gaudebat dona repensans,
Gazarum cumulos satagebat condere celo.*

De cestuy Childebert, parle Bernard de Gerard en ses effigies Royalles.

*Hæreticum necat Hispanum, debellat Iberos:
Diuisit regnum charis cum fratribus, ampla
Extruxit templa: hinc pietatem in principe nosce.*



*Sepulture & effigie de Childebert second Roy
de France chrestien , fondateur de ce monastere.*

Pierre de Ronsard, dit ainsi.

Cecy est
pris de la
Franciade
de P. Ron
sard gentil
hōme ven-
demois.

VOY Childebert & Clotaire son frere,
Qui tous ardans d'une iuste colere
Que Gondebaut comme Prince cruel
Au fait meurtrir leur oncle maternel,
Dessus son fils Sigismond de Bourgongne
De telle mort vengeront la vergongne.
Ces deux grands Rois à la guerre assemblez
Donnant bataille aux Bourguignons troublez,
Les meurdriront d'une mort tres-amere,
Gratifiant aux larmes de leur mere,
Qui soupiroit de ne voir point vangé,
Le corps Royal de son pere outragé.

Ce Childebert & Clotaire grands Princes
Pour augmenter les bords de leurs provinces
Rompant le droit, la nature & la loy
„ (Entre les Rois ne dure point la foy,
„ Tant le desir de regner leur commande)
Freres germains suiuis d'une grand' bande
D'hommes armez partiaux & meschans,
Voudront helas ! de leur glaines tranchans
Sentre-taer, & rougir les batailles
Du sang tiré de leurs propres entrailles.
Mais sur le point qu'ils voudront s'affaillir,
Voyci du iour la lumiere faillir :
Neiges & vents & tourbillons & gresle
Du ciel creué tomberont pesle-mesle
Entre-semez de foudres & d'esclairs :
Hommes, cheuaux, morions & bouclairs
Seront frappez de pluye & de tonnerre.

*Vn tel miracle appaisera la guerre
De ces germains : le bon Dieu la permis :
Puis de haineux deuenus bons amys,
Freres de sang & de cœur sans rancune
Ramasseront leurs puissance en vne,
Fiers aux combats, inuaincus cheualiers :
Puis en poussant milliers dessus milliers
D'hommes armeꝝ par hautes destinées
Iront gaigner les cymes Pyrenées,
Princes guerriers, inuaincus de travaux,
Les monts d'Espaigne au bruit de leurs cheuaux
Retentiront & couuerts de gendarmes
Les champs luiront sous l'esclair de leurs armes.*

*Ces freres Rois, ains frayeur des campagnes,
Arderont perdront pilleront les Espagnes,
Mettant à sac & peuples & seigneurs :
Lors tous enfleꝝ de butins & d'honneurs,
Et d'une gloire aux François eternelle,
Viendront reuoir leur terre paternelle :
Puis sans enfans des vieillards le confort,
Comme tous Roys seront pris de la mort.*

*Pres d'icelle sepulture, est vne autre toute plaine,
& contre le pillier est escrit.*

Cy gist vultrogote Royne de France.

Cette notable Royne Vultrogotte, femme du Roy Childebert, apres le deces de son mary & avec le conseil de son frere Clotaire, firent solemelement dedier cette Eglise, par S. Germain lors prelat & Euesque de Paris, en la douant de grandes augmentations & reuenus: La figure d'icelle Royne est ainsi representee.



Vultrogote Royne de France, est ainsi representee pres sa sepulture.

Du Roy Chilperic, par P. de Ronfard.

L'AUTRE d'après qui tout morne se fache
 Qui tient sa gorge & qui marchant remasche
 Mainte menace & refuse tout à soy ?

C'est Childeric indigné d'estre Roy,
 Mange-suiet, tout rouillé d'avarice,
 Cruel tyran, serviteur de tout vice,
 Lequel d'impôts son peuple détruira :
 Ses citoyens en exil bannira
 Affamé d'or, & par armes contraires
 Voudra ravir là terre de ses freres,
 Naimant personne & de personne aimé ;
 Qui de putains un ferrail diffamé
 Fera mener en quelque part qu'il aille,
 Soit temps de paix ou soit temps de bataille :
 En volupté consummera le iour,
 Et n'aura Dieu que le ventre & l'amour.

N'y liét ny foy ny la nuit amoureuse
 Ne defendront Galsonde malheureuse,
 Qu'en luy pressant le gosier de sa main
 Ne la suffoque, homicide inhumain :
 Acté d'un Scythe & non d'un Roy de France
 Lequel devoit s'opposer en defence
 Pour la sauuer & luy-mesme s'offrir
 Plus tost cent fois à la mort, que souffrir
 De veoir sa femme ou captiue ou touchée :
 Et toutes fois aupres de luy couchée,
 Joincte à son flanc, le baisant en son liét,
 Seure en ses bras, l'estranglera de nuit :
 Cruel tyran ! à qui dessus la teste

L'ire de Dieu pend desja toute preste:
Son propre sang son crime lauera,
Et sa putain sa femme vengera.

Après la mort de sa femme Galsonde
Doit espouser sa garse Fredegonde,
Qui d'un visage eshonté de regards
Et de maintiens lubriques & paillars,
Et d'un parler entre l'humble & le graue,
Fera ce Roy de maistre son esclaué,
L'abestissant si bien à ses desirs,
Qu'il seruira valet de ses plaisirs:
Puis doit apprendre aux despens de sa vie
„ Que l'homme est fol qui aux putains se fie.

Or elle ayant assotté son mary
Pour mieux iouyr de son ribaut Landri
Qui du Royaume auoit toute la charge,
Folle d'ansour, à deux meurriers en charge
A son retour de la chasse bien tard
De luy percer la gorge d'un poignard.
Ainsi mourra par les mains de sa femme
Ce Chilperic des Princes le diffame.

En peu de mots est comprise sa vie par Gerard,
disant ainsi,

Campanos vastauit agros, crudelix, & a-
trox

Vxorem priman ingulat, Fredegunda se-
cunda

Quem ingulat: mors hac crudeli digna ma-
rito.



*Sepulture & effigie de Chliperic quatriesme
Roy de France.*

Ce Roy Chilperic exempta ceste Abbaye (pour lors dicte S. Vincent) de payer aucun droit de peage ou tribut aux ports & passages de ce Royaume, & si donna deux metairies de grand reuenu situees au pays de Cahors en Quercy que l'on nommoit Ipiacus & Adiacus, lesquelles par succession de temps ont esté allienees.

De son temps S. Germain alla en Hierusalem & en retournant visita l'Empereur Iustinian à Constantinople : lequel le receut honorablement & luy donna selon son desir de la couronne d'espines de nostre seigneur Iesus Christ, le pied de l'un des Innocens occis par Herodes & le bras de S. George le martir : Lesquelles Reliques le glorieux S. donna en ceste Eglise : Et apres son deces qui fut le 28. de May l'an 578. Ordonna estre inhumé en l'oratoire S. Symphorien, que l'on dit aujourdhuy la chapelle des sergens, pres le portail d'icelle Eglise. Auquel lieu se sont faits de beaux miracles. Et entre autres vn paralitique y fut entierement guarý : Ce qu'ayant entendu le Roy Chilperic, vint le lendemain en ladicte Eglise & en l'honneur d'iceluy composa cest Epitaphe.

S. Germain est mort l'an 578.

Epitaphe de S. Germain.

Ecclesie speculum, patrie vigor, ararcorum :

Et pater & medicus, pastor, amorque gregis ,

Germanus virtute, fide, corde, ore beatus :

Carne tenet tumulum : mentis honore, polum,

Vir cui dura nihil nocuerunt fata seputeri

Vixit enim : nam mors qu'en tulit ipsa timet

Crenit adhuc potius iustus post funera : nam qui

Fidile vas fuerat gemma superbat micat.

Huius opem ac meritum mutis data verba loquuntur

*Redditus & cecis predicator dies,
Hic vir apostolicus rapiens de carne tropheum,
Iure triumphali, confidet arce throni.*

Le Roy Chilperic regna 23. assauoir 9. ans a Soissons, & apres le trespas de son frere Charibert 14. ans a Paris. Et en l'an de l'incarnatiō 587. au moys de Septembre, il fut tué à Chelles en revenant de la chasse au soir, par l'entreprise de Fredegonde & de son adultere Landry maire du Palais. Son corps fut apporté en cette Eglise & enterré ou se void encores son sepulcre à l'environ duquel est escrit en lettres separees,

Rex Chilpericus Hoc tegitur lapide.

En ce mesme lieu, Gontran Roy d'Orleans, fit apporter & inhumér les corps de Merouee & Clouis enfans dudit Chilperic & de Andouere sa premiere femme, desquels Fredegonde leur matre cruelle & inhumaine auoit procuré la mort.

Plus haut au cœur d'icelle Eglise, se void vne effigie d'une Royne, à platte peinture aux pieds de laquelle est escrit.

Cy gist Fredegonde Royne de France, femme de Chilperic.

Ceste Fredegonde fut nee à Hauaucourt en picardie, de pauures parens, dangereuse concubine de ce Roy Chilperic (desia au parauant qu'il fust marié) ne fut eslongnee de luy, quelque mariages qui aduinssent: ains tāt aucugla ce pauure Roy que s'estant deffait de deux femmes legitimes (à sa poste) par mauuais moyens, l'espousa, en fin cōme Dieu permit elle le fit mettre à mort.



Fredegonde femme du Roy Chilperic, est ainsi representee pres son tombeau.

Voyci qu'en dit Ronfard.

HLE sans peur ny de Dieu ny de lois,
Toute effrontee, ayant encor les dois
Rouges du sang de son mari, pour taire
Par un beau fait le meurdre & l'adultere,
Iraguerriere au milieu des combats,
Tiendra son filz de trois mois en ses bras,
Traistre pitie! pendant à sa mamelle,
Dont son paillard aura pris la tutelle.
Puis ceste Roine abominable ainçois
Ceste Furie execrable aux François,
De qui la teste attendoit le supplice,
Comme si Dieu fauorisoit le vice,
Viura sept ans en pompes & honneur
Auec Landri des François gouuerneur;
Et qui pis est morte on la fera sainte.
Ainsi tout va par fraudes & par sainte!

De Frede-
gonde fem-
me du Roy
Chilperic.

A l'entree du cœur du costé de midy est la sepulture de Clotaire second, pere de Dagobert, pres d'icelle en vn tableau est escrit ce qui ensuit.

Cy gist Clotaire ij. de ce nom, Roy de France, filz de Chilperic & de Fredegonde, ensepulturez à l'opposite d'icy, & pere de Dagobert fondateur de l'Abbaye S. Denys, lequel Clotaire n'auoit que quatre mois d'aage quant son pere fut tué mourut ayant regné xliiij. ans l'an vj c. xxx.



Clotaire second, pere de Dagobert est ainsi representé pres son tombeau.

P. de Ronfard parlant de ce Roy dit ainsi.

L'AUTRE qui suit est Clotaire son fils,
Par qui seront les Saxons desconfis,
Ne souffrant viure en leur terre occupee
Masle debout plus grand que son espée,
Sage guerrier victorieux & fort,
Qui pour l'honneur mesprisera la mort.

De Brunehaut Princeesse miserable
Punira seul la malice execrable,
Le corps lié trainant à son cheual.
Ses vieux cheueux par montaigne & par val
Seront espars : si que d'elle tiree
Les chemins pleins de sa peau deschiree
Voyront saigner cuisses, iambes & flancs,
Et les buissons s'arrouser de leurs sangs.

Bien qu'un grand Roy ne puisse auoir louange
Quand par la mort d'une femme il se vange,
Pourtant Clotaire est absous des François,
D'auoir vangé le sang de tant de Rois,
Que par poison, par glaiue & par cautelle
Auoit occis ceste Royne cruelle.

Plus haut il se voit vne autre sepulture, & au
dessus l'effigie d'une Royne, en platte peinture
auec l'Epitaphe qui ensuit.

Cy gist Bertrude Royne de France, fem-
me de Clotaire deuxiesme, mere du Roy
Dagobert, fondateur de l'abbaye S. Denis.

La figure est telle qui ensuit.

C iijj

De Clotai-
re 2. pere
de Dago-
bert.



*Bertrude Royne de France, femme de Clo-
taire ij. est ainsi representee pres son tombeau.*

Il y a en ladite abbaye plusieurs autres nobles enterrez en ladicte Eglise, mesme le Roy Childe-ric & la Royne son espouse, lesquels n'ont leurs sepultures esleuez & desquels auons fait mentiõ au premier liure: Et pour remarquer l'antiquité de ceste Royale maison, i'ay recueilly ce qui ensuit dans vne Chapelle dediee à la vierge Marie, hors ladite Eglise allant au preau, est escript au portail d'icelle.

HANC PRECLARA D. MARIE VIR-
GINIS CAPELLAN ANNO DOMINI 1245.
AB. HVGONE DE ISSIACO HVIVS MO-
NASTERII ABBATTE 52. ÆDIFICARI
COEPTAN, SVCCESSOR EIVS THOMAS
DE MALO LEONE PERFECIT.

A compter iusques à huy 1588. Il se treuve 343.
ans que ladicte Chappelle est edificee: Il semble
quelle soit nouvellement bastie & ne se voit au-
cune chose en ruine.

Au portail du Refectoire, pres le preau est escript.

ANNO DOMINI 1239. R. PR. SIMON
ABBAS. 51. HVIVS MONASTERII HOC
REFECTORIVM FIERI CVRAVIT.

*De l'ordre des Sepultures des Roys & Roynes enterrez
en l'Eglise de saint Denys en France, representez icy
par figures.*

CHAP. 6.



DE l'entree de l'Eglise iusques au cœur il y a 130. pieds, le cœur est diuisé en trois parties : La premiere partie a soixante huit pieds de longueur, & de mesme largeur que l'allee du milieu, asçauoir 35. pieds. En cette partie sont les Chaires esquelles les Religieux disent le seruice diuin. Au milieu est la Sepulture du Roy Charles le Chauue, le tombeau & effigie du quel est de cuyure doré, ainsi que voyez representé par cette premiere figure.

Et montant plus haut à l'entree, il se voit le lieu ou ont esté inhumez trois Roys, les sepultures desquels estoient iadis d'argent & maintenant est le lieu vuide : Les noms des Roys sont Philippe le conquerant dict Auguste qui gisoit au milieu. Loys huitiesme, dict de mont-pensier, pere de s. Loys, à partie fenestre : & s. Loys à partie dextre, lequel depuis à esté canonisé : le corps en partie est leans, & partie en l'Eglise nostre Dame de Paris, en capses d'or & d'argent, le chef a la sainte chapelle. Es places dessus dites y a longues pierres les Anglois ont emporté l'argent, du regne de Charles 6. lors qu'ils estoient en France. Aux deux costez de ses sepultures, au costé dextre est la sepulture, de Loys dict Clouis fils de Dagobert & Charles Martel, A fenestre,

Hugues Capet, Et Odo Rex. Lesdictes sepul-
tures ne sont que de pierre. Entre ces deux sepul-
tures il y a vn grand Autel, sur le haut duquel est
la chasses. Denys Euesque d'Athenes , aux deux
costez de l'autel il y a deux petites portes par les-
quelles on entre en la seconde partie du cœur.
Ceste seconde partie a 45. pieds de long, & est de
mesme largeur que la premiere, en icelle il y a
vnze sepultures , quatre du costé fenestre, & sept
a dextre, à fenestre est,

Philippe le Hardy, Et Philippe le Bel fils de saint
Loys. Et Isabel d'Arragon sa femme , du mesme
costé plus haut est,

Pepin & sa femme. Et au dessus,
Loys & Carloman, fils bastards de Loys le begue.

A dextre est la sepulture de

Loys Hutin & son petit fils le Roy Iean , pres de
luy qui ne vesquit que huit iours, vne autre au
pied d'icelle est,

Ieanne Royne de Nauarre fille dudit Loys hutin.
Pres d'icelle est Robert, fils de Hugues Capet &
Constance sa femme.

En vn autre sepulture ioignant est Loys le gros,
Et Henry premier.

Vn peu plus haut est Philippe, fils de Loys le gros.
Et Constance sa femme, (mourut auant son pere,
combien qu'il fut couronné Roy.)

Aux pieds d'icelle est la sepulture de Carloman
fils de Pepin & freres de Charlemagne) Et sa fem-
me : toutes les sepultures susdites sont de marbre
blanc & les effigies d'albastre.

Au deuant est la sepulture du Roy Charles 8. la-

quelle est de cuyure doré, son effigie a genoux, dessus grand comme le naturel, ainsi que le voyez representé par ceste figure.

De ceste seconde partie du cœur on entre en la troysieme, qui na que 25. pieds de long & autant de large que les autres d'eux: au milieu est le grád autel, au dessus duquel est la chasse saint Loys Roy de France. Au costé fenestre est,

La sepulture de Dagobert fondateur de ladite Eglise, ladite sepulture n'est que de pierre, au dessus d'icelle y a plusieurs figures des visions aduenues apres son trespas.

A dextre est vne grande sepulture de marbre, en laquelle sont quatre Roys & deux Roynes: asçauoir, Le Roy Iean de Vallois second du nom, Philippe de Vallois son pere, Charles le Bel, Et Ieanne Royne de France & de Nauarre femme de Philippe le bel.

Philippe le long, Et Ieanne Royne de France fille du Comte Hugues de Bourgongne, femme du Roy Philippe le long. voyla tous ceux qui sont au cœur ayant leurs tombeaux esleuez.

Hors le cœur du costé fenestre est la sepulture du grand Roy François, premier du nom, haut esleuee & fort magnifique, le tout de marbre & albastre.

Pres d'icelle est vne autre sepulture de marbre & albastre blanc, que l'on dit estre d'une Contesse de Flandre, autour d'iceluy tombeau ny a nulle escriture, mais est fermee de treillis de fer tout autour.

Au dessus & deuant ladite sepulture, en la cha-

pelle de Charles le quint, il y a trois sepultures de marbre de trois Roys & trois Roynes, assauoir, Charles le quint, Et sa fême Ieanne de Bourbon. Charles sixiesme & sa femme.

Charles septiesme & sa femme.

Du costé dextre de l'Eglise en la chappelle d'en haut, nommee de saincte Hipolite, Il y a vne sepulture de marbre, ou sont Madame blanche, fême de Philippe de Vallois, Et Ieanne de France leur fille, leurs sepultures sont de marbre noir & les effigies d'albastre.

En la mesme chappelle sont trois effigies debout sur colonnes de pierre, assauoir d'un Roy & deux Roynes sans escriptures, ainsi que voyez les trois figures icy representees.

Au dessus & hors laditte chapelle est la sepulture tres magnifique du Roy Loys 12. & de son espouse Madame Anne de Bretagne.

En la chapelle nostre Dame la blanche est vne sepulture de marbre, ou gisent & reposent Madame Blanche fille du Roy Charles le bel, Et Marie sa sœur: le portraict defaut icy.


De la on monte par seize degrez, ioignant iceux est l'effigie du Cardinal de Bourbon, sur vne colonne de Porphire ou laspe. Au haut des degrez est vneallee au milieu de laquelle est vn grand autel, sur le haut duquel sont les chasses des trois martirs, sçauoir s. Denys, s. rustic, & s. Eleuthere: la dessus est comme vne platte forme a demy ronde, & vne Cuue de Porphire rouge, toute d'une piece, de quatre pieds de long & pied & demy de profondeur. Autour de ce demy rond,

susdit, qui est le bout de l'Eglise, il y a plusieurs chapelles, ou sont plusieurs saints reliquaires.

Dedans le Cemetiere qui ioinct à l'Eglise, du costé Septentrional, entre la sepulture de Loys 12. & la chapelle nostre Dame la blanche : On bastit maintenant vne chappelle en forme rotonde, de laquelle les fondements sont de pierres de marbre, edifice fort magnifique superbe & bien aduencé. Au mitan d'icelle chapelle est le Tombeau, de tres heureuse memoire Henry deuxiesme Roy de France: Aux quatre coings d'iceluy sont quatre figures de bronze: au dessus par haut est la figure dudit sieur Roy & de son espouze, representez apres le naturel, de semblable etoffe de bronze, & outre sur le liect mortel dudit tombeau leurs effigies d'albastre, autour d'iceux des marbres & colonnes de Porphire, & n'est possible veoir rien plus beau, si le tout estoit acheué en sa perfection: Et est construit de telle façon que plusieurs y auront leurs sepultures & effigies.


Il y a plusieurs autres sepultures en ladite Eglise, desquels nous auons recueilly les noms & Epitaphes que pourrez veoir au premier liure. Aussi de ceux qui ont fait edifier ceste Royale maison, que des autres antiquitez & singularitez d'icelles.

La premiere Sepulture & effigie, est ainsi representee.



Sepulture de Charles le chauue, Roy de France.

De Charles le Chauue, Empereur & Roy de France.


 Vand fut mis au cercueil Loys dit de bonnaire
 Le Royaume occupa contre sa foy Lotaire,
 Dont freres & neuveux esmeurent telle guerre,
 Que les nobles François furent rueꝫ par terre
 Au pays d'Auxerrois les freres s'accorderent,
 Et le fils de Pepin au pere succederent,
 Loys Baviere tint, avecques l'Austrasie:
 Lotaire Empereur fut & retint l'Italie.
 Charles quatre ans le deceꝫ de Loys
 En la France regna, & reprint le pays
 D'Aquitaine mettant ses deux propres nepueux
 En vn conuent estroit simples religieux.
 Au lieu d'un Roy il mit vn Duc en Aquitaine,
 Laquelle il annexa à son Royal domaine.
 Lotaire ayant tenu son Empire quinze ans
 Ses terres & pays baille à ses deux enfans:
 Entre en religion, l'Empire tint l'aisné:
 Les terres pres de Meuz aduindrent au puisné
 Ou erige vn Duché: lequel du nom Lotaire
 Lorraine denomma, la mort leur fut contraire
 Dont Charles Empereur, ensemble Roy de France
 Fut enuiron deux ans: mais enflé d'arrogance
 Prenoit plus ses plaisirs en superfluiteꝫ
 Qu'à regir selon droit ses villes & citeꝫ,
 A Mantoue il mourut, & par son Medecin
 Il fut empoisonné: il a ainsi prins fin,
 Trente & huit ans regna, trente six Roy & deux
 Empereur des Romains: dans le tombeau poudreux

*Sept ans fut a Verseil : depuis à saint Denys
En France transporté au sepulcre fut mis.*

Ledit Charles le Chauue ayant regné en France à compter de la mort de son pere 38. ans & esté Empereur peu de temps, mourut a Mantoue l'an 878. le 6. Octobre, fut enterré a Versay en l'Eglise saint Eusebe, & sept ans apres transferé à saint Denys en France: Il fut empoisonné par son Medecin nommé Sedechie Iuif de nation, sur l'effigie duquel Roy, on à fait cet Epigrame.

*Fraternum gessit bellum, regisque creauit
Permultos, luxu petulans, at Caesar, & ingenio
Bellator, quid tu hac petulanti in principe
dices ?*

Du Roy Loys ou Clouis. Par P. de Ronsard.

L'AUTRE qui suit d'honneur environné,
Qui a le front de palme couronné,
Qui ia les Turcs menace de la guerre ?

*Sera le Roy le quel ira conquerre
Hierusalem & les Sceptres voisins
D'Egypte iointe aux peuples Sarrazins.
Oltre la mer bien loing de sa patrie
Tiendra des Iuifs l'heureuse seigneurie,*

Et son ost braue & luy braue à la main
Boiront sept ans les ondes du Iourdain :

Voyez la *legèd-
sain-
te Baul-
dour, qui
se treuve es
Abbayes
de Chelles
& Corbie.* Puis retourné pour quelque trouble en France,
De ses enfans panira l'arrogance,
Qui par flatteurs par ieunes gens deceus
Vers celle ingrate qui les auoit conceus,
De tout honneur degraderont leur mere,
Et denneront la bataille à leur pere.

*La Roynie
donna sen-
tence cõtre
ses propres
enfans.* Leur mere adonc, ah ! mere sans merci,
Fera bouillir leurs iambes, & ainsi
Tous mehaine & les doit ietter en Seine
Sans guide iront ou le fleuue les meine
A l'abandon des vagues & des vens :

Graue supplice ! afin que les enfans
Par tel exemple apprennent à ne faire
Chose qui soit à leurs parens contraire.
Bien que ce Roy soit magnanime & fort,
Soit au mosnier, des pauures le support,
Pourtant son ame aux vices inclinee,
De trop de vin se verra dominee.
L'Amour la gueule & les plaisirs qui font
Rougir de honte vn Prince le feront
Esclaue Roy de vilaine luxure,
Trompant son nom, soy-mesme & la nature.

La Sepulture de ce Roy, est pres de celle du Roy
Dagobert son pere, au haut d'icelle sepulture est
escript, *Ludonicus, Rex filius Dagoberti.* De son re-
gne la famine fut fort grande en France, à ceste
occasion ce Roy feist oster la couuerture qui e-
stoit au dessus de l'Eglise S. Denys, laquelle estoit
d'argent, pour donner & ausmoner aux pauures.




*Ludonicus Rex filius Dagoberti, Et karolus
Martellus Rex.*

Le susdict Roy ayant ainsi comme nous auons dict fait oster la couuerture d'argent de dessus la-dicte Eglise S. Denys, voulut de grace speciale, & en recompence : exempta ladicte Abbaye, de la subiection de l'Euesque de Paris. Et ayant regné 16. ans mourut en l'an de nostre salut 662. gist son corps a sainct Denys, duquel parle l'autheur des Effigies Royales ainsi .

*Coniugis est vltus probrum, nam in vin-
cula trudit*

*(rudeles natos, pius impietate, simúlque
Es durus genitor Clodoua, piúsque maritus*

De Charles Martel, Prince des François.
P. de Ronfard dit ainsi.

 *VI sont ces deux qui vont marchant a part ?
Qui de la troupe eslongnez à l'escart
Discourent seuls de grans propos ensemble ?
A voir leur port l'un & l'autre me semble
Sage guerrier & nul ne c'est monstré
De tant d'honneur n'y de gloire illustré
Celuy, Troyen, qui fait bruire ses armes,
Grand Capitaine & pasteur de gendarmes,
Qui ia sa main sur vne lance met,
Qui d'un panache ombrage son armet
Au fier maintien, au superbe courage,
Qui rien que Mars ne monstre en son visage,
Sera Martel gouuerneur des François,*

Non Roy de nom , mais le maistre des Rois ,
 Dedans le Ciel fera monter l'Empire
 Du nom Gaulois , & nul devant son ire
 N'opposera ny lance ny escu ,
 Qu'il ne soit pris ou fuitif ou vaincu .

Voy quels Lauriers marque de sa conqueste ,
 Vont plis sur plis environnant sa teste !
 Voy son maintien combien il est gaillard ,
 Et de quels yeux il enfonce un regard !
 Il occira par bataille cruelle
 Des forts Saxons la nation rebelle :
 Ceux de Baviere à mort desconfira :
 Les Allemans tributaires fera
 Jusqu'au Danube , & la terre Frisonne
 Rendra vainqueur , sujette à sa Couronne :
 Prendra d'assaut , inueincu Cheualier ,
 Nismes , Marseille , Arles & Montpellier ,
 Beziers , Narbonne , & toute la Prouence
 Fera seruire à son obeissance :

Prendra Bordeaux , & Blaye & tous les forts
 Que la Gironde arrouse de ses bords .

Voicy comme Eude Empereur d'Aquitaine
 Les Sarrazins peuple innombrable amene
 Contre Martel , à la guerre conduits
 Par Abdirame antique sang des Juifs ,
 Qui d'Abraham & de Sarra sa femme
 Se vantera : ce cruel Abdirame ,
 Cruel de mœurs , de visage & de cœur ,
 Des puissans Dieux & des hommes moqueur ,
 Tout acharné de meurtre & de furie ,
 Enflé d'orgueil , enflé de vanterie ,
 Doit amasser les siens de toute pars

Femmes, enfans, vieux & ieunes soudars,
Valets bouuiers, marchans, à fin que l'onde
D'un si grand ost effroye tout le monde.

Ces Sarrazins au travail obstinez
Oltre passant les cloistres Pyrenez
Et file a file espuisant toute l'Espagne,
Se planteront au pied de la campagne
Auec grand cris tels que les grues font
Quand queuë a queuë en ordre s'en re-vont
Hautes au vent, & déhachant les nuës
Vont demeurer en leurs terres cognuës
Fuyant l'hiver: un cry tranchant & haut
Se fait en l'air, tout le ciel en tressaut!
La mer ne pousse aux riues tant d'areines,
De tant de feux les voutes ne sont pleines
Au ciel la nuit, que de peuples presse
Dessous ce Roy se verront amasse
Ils tariront le coulant des fontaines:
Dessous leurs pieds feront trembler les plaines,
Grands comme pins en hauteur esleue:
Prendront Bordeaux & les peuples laue
De la Gironde, & d'ardeur violente
Fieront puiser les eaux de la Charante,
Ne pardonnant à temples ny moustiers:
D'auares mains saccageront Poitiers,
Razant chasteaux & villes enfermees,
Et pres de Tours camperont leurs armees.

Là l'innuincible indontable Martel
Nes'estonnant de voir un nombre tel,
Mais d'autant plus ayant l'ame eschaufée
Qu'il verra grand le gain de son trophée,
Chaud de loüange & d'honneur haZardeux

Ira planter son camp au deuant d'eux
 Les menaçant : la Déesse Bellonne
 Courra deuant ; & Mars qui aiguillonne
 Le cœur des Rois , pour sauuer de mechef
 Ce vaillant Duc , luy pendra sur le chef.
 Ce iour Martel aura tant de courage ,
 Qu'aparoiſſant en hauteur d'auantage
 Que de couſtume , on dira qu'un grand Dieu
 Veſtant ſon corps aura choiſi ſon lieu .

Luy tout horrible en armes flamboyantes ,
 Meſlant le fifre aux trompettes bruyantes ,
 Et de tabours rompant le ciel voyſin
 Eſueillera le peuple Sarrazin ,
 Qui l'air d'autour remplira de urlées.
 Ainſi qu'on voit les torens aux valées
 Du haut des monts deſcendre d'un grand bruit ,
 En eſcumant la rauine ſe ſuit
 A gros bouillons , & maiſtriſant la plaine ,
 Gaſte des bœufs & des bouiers la peine :
 Ainſi courra de la fureur guidé
 Avec grand bruit ce peuple des bordé.
 Mais tout ainſi qu'alors qu'une tempeſte
 D'un grand rocher vient arracher la teſte ,
 Puis la pouſſant & luy preſſant le pas ,
 La fait rouler du haut iuſques à bas :
 Tour deſſus tour , bond deſſus bond ſe roule
 Ce gros morceau qui romp , fracaille & foule
 Les bois tronquez , & d'un bruit violent
 Sans reſiſtance à bas ſe va boulant.

Mais quand ſa cheute en tournant eſt roulée
 Juſqu'au profond de la creuſe vallée
 S'arreſte coy : bondiſſant il ne peut

Courir plus outre, & d'autant plus qu'il veut
Rompre le bord, & plus il se courrousse,
Plus le rempart le presse & le repousse :
Ainsi leur camp en bandes diuisé
Ayant trouué le peuple baptisé,
Bien qu'acharné de meurtre & de turie,
Sera contraint d'arrester sa furie.

Chacun de rang en son ordre se met,
Le pied le pied, l'armet touche l'armet,
La main la main, & la lance la lance,
Contre un cheual l'autre cheual s'eslance,
Et le pieton l'autre pieton assaut .
Icy l'adresse, icy la force vaut,
Sort & vertu pesle mesle s'assemblent :
Dessous les coups les armeures qui tremblent,
Font un grand' bruit : Victoire qui pendoit
Douteuse au ciel, les combats regardoit .
Au mois d'Esté quand la pauvre famille
Du Laboureur tient en main la faucille,
Et se courbant abat de son seigneur
Les espics meurs, des campagnes l'honneur :
Tant de moisson, tant de blonde iauelle
L'une sur l'autre espais ne s'amoncelle
De tous costez, esparses sur les champs,
Que de corps morts par les glaiues tranchans
Seront occis de la gent Sarrazine.

Bataille de
Tours l'an
729.

En moins d'un iour hostes de Proserpine
Iront là bas trois cens mille tueZ
L'un dessus l'autre en carnage rueZ.
Mille ans apres les Tourangelles pleines
Seront encor de carcasses si pleines,
D'os de harnois, de vuides morions,

*Que les bouuiers en traçant leurs sillons
 N'oïrront sonner sous la terre feruë
 Que de grands os hurteZ de la charrue.
 Tel au combat serace grand Martel :
 Qui plein de gloire & d'honneur immortel
 Perdra du tout par mille beaux trofee
 Des Sarrazins les races estoupees ,
 Et des François le nom victorieux
 Par sa prouësse enuoyra iusqu'aux cieux.*

Epitaphe de Charles Martel.

*Après auoir subiugué mes voysins ,
 Conquis Lautrich, Brabāt, & Aquitaine,
 Et pres de Tours occis des Sarrazins
 Quatre cens mil, moins xx. mil en la pleine
 Fy quatre Roys en Frāce & leur domaine
 Ie deffendy de mon glaine mortel ,
 Tant que ie fus nommé Charles Martel.
 Et ne voulu iamais couronne prendre :
 Puis l'an sept cens quarente & vn , hostel
 A saint Denys ie prins ou gis en cendre.*

Charles Martel , fils de Pepin Maire du Palais,
 apres la mort de son pere iucceda en ses estats, ou
 estant paruenu il fit assembler vn Parlement de
 tous les plus grands Seigneurs de la France, & par
 eux se fit eslire & créer Prince des François, nom

plus hautain & plus illustre que celuy de Maire.
Ce Prince fut le premier des François, qui donna
secours au Pape, & qui le print en sa protection :
Ce qui a seruy d'exemple aux autres Roys de Frã-
ce qui sont venus depuis, lesquels ont tousiours
secouru le siege Romain: Charles Martel mourãt
du regne de Childeric, son fils Pepin surnommé
le Bref luy succeda au tiltre & à l'autorité, lequel
conuoiteux de grandeurs, de gloire & de triom-
phes, chercha tous les moyens qu'il peut pour les
acquérir, ou en fin par ses prouesses, & par l'indi-
gnité du Roy Childeric, il paruint a la couronne
de France, ou son pere luy auoit dressé le chemin.
Ce Charles Martel, que Aymon appelle Rõy, a
cause que comme Roy il commandoit en Gaule,
fait Roy apres la mort de Chilperic, l'aisné des en-
fans de Dagobert ij. qu'on auoit mis en vn mona-
stere, & se nõmoit c'est aisné Theodorus second
du nom, lequel n'estoit que l'image Royal.

De Huë ou Hugue Capet, premier du nom, au-
quel a commencé la tierce lignee des Roys de
France.

capet resta-
blit la cou-
stume du
Sacre des
Roys à la
ville de
Reims.



HOYS empoisonné, & au sepulcre mis
Par force & par faueur des Princes ses amis,
Hugue Capet fist Roy à Noyon proclamé,
Depuis sacré à Reims, dont Charles enflammé
De Lorraine s'en vint ayant ceste assurance,
Qu'apres Loys auroit la couronne de France,
Comme oncle de Loys, & frere de Lotaire;

Mais fut prins à Laon par Hugue son contraire,
 Qui comme prisonnier l'enuoye à Orleans,
 Où avecques sa femme à consommé ses ans.
 Hugue ce temps pendant à Paris fait entree,
 Laquelle aux grands seigneurs & citoyens agree,
 De ses grands ennemis, puis se voulant de faire,
 Arnoul frere bastard du defunct Roy Clotaire
 Deposé de son siege, & y mit vn Gilbert
 Philosophe Aquitain, qui enseignoit Robert
 Son aîné: qui depuis usant de l'art magique,
 Sainct pere fut esleu, apres par art bellique
 Le sourcil rabaisa d'Arnoul Comte de Flandre,
 Hommage ne voulant pour sa Comté luy rendre,
 De la Comté d'Artois le prînt: par priere
 Du Duc Richard Normand, puis luy rendit entiere:
 Par le Pape remis Arnoul fut en sa place
 Et en desmit Gilbert qui l'auoit par fallace
 Apres plusieurs trauaux, tristesses, & ennuy
 A saint Remy de Reims fut au sepulcre mis.

Hugue Capet ayant regné neuf ans, mourut
 en l'an de nostre salut 996. seant à Rome Gregoi-
 re 5. & tenant l'Empire Oton 3. du nom: Et est
 enterré à S. Denys: L'auteur des effigies Royal-
 les à escrit ces vers.

*Hic primus Gallus, celebratæ stirpis orige
 Valesia, insignis bellis, pietate fidèque.
 Tantæ ornamenta hæc semper communia
 genti.*



Ainsi est escrit sur le Tombeau.
Hugue Capet, & Odo Rex.

De Ode ou Eude premier du nom , Roy de France.

A PRES Charles le gros, aux belliques dangers
 Odo fils de Robert defunt Comte d'Angers,
 S'exposa soustenant de France la grandeur,
 Non pas ainsi que Roy, mais comme le tuteur
 De Charles dit le Simple, encores ieune d'aage.
 Combien que de Pepin ne fust point du lignage:
 Toutesfous par vertus, & gestes belliqueux
 Fut esleu des François gouverneur vertueux,
 Repoussant les Normans, qui en grande puissance
 Asiegerent Paris avec le feu & lance:
 Dont les moines du nom dient, de la fureur
 De Normans sauue nous, ô Celeste Seigneur.
 Odo les poursuit, mais fuyans fourragerent
 La Brie & la Champagne, & en Bretagne allerent,
 Ou furent repoussez des Bretons, cependant
 Qu'en conflict Martial guerroyoit le Normand,
 Charles le Simple on mit en son siege Royal:
 Dont Odo mescontent, atteint du dard fatal,
 Dit à ses successeurs, que rien ne pretendoit
 Au Royaume François, mais que tuteur estoit
 De Charles seulement: & present ses enfans
 A Dieu l'ame rendit, ayant regné neuf ans.

C'est celuy qui ordonna que les Roys de France porteroient des fleurs de Lys sans nombre, ce qui à esté obserué iusques au temps de Charles 6. qui remit sus la coustume ancienne des troys fleurs de Lys en l'escusson, suiuant qu'elles auoient esté

donnees au bon Clouis, premier Roy Chrestien.
De celuy Eude, l'autheur des effigies dit ainsi.

*Normannos odio tumidos fugat inclytus Odo,
Binos post annos a Gallis ipse fugatur
Pulsus Aquitanis felix regnavit in oris.*

De Philippe troysiesme du nom Roy de France,
surnommé le Hardy.

SAINCT Loys decedé, Philippe fils aîné,
Deuant Thunes au camp d'honneur Royal orné,
En France retourna, où à Reims il fut oingt:
D'apprendre bonnes mœurs depuis ne faillit point.
Car du pere suiuoit la vertueuse trasse,
Ayant la verité, fuyoit toute fallace:
Pour cela pendre fit un trompeur Courtisan,
Lequel de Chirurgien auoit fait Chambellan
Pierre Broche nommé, qui auoit abusé
Des finances Royaux, & la Roïne accusé
Faulcement, qu'elle auoit cause esté de la mort
De Loys fils aîné, & pour auoir à tort
Les secrets reuellé au Prince de Castille.
Tous les François pour lors, qui estoient en Cicile,
Furent liurez à mort: dont Charles d'Aniou Roy
A Pierre d'Arragon fit ressentir l'effroy.
Le Roy à l'Espagnol fit guerre, & print Gironne,
Espérant d'Arragon acquerir la couronne.

*Mais de fieure surprins estant au quinZiesme an ,
En France retournant , mourut à Parpignan .
Au sepulcre des Roys à saint Denys repose ,
Semblable est le mortel à la fragile Rose .*

Le susdict Roy Philippe, 3. du nom appellé le hardy mourut a Parpignan , en Octobre l'an mil deux cens quatre vingt cinq: ayant regné quinze ans : Il appaisa le Schisme de l'Eglise, feit tenir le Concile a Lyon, eut deux femmes , Isabel d'Arragon, & Marie de Brabant : de son premier mariage sont sortis les Valois, & du second, Loys Comte d'Eureux , lequel espousa Marguerite d'Artois, fille de Philippe d'Artois : de laquelle il eut Philippe Comte d'Eureux, qui fut apres Roy de Nauarre, par sa femme Ieanne, fille de Loys Hutin, seulement Roy de Nauarre de ce temps: combien qu'il fut apres Roy de France : & duquel Philippe descendent les Roys de Nauarre: Cē Roy fut nommé Philippe l'audacieux, mais ie ne voy guere grandes raisons pour lesquelles on luy doive donner ce tiltre, si l'on ne dit que l'audace est prise en luy pour la hardiesse : duquel du Haillan, en ses effigies à escrit ces vers.

*Audaci nomen dedit huic audacia , bellis
Qui fœlix , audâxque : æquæ est audacia
sorti
Fida comes , comitûmque comes fuit , ipse
Philippus .*



Sepulture du Roy Philippe, fils de Saint Loys.
Sepulture



*Sepulture du Roy Philippe le bel, fils du Roy
Philippe fils de S. Loys, & d'Isabel d'Arragon.*

De Philippe le Bel quatriesme du nom Roy de
France.

PHILIPPE le Bel, hardy & belliqueux,
De France print en main le sceptre imperieux.
De Nauarre espousa Ieanne seule heritiere,
Laquelle à soulagé, & en toute maniere
Les lettres & vertus : pour nourrir les esprits
Le College fonda de Champaigne a Paris,
Or de Nauarre dit du Roy : eut quatre enfans,
Les trois masles tous Roys n'ont regné que treize ans :
Isabel espousa Edouard d'Angleterre.
Du Palais de Paris mit la premiere pierre
Le Roy : ce temps pendant print Charles de Valois,
La Guienne, & Bordeaux, que possedoit l'Anglois :
Pource que sans raison fouloit la Normandie,
Qui s'en vouloit venger à l'Empereur s'allie,
Et practiqua le cœur de Guy Comte de Flandre :
Dont le Roy contre luy voulut les armes prendre,
Et le vainquit de fait. En flandre furent mis
Soldats en garnison, qu'on occit en leurs lits.
Le Roy courroucé lors mit soldats sur les champs,
Lesquels à Coulteray sentirent les trenchans
Coustelats des Flaments : ou non sans doleance,
Furent meurtris plusieurs Princes de nostre France :
Mais le Roy s'en vengea, car par façon subtile
Au mont Picure en occit plus de trente six mille.
Les Flamens estonnez demanderent la paix,
Que le Roy accorda : & ses martiaux faits
Assopis, il rendit la Guienne & Bordeaux
A Edouard second, qui nous fit de grands maux.

On fit sommer le Roy, qui contre l'infidelle
 Il s'arma : mais respond qu'en chose temporelle
 Ne recognoist aucun : le Pape Boniface
 Lors l'excommunia, & d'une folle audace
 Le Royaume donna à l'Empereur Albert,
 Qui nullement le Roy guerroya, comme appert :
 Mais le Pape Benoist le Roy absolt apres.
 Le peuple de Paris mutiné, tout expres
 Pour la mutation des monnoyes se iette
 Sans raison sur les biens d'un Estienne Barbette.
 Puis assiegea le Roy, qui leur fit acognoistre,
 Qu'un subiect ne doit point estre rebelle au maistre.
 Des emprunts furent faits, au peuple dommageable :
 Et Templiers furent arts pour crimes detestables.
 A fontaine Bleau le Roy prenant plaisance,
 Estant malade meurt au lieu de sa naissance,
 Vingt & huit ans regna : à Poissy gist son cœur,
 Le corps à saint Denys fut mis en grand honneur.

Ce Roy ayant regné peu plus de 28. ans mourut la veille S. André l'an 1314. à Fontaine-bleau lieu de sa naissance, au grand regret du peuple de France, fut son corps porté à saint Denys, avec ses ancestres. Duquel l'Eloge est de telle maniere.

*Rex forma, & fama præstans, regnūm-
 que Nauarra
 Adiungit Gallo, Reginam duxit, & æquat
 Virtutem vultu pulcher, virtutēque vultū.*



*De la Royne Isabel d'Arragon, femme du Roy
Philippe iij. du nom.*

De la Royne Isabel d' Arragon.

ISABEL, fille du Roy Pierre d'Arragon, premiere femme du Roy Philippe troisieme : laquelle il auoit espousee du viuant de son pere, de laquelle il eust plusieurs enfans. Loys qui deceda ieune, Philippe qui fut Roy de France. Et Charles qui fut Comte de Vallois, puis Roy de France, par le decez des trois Roys ses cousins, Loys Hutin, Philippe le long, & Charles le bel, sans hoirs males. La susdicte Royne mourut au retour d'Afrique, en la Pouille, & ladicte dame estoit grosse d'enfant.

DV ROY PEPIN LE BREF.



PAUTRE est Pepin heritier de son pere
 Tant en vertu qu'en fortune prospere,
 Qui mari'ra la iustice au harnois,
 Et regira les siens par bonnes loix.
 Luy bas de corps, de cœur grand capitaine,
 Par neuf conflits assaillant l'Aquitaine,
 De Gaisier occira les soudars :
 Il rendra serf le Prince des Lombars
 Dontant sous luy les forces d'Italie.
 Rome qui fut tant de fois assaillie,
 Sera remise en son premier honneur :
 Par luy le Pape en deviendra Seigneur,
 Et des François prendra son accroissance :
 Tant le bon Zele aura lors de puissance !

ANTIQUITEZ

Par cent combats, par cent mille façons
 Doit renuerfer le peuple des Saxons,
 Peuple guerrier des François aduersaire,
 Et sous sa main le rendra tributaire.
 La loy pendra sur son glauiue pointu
 Craint de chacun : tant vandra sa vertu
 De la fortune heureuse accompagnee !
 Sous luy faudra de Clouis la lignee,
 Si qu'en perdant le sang tres-ancien
 Des premiers Rois fera naistre le sien,
 Donnant lumiere à sa race nouuelle
 Par les hauts faits de sa dextre immortelle.
 „ N'espere rien au monde de certain :
 „ Ainsi que vent tout coule de la main
 „ Enfant d'Hector, tout se change & rechange :
 „ Le temps nous fait, le temps mesme nous mange :
 „ Princes & Roys & leurs races s'en vont,
 „ De leurs trespas les autres se refont.
 „ Chose ne vit d'eternelle duree :
 „ La vertu seule au monde est assëuree !

L'Autheur des Effigies Royales dit ainsi.

*Nobilium assensu procerum rex dictus, &
 armis
 Italiam quatit, Astulphum domat, inde
 Gaifrum
 Crudelem obtruncat : magni pater hic quo-
 que nati.*



Sur ce Tombeau est ainſi eſcrit,
Pepinis Rex. pater karoli mano.
Berta regina vxor pipini Rex.

L'an 750. d'un commun consentement les François esleurent Pepin le bref leur Roy, sans qu'au commencement de son regne il y eut trouble, comme coustumierement il aduient qu'au changemēt des grands Empires, de grands troublent s'esmeuent. Le Pape enuoya en France vn Euesque pour publier la dispence du serment que les François deuoient a leur Roy, & quelque temps apres, Pepin eut belle occasion de se reuanger enuers le Pape & le siege Romain, de la faueur recue de l'un & de l'autre, car il alla en Italie, au secours du Pape Estienne, successeur de Zacharie, contre les Lombards, qui luy faisoient la guerre & le deliura. Et le Pape Estienne en reuanche de ce secours, vint en France, couronna & sacra Pepin dedans l'Eglise S. Denys, roudit le pauvre Roy despouillē Childeric & le fit mettre dans vn monastere, sans que personne en murmurast. Pepin estant Roy s'estudia à attirer par Iustice, par vaillance, & par autre actes dignes d'un Roy, les cœurs & l'amitié de ses subiects, par telle maniere qu'il estably la Royauté à Charles le grand son fils & successeur, lequel fut crée Empereur & Auguste, il establit les xij. pairs de France, & y fit tant de belles institutions, que nous luy en seront a iamais redeuables: Ce Roy Pepin ayant eu victoire contre Gaifier Duc d'Aquitaine, print vngs ornemens de pierres precieuses qu'il mettoit en ses bras aux festes solempnelles, que l'on appelle encores les gans gaifiers: Il les fit pendre en signe de victoire en l'Eglise S. Denys en France derriere le maistre autel qui encores y sont.

Mais ils pendent maintenant deffous les bras du crucifix d'or. Ledit Pepin ayant vescu seize ans & demy Roy, mourut à Paris d'hydropisie, le 24. Septembre, autres disent Octobre, l'an 768. Fut enterré à saint Denys.

De la Royne Berthe femme du Roy Pepin.

EN V I R O N l'an sept cens cinquante, Regnoit la tres chrestienne & deuotieuse Royne Berthe, fille de Heraclie Empereur de Constantinoble, femme du noble Roy Pepin, surnomé le bref pour sa petitesse de corps, laquelle dame fut mere de ce grand Empereur S. Charlemagne : Et entre autres siennes vertus & œuvres charitables, fut remarquee fort deuote, en ce qu'elle s'occupoit du tout à entretenir les Eglises de beaux & riches ornemens faits de sa façon, au moyen des tissures, pourfillures, ourdissemens, broderies & tapisseries à quoy elle passoit le temps pour les faire seruir à l'honneur & decoration des Eglises. Elle entretenoit grand nombre de pauvres enfans aux estudes, & se recômandoit a leurs prieres, croyant que la priere des petis enfans est grandement agreable à Dieu. Elle gist en l'abbaye S. Denys, en laquelle elle donna de grans dons, & plusieurs paremens faits de broderie d'or & de soye: vous voyez par ceste figure ainsi qu'elle est representee par effigie d'albastre, pres le Roy Pepin son mary.



Cecy est escrit sur la Sepulture.

Cy gisent karlon ou karloma, & Loys, bastards.

De Carlon & Loys, bastards de Loys le begue,
Roy de France.

AVCVNS vouloïent auoir Boson, roy de prouence:
Les autres l'Empereur pour estre Roy de Frâce,
Mais Carlon, & Loys, les François demãderent
Par l'aduis de plusieurs au sceptre succederent
Bastards du Roy defunt : lesquels à leur entree,
Des Normans & Danois repousserent l'armee,
Qui à fen & à sang mettoient cruellement
Villes, villages, bourgs, & tout son ornement.
Neuf mille desconfits par assauts merueilleux
Refroidirent les cœurs des Normans cauteleux.
Lesquels laisserent lors en repos les François.
Pour aller guerroyer les inhumains Anglois
Quand aux deux freres Roys, Loys meurt à la chasse
D'un Sanglier escumant : lors que Carlon pourchasse
Vne fille d'honneur, en vne maisonnette
Entrant tout à cheual il se rompit la teste :
Loys regna quatre ans, & cinq Carlon l'aîné,
Auquel le nom de Roy pour cela fut donné.

Loys mourut a Tours, l'an 884. poursuiuant la
fille de Germund, par ieu: laquelle fuyant se retira
en la maison de son pere, & ledit Loys emporté de
roideur par son cheual, fut froissé en ladicte porte.
Demoura ledit Carloman Roy seul, il auoit viuât
son pere espouzé la fille de Boson Roy de Prouen-
ce. Mourut l'an 885. Aussi par accident en la forest
Basine, chassant & voulant enferrer vn Sanglier,
& Bertold qui estoit de sa compaignie, le voulant

semblablement enfermer, blessa le Roy en la iambe, dont il mourut sept iours apres. Voylà ce qu'escriit du Tiller, les autres Autheurs, ont escriit que Loys estoit celuy qui fut blessé à la chasse du Sanglier.

De Loys Hutin, Roy de France & de Nauarre.


LOYS Hutin ayant sur son chef la couronne,
Aux Iuifs de retourner à tort licence donne,
Et au Palais basti par Philippe le bel
Soulageant le plaideur en matiere d'appel
Arresta son conseil, & la hommes d'eslite
Ce Roy constitua aussi à la poursuite
De Charles de Valois, ennemy capital,
Fut pendu au gibet, Enguerrand, general
Des finances du Roy son image erigee
Au portail du Palais, fut des degrez iettée.
Paniot enchanteur fut pendu, qui vouloit
Faire mourir le Roy, comme luy conseilloit
La femme d'Enguerrand, laquelle prisonniere
Fut avecques sa sœur, aussi une sorciere
On ietta dans le feu, qui à ce consentoit.
Puis contre le Flament, qui compte ne tenoit
Des accords par luy faits enuoya son armee.
D'hommes accords & vaillans fort bien equipée.
Et le Comte accord fit. Le Roy aussi au bois
De Vincennes mourut, ayant dix & huit mois
Le peuple gouverné, laissant sa femme enceinte,
Qui accoucha d'un fils, duquel la vie estainte,
Fut au huitiesme iour aussi à saint Denys,
Avec son pere, fut dedans le cercueil mis.



Cecy est escrit sur ce Tombeau, sans Epitaphe.
Loys Hutin premier fils du Roy Philippe le bel.
& son petit fils Iean.

Ce Roy ne regna que dix huiſt moys, aucuns diſent ſeize moys, ſix iours, mourut au boys de Vincennes le 5. Iuin, l'an mil trois cens ſeize. La Royne Clemence femme du deſſunſt Roy, d'en- nuy tomba en fieure quarte, qui nuyſit à la ſanté de ſon ſils, duquel elle eſtoit enceinte, & en accoucha en Nouembre enſuiuant. Furent leſdicts Roys pere & ſils enterrez à l'Egliſe S. Denys, & la Royne Clemence aux Iacobins de Paris: Ce petit Roy Iean ne veſquit que huiſt iours, auſſi n'eſt il point compté par les Histo- riens au nombre des Roys de France: Loys hutin du viu- ant de ſon pere auoit deſia pris poſſeſſion du Royaume de Nauarre, & pris la courône a Pampelune, la regence demeura à Philippe ſurnommé le long ſon frere.

De la Royne Ieanne de Nauarre, Comteſſe d'Eureux.

 ESTE notable princeſſe, fut fille de Loys hutin, Roy de France & de Nauarre. Premieremēt Comte d'Eureux, premier ſils du Roy Philipe le bel, & de Ieanne Royne de Nauarre, eut deux femmes, Marguerite de Bourgonne, & Clemence de Hongrie: & eſtoit ceſte Ieanne du liſt de Marguerite, elle fut mariee à Philippe Comte d'Eureux, & Marguerite d'Artois: Il mourut ou ſiege qui tenoit deuant l'Argeſille, contre les meſcreans, ou Royaume de Grenade, le 16. de Septembre 1343. ſon cœur fut apporté à Paris & enterré deuant le grand autel des Iacobins: Et la Royne Ieanne trespaffa le 6. Octobre l'an 1349. ſon cœur fut enterré pres celui de ſon mary, & ſon corps à S. Denys, icy ſa ſepulture eſt repreſentee.



*Ieanne Royne de Nauarre , Contesse d'Eureux,
fille de Loys hutin Roy de France.*

De Robert premier du nom Roy de France.



V l d'un Roy fort humain, docte & religieux,
 Voudra veoir le portrait, qu'il iette icy ses yeux
 Robert premier du nom lettré, doux & paisible
 Trente trois ans fut Roy de la France invincible.
 Sainct Nicolas des champs aupres de son Palais,
 Où or est sainct Martin fonda en temps de paix,
 A senlis sainct Rieul, nostre Dame des champs
 A Paris, à Vitry sainct Marc, à Orleans
 Sainct Aignan, nostre Dame de bonnes nouvelles,
 Pour abreger fonda des Eglises mout belles,
 Par testament il eut le Duché de Bourgongne,
 D'où il chassa Landry avec sa grand vergongne,
 Et la ville de Sens annexa à son sceptre
 Par confiscation monstrant qu'il vouloit estre
 De Baudouin bon amy : contre Henry l'Empereur
 Mit soldats en campagne, demoura vainqueur.
 L'an mil trente rendit son ame pacifique :
 Et gist à sainct Denis ce prince Catholique.

Plusieurs ont escrit que ce Roy à regné 34. ans,
 mourut à Melun, l'an 1030. Ayant esté estimé le
 plus heureux Prince de son siecle : l'Eloge duquel
 est de telle substance.


*His aras struxit, Varias ornauit & oras
 Aris, hic prudens, Musarum & Martis
 amator,*

*Gentis Valesia, & virtutis lumē, & omen.
 Robertus,*



Cecy est escrit sur ce Tombeau.
Robertus rex, Constantia reg. uxor Roberti.
F

De Constance Royne de France.

 ESTE treschrestienne Royne Constance, fut la troysiesme femme & espouse du Roy Robert, fils de Hue Capet, fille de Guillaume Comte d'Arles, & de Blanche sœur de Geoffroy Comte d'Aniou, Laquelle enuiron l'an 998. fonda l'Eglise de nostre Dame, à Poissy, & y meit moynes de l'ordre S. Augustin : mais depuis Philippe le Bel à fait refaire ladiète Eglise de nouuel edifficee, & augmenter grandement le monastere & y meit religieuses de l'ordre saint Dominique, enuiron l'an 1018. Ceste charitable Royne suruesquit le Roy son mary, & vindrent de leur mariage quatre fils & vne fille, l'aisné fut monsieur Hugue de France, couronné à Compiegne Roy, aagé de dix ans, qui deceda viuant son pere: Le second fut monsieur Henry de Frâce Duc de Bourgongne: Le tiers fut Monsieur Robert de France, qui eut du Roy Henry, son frere, ladiète Duché de Bourgongne en Appennage : Le quatriesme fut Monsieur Eude de France Euesque d'Auxerre: La fille fut Madame Alix de France Mariec à Regnaut Comte de Neuers.



Cecy est escript sur le Tombeau.
Ludonicus grossus Rex.
Henricus Rex filius Roberti.

De Loys sixiesme du nom, dit le gros, Roy de France.

LOYS, nommé le gros, Prince de bonne foy,
 Apres son pere fut de France sage Roy.
 Car comme il est escrit en aucunes Chroniques
 Soubs habit desguisé hantoit les mechaniques
 Hommes, de bas estat : desirant de cognoistre,
 Comme il estoient traictez, pour les engarder d'estre
 Chargez de trop d'impôts, de tributs & de tailles,
 Ce bon Roy repoussa par deux fortes batailles
 De Flandre les Anglois : & Henry l'Empereur,
 Qui secouroit L'Anglois, & luy portoit faueur.
 Et son frere bastard soustenant les querelles
 D'aucuns seigneurs François, qui luy estoient rebelles,
 Reprima tellement que de tous fut vainqueur.
 Apres il fit bastir & fonder à l'honneur
 De saint Victor un temple, ou sont religieux
 Aux faux-bourgs de Paris, le sourcil outrageux
 Du seigneur de Crecy en Brie, rabaisa.
 Son chasteau de Gournay quand du tout il rasa,
 Les Ladres conspirans d'empoisonner les puits,
 Les Fontaines aussi, furent par feu punis.
 Les Nonnains d'Argentueil on chassa, pour autant
 Que lubriques estoient : le Roy de son vivant
 Philippe son aîné fit couronner, lequel
 Tombant de son cheual, atteint de coup mortel,
 A Paris trespassa : Loys le leune au frere
 Succede, le voulant Loys le Gros le pere,
 Les autres aduança de Courtenay seigneur
 Fut Pierre, mais Robert de Dreux fut possesseur,

*Henry tint l'Euesché de Beauvais, à Paris
 Archidiaque fut Philippe bien appris
 Refusant l'Euesché, pource qu'au sacré ar
 Estoit plus excellent maistre Pierre Lombard,
 Le Roy vingt & huit ans regna en grand puissance:
 Luy mort fut enterré à saint Denys en France.*

Il feit proclamer Roy de son viuant Loys le ieune son fils, & tombant malade à Montrichard en Touraine, il y mourut l'an 28. de son regne, & de nostre salut 1137. Le corps de ce bon Roy gist à Saint Denys, sur lequel L'auteur des effigies a faict ceste Eloge.

*Parcit subiectis rex, debellátque superbos.
 Primus vicinos bellum cōmouit in Anglos.
 Principia huic longo Crassus dedit ardua
 bello.*

De Henry premier du nom, Roy de France.

HENRY premier du nom à son pere succede,
 Et son frere Robert non sans debat luy cede
 La Royauté du tout, laquelle pretendoit,
 Et les villes rendit, lesquelles detenoit.
 Robert fut premier Duc de Bourgongne: à Paris
 Ce temps aduint grand feu, Roger lors fut espris
 D'accroistre & augmenter l'Euesché de Beauvais,
 Lequel il possedoit, donc avec bonne paix
 Sa Comté de Senxerre à Beauvais il changea,

ANTIQUITEZ

Laquelle à tousiours-mais aux Euesques donna:
 Le Comte de Meulan estant au Roy rebelle,
 Fut tout desherité, le Normand infidelle
 Pour lors à son seigneur Robert, nommé Guichard,
 Ne voulant point pour Duc Guillaume son bastart.
 Le Roy Henry avec trois mille combattans
 Pour Guillaume, deffit trente mille Normans.
 Deux ans auant mourir en l'Eglise de Reims
 Fit oindre son fils Roy, puis de siebure surprins,
 Ayant regné trente ans, Baudouin pour le tuteur
 De ses enfans laissa, rendant au curateur
 Son ame, quand au corps au cercueil on l'enferre,
 Apres a saint Denys il fut porté en terre.

Auant mourir ce sage Roy, pour obuier aux
 scandales qui estoient pensez aduenir a son adue-
 nement a la couronne, fait sacrer & couronner
 Roy, son filz Philippe & se sentant affoiblir, or-
 donna le Comte Baudouin de Flandre pour tu-
 teur de ses enfans, & regent en France, iusqu'à tât
 que Philippe fut en aage de tenir terre. Et mou-
 rut Henry ayât regné 30. ans & gist son corps à S.
 Denys, duquel L'Autcur des effigies a faict cest
 Epigramme.

*Certat de regno Henricus cum fratre Ro-
 berto.*

*Concordes fiunt fratres, nolente nouerca.
 Non horum rara est, sed clara est gratia
 fratrum.*



Sur le Tombeau est escrit.
Philipus Rex filius Ludouici grossi.
Constantia Regina que venit de Hispania.

Du Roy Philippe fils de Loys le gros.

EN l'ordre des Roys de France, ce Philippe n'est compté pour Roy, pource qu'il fut couronné du viuant de son pere & qu'il ne iouit que peu de temps du royaume, parce qu'ayant receu le sacre Royal le 14. iour du mois d'Auril & le propre iour de Pasques: auquel sacre estoient presents le Roy son pere, & Henry Roy d'Angleterre, en l'annee mil cent vingt & neuf: & peu apres l'an 1131. le 13. iour d'Octobre Il fut desrôpu par cheute de son cheual, sur le paué à Paris, en la rue S. Anthoine, le cheual effarouché par vn pourceau, le rua par terre dont il mourut peu apres: Ce lieu estoit hors la ville en ce temps, & estoit fermee plus pres n'ayant si grande estendue, comme nous auons deduit au premier liure.

De la Royne Constance femme du Roy Loys le ieune.

LA Royne Constance, icy representee pres le Roy Philippe, fut fille d'Alphons septiesme du nom, Roy de Castille, qui s'intitula Empereur d'Espagne: Estant amenee en France en la ville d'Orleans, ou le Roy Loys le ieune l'espousa, & fut sa seconde femme, estant couronnee en ladite ville par Hugue Archeuesque de Sens, elle eut vne fille nommee Madame Marguerite de France, au trauail de laquelle ladite Constance mourut, & fut portee en l'Eglise saint Denys en France.



Cecy est escrit autour de la Sepulture.

*kalomanus Rex fili Pipini. Hyrmuntrudis Reg.
Vxor karoli magni.*

Du Roy Carloman premier du nom.

*Carloman
Maire du
Palais, on-
cle de Car-
loman.*



LE Roy Carloman premier du nom fils puisné du Roy Pepin, fut couronné à Soissons: eut pour son partage celuy que son oncle auoit tenu en titre de Maire du Palais. Ayant regné vn peu plus de trois ans mourut à Salmoniaco, le 4. iour de Decembre, l'an 771. Puis fut apporté en l'Eglise S. Denys en France. La Royne Berte sa veufue par enuie qu'elle portoit a la Royne Hildegarde femme de Charlemaigne sa belle sœur, & par le mauuais conseil d'Andoaire, se retira avec ses enfans à Tassilon Duc de Bauiere, puis à Disier Roy des Lombards, pour par leur ayde faire regner seldits enfans en France: Mais il aduint au rebours parce que du consentement des François Charlemaigne fut fait seul Roy de toute la France: & peu apres à Veronne il print sa belle sœur & ses neueux, sans leur rendre leur part du Royaume.

Par la mort du Roy Pepin, le Royaume fut paragé a ses deux fils Carloman & Charles: de sorte que Carloman fut sacré a Soissons, & Charles à Noyon, qui sont arguments, que les Roys de France auoient aneâtie la coustume du sacre, que Clovis cōmença par son baptesme: car bien qu'il soit dit, que le Pape venu en France sacra, & Pepin & ses enfans, si est-ce que la ville, ou ce fut fait, ny est point nommee. Comme qu'il en soit Carloman eut Soissons, & les terres de la Gaule Belgique, &

ce que les François possédoient outre le Rhin, & Charles eut le reste de la Gaule, & l'Aquitaine, & par ainsi déclaré le principal Roy des François, ayant Paris sous sa puissance.

De Charles 8. du nom, Roy de France.

IOTS unZiesme mort, le Royal Diadème
 Porta cōme heritier du nom Charles huitième,
 Lequel petit de corps, mais d'Esprit Prince grād,
 Met le Royaume en paix, par guerre surmontant
 Loys Duc d'Orleans, & le Duc de Bretagne,
 Qui auoient contre luy mis soldats en campagne.
 Anne apres espousa, renuoyant Marguerite
 A Maximillian Archeduc, sans poursuite:
 Par un mesme moyen rend la Comté d'Artois,
 Annexant la Bretagne à son sceptre Gaulois:
 Le Roy restitua Henry Roy d'Angleterre
 Au Royaume occupé par Richard qui grand erre
 Se retira voyant les guerriers qui venoient,
 Et le party d'Henry à bon droit maintenoient.
 Au Royaume d'Espagne il rendit Roussillon,
 Et Parpignam Comte: puis mit hors de prison
 Loys Duc d'Orleans. Pour filles repenties
 Furent dedans Paris lors des maisons basties.
 Es faux-bourgs de Lyon pour les freres mineurs
 Il fonda un conuent: puis avec grands seigneurs,
 Princes Comtes, Barons, & bande qui fretile,
 S'en alla conquerir, Naples & la Sicile,
 Ou fut couronné Roy sans point se deffier
 Pour Vice-roy laissa Gilbert de Montpensier.
 Les Neapolitains apres se reuolterent,

Et le Vice-roy mort, soldats se retirerent:
 Au retour les Lombards, Romains, & Milanois
 Voulurent à Fournoue acabler les François:
 Mais le Roy fut vainqueur: avec la deliurance
 De Monsieur d'Orleans, il retourna en France.
 Apres avoir regné quatorze ans à Amboise,
 Mourut subitement, dont nostre gent François
 Fut longuement en deuil, & honorablement
 A saint Denys en France eut son enterrement.

Le susdit Roy Charles ayant regné enuiron 14.
 ans & plus trespassa de ce monde sans laisser au-
 cuns enfans, à Amboisse le 7. Auil, l'an mil qua-
 tre cens quatre vingt dix-sept. L'Autheur des
 Effigies à escrit ainfi.

*Anne se iungit, Gallæ Armoricamque
 cornæ:*

*Italia tremor, orbis amor, rex corpore paruus
 At superat corpus fama: est hæc maxima
 fama.*

Entre plusieurs qui feirent des vers sur le trespas
 de ce Roy si excellent fut Fauste Andrelin, Poëte
 remarqué de son temps, qui fait telle Epitaphe.

*Ecce truncis nunsen non exorabile Parcæ
 Florida truncauit surgentis stamina Carli:
 Stamina Nestoream transcendere digna senectam,
 Cumæam, Phrygiâque simul: sed stamina virtus
 Ante suum veniens iuuenili in corpore tempus,*

*Ipsis inuidiam superis commouit atrocem :
Et tanto orbarunt fœlices numine terras :
Festâque plaudentis decorarunt atria cœli .*

A cause qu'il y a quelque omission au premier liure, iay remis l'Epitaphe suiuiâte ainsi quel'ay extraite du tableau, estant presladite sepulture en ladite Eglise de saint Denys.

*Hic octaue iaces Francorum Carole regum,
Cui victa est forti Britonis ora manu .*

Parthenope illustrem tribuit captiua triumphum ,

Clarâque Fornouio pugna per acta solo.

Cœpit & Henricus regno depulsus auito


Bellata auspicijs, Sceptra Britana tuis

O plures longinquæ dies si fata dedissent

Te nullus toto maior in orbe foret .

Vixit annos 28. obiit anno à natali Domini 1498.
Aprilis 7. Opus pagnanini Mutinensis.

En ce gentil & heureux Roy faillit la race directe des Roys de France sortis de pere en fils de Philippe de Valois, & tomba la couronne en ligne collaterale. D'autant que Charles mourant sans hoir, le Royaume escheut au prince plus proche du sang, & forty d'une autre souche, quoy que de mesme famille, à sçauoir en Loys 12. du nom Duc d'orleans, & de Valois. Voyez les Hist. de France.



Sepulture du Roy Charles huietiésme du nom.

Du Roy Dagobert, Fondateur de l'Eglise saint
Denys en France.

PUIS apres vient en magnifique arroy,
Qui de maintien represente un grand Roy,
Est il des miens ? dy-le moy ie te prie.

Prü de la
Franciade
de Ronsard

Cest Dagobert fleur de Cheualerie :
En sa ieunesse aura le cœur hautain,
Reuesche en mœurs, coupera de sa main
(Acte Impiteux) la barbe de son maistre.
Puis par le temps venant son âge a croistre,
De Prince fier deviendra gracieux,
Tant seulement en deux points vicieux,
L'un de nourrir par trop des concubines,
L'autre de faire excessiues rapines
Sur mainte Eglise, à fin d'enrichir un
Moustier à part du reuenue commun :
Au reste accort de bonnes mœurs & sage,
Qui craindra Dieu, qui punira l'outrage
Des orfelins, qui viura par conseil,
Qui n'aura point en armes son pareil,
Prudent guerrier, qui sera sans contrainte
L'amour des siens, de ses voisins la crainte :
Qui chassera les peuples circoncis
De ses pays, par qui seront occis
Les Esclauons, qui dessus la campagne
Estendra morts les peuples d'Alemagne,
Et les Lombars par guerre destruira :
Qui les Gascons rudement punira,
Et qui rendra la nation seruite
Des Poiteuins, & qui Poitiers leur ville

*Saccagera par glaines & par feux,
Et la fera labourer par des bœufs,
Semant du sel où furent ses murailles:
Qui destruira les Hongres par batailles
Tranchant au fer tant de peuples arméz.
Des os des morts les champs seront seméz
Et les chevaux nageront iusques au ventre
SouilleZ de sang: la riuiere qui entre
Dedans la mer, à peine par ses bords
Pourra couler, tant elle aura de morts.*

*Luy tout enflé de gloire militaire
Rendra sous luy Bretagne tributaire,
Et leur royaume en Duché changera.
Tout au contraire amy deschargera.
(Aux vns hautain, aux autres debonnaire)
Les fiers Saxons surmonteZ par son pere,
De trois cens bœufs qu'i's deuoient tous les ans:
Puis deslians de ses membres pesans
L'ame legere, apres mainte victoire
Rendra son nom d'eternelle memoire.*

Il n'est possible d'escrire mieux en si peu de vers
la vie de ce puisât & magnanime Roy Dagobert,
lequel mourut à Espineuil pres Paris, d'une dissen-
terie, ayant regné quinze ans. Fut enterré à l'Egli-
se S. Denys en Frâce, à costé du maistre autel, à l'en-
tour d'iceluy tombeau y a quelques Images, repre-
sentant certaines visiōs de son estat, apres sa mort,
mais ie me suis contenté de vous en représenter la
figure du Roy lequel sent la grosserie du temps,
pour le peu de magnificence qui est autour d'ice-
luy n'estant son tombeau & effigie que de pierre,
auec ce

avec ce Roy mourut la splendeur des Roys de France, & naquit la puissance des Maires du Palais.

Iean Bouchet au chap. 5. de la seconde partie de ses Annalles d'Aquitaine, recite que le Roy Dagobert fit prédre & emporter les portes de cuivre, & les fons baptismaux de l'Eglise S. Hilaire de Poitiers, & le tout porter par mer, & par la riuere de Seine, en l'Abbaye S. Denys en France, l'une desquelles portes tomba en la Seine, & depuis ne fut trouuée. Autant en est recité en la Cronique de Robert Gaguin, ou il dit plus, que le Roy voulant que l'Eglise S. Denys fut noblement soustenue de couuerture il luy donna sept mille liures de plomb, de ce qu'on luy deuoit de rente en la Cité de Marseille, & ordóna qu'il fut chacun an amené par les ministres du Roy, mesmes par ses villes & sans payer nulle coustume, ainsi comme il estoit par les villes qu'il auoit données à l'Eglise, & en fut deliuré lettres au tresoriers de leans : En telle maniere s'estudia de confirmer ce don qu'il chargea tous ceux qui apres luy seroiét a tenir telle cōstitution.

Le Roy S. Loys en l'annee 1268. fait translater de lieu en autre les corps & Sepultures des Roys de France, qui sont enterrez en ladicte Eglise, & à plusieurs fait faire des sepultures & representations mesmes à ceux qui estoient tant des Roys que des Roynes descédus de la lignee de Charlemagne, & les fait mettre a la dextre partie de ladite Eglise: & les autres qui estoient descendus de la lignee de Hugue Capet fait mettre à la senestre : A cecy faisant son deuoir Mathieu de Vendosme pour lors Abbé & gouuerneur d'icelle Abbaye.

*Du Roy
S. Loys
qui fit dres-
ser les se-
pultures.*



Est escript au dessus de son effigie.
Cy gist Dagobert premier fondateur de ceans.

De Iean premier du nom, Roy de France, fils de
Philippe de Valois, aucuns le disent 2. pour le
fils de Loys Hutin nommé Iean lequel a vescu
huiet iours.

PHILIPPE de Valois laissa Iean fils unique,
Pour le sceptre tenir du Royaume Francique,
Lequel institua l'ordre des Cheualiers
Vne estoille portans au bas de leurs coliers.

Se deffiant du Roy de Nauarre son gendre,
Le fit emprisonner, & plusieurs nobles prendre,
Qui souffrirent la mort, mais Philippe son frere,
Se reputant cela à tresgrand vitupere,
Suscita les Anglois à descendre en Guienne,
Que le Roy deuança en fureur Martienne,
Ce neantmoins fut prins avecques grands seigneurs,
Pres Poictiers combattans: ce furent grands malheurs,
Car luy estant captif, les Parisiens mirent
Nauarre en liberté, & plusieurs troubles firent,
Pour l'argent monnoyé l'Euesque de Laon,
Et Estienne Marcel, firent l'esmotion
Dont le Roy Nauarrois esleurent capitaine,
Qui au Dauphin portoit vne nouvelle hayne:
Le vulgaire insensé: & plein d'outrereuidance,
Occit cruellement deux Mareschaux de France,
Au logis du Dauphin qui voyant la furie,
Changea de chapperon pour conseruer sa vie,
Car cil de rouge & pers de Marcel affubla:
Et avecques Marcel tout ce iour il alla,
Marcel puis fut occis: lors regent des François,
Fut fait Charles Dauphin malgré les Nauarrois,


Le tôteau
de ce Roy
est tout de
marbre &
albastre.

Grandes
miseres du
rant le re-
gne de ce
genereux
Roy.

Qui ſacquitta tresbien: car de captiuité
 Son pere retira & mit en liberté,
 L' Aquitaine quittant: & trois cens mille eſcus,
 Donna pour la rançon: de dueil ainſi forclus
 Le François commença ſeſiour pour le Roy,
 Qui eſtoit de retour: & puis fut en eſmoy,
 Quant voulut retourner pour retirer ſes fils,
 Qui pour oſtage eſtoient en Angleterre mis,
 Ou de fieure mourut: mais en grand doleance
 Son corps fut rapporté à S. Denys en France.

Le ſuſdict Roy eſtant retourné en Angleterre
 pour traicter de la deliurance de ſes oſtages, con-
 tre l'aduis de ſon conſeil fut ſurpris de maladie en
 la ville de Londres, ou il mourut le huiſtième
 d'Auril, mil trois cens ſoixante & quatre, apres a-
 uoir regné enuiron quatorze ans, giſt en l'Egliſe
 S. Denys, d'iceluy eſt tel l'Eloge.

*Iſta parum ſelix, in pugna captus ab
 Anglis,
 Nil ſimulat, vultum aſſimilat verbisque,
 animoque,
 Magna hæc in rege eſt, nimiùmque heroïca
 virtus.*



Jean de Valois, fils de Philippe de Valois.

De Philippe de Valois sixiesme du nom, Roy de France, fils de Charles de Valois.

A PRES Charles le Bel, Philippe de Valois,
Lequel estoit Cousin des trois precedents Roys,
Print le sceptre en la main selo la loy Salique,
Point n'admet des feu^x Roys Isabel sœur unique,
La mere d'Edouard d'Angleterre: il fit tant,
Par armes, qu'il rendit au Comte obeysant,
Le rebelle Flamen, à son retour en France,
Son cheual son harnois, son espee & sa lance,
A nostre Dame vouë: à raison de la terre,
Qu'en France possedoit Edouard d'Angleterre
Hommage fit au Roy: mais depuis il s'arma,
Et contre leur seigneur les Flamens anima:
Disant qu'il estoit Roy de France & d'Angleterre,
Pour ce avec les Flamens il esmeut telle guerre,
Que l'armée du Roy desconfit pres l'escluse
Rom pant treues, usant de cauteleuse ruse,
Pres Crecy fut vainqueur, & Philippe vaincu,
Et le soldat François n'estant point secouru,
Calais rend aux Anglois: puis Imbert le Dauphin,
Vendit le Dauphiné, se rendant Iacobin:
Soubs la condition, que de nos Roys l'aisné,
Seroit nommé Dauphin, seigneur du Dauphiné,
Le Roy l'an vingt & deux de son regne mourut,
Porté à saint Denys honnorablement fut.

Sont oü beau
est tout de
marbre &
son effyie
d'albastre.
Voyez son
portrait.

Il fut premierement Comte de Valois, & puis Roy de France par le decez des trois Roys ses cousins, Louys Hutin, Philippe le Long, & Charles le

bel, decedez sans hoir masles: La souche de Capet ayant continué iusques aux Valois l'espace de 321. an en ligne directe, vint aux cousins par droit d'agnation, apres le trespas de Charles le Bel, & semble que Dieu punit en cela le sang & memoire de Philippe le Bel, entant que s'estant monstre trop violent contre le Pape Boniface, & depuis contre le Clergé, le peuple & les Templiers, Dieu punit sa ligne, & ne souffrit que le royaume fut stable es mains de ses fils, lesquels regnerent tous trois, sans que pas vn laissast hoir masse, pour succeder à la couronne. Ains y vint la Souche du puîné des enfans de Philippe fils de S. Loys, a scauoir de Charles Comte de Valois: Car Philippe fils de Charles, vint a la regence du royaume par le iugement des Estats, qui confermerent la Loy Salique. Ainsi la Roynes estant enceinte, & vn ventre commandant en France, elle accoucha d'une fille: & la sentence pour le fait de la regence seruant de preiugé, Philippe de Valois fut proclamé, sacré & couronné Roy en la ville de Reims par Guillaume de Trie Archeuesque dudit Reims. Et la roynes Jeane fille de Robert second du nom Duc de Bourgonne sa premiere femme, couronnée le iour de la Trinité, l'an mil trois cens vingt huit. D'elle il eut quatre fils & vne fille. L'aîné fut le Roy Iean. Le second n'est nommé. Le tiers monsieur Loys de France. Ces deux moururent enfans: sont enterrez aux Cordeliers à Paris. Le quatriesme fut Monsieur Philippe de France, Duc d'Orleans, qui espousa madame Blanche de France, fille posthume de Charles le Bel. La fille fut madame Marie de

France. Ladire Roynelianne mourut en l'an mil trois cens quarante neuf, fut enterree à saint Denys. La seconde femme dudit Roy, fut la Roynne Blanche fille de Philippe, & sœur du premier Charles Roy de Nauarre.

Acquisiō
du pays du
Dauphi-
né.

En l'an 1349. Il acquist de ses propres deniers, de Messire Humbert Dauphin de Viennois, le Pays du Dauphiné, pour les enfans aînez de France: Dont le Roy bailla quarante mil escus pour vne fois, & paya outre audit messire Humbert, tant qu'il vesquit, dix mille florins pour chacun an. Aussi acquit ledit an le Comté de Roussillon, & Sardaigne, les Baronnies, villes, & Chastellenies de Montpellier, & leurs appartenances: le pris de ladite vendition fut six vingts mil escus d'or, lors ayans cours.

Ledit Roy Philippe de Valois ayât fait accord avec l'Anglois, & allegeant le peuple des extorsions qu'on luy faisoit, ayant vescu 57. ans & regné 22. il mourut a Nogent le Roy, l'an de grace 1350. & gist son corps a Saint Denys, duquel est fait tel Eloge.

*Profligat Flandrum, Ebrouici, regnūm-
que Nauarræ*

*Cessit: Pontificē inuisit, inuisit mala plurima
passus*

Valesius valuit virtute valentior hoste.




Le Roy, Philippe de Valois.

De Charles le Bel, quatriesme du nom, Roy de France, & de Nauarre.


Philippe le long mort, Charles le Bel son frere
 De prendre des François le sceptre ne differe,
 Sa monnoye mua qui au peuple dommage
 Apporta puis lourdain Prince de grand lignage
 Fit pendre a Montfauçon à raison des forfaits,
 Qui par luy & voleurs en France furent faits,
 Charles de Valois lors conquesta pour le Roy
 Presque toute Guyenne: & en tres-grande esmoy,
 Isabel, sœur du Roy, vint se plaindre avec larmes
 D'Edouard son mary, laquelle avec gens d'armes
 Reconduite, fit tant que son mary fut pris,
 Et son fils couronné au siege Royal mis:
 Qui de Guienne fit, & Perigors hommage
 Au Roy Charles le Bel, qui n'ayant nuls enfans,
 A Vincennes mourut, ayant regné sept ans:
 A Saint Denys porté fut avec soupirs mille,
 Sa femme delaisant enceinte d'une fille.

Le susdict Roy mourut le premier iour de Ian-
 uier l'an mil trois cens vingt sept, aucuns disent
 28. de son regne le septiesme, & est enterré à saint
 Denys, duquel est tel l'Eloge.

*Carolus in duros mouit fera bella Britānos
 Iordanēmq; iubet ingulari: cautus, auarus,
 Et prudens princeps, & princeps pulcher,
 & acer.*



*Charles Roy de France & de Navarre fils de
Philippe le Bel.*



*Ieanne Royne de France & Navarre Contssee
de Bourgogne & d'Artois.*

De la Royne Ieanne femme du Roy Philippe surnommé le Bel.

LA tres-illustre & tres-chrestienne Ieanne Royne de Nauarre, fille vnique de Héry, Roy de Nauarre, Côte Palatin de Champagne & de Brie, troisiésme de ce nom, & son heritiere desdicts Royaume, Comtez & Palatinat, femme du Roy Philippe le Bel Roy de Frâce. Ceste vertueuse Princesse en l'an mil deux cés quatre vingt seize fit edifier a Paris, le grand College de Champagne, dit de Nauarre, & y donna beaucoup de rentes & reuenu sur son douaire de Brie & Champagne. En apres elle fit bastir les enfermeries des Cordeliers de Paris & Iacobins, pour y retirer les pauvres religieux en leurs maladies, & les meubla de quârité de liçts, draps, paillaces, & couuertures. Elle fit aussi peu apres bastir l'enfermerie des Chartreux de Paris, avec vne deuote chapelle à l'entree de leur maison, ou les femmes peuuēt libremēt entrer pour faire leurs deuotions quand l'on y va en procession. Outre tous ces lieux de deuotion elle achepta la maison du Iuif qui auoit percé la sainte Hostie avec vn canuet: cest maintenant le monastere appellé du nom de l'humilité nostre Dame, pource qu'il fut donné aux religieux de l'hospital nostre dame sur la riuiera de Rongny, au diocese de Chaalons. Ceste notable Princesse fit plusieurs autres fondations tant a Chasteau Thierry qu'autres lieux, puis mourut au Chasteau du boys de Vincennes, l'an 1304. le second iour d'Auril, le

*College de
Nauarre
basty.*

*Enferme-
rie du con-
uēt des Cor-
deliers ba-
sty & du
mesme tēps
es Iacobins
& es Char-
treux de
Paris.*

*Des Bil-
lettes.*

seigneur du Tillet dit qu'elle fut enterree au monastere des Cordeliers a Paris, toutesfois son sepulchre tombeau & effigie est en l'Eglise S. Denys tel que l'auons representé par ceste figure, cy dessus.

De Philippe le long Roy de France & de Nauarre.

A PRES Loys Hutin de Nauarre & de Frãce
Philippe le long print en sa main la regence,
Clemence de Hutin enceinte eut vn enfant,
Nômé Iean, qui mourut: pource fut iouissant
Du Royaume du tout selon la loy Salique:
Cinq ans le sceptre tint sans tumulte bellique,
Au soulas des subiects faisant des mariages,
Qui causerent la paix, & à nos aduantages,
Les ladres inciteꝝ par les desloyaux Iuifs
Empoisonnerent lors les fontaines & puis:
Dont grand peste suruint, & furent les coulpables
Chastieꝝ asprement, quarante miserables
Estans emprisonneꝝ à Vitry en Parlois:
Afin de ne mourir par les mains des François,
S'entretuerent tous & en ce mesme lieu,
Les corps furent ietteꝝ en vn flamboyant feu,
Enguerrand fondateur d'Escouys despendu:
Fut, prians ses parens au cercueil estendu
Aux Chartreux de Paris, & transporté depuis
A l'Eglise qu'auoit fondee à Escouys,
Le Roy mal conseillé par auaricieux,
Voulut faire leuer impôts pernicieux
En France: mais luy prié du peuple humblement,

*Ne le voulut charger d'impôts aucunement,
Comme le Roy vouloit ordonner en la France
La monnoye d'un pris, une aulne, une balance,
En mesme poix par tout, sans hoir masse trespassée,
Et à saint Denys eut sa sepulture & place.*

Le susdit Roy mourut le troisiésime Ianuier, l'an mil trois cens vingt & vn, ayant regné sans compter le temps de sa regence, cinq ans, & quelque peu d'auantage, il ne peut onc obtenir du peuple vne imposition, & leuee d'argent qui pretendoit faire il mourut sans hoir masse, duquel est tel l'Eloge.

*Longus non longum vixit, longæque
modestis
Moribus Hutinum fratrem præcellit, &
alman,
Cum Flandris icit pacem, moriturque bea-
tus.*



*Philippe le long Roy de France & de
Navarre.*

De Ieanne Royne de France.

EST E vertueuse Princesse, Ieanne Royne de France, espouse du Roy Philippe le lōg, ou le grād, Roy de France & de Nauarre, fut fille de Hugue, autres disent Othes, Comte de Bourgongne & d'Artois, sa mere madame Mahaut Comtesse d'Artois & de Henaut : Ladite Royne a l'imitation de sa deuanciere la Royne de Nauarre, fit edifier en l'vniuersité de Paris, le college de Bourgongne, la representation de laquelle Royne se void encores à l'entree de la chapelle dudit College: Du Roy Philppe le long son espoux, eut vn fils monsieur Loys de France, qui mourut ieune, lequel est enterré aux Cordeliers à Paris, & quatre filles, trois desquelles furent mariees hautement, la quatriesme fut religieuse a long champ: ceste notable Royne mourut à Roye le vingt & vniesme Ianuier, 1329. son corps fut enterré au monastere des Cordeliers à Paris, & son cœur fut porté en l'Eglise S. Denys en France pres le tombeau ou son deffunct mary auoit esté inhumé, son sepulchre est fort beau, & tout de marbre & d'Albastre.

Cecy est graué autour du tombeau.



*leanne Royne de France fille du Cōte Hugue de
Bourgongne femme du Roy Philippe le long.*

Le Tombeau de tres auguste & tres sainte memoire, François premier de ce nom, & de messieurs ses enfans.



*H! que ie suis marry que la Muse Françoisise
Ne peut dire ces mots cōme fait la Gregeoise,*

*Par le sei-
gneur P. de
Ronsard
gētilhōme
Védomois.*

Ocy more, dyspotme, oligochronien:

Certes ie les dirois du sang Valesien,

Qui de beauté, de grace & de lustre ressemble

Au lix qui naist, fleurist & se meurt tout ensemble.

Ce Monarque François, François premier du nom,

Nourrison de Phebus, des Musés le mignon,

Qui deffous saroyale & auguste figure,

Cachoit avec Pithon les Graces & Mercure,

Qui sçauoit les secrets de la terre & des Cieux,

Veit, ainsi que Priam, deuant ses propres yeux

(Hé qui pourroit du Ciel corrompre l'influence!)

Enterrer ses enfans en leur premiere enfance.

Il veit (car il estoit dans le ciel ordonné)

Trespasser à Tournou son premier fils aisné,

Qui de nom & de faict ressembloit à son pere,

A qui ia la fortune heureusement prospere

Sourioit d'un bon œil, & ia dedans son sein

Comme son cher enfant l'apastoit de sa main.

A peine un blond diuuet commençoit à s'estendre

Sur son ieune menton que la mort le vint prendre,

Ordonnant pour son pere un camp, ou tous les nerfs

De la Gaule tiroient: les champs estoient couuerts

D'hommes & de cheuaux: bref ou la France armee

Toute dedans un ost se voyoit enfermee.

Il eut pour son sepulchre un millier d'estandars,

De bouclairs, de cheueux, de larmes de soldars:

ANTIQUITEZ

Le Rosne le pleura, & la Saone endormie:
 Mesme de l'Espagnol l'arrogance ennemie
 Pleura ce ieune Prince: & le pere outrageux
 Contre sa propre teste arracha ses cheueux,
 Il arracha sa barbe, & de telle despoille
 Couvrit son cher enfant. Ah! fatalle quenouille,
 Parque tu monstres bien que ta cruelle main
 Ne se donne souci du pauvre genre humain.

Ainsi ieune & vaillant au printemps de ta vie,
 Tu mourus, Germaniq'! quand ta mere Liue
 En lieu de recevoir un triomphe nouveau
 (O cruauté du ciel!) ne receut qu'un tombeau.

Le sieur de Ronsard, poursuit ainsi.

Retourné, ie fus page au grand Duc d'Orleans,
 Le tiers fils de François qui en fleur de ses ans,
 Ieune fort & gaillard & de haute entreprise,
 Presque le monde entier estoit sa conuoitise.

De Charles Empereur le gendre il se vantoit:
 Desia la bonne paix la terre frequentoit,
 Mars s'enfuyoit en Thrace, & ce Duc pensoit estre
 Desia de la Bourgongne & de Milan le maistre.

Ministre de la paix superbe il se brauoit:
 La faueur de son pere & du peuple il auoit,
 Nourrison de Fortune: & ia les Roys estranges,
 Honoroyent son Genie, & chantoient ses louanges.

En magnifique pompe en Flandres il visita
 Par deux fois l'Empereur, qui betin le traita:
 Il luy promit sa fille, & chargé d'esperance,
 De ieunesse & d'amour, fist son retour en France.

Hà! folle ambition tu ne dures qu'un iour!

*Il fut victorieux des murs de Luxembourg,
Comme un Dieu le suiuoit une presse importune:
Il vouloit commander à la mesme fortune.*

*Maistre, celuy sembloit, du destin & du temps,
Il entroit à grand peine au mois de son printemps,
Quand la mort qui auoit sur sa ieunesse enuie,
Luy trancha tout d'un coup l'esperance & la vie.*

*Ce Prince à Fremontier de la peste mourut:
Sceptre ny sang Royal Charles ne secourut
(Charles estoit son nom) que la fiere Eumenide
D'une torche fumeuse au bord Acherontide
Ne dit son Hymenee, & pour un liét nupcier,
Ne luy sillast les yeux d'un long somme d'acier,
Ayant pour une femme une tombe funeste.*

*O dure cruauté d'influence celeste!
O malheureux apas de grandeurs & d'honneurs!
Malheureux qui se fie aux humaines faueurs,
Et au monde qui semble une tempeste esmenée!*

*Seulement le destin nous en monstra la veüe,
Puis la re-desroba: ainsi le vent destruit
L'ente quand elle est preste a porter un bon fruit.*

*Iamais le dur ciŒau de la Parque cruelle
Ne trancha de noŒ Roys une trame si belle:
Iamais le mois d'Auril ne veit si belle fleur,
N'y l'Orient ioyau de si belle couleur.*

*Il sembloit un Paris en beauté de visage,
Il sembloit au Dieu Mars en grandeur de courage,
Gratieux debonnaire, eloquent & subtil,
D'inuentions de guerre un magazin fertil.*

*Il auoit dans le corps l'ame si genereuse,
Qu'il n'eust iamais trouuée sur la plaine poudreuse
L'ennemy qu'à ses pieds il n'eust bouleuerŒsé,*

*Ce tōbeau
est l'un des
beaux &
magnifi-
ques qui se
puissent veoir
à S. De-
nys: le tout
de marbre
& alba-
stre.*

ANTIQUITEZ

Bataille tant fust grande, ou mur qu'il n'eut forcé.

Son pere qui chargeoit tous les cieux de priere,
En mourant luy ferma l'un & l'autre paupieres
Se pasma dessus luy, de larmes le baigna,
Et presque demy mort le mort accompagna.

Les Roses & les Li en tout temps puissent naistre
Sur ce Charles qui fut pres de cinq ans mon maistre.

Des deux freres à peine estoit clos le tombeau,
Que voicy dueil sur dueil, pleur dessus pleur nouveau,
Trespas dessus trespas, misere sur misere:

Après les enfans morts voicy la mort du pere,
Du grand Prince François à qui toutes les Sœurs
Hostesses d'Helicon, auoient de leurs douceurs
Abrué l'estomac, à qui l'eau Castalide,
Les antres Cyrrheans, la grotte Pieride
S'ouuroient en sa faueur: grand Roy qui tout sçauoit,
Qui sur le haut du front cent maiesté auoit
De qui la vertu mesme honoroit la couronne,
Mourut comme il entroit au cours de son automne.


Il fut en sa ieunesse un Prince auentureux,
Tantost heureux en guerre, & tantost malheureux,
Comme il plaist au Destin, & à celle qui meine
Tantost bas, tantost haut, toute entreprise humaine.

Bien qu'il fut des grāds Roys le sommet & l'honneur,
Et de tant de cite & de peuples seigneur,
Qu'en son sein Amalthee espendit l'abondance:
Bien qu'il fust opulent d'hommes & de puissance,
Qu'il eust basty chasteaux & Palais à foisson
Si est-ce qu'il mourut en estrange maison,
Laisant l'Anglois en France & la paix mal iuree
Auecques l'Empereur de petite duree.

Ce grand Roy François mourut en l'an de grace 1547. au Chasteau de Rambouillet le 32. de son regne, & estant pres qu'en la fleur de son aage, le corps fut porté à S. Denys, ou il gist avec ses enfans François & Charles, l'Eloge de ce grād Roy est faict par le seigneur du Haillan.

*Mars pater, & musa huic, aut unicus
est Mars,
Vel Martis, Musæq; pater, sic Iupiter v-
nus,
Hoc natus, nata hoc, cælum hoc in numi-
ne monstrant.*

Ce Prince estoit de belle taille, bien proportionné de membres, beau de face, & ayant vne telle majesté au visage qu'il n'auoit rien qui ne se ressentit de sa grandeur royale, les yeux clers & flamboyants, le front, haut, & portant marque de generosité, le nez lōg grand, & dressé selon la proportion du visage avec vne bien seance fort grande la teste si bien faite, que par la figure d'icelle on iugeoit vne grande maturité en ce Roy, & vne singuliere sagesse: fut eloquēt au possible, homme de bon discours & qui prenoit singulier plaisir d'ouyr les hommes rares parler deuant luy tandis qu'il prenoit son repas, aux raisons desquels il adioustoit souuent les siennes si pertinentes que la plus part admiroient la gentillesse, & sutilité d'Esprit de ce grand Prince.



Mauséole du grand Roy François , de son espouse
la Royne Claude, & de messieurs ses enfans.



*Aucuns disent estre la sepulture d'une Contesse
de Flandre.*

Ce tombeau est pres de celuy du grand Roy François , fermé d'un treillis de fer tout autour d'iceluy, l'effigie est d'Albastre & le tombeau de marbre blanc fort bien estoffé, aucuns disent estre la sepulture d'une Contesse de Flandre, il ne se voit aucune escripture qui face mention du nom, voyez icy comme elle est representee.

De Charles le quint dit le sage, Roy de France.

LEan au sepulchre mis , Charles son fils aisné
Sage Roy des François fut oingt & couronné
Au regne fut heureux: car remit en ses mains
Les terres qu'usurpoient les Anglois inhumains,
Ayant en son conseil hommes sages, & meurs,
Qui n'estoient appetans de ces caducs honneurs.
La Guyenne reprint, Xaintonge, & Perigort,
Le Limosin, Quercy, poursuivant iusqu'au bord
De la mer l'ennemy: puis de Robin Canolle,
Qui sortit de Calais, l'audace vaine & folle
Reprima par les Ducs d'Anion, & de Berry,
De Bourgongne, Bourbon, & de Guesclin aussi,
Les Anglois de rechef, mirent en la campagne,
Trente mille soldats par les Ducs de Bretagne,
Et l'enclastre conduits: mais du fer de la lance
Ils furent repoussez & meurtris dedans France,
Et pource que sans frais ne se fait guerre telle,
Sur sel, & vin, au Roy conuint mettre gabelle,
Ioint qu'au despens de luy en ce temps fut bastie
La bastille à Paris: ce bon Roy en sa vie
Fut tant iuste, & bening, & tant doux en langage,

*Qu'à bon droit ses subiets le surnommerent sage,
 Ayant dix & sept ans tint le sceptre Royal,
 Au chasteau de beauté, atteint du dard fatal,
 Rendit son ame à Dieu, avec son Connestable,
 Bertrand, à S. Denys au sepulchre honorable.*

Aucuns Historiographes disent que ce Roy
 na regné que seize ans, mourut a Beauté sur Mar-
 ne, le Dimenche 16.iour de Septembre. L'an mil
 trois cens quatre vingts. Les Epitaphes qui sont
 sur leur tombeaux sont au premier liu.fol.29.Et
 de ce Roy a faict l'auteur des Epitaphes ces vers.

*Hic sapiens dictus, major pietate, Phi
 lippo
 Nam fratri, nimium frater, dat Belgica
 regna
 Venturis pietas hæc mouit prælia sæclis.*



*Du Roy Charles le quint, & Jeanne de
Bourbon.*

De Ieanne de Bourbon Royne de France.

A tres-illustre Royne Ieanne de Bourbon, fut fille de Pierre le premier du nom, Duc de Bourbon, qui mourut en la bataille de Poitiers: ayant espousé le Roy Charles cinquiesme, elle fut couronnée à Reims le iour de la Trinité 19. May 1364. Elle fut vne dame remplie de toutes vertus, grande aumosniere aux pauvres & hospitaux: Aussi fit de grands biens au monastere des Celestins de Paris que le Roy son mary auoit fait edifier à sa priere & requeste, & ordonna qu'en ceste Eglise des Celestins, son cœur & entrailles y fussent enterrez, ainsi qu'il se void encores a present le tombeau de marbre blanc & noir, qui est deuant le grand autel de la dicte Eglise. La susdicte Royne fut tant fauorisee de Dieu, qui luy donna lignee du Roy Charles cinquiesme son mary: Assauoir deux fils & six filles. Le fils aîné fut le Roy Charles: Le second Monsieur Loys de France, Duc d'Orleans. La vertueuse Royne mourut à Paris, estât en gesine de Madame Catherine sa fille le sixiesme Feurier, l'an mil trois cens septante sept, fut enterree à S. Denys.



Charles sixiesme. Et Isabel son esponse.

De Charles sixiesme de ce nom, Roy de
France.



Ombien que Charles n'eut encore que 14. ans
Neantmoins fut oingt Roy par le conseil des
grands,

Et Loys Duc d'Aniou son oncle, des finances
Eut le gouvernement avec grand' doleance:
Car tout fut dissipé, dont de nouveaux impôts.

Le peuple fut chargé: parquoy sans long propos
A Paris, à Rouen, & autres grandes villes,
S'esmeurent asprement seditions ciuiles,
Car les fermiers Royaux furent du peuple occis,
Dont le Roy chastia le peuple de Paris,
Ayant a Rossebec le Gantois surmonté,
Armé vint a Paris de colere domté,

Abolit Escheuins, & Preuost des marchans:
Puis les chesnes osta l'espace de cinq ans,
Trois cents en fit mourir: bref des Parisiens
A soy il confisqua par la moitié les biens
Pour soldars soudoyer: le commun populaire
De Limoges, Poictou, & Auvergne eut affaire
De sçauoir mutiné contre les nobles: bref
Par le Duc de Berry sur eux tombe meschef,
Le Roy voulant venger sur Pierre de Craon
L'exces qu'il auoit fait au seigneur de Clisson,
Phrenetique deuint, & sur ses entreprises
De tout gouvernement s'emparerent les Princes,
Parquoy entre les Ducs d'Orleans & Bourgongne
Sortirent grands debats: & en telle besongne
Des bouchers fut soustint le Bourguignon, qui fit

Le Roy
deposa le
preuost des
marchans
& esche-
uins.

Que le Duc d'Orleans a Paris on occit:

*Après à Montereau Iean le Duc Bourguignon
sur le pont fut meurtry, dont son fils pour guerdon
s'allia de l'Anglois, & luy bailla le sceptre
De France entre ses mains: le faisant Roy & maistre
De Paris, & plusieurs villes, chasteaux & bourgs,
Car pour lors de Paris il auoit grand secours
Alors meurt a Paris Charles sixiesme Roy
porté a S. Denys avec petit conuoy.*

Le Roy Charles sixiesme, mourut à Paris en son hostel des tournelles pres S. Pol le 21. iour d'Octobre l'an 1422. d'une fieure quarte, ayant regné 42. ans ou peu s'en faut, & fut ce roy enterré à S. Denys sans grand pompe & ceremonie, ce qui ne fut sans le blasme des Anglois, qui lors tenoient le Royaume de France: l'Eloge de ce Roy est de telle sorte.

*Dum puer est, fit rex, regitur patruisque,
virisque
Diuersis: damna hinc patiuntur plurima
Galli,
Plurima dum Gallos capita exturbant-
que reguntque.*

De la

De la Royne Isabel de Bauiere femme du Roy Charles sixiesme.

LE Roy Charles 6. Espousa la Royne Isabeau de Bauiere, fut Couronnée le 23. d'Aoust 1389. Elle fut yne dame tres-chrestienne, estoit fille d'Estienne Duc de Bauiere, Comte Palatin du Rhin, se mōstra fort deuote, & pitoyable enuers les pauures, en ce qu'elle distribuoit de grands biens aux hospitaux pour l'entretienement d'iceux, & pour la restauration des Eglises ruinees. Comme il se peut remarquer encores en quelques vitres d'Eglises de ceste ville de Paris fort anciennes, & entre autres en l'Eglise S. Geruais. Mesmes à sa persuation le Roy Charles sixiesme donna deux cens Marscs d'or: pour faire la chasle du Roy S. Loys, & quarante marscs d'argent pour faire la chasle sainte Aure, qui est de present en l'Eglise S. Eloy à Paris, & faisoit ses deuotions afin qu'il pleust à Dieu luy donner des enfans. Elle fit tāt enuers le Roy son espoux, que la chapelle de l'hospital du S. Esprit a Paris en la place de greue, fut rebastie tout de neuf, avec quelque bastimens, pour la cōmodité des pauures enfans orphelins. Elle eut dudit Roy Charles sixiesme cinq fils & six filles: Fut ladicte Royne petitement entretenue, apres la mort de son mary: seulement de l'estat de sa maison par les Anglois, es mains desquels elle estoit, & porta fort patiēment ses afflictions, desquelles elle fut cause: car elle tint le parri des Ducs de Bourgogne contre ses propres enfans: Elle mourut en

*La Chapel
le du S. Es
prit bastie.*

l'hostel des Tournelles pres S. Pol, le dernier iour de Septembre 1435. fut portee inhumer a l'Eglise S. Denys en France pres son mary.

De Charles 7. du nom, Roy de France.

De Ieanne
la pucelle.

PAR le consentemēt des Princes & seigneurs Charles apres so pere eut les royaux honcurs, Et non entierement, car le moqueur Anglois Lors Paris vsurpant, anichiloit les loix, Et le vray heritier du Royaume Francique Roy de Bourges nommoit contre la loy Salique, Au nom du ieune Henry d' Angleterre on selloit, Et la monnoye aussi en France cours auoit, Mais Dieu voyant des Cieux l'iniure aspre & felonne, Rend au vray successeur le sceptre, & la couronne, Luy enuoye secours: car Ieanne la pucelle Avecq' autres seigneurs print du Roy la querelle: Et chassa les Anglois de deuant Orleans, Des bastilles aussi les ennemis nuyfans, Reprenant Baugency, Largeu, Patoy, Ienuille, Autres villes aussi malgré la troupe hostile: Le Roy alla à Reims pour se faire sacrer: Pour le Duc de Belfort par les champs rencontrer Il s'en partit de Reims: soudain sous sa puissance Il remit les citez de son obeissance, Il est vray qu'à Paris les Anglois couronnerent Leur ieune Roy Henry, & sceptre luy baillerent: Mais par l'appointement d' Arras reprint Paris, Et tous les differens furent lors assopis D' Orleans, de Bourgongne, aussi des autres Princes, Faisant contre le Roy secrettes entreprises,

Il recoura depuis toute la Normandie,
 Et villes qu'usurpoit l'Anglois en Picardie:
 Quand Talbot fut occis, il reprint la Guienne:
 Le Royaume remit sous la puissance sienne,
 Des Princes refrena les trop hautains courages
 Conspirans contre luy: & pour conseil des Sages
 Retenant avec soy Loys son fils aîné
 Les Princes renuoya, depuis le Dauphiné
 Remit entre ses mains, & fit commandement,
 Que le Dauphin ne fut receu aucunement:
 Lequel outre son gré auoit delaisé France,
 Et en Flandres pour lors faisoit sa demourance,
 Ce Roy victorieux mit son Royaume en paix,
 Et toutes ses citeꝝ il reprint, fort Calais,
 Craignant de la poison le funebre danger,
 Sept iours fut, ne voulant ne boire, ne manger:
 Mais quand il le voulut, il ne peut les conduits
 Du corps durant ce temps furent trop estreits,
 Le trenteneufiesme an de son regne mourut,
 A Meun: à saint Denys ensepulture fut.


Le susdict Roy Charles mourut à Meun sur
 Yeure, le iour de la Magdaleine, l'an 1461. ayant
 regné pres de 39. ans, son corps fut porté à S. De-
 nys aux despens de messire Taneguy du Chastel
 qui feit le deuoir de bõ seruiteur, chacun des au-
 tres Courtisans & officiers s'estas retirez en leurs
 maisons. L'auteur des effigies a fait les vers.

Toto Anglos regno expellit, fisisque puella
 Et vires, & res sorti, Martique perosus
 Comittit: sorte hic fælix, fælix quoq; marte



Charles septiesme & son esponse Marie
d'Anjou.

*De la Royne Marie d'Anjou, femme du Roy
Charles septiesme.*

 E susdit Roy Charles espousa la Royne Marie, fille du secōd Loys de Sicile, Duc d'Anjou. Et en eut trois fils & cinq filles, elle fut vne Royne de louable memoire, elle fit bastir le grand hostel Dieu de la ville de Bourges en Berry, pour la retraicte des pauvres malades: Et voulut faire ceste belle fondatiō, en intention que le Roy son mary peust avec l'aide de Dieu (qu'elle reclamoit incessammēt) perdre le tiltre de Roy de Bourges qu'on luy donnoit, à raison qu'il estoit là reduit & cōfiné par les Anglois, qui luy occupoient & detenoient vne partie de son Royaume. Et qu'elle peut obtenir vn fils, qui deust vn iour porter ce tiltre de Bourges, ayant recouuert le sien de Roy de France: cōme de fait il aduint, Dieu luy donnant deux fils, dōt l'un fut Loys II. qui succeda à la Courōne: & l'autre nōmé Charles, qui porta ce tiltre de Bourges, estāt faict premieremēt Duc de Berry. Ceste bonne Princesse estoit tousiours assidue à faire prieres à Dieu, & vacquer es œuures de misericorde: tellement que Dieu exausant ses prieres & bonnes œuures, permit que le Roy son mary recouura de la main des Anglois le Royaume de France, l'estāt faict sacré à la ville de Reims, sous la conduicte de Ieanne la pucelle miraculeusement enuoyee de Dieu: Sō corps repose en l'Abbaye S. Denys en Frāce, près du Roy son espoux ainsi qu'il est representé en la figure cy deuant: Et mourut ladicte Royne en Ianuier, l'an 1463.



Madame blanche Roïne de Frãce, fille de Philippe Roy de Nauarre, & madame Ieãne de Frãce.

De Madame Blanche Royne de France, fille de Philippe Roy de Nauarre, & madame Ieanne de France.

Ces deux notables dames sont en sepulture, en la chapelle Sainte Hypolite, ou il se voit deux tombeaux de marbre noir, & les effigies d'Albastre au premier liure est descript l'Epitaphe au fo. 32. Madame Blanche Royne de France fut fille de Philippe le Bon, Cōte d'Eureux, & de Marguerite d'Artois, qui assiegea l'Arsegille au Royaume de Grenade, auquel siege il fut occis par les infidelles ses ennemis, L'an 1342. fut Roy de Nauarre par ses alliances matrimoniales: luy deliurant iceluy Royaume, le Roy Philippe de Valois paruenue qu'il fut à la couronne, l'an 1327. & d'auantage autres terres & seigneuries en la Comté de la marche pres d'Angoulesme, en recompense des Comtez de Champagne & de Brie, qui aussi appartenoient à Ieanne de France sa femme, qui estoit fille au Roy Loys Hutin, ladite madame Blanche fut espouse du Roy Philippe de Valois laquelle il espousa le 10. Ianuier, l'an 1349. Elle auoit esté accordée à l'infant Pietre fils aîné d'Alphons Roy de Castille: d'elle vint madame Ieanne de France, accordée à Iean Duc de Geronne fils aîné du Roy d'Arragon, le 16. Iuillet, l'an 1370. allant en Espagne pour l'espouser, elle mourut a Beziers, l'an 1374. le 11. iour de Septébre. Et ladite Royne le 5. iour d'Octobre 1398. Le sieur du Tillet descript que madame Ieanne fut enterreée en l'Eglise Cathedrale de Beziers: toutesfois ce qui est escrit sur son tombeau fait mention du cōtraire.



Ceste figure d'un Roy est sur un pillier de pierre
en la chapelle Sainte Ypolite.



*Ceste figure d'une Royne que l'on dict femme du
susdit Roy est en la mesme Chapelle.*



Ceste figure est d'une Royne fille desdicts Roy & Royne, en la mesme chapelle.

Ceste figure du Roy, & de ses deux Roynes, sont sur chacun vn pillier ou colonne de pierre en la chapelle Saincte Hypolite en ladite Eglise S. Denys, & sans escritures ou Epitaphes, aucuns disent, que l'une des figures est de la femme de ce Roy, l'autre de sa fille, ie ne puis en donner aucune verité, n'ayât leu aucune histoire ou Epitaphe qui en face mention.

De Loys douzième du nom, Roy de France.

EPI T A P H E.

LOYS, Duc d'Orleans, cōme le plus prochain,
 La courōne porta, & print le sceptre en main:
 Deslors repudia leanne fille de France,
 Pour Anne de Bretagne, apres en grand puissance
 Du Duché de Milan il chassa Loys Sforce,
 Estant vsurpateur contre tout droit par force:
 Lequel fut prins, ayant habit de Cordelier,
 Et en France amené, ou mourut prisonnier
 Dompta les Geneuois, & fit decapiter
 Des rebelles le chef, puis il se vint ietter
 Sur les Venitiens, & Boulongne la grasse
 Au Pape rendre fit, que par bellique audace
 Bentiuolle vsurpoit: mais ingrat se monstra
 Le Pape du bien fait: car il se retira
 Avec les ennemis du Roy, & des François,
 Dont le Roy enuoya le fort Gaston de Foix,
 Lequel Boulongne print par force Martienne:

A N T I Q V I T E Z

*Puis vainquit, & gagna la bataille à Rauenne,
 Mais par trop s'auançant fut occis, & plusieurs,
 Qui accreurent à nos gens Martialles fureurs,
 Car Rauenne on pillà, dont le Pape animé,
 Avec seigneurs mutins contre droit s'est armé,
 Incitant l'Empereur, Romains, & Milannois,
 Suisses, Italiens, les Lombards, & Anglois
 A guerroyer le Roy, lequel par sa prudence
 Par mariage fit à l'Anglois alliance,
 Car espousa sa sœur de son amour espris,
 Ne vesquit que trois mois, & mourut à Paris
 Le premier de Ianuier: fut en grand desplaisance
 Porté à Saint Denys, le pere de la France.*


Ice luy Roy a esté surnommé pere du pays, & pasteur du peuple, car outre la charité, courtoisie & patience, & la grande affection qu'il portoit aux hommes de grand sçauoir, & literature, veu que ça esté luy qui a monsté le chemin au grand Roy François, faisant venir Lascaris en France pour orner Paris de la congoissance des lettres Grecques, lesquelles estoient incognues en ceste fameuse vniuersité, laquelle ce Roy reforma des insolences qui y estoient: Et bien qu'il se veüst assailly de toutes parts, & que le Pape remuoit & le Ciel & la Terre pour luy troubler son repos, si ne voulut il iamais entendre à prendre alliance avec le Turc, n'y auoir amytié avec le Soudan du grand Caire, quoy que l'un & l'autre de ces tyrans s'efforçassent de ce liguier avec luy: aussi dieu à fauorisé ses desseins & la deliuré de ses aduersai-

res, aussi scauoit ce bon Roy que la ligue des infidelles, & heretiques est domageable a ceux qui si affrontent & acostent, & pleust a Dieu que n'en eussions gousté les effects, comme si le bras de chair estoit plus puissant que de celuy qui a faict, & estably toutes les puissances de la Terre. Le Roy mourut le premier iour de May en son hostel des Tournelles à Paris l'an de son aage cinquante cinq, & de son regne le dixseptiesme, & gist son corps a Sainct Denys en ceste magnifique sepulture que luy a faict dresser son successeur le Roy François, l'Eloge de ce Roy est tel, faict par le sieur du Haillan.

*Rex ex Aurelio duce, magnum vicit
Iulrm*

*Pontificem: Insubria toties tentata rece-
pit*

*Regna: pius Princeps, populi tutorque, pa-
terqua.*




*Le tombeau tres-magnifique du Roy Loys xij, &
de son épouse madame Anne de Bretagne.*

De la Royne Anne de Bretagne.

ANNE Duchesse de Bretagne, fille unique & heritiere vniuerselle du Duc François deuxiesme du nom, femme du Roy Charles 8. apporta la Duché de Bretagne en la maison de France, l'an 1489. Et depuis le decés du Roy Charles huitiesme, Loys Duc d'Orleans venant à la Couronne de France la print pour femme, pour le merite de ses louanges & vertus, ceste notable Princeesse fit commencer, enuiron l'an mil cinq cens douze, le bastiment du Conuent des Religieux de l'ordre Sainct François de Paule pres Paris, dits Minimes ou bōs hommes, aussi elle fit de grans biens & donations aux Eglises & hospitaux. Deceda l'an 1513. gista l'Eglise S. Denys au tombeau de son espoux.

*Bastiment
pour les
Bons hom-
mes dits
Minimes.*



*Cette figure represente le Maufeoie, du Roy Héry
ij. du nom, des Roys François ij. & Charles ix.*

Tombeau du Roy Henry second du nom.

HENRY fils de François & son seul heritier,
 Vint apres qui suiuant des armes le mestier,
 Se fit aimer des siens, & redouter par force
 En Escosse, Angleterre, en Toscane & en Corse:
 Il fut un second Mars, & le ciel l'auoit fait
 Pour se monstrier en guerre vn Monarque parfait.

Par lesians
 Pierre de
 Ronsard.

Nul ne picquoit si bien le long de la campagne
 Ou le coursier de Naple, ou le genet d'Espagne:
 Vn Castor en cheuaux, vn Pollux il estoit
 Au mestier de l'escrime, il sautoit, il lustoit,
 Et nul ne deuançoit ses pieds à la carriere,
 Et mal ne combatoit si bien à la barriere,
 Soit qu'il fut en pourpoint ou vestu du harnois.

Il reconquist Calais, il serra les Anglois
 En leur rempart de mer, il campa sur la riuie
 Du Rhin, & deliura l'Allemagne captiue:
 Il força Thionuille & gagna Luxembourg,
 Mommendis, Dampwilliers & les forts d'alentour:
 Il consuma sa vie aux peines de la guerre,
 Conuoitant ceste terre, & tantost ceste terre,
 Il sembloit a Pyrrhus, haïrdeux à la main,
 Qui tousiours enfiloit dessein dessus dessein:
 Mais la face de Mars n'est pas tousiours certaine,
 Car bien qu'il fust en guerre vn parfait Capitaine,
 Qu'il eut la force au bras & le courage au cœur,
 Il fut tantost vaincu, & tantost fut vainqueur.

Voulant auitailler la Picarde muraille
 Du foible saint Quentin, il perdit la bataille,
 Ou tout le sang François fus presque respandu,

ANTIQUITEZ

Contraint il fait la paix, apres auoir rendu
 En un iour le Piemont (ô chances mal-tournees!)
 Et tout ce que conquist son Pere en trente annees,
 Le labeur & le sang de tant d'hommes guerriers.

La l'Oliuier tenoit la place des Lauriers,
 Aux portaux attaché: au croc pendoient les armes,
 Et la France essuyoit ses plaintes & ses larmes.

La le Palais estoit pour la nopce ordonné,
 Le Louure de l'hierre & de buis couronné:
 Desia sa fille au temple espouse estoit menee,
 On n'oyoit retentir que la vois d'Hymenee,
 Hymen Hymen sonnoit par tous les carrefours:
 Par tout on ne voyoit que Grace & qu'Amours,
 Mars banny s'enfuyoit aux regions barbares,
 Quand entre les clerons, trompettes & fanfares,
 Au milieu des tournois au chef il fut blecé,
 Ayant l'œil gauche à mort d'une lance percé:
 Spectacle pitoyable! exemple que la vie
 De cent maux impreueu & fragile est poursuiuie,
 Puis qu'un Roy si puissant d'Empire & de hauteur
 En iouant est tué par un sien seruiteur.

Ainsi mourut HENRY (car toute chose passe)
 Qui de bonté, beauté, prouësse & bonne grace
 Surmontoit tous les Roys: mais le Ciel endurey
 Non plus que d'artisans des Princes n'a soucy.

Il sentit pour le moins ce plaisir en son ame,
 Qu'il mourut dans le sein de sa pudique femme,
 Et qu'il veit en son liēt presque pasme & d'ennuy
 Tous ses petits enfans larmoyer pres de luy,
 Le le serui seiZe ans domestique à ses gages,
 Non ingrat luy sacrant mes plus doctes ouurages:
 Il n'ay sceu prolonger sa vie, mais i'ay sceu

Allonger son renom autant que ie l'ay peu.

Ce bõ & heureux Roy fut blecé en vn Tournoy, faict en l'hostel des tournelles a Paris le dernier iour de Iuin, mourut le 10. de Iuillet en l'an 1559. de son regne le 13. & le 41. de son aage, duquel l'auteur des Effigies a fait cest Epigramme.

EPIGRAMME.

*Pace data terris, cœlum, quo venerat
olim*

Henricus petijt: pace ingens, grandior armis,

Iam satis orbem implet rex nomine, numine cœlos.

Affix. Valuis templi D. Maria Virg. XI. Aug. M.D.LIX. qua lugubri pompa eodẽ funus efferebatur.

HENRICO II. GALLIARVM REGI
FOELICISS. PRINCIPI OPTIMO LIBERALISS. LENISS. PIETATIS IVSTITIAE LIBERTATISQVE PVB. ASSERTORI FORTISS. DVM PACE PER ORBEM CHRISTIANVM PARTA FILIAE CHARISS. SORORISQVE SAPIENTISS. NVPTIAS CELEBRAT, INTER POPVLI PLAVSVS IN LVDICRO CERTAMINE VVLNERE CAESO SVI FLENTES AGMOESTISS. POSVERE.

Memoriæ Æternæ Henrici I I. Galliarum
regis inuictis.

*Nemo tuos, Henrice, annos, rex maxime regum,
Defleat, & flectu causas exquirat aniles:
Nulla brevis magnis ætas virtutibus: æuum
Præueniunt, rapido, que feruntur ad æthera cursu.*

Gallia in eiusdem regis obitum.

*Non tanti pax vlla mihi, connubia tanti
Nulla mihi, Henricum, superi, mihi reddite: vestram
Pacem restituo vobis, bellumque reposco.*

Epitaphe du feu Roy Henry.

*Le tombeau ci Zelé en la braue apparence
Des combats furieux, ou l'orgueil affronté
D'un ennemy selon brusquement surmonté
Doit porter aux nepueux la royale vaillance,
Ne faict contre le temps si forte resistance
Que la seule vertu conioincte a Verité,
Dont H E N R Y magnanime a tousiours imité
Les plus braues ayeux, d'inuincible constance.
Si doncque son tombeau peut seul encourager
Vn homme de grand-ame, afin de se vanger
De l'iniure du temps, par faicts d'armes semblables:
Combien plus la vertu, dont il estoit doué,
Doit inciter vn cueur pour se veoir aduoué
Au rang des immortels à iamaïs admirables?*

Tombeau du Roy François second du nom,
par le fleur P. de Ronfard.

François son premier fils, à qui la barbe tendre
Ne començoit encore au menton qu'à s'estêdre
Tint le sceptre apres luy, Prince mal-fortuné,
Qui se veit presque mort si tost qu'il se veit né,
Il fut dixhuiët mois gouverneur de l'Empire,
Le peuple outrecuidé qui tous les iours empire,
Empesté d'heresie & de nouvelle loy,
Arma sa faction contre ce ieune Roy.

Assemblant ses estats pour corriger le vice
Des nobles, des Prelats, du peuple & de Iustice,
Et punir les mutins qui s'osoient esmouuoir,
Et contenir la France en son iuste deuoir:
O cruauté du Ciel ! ô estrange merueille !
Voicy ce Prince mort d'un caterre d'Oreille,
Laisant ieunesse & vie, & son peuple troublé
Et le sceptre Escossois au François assemblé,
Et sa ieune espousee en plainte douloureuse,
O Dieu que ceste vie est courte & malheureuse !

(ELISABET sa sœur qui d'une estroicte foy
Son pere auoit coniointe au magnanime Roy
Qui du peuple Espagnol les brides lasche & serre,
A vingt ans se couurit: d'un sepulchre de terre,
Dans un mesme basteau passant a l'autre bord
Sa beauté sa ieunesse, & sa vie & sa mort)
Conforte toy grand Roy. la sentence est donnee
Que la mort est la fin de toute essence nee.

Memoriæ æternæ.

Dⁿ Roy

Charles 9.

OPTIMI ET MITISSIMI PRINCIPIS
CAROLI NONI REGIS CHRISTIANIS-
SIMI BONARVM ARTIVM INGENIO-
RVMQVE FAVTORIS LIBERALISIMI
ET FIDEI AC RELIGIONIS CATHO-
LICAE PROPVGNATORIS ACERRIMI.

Epitaphium.

*Carolus expectat loculo Rex nonus in isto
Supremi clangat dum tuba iudicij
Quem quicumq; bonus nouit bene luxit acerbe
Extinctum viuum deperijt tenere
Leni a deo fuit ingenio leni bonitata
Aspectu leni lenior Alloquio:
Aspera enim cum sauirent circum omnia in illum
Confluxit lenis quid quid ubiq; fuit
Nam puer ad Sceptrum venit regale decennis,
Annos quod tredecim dimidiumque tulit,
Continuis in proditionibus, atque periclis,
Belli intestini, & iugibus insidiis,
Maiorum dum sacra pius, fortisque tuetur,
Nec presidum cultus ire pios patitur:
Hæreticos reprimens caca ambitione rebelles
Numinis oblitos, principis, & patriæ
Donec præcipiti fato tum desit esse
Heu quando potius debuit insipere
At tu pro tanto vera pietatis amore
Quæso bone, & tanta pro bonitate, Deus,*

*Hunc facias numerum in cælis augere bonorum
Et sedem manes inter habere pios.*

A L I V D.

*Bis septem totos bellum tibi iuge per annos
Quod rex vixisti Carole pene fuit
In desertores, patria cæloq; rebelles,
Dum pro aris pugnas fortiter, Hereticos:
Sacrilegis quorum e manibus regnum asseruisti,
Ter varia raptum proditione tibi
Verum hoc dum retegis scelus a radicibus imis,
Suppliciiq; reos afficis emeritis,
Ecce, nefas, primæ moriens in flore iuuenta,
Mane velut cum sol deficit exoriens,
Proh dolor heu spes frustrata & vota piorum,
Ante diem cursu deseris in medio:
Iustitia & pietate tuam fulcire coronam
Nempe hoc, & duplex illa columna fuit
Quæ pro mortali semper durable cingit
In cælis capiti nunc diadema tuo.*

*Vixit annos viginti tres, menses undecim,
& dies tres. Regnavit annos tredecim
menses quoque quatuor. Obijt in arce
vincennarum III. kalendas Iunij,
Anno 1574.*

Ces deux Epitaphes latins sont en l'Eglise S. Denys en France, graues sur vne l'ame de cuiure contre la closture du cœur, au deuât le tombeau du grand Roy François: En ce mesme lieu il y a

vne memoire, ou lóg Epitaphe, du tres-chrestien
Henry deuxiesme du nom Roy de France, qui
cómmece ainsi.

*Par mes vers i'ay semé tes faits par l'univers
Or helas a ta mort me faut donner des vers.*

Ie nay voulu la mettre en ce liure pource qu'il
est assez commun, estât imprimé avec les œuures
de son autheur le docte Poëte du Bellay.

Tombeau du Roy Charles neufiesme.



Charles son second frere apres luy succeda,
Qui en dure saison le Sceptre passa:
En pleurant il vestit sa dignité Royale,

Par P. de
Ronsard.

Comme presagiant sa fortune fatale,
Car si tost qu'il fut Roy (il le fut à dix ans)
La peste des meschans seducteurs mesdisans,
La licence du peuple & la fureur des villes
Troublerent son Estat de cent guerres civiles,
Comme un terrible orage esleué par le vent,
Qui tourne en boursoflant, tournoyant & mouuant
La mer vague sur vague en tortis retrainée,
Ou comme une Megere aux enfers dechainée,
Tout se rua sur luy. Le Soleil de despit
Abominant la Terre, en vestit noir habit:
Il se rouilla la face, & la Lune argentee
De taches eut long temps sa corne ensanglantee:
La Seine entre ses bords sa rage deslia,
La nourrice Cerés son bled nous denia,
Le bon Pere ses vins, & Palés son herbage,
Et le sel si commun nous nia son usage:
La famine & la guerre & la peste ont monstré

Que Dieu auoit son peuple en fureur rencontré:

*Ce Roy presque enfant vit sa France allumee,
Et ville contre ville en factions armee,
D'hommes & de conseil & de tout indigent:
Il veit manger son peuple & voler son argent,
Il veit sa maiesté seruir d'une risée
Il veit de cent broquars sa mere mesprisee,
Il se veit dechassé de ses propres maisons,
Il veit les temples saints, le lieu des oraisons,
Autels & sacremens n'estre qu'une vièrie,
La raison renuersee, & regner la furie.*

*Par quatre grands combats veinquit son ennemy:
Mais un feu de rancune alloit si bien parmy
Le peuple forcené, que morte vne querelle,
Vne autre d'autre part sourdoit toute nouvelle:
Ainsi un feu d'esmorche à l'autre feu se prend,
Que plus on pense esteindre, & plus il se respand.*

*Le me trouuay deux fois à sa royale suite
Lors que ses ennemis luy donnerent la fuite,
Quand il se pensa voir par trahison surpris
Auant qu'il peut gaigner sa cité de Paris,
Meschante nation, indigne indigne d'estre
Du sang Hectorean, d'ainsi trahir ton maistre!
Peuple vrayment Scythique, ennemy de repos,
Et bien digne d'auoir pour ancestres les Goths.*

*Ia de ce ieune Roy la dure destinee
S'estoit en sa faueur plus douce retournée:
Ia son siecle en vertu se faisoit tout nouveau,
Quand d'un rheume panthois fontaine du cerueau,
Qui d'un flot caterreux s'estoit entre suinie,
Luy pourrist les poumons, soufflets de nostre vie,
Despouillant le marteau de son humanité*

*À l'heure qu'il entroit en sa felicité,
Ainsi le marinier, creancier de Neptune,
Prest à payer les vœux qu'il devoit à fortune,
La saluant de l'œil sa maison & le bord,
Se perd, & sa navire entrant dedans le port.*

*Il fut quatorze ans Roy, & en l'an de son âge
Vingt & quatre il paya de Caron le naulage.*

*Iamais esprit si beau ne si bon que le sien
N'alla sous les Lauriers du champ Elysien:
Iamais ame si sainte & en tout si parfaite,
Compagne des Herôs là bas ne se fust faite,
S'il eust eu le loisir de monstrier aux humains
La force qu'il avoit & au cœur & aux mains.*

*Il fut Prince bien né courtois & debonnaire,
D'un Esprit prompt & vif, entre doux & colere:
Saturnien au reste à cacher son secret:*

*Contre les importuns il se servoit de ruses,
Et sur tout amateur des lettres & des Muses.*

*Quatorze ans ce bon Prince, alegre ie suiuy:
(Car autant qu'il fut Roy, autant ie le seruy)
Il faisoit de mes vers & de moy telle estime,
Que souvent sa grandeur me rescrivoit en ryme,
Et ie luy respondois, m'estimant bien-heureux
De me veoir assailly d'un Roy si genereux,
Ainsi Charles mourut des Muses la defense,
L'honneur du genre humain, delices de la France.*

Cecy suffira pour les singularitez & antiquitez
de la Royale maison & Abbaye Saint Denys en
France, pour ce temps, encores que j'ay bien en
main plusieurs autres desseins lesquels n'ont peu
sortir en lumiere pour le present.

*Du monastere des Celestins fondé a Paris, & des sepul-
tures ou tombeaux des Ducs d'Orleans, & autres
nobles qui y sont.*

CHAP. 7.



LA chapelle des Ducs d'Orleans, est l'une des plus belles & magnifiques qui se sache voir à Paris, en laquelle est presque toute la famille d'Orleans enterree, sauf les Roys, qui en sont sortis, car nos Roys depuis Loys 12. sont de l'estoc, & famille d'Orleans, & non de Valois, ainsi que mal a propos plusieurs le publient, & ie mettray icy quelques Epitaphes du chef de la maison d'Orleans, à sçavoir Loys fils de Charles le quint, qui fut occis traistreuement a Paris, l'an 147. le 22. iour de Novembre, par les menees du Duc de Bourgogne, lequel avec son espouse Valentine repose aux Celestins, & les Epitaphes duquel sont de telle substance: premierement autour du tóbeau haut esleué, dessus sont quatre effigies, de deux Ducs, vn Comte, & vne Duchesse, en deux estages, l'une esleuee sur l'autre, ainsi que voyez representé par ses figures, le tout de marbre blanc enrichy d'or ou sont engrauez ces nōs, Loys duc d'Orleans, Valérine de Milan sa femme, Charles Duc d'Orleans leur fils, pere du Roy Loys douziesme, Philippe Comte de vertus leur fils: puis les Epitaphes Latins parlent ainsi.



Sepulture de Loys Duc d'Orleans.



*Sepulture de Valentine de milan, espouse de
Loys Duc d'Orleans.*

ANTIQUITEZ


*Hoc tecum illustris pari Ludouice sepulchro
 Iuncta Valentina coniugis ossa cubant.
 Emerito insubris tibi iura dycalia Sceptri
 Tradita legitime præmia dotis erant.
 Subiacet, & Carolo clausus cum fratre Philippus,
 Incluta iam vestri pignora bina thori.
 Magnificus Carolo nascens Ludouicus ab alto,
 Hæc posuit larga busta superba manu.
 Sfortiadem indigna pepulit qui ex sede tyrannum,
 Et sua qui Siculus sub inga misit opes.
 Vt tantos decorata duces Aurelia iactat,
 Gallica sic illo sceptrata tenente tument.*

L'autre Epitaphe est plus ample, & est de telle sorte.

*Quis tumulum posuit? regum rex maximus ille
 Filius, & regum rex Ludouicus honor.
 Quando? post Ligurem, Insubrem, Siculumque triûphum
 Post captos reges, sforcia dâsque duces.
 Quis iacet hic? magni heroës, Ludouicus, & vxor,
 Alma Valentina, regia progenies.
 Aureli procures, Carolus cum fratre Philippo:
 Ille auus, illa auia est: hic pater, hic patruus.
 Qui genus? à Francis, studium quod? regna tueri,
 Bellâque sanguinea sollicitare manu.
 Quæ mulier? Ducis Insubrii pulcherrima proles,
 Ius Mediolani, sceptrâque dote dedit.
 Viuere debuerant propter facta incluta semper?
 Debuerant, sed mors impia cuncta rapit.
 Hos ergo rapuit procures? non corpora tantum,
 Semper erunt anima, gloria semper erit.*



Charles Duc d'Orleans.



Sepulture de Philippe Conte de Vertu.

Est graué en table de marbre, dans vn pillier
l'escuffon de France, au deffous ce qui s'ensuit.

*Ludouicus rex xij. quieti perpetua, & memoria perenni
illustriſſimorum principum Ludouici aui, Valenti-
nae auiae Caroli patris piiſſimorum pientiffimorumq;
parentum, ac Philippi patrui. Feliciter. M. D. III.*



N ceste meſme Chapelle eſt l'or-
dre genealogiq de la maiſon d'Or-
leans en cette ſorte : Charles le
quint Roy : Loys Duc d'Orleans
ſon ſecond fils: Charles aîné des
enfants de Loys, & Valérine de milá: Loys 12. fils
de ce Charles. Philippe Conte de Vertus puisné
des enfants de Loys, & Valentine. Iean troiſieſme
enfant d'iceux, & Conte d'Engoulesme. Charles
fils de Iean Duc d'Engoulesme. François Roy,
premier du nom, & fils de Charles. François
Dauphin de Viennois, & Duc de Bretagne, aîné
des enfants de François premier qui mourut
a Tournon aagé de vingt ans. Henry ſecond du
nom, & ſecond des enfants de François premier.
Charles Duc d'Orleans, & frere de Henry. Et
par ce moyen vous voyez ſi les Princes qui au-
iourd'huy ſont au ſiege Royal, ſe reclament de
Valois, puis que le nom Valeſien faillit lors que
Loys fils de Charles le Quint eut pour ſon ap-
pennage le Duché d'Orleans, les enfants duquel
portèrent le nom, non pas de Valois, car ils l'a-
uoient & deuoient prendre de leur appennage,
ains d'Orleáſ, comme ſortis de ceſte ſouche. l'ay

*Genealogie de la
maiſon
d'Orleáſ.*

*Princes de
France
n'ont le ſur
nom de
Valois.*

fait cette deduction tout a propos, a cause qu'on appelle noz Princes, Charles, Henry, François de Valois, sans regarder que Philippe de Valois venant à la Couronne perdit ce surnom, & que ses enfans porterent celuy de France, & ceux qui sortirent d'eux, se surnommerét de leurs appendages selon la coustume de France, mais voyons le reste des choses dignes a remarquer qui sont en ce monastere des Cēlestins. Vne des plus belles memoires qui ce voye, apres les susdits tombeaux du sang de France, est le sepulchre d'un Roy d'Armenie, lequel se nommoit Lyon, i'ay inseré son Epitaphe au premier liure, il estoit venu en France du temps de Charles le quint pour auoir secours contre les infidelles, & encores l'Epitaphe du Chancelier de Chipre, comme de plusieurs autres que i'ay recueillis que pourrez voir au fo. 129. Et il me suffit vous dire que regnant Charles 9. en l'an 1571. mourut le tresvaillant, & sage Seigneur Paul de termes mareschal de France, le corps duquel repose en l'Eglise des Cēlestins pres la porte du cœur, a main droite, ainsi qu'on y entre : la memoire duquel merite estre immortalisee, eu esgard au seruices qu'ils a faits a la couronne de France.

*Es antiquitez 1.
li. fo. 128.*

*Paul de
termes mareschal de
France.*

En la mesme chapelle des Ducs d'Orleans, est encore vn sepulchre vouté, tout de marbre blāc, doré avec l'effigie d'une ieune Princeesse, de pareille estoffe, au tour du tombeau est escrit.



Sepulture de Renee d'Orleans Comtesse
de Dunois.

Cy gist tres-excellente & noble Damoiselle, Renee d'Orleans en son viuant Comtesse de Dunois, de Tancarville, de Montgomery, dame de Monstreubellay de Chasteau regnant, fille unique delaissee de tres excellent & puissant Prince & Princesse, François en son viuant Duc de Longueville, Comte & seigneur desdictes comtez & seigneuries, Connestable heredital de Normandie, Lieutenant general & gouuerneur pour le Roy en ses pays de Guyenne: Et Madame Françoisse d'Alençon son épouse, pere & mere de ladite Damoiselle, laquelle trespassa en l'aage de sept ans a Paris, le vingt & troisieme iour de May, mil cinq cens quinze.

Peu au deffous du mesme costé du mur & cōtre iceluy, il y a vne figure representāt vn grand hōme fort & puissant, le tout elaboré, de marbre au dessus de laquelle est escrit ce qui ensuit.

D. O. M. S.

At viuenti certe Heroi : assidua virtute inuidian, mortuo vero continua sospi-

*tis virt. mem. mortem propemodum ipsam
superare, Altius hospes ac perennius decus
siet. Sed quid hoc istic inquis? utrumq; tibi
fortiss. Herois Philippi Chabotij, Galliar.
thalassiarchæ, testatum esse brevius forsam
quam fas fuerit voluerunt manes. Cum e-
nim ille patrem habens Chabotiana ma-
trem Luxemburgoea stirpe editam felicit,
natus educatus extul tusque felicius, fa-
cundia præditus in credib. Francisco in
Gallia. R. Augustiss. domino suo su-
pramodum dilectus: triplici torquator, e-
quit, torque a trib. insignitus regi. dux quo-
q; galliacor. C. grauior. armat. equit: utri-
que in franc. mari occiduo ac eoo præfectus:
in Burgundia cuius etiam pater dictus est,
ac in transalpina aliquandiu Gall. quam
regalib. copiis solus imperans regio pene to-
tam imper. addixit. pro rex: preliis fortit.
depugnatis, compositis magnanimit, fede-
rib. tot reb. deniq; terra mariq. domi ac for.
bene gestis claruerit: Huic potissima fuit tū*

gloria tumere diuina glor. celebritas, tātus
 ipsius, virtutisq; comitis de inuidia trium-
 phus, Vt sua instar anchoræ, vel more po-
 tius Herculeo contra fluctus fortunam si-
 steret ex liuore laudem ampliaret. Hoc
 viuus ille. Quod reliquum esse potest, pa-
 tris reliquis vt prestare. F. pientiss. Leono-
 rius Chabotius, magnus fran. Archippoco-
 mus hoc in delebile forsitam monument.
 P. S. A. tisne. satis superq; ais, bene ergo
 precatus abi: ac virtutem amplexans inui-
 diam disce atque etiam mortem posse de-
 Spicier vale.

Iodelius.

En la mesme Chapelle des Ducs d'Orleans, est
 enterré le cœur, du tres auguste & magnanime
 Roy Henry deuxiesme du nom, sur lequel il se
 voit vne Piramide de marbre & albastre haute
 esleuee, autour d'icelle trois figures de bronze,
 l'vne desquelles tient en main vne espee, aux
 pieds d'icelle est escrit ce qui ensuit.

*Adesta viator, non leue pretium moræ
 Hic grande paruo cor duplex iacet locæ*

Regis ducisq; regis Henrici ducis
 Memoranti annæ per gradus qui singulos
 Ad militaris ordinis fastigium
 Peruenit & res maximas sub maximis
 Domiforisq; regibus gessit tribus,
 Francisco, & Henrico ultimoq;, Corolo.
 Sed precipua quo, singularis & fides
 Inter ducemq; regem & Henricum foret
 Testata, corda iussit amborum simul.
 Rex ipse poni, pignus haud dubitabile,
 Quod iuncta eorum vita perpetuo fuit
 Hic iuncta quorum mors habet vitalia.

La seconde figure a l'entree d'icelle chapelle, est escrit au deffous de ses pieds ce qui ensuit.

D. O. M. S.

Siste parû & audi viator in Anna duce Mom-
 morancio tanta fuit rei militaris scientia, & in-
 tractandis & explicandis negotiis vigilantia, vt
 Paulatin tanquam per scalarum gradus virtutis
 ergo asensum sibi ad honoris altissimum gradum
 parauerit. Quem dum vixit tenuit honorificem-
 tissime cum Henrici II. regis potentiss. approba-
 tione maxima qui eam ipsam amplifs. Quam a
 rege Francisco pre cõsequutus erat Annas digni-
 tatem augere si potuisset, cogitabat, vt incompa-
 rabilem & pene laudum suum erga clar. virum
 amorem declararet eum & si plerioq; principes
 viri imminuere quibus poterant artificiis cona-
 rentur auferat tamen obrectatio amorem vt ni-
 hil penitus de iure publico aut priuato statueret
 quod annæ nõ probaretur vt iam vnum animum

in duobus corporibus facile cerneret quæ voluntatum & animorum summa coniunctio ut posteris monumento innoplerioq; tesceret memorabili voluit Henricus amborum corda in eadem iacere æde igitur consentientibus Carolo 1 x. & Catherina regina matre eius beatiss. Fœmina Magdalena coniux. & Frâciscus filius pîs. Mœrentes. P. P.

L'autre figure de bronze de mesme estoſſe que les deux autres, tient en main vne corne d'abondance: deſſous ſes pieds eſcrit ce qui enſuit.

*Cy deſſous giſt vn cœur plein de vaillance
Vn cœur d'honneur, qui tout ſçauoit:
Cœur de vertu qui mille cœurs auoit:
Cœur de trois Roys, & de toute la France,
Cy giſt ce cœur qui fut noſtre aſſurance,
Cœur qui le cœur de luſtice viuoit:
Cœur qui de force & de conſeil ſeruoit:
Cœur qui le Ciel honnora des enfance,
Cœur non iamais ny trop haut ny remis,
Le cœur des ſiens, l'effroy des ennemis:
Cœur qui fut cœur du Roy Henry ſon maiſtre:
Roy qui voulut qu'un ſepulchre commun
Les enfermaſt apres leur mort pour eſtre
Comme en viuant deux meſmes cœurs en un.*

Plus haut allant a l'autel, ou on celebre la ſainte Meſſe, eſcrit ce qui enſuit.

*Elegiacum Carmen de pio Regis Henrici huius
nomis ſecundi corde.*

Pyramidos huius si quis misteria gliscit
 Nosse, sub, ista suo cor pede regis habet,
 Virgineos habet hac triplici sub ymaginem vultus,
 Ac charites ternas signat, spem rite secunda,
 Prima fidem propria signat, spem rite secunda,
 Tertia dilectam denotat esse charim.
 Quas rex Henricus miro possedit amore,
 Has veluti sponsas totus habebat amans
 Firma fides regis, spes certa, charisq; perhennis
 Nullis temporibus deseruere virum
 Hinc fit, ut admixtas cernantur iungere dextras,
 Quod nusquam fuerit, rex pius absq; tribus
 Iure manus igitur coniunctas semper habentes,
 Absq; tribus scandit nullus ad astra, docent.
 Carminis estius lectorem quemq; monebo,
 Hoc regina suum cor cupit esse loco.
 Dum vite lachesis presentes finiet annos,
 Et fuerit proprium morte secuta virum.
 Ut quorum fuerit cor unum, atq; una voluntas,
 Dum simul amborum mutua vita foret,
 Corporibusq; suis unum viuendo cubile
 Ut fuit & viuis spiritus unus erat,
 Sic quoq; mors prosperans minima diuisit utrosq;
 Ut fuit illorum sic erit unus amor.
 Istius ergo rei sit pyramis optiam testis,
 Quae simul amborum, corda ligata tenet.

Distichon.

Hic sua rex regina simul statuere reponi
 Corda, locus veri pignus amoris erit.

Sur le Cœur du feu Roy treschrestien,
Henry II.

Par le Sei-
gneur P.
de Rôfard.

PAR une Royne où sont toutes les graces
Trois graces sont mises dessus ce cueur,
Cœur d'un grand Prince, invincible vain-
queur,

Qui fut l'honneur des Vertus & des Graces.

Toy qui les faits de ce Henry embrasses,
Ne t'esbahis, admirant sa grandeur,
Qu'un peu d'espace en si peu de rondeur
Enferme un cœur qui conquist tant de places.

Pour un grand cœur falloit grand place aussi:
Mais l'ombre en est tant seulement ici:
Car de ce Roy l'espouse Catherine.

En lieu de marbre Attique ou Parien,
Prenant ce cœur le mit en sa poitrine,
Et pour tombeau le garde auprès du sien.

La France parle à l'ombre de son Roy Henry.

PRENS doncques de bon cueur mes souspirs
& mes larmes,
Pren ces larmes mon Roy, pren ces larmes es-
praintes

De mes yeux se fondans sur ton sort inhumain:
Si le marbre te presse, ou le faix de l'airain,
Je les veux amollir en charge plus legere,
Si le trop l'armoyer ne seiche ma paupiere.

En la mesme Chapelle est enterré Timoleon.

de Brissac, duquel il y a vn tableau, ou se voit des Carmes Latins en forme d'Epitaphe, seulement i'ay recueilly, les François qui disent ainsi.

E P I T A P H E.

Sous ce tombeau, gist ce preux Cheualier
 Timoleon cest heureux Capitaine
 Dit de Brissac, ce ferme bouclier
 Et protecteur de l'Eglise Romaine,
 Duquel l'ardeur & constance hautaine,
 Le cueur vaillant & le noble courage
 En sa tendreur s'est monstté martial,
 Lors qu'il poursuit l'ennemy plein de rage,
 Et pour son Roy pour le sceptre Royal,
 Pour son pays, pour la foy Catholique,
 S'est hazardé, tant que d'un coup fatal
 Est mort tiré par un lasche heretique.

L'ombre.

Suis- ie mort, ouy, non ie suis vif encore
 Puis que mon nom court & bruit en tous lieux
 Le Roy mon corps pres ces Princes decore
 Dieu mon esprit à rendu glorieux.

La palme & l'oliuier, ta tant noble Denise
 O Brissac second Mars, est signal glorieux
 De victoire aux combats, & de paix a l'Eglise
 De ton tranquille esprit tousiours victorieux.

F. P. C. Caelestinus.

1569.

*Adver-
sissement
au lecteur.*

Il ne m'est possible de reciter toutes les perfectiones, richesses & magnificence qui est en ceste Eglise & monastere specialement de la chapelle des Ducs d'Orleans, car il n'est point de sepultures mieux gardees & conseruees & ou plus facilement on puisse remarquer tout ce qui y a esté faict pour la perfection d'iceux, & semble qu'ils soiēt faictes de nouveau: car si voulez faire comparaison de ceux qui sont a S. Denys en France, vous trouuerez qu'auant qu'ils soient parfaictes & acheuees ils sont rompues ou dommees: mais ces bons religieux sont si affectionnez de garder le depost des Roys & Princes, qu'ils en font plus de garde que de leur habit: Et i'ay trouué fort estrange qu'a Saint Denys il sont si peu soigneux, qu'en tout temps on monte sur les sepultures du cœur rompāt & brisant, tout ainsi que si on n'en deuoit faire conte, cela doit estre autrement respecté, en esgard tant à l'antiquité qu'aux Princes illustres qui y sont inhumez & pour le merite & memoire d'iceux. Dieu aidant i'espere représenter, les pyramides & autres figures qui sont en ceste Chapelle d'Orleans, & cela seul quasi gardé de mettre mon liure en lumiere, voyant manquer vn si beau dessein, mais la faute des ouuriers en est la cause.

Dans le cœur de ladite Eglise, pres & au dessus de la porte, pour sortir au cloistre du monastere, est graué en table de marbre ce qui ensuit.

Fabio. mirto. Frangipanio Neopoli-

tano. Archiepisc. Nazareno antiqua. virtutis & sapietiae viro. Qui. Bis. Ciuitatem, bononiam bis. Umbriam. Picenum. prouincias bonis. Legibus. Rexit.

Qui dudum. A. pio. V. Dein. A. Gregorio. xiiij. ad Carolum IX. nuper. A. Sixto. V. ad Henricum. III. bellor. ciuiliū. componendor & religionis. Catholica. toto. regno retinēda. causa. legatus. Demum heic. Lutetiae. Paris. in. sexta. sua legatione. an. æt. lxxiiij. vitam. exercitã ac laboriosam. placida. tandem. & quieta. in Christo. pace. mutauit.

Gasparus. Renius. sororis. F.

Bene morienti. bene. merenti.

Bene Mærens. P.

VI. kal. Apr. M. D. LXXXVII.

Ce qui ensuit a esté mis au premier liure , mais les dattes sont fauces , à ceste occasion l'ay remis en ce liure. Est en la nef d'icelle graué dans le gros mur du bastiment pres vne chappelle , du costé de main droite.

Millibus hec denis tus fossis diua capella

De populi donis vltro patrata fuit. 1283.

ANTIQUITEZ

En deux lignes plus bas.

Pontificis digni Ludouici Parisiensis

Fabrica quam cernis ore dicata nitet 1282.

En quel temps a commencé l'ordre des Iacobins, dits freres prescheurs, & de la fondation de leur Eglise, qu'aussi des sepultures des nobles enterrez en icelle.

CHAP. 8.

L'ORDRE des freres prescheurs, fut institué par monsieur S. Dominique, suivant la liécce Apostolique, l'an 1216: Et le premier Conuent de celuy ordre fut commencé en la grand rue S. Iaques a Paris, & de ce lieu, ont pris le surnom Iacobites, ou Iacobins: Peu de réps apres partie desdits freres, avec vn Prieur nommé Guillaume, allerent en la ville de Poitiers, pour y dresser vn autre conuent dudit ordre, ce qui aduint apres la deffaite des Heretiques Albigeois, qui fut en l'an mil deux cens treze: Et comme nous auons dit le premier Conuent fut establi & fondé a Paris deux ans apres: Frere Noel Tallepied religieux de l'ordre S. François, a escript que lesdits religieux ont commencé leur ordre l'an 1200. qui est plus tost, i'estime & m'asseure plus, en ce qu'il en a escript qu'aux autres Histoires, d'autant qu'il est homme docte & digne chercheur des Antiquitez: au premier liure fo. 80. voyez le reste des fondateurs d'icelle, aussi les Epitaphes des nobles enterrez en ce monastere.



Philippe de Valois dit le vray Catholique, ceste sepulture se voit au monastere des Iacobins.

Au monastere des Iacobins il se voit vne sepulture de marbre noir & l'effigie d'Albastre, ou furent mis les entrailles de Philippe de Valois, surnommé par les prelatz de France, le vray Catholique en ce lieu est escrit ce qui ensuit.

Les entrailles du Roy Philippe le vray Catholique, qui regna vingt & deux ans, & trespassa le vingt & huictiesme iour d'Aoust, l'an mil trois cens cinquante.

La susdite sepulture de laquelle voyez la figure, a esté faicte à la diligence de la Roync Blâche son espouse, son portraict est different à celuy qui se void au monastere Sainct Denys en France: d'autât que cestuy represente son ieune aage, l'autre de Sainct Denys, represente l'aage plus ancien auquel il est mort.

Sepulture



*Sepulture du grand Roy Charles qui conquist
Cicile, frere du Roy Saint Loys.*

ANTIQUITEZ
Du Roy Charles qui conquist Sicile.

CHARLES de France , premier de ce
ce nom, Roy de Naples, de Sicile, Con
te d'Anjou, de Lapouille, Calabre, Cõ-
te de Prouence , & du Maine : qui fut aussi crée
Seneateur de Rome par le Pape Urbain, l'an 1264.
Fils du Roy Loys 8. & Blanche de Castille, frere
germain du Roy S. Loys : & qui fit mourir en ba-
taille Mainfroy fils bastard de l'Empereur Fede-
ric 2. print aussi en bataille le Roy de Thunis , a
l'heure du decès du Roy S. Loys, & aussi du regne
duquel aduindrent les vespres de Sicile : fut allié
par mariage à Beatrix , quatriesme fille de Ray-
mond Conte de Prouence, & Beatrix de Sauoye
sa femme, fille du Conte Thomas, sœur de Mar-
guerite Royne de France, femme de Saint Loys.
Le susdit Roy Charles fut homme de louable &
saincte vie, grand iusticier , craignant & aymant
Dieu , & non degenerant des mœurs & condi-
tions de son vertueux frere monseigneur S. Loys
de France : mourut l'an 1284. le 6. iour de Ianuier
à Foggia ville Neapolitaine : son cœur fut appor-
té en France au monastere des Iacobins à Paris,
ou sur son tombeau est escript ce qui ensuit.

*Le cœur du grand Roy Charles qui con-
quist Sicile, qui fut frere de Saint Loys de
France, & luy fit faire cette tõe la Roy-
ne Clemence sa mere, il fut enterré l'an mil
trois cens vingt six.*



*La sepulture de Charles de France Comte de
Valois, & d'Alençon.*



Charles de France Comte de Valois & D'Alençon,
est ainsi représenté sur vne Colomne de pierre.

A Costé du cœur, hors d'iceluy vers Septentrion, est la sepulture, que l'on dit estre de Charles de Frâce, Comte de Valois, & d'Alençon, & à cause de sa premiere fême, Comte d'Anjou: fils du Roy Philippe 3. frere du Roy Philippe le Bel, & pere du Roy Philippe de Valois, & celuy qui en extreme affliction de maladie, fit consciéce de la mort d'Engerrant de marigny & demanda le corps au Roy, & en grád pōpe le fit enterrer: fut allié par mariage en trois maisons, assauoir en son premier mariage, il espousa la fille de Charles 2. du nom Roy de Naples: au secōd Catherine, fille de Philippe fils de Baldoïn Empereur de Grece, l'autre femme fut Mathilde, ou Maheult, il deceda à Patay pres Chartres l'an 1325. sō corps fut enterré au monastere des freres prescheurs & son cœur à l'Eglise des Cordeliers de Paris. Cete premiere figure est sur sa sepulture represente quel il estoit en sa ieunesse: L'autre suiuate est sur vn pillier ou colonne de pierre en ladite Eglise, laquelle demonstre vn braue & bel-liqueux guerrier, & est toute differente de la premiere.

En ceste Eglise il y a plusieurs autres sepultures de nobles personnes, Princes & Princesses desquels i'ay fait retirer les desseins, mais il ne ma esté possible les faire veoir comme les autres, attendu la grand despence & la longueur des ouuriers: cela sera differé a vne autrefois attendant meilleure opportunité.

De l'ordre des Religieux de la Trinité, maintenant appelée Mathurins, Des freres mineurs dictz Cordeliers, de leurs Eglises, & de plusieurs choses dignes d'estre veues omises au premier liure des antiquitez.

CHAP. 9.

L'ORDRE des religieux de la Trinité, fut commencé par deux deuotes personnes Iean Mante & Fælix hermite l'an 1197. Et fut approuuee ladite religion par le Pape Innocent 3. du nom, dont leur premier conuent fut à Cerfroit pres Meaux. Le Roy S. Loys fit faire la maison, Conuent & Eglise des Mathurins de Paris, ainsi nommez pource que l'Eglise est fondee de Sainct Mathurin.

Epitaphe au Cloistre des Mathurins.

C V I A C I,

*Balduinus hic iacet: hoc tecum reputa
& vale: mortuis vobis iuris-prudentiam
corripiet grauis sopere.*

Franciscus Balduinus iuris-consultus obiit anno etatis liij. ix. Cal. Nouemb. A partu virginis, M. D. LXXIII.

*Papirius Massonus iurifconsultus
Balduini auditor tumultum posuit.*

L'ordre des freres mineurs dits Cordeliers, fut institué par Sainct François Italien natif de Assise, l'an 1206. maintenant ledit ordre est departy en trois congregations: les freres de la premiere congregation s'appellent cōuentuels, ayant rentes & possessions, ils auoient iadis plusieurs conuens en France, mais à la poursuite du Reuerendissime Cardinal George d'Amboyse legat en France, ils furent tous reformez & redigez en la seconde congregation, qu'on appelle de l'obseruance. Les freres qui ne voulurent se reformer furent chassez & autres freres de l'obseruāce mis en leurs lieux.

*De l'ordre
des freres
mineurs
dits corde-
liers.*

La 3. congregation est des Capucins qui ont commencé leur institution enuiron l'an 1530. Et pour sçauoir parfaictement comment c'est ordre a esté ainsi diuisé en 3. congregatiōs, il faut noter que du temps de Sainct François, la religion des freres mineurs dōt il estoit instituteur, creut en si grand nōbre, que par l'espace de vingt ans, qu'il vesquit, (ayant ietté les fondemens de ladite religion) deuant sa mort furent nombrez 44. mil religieux issus de luy, tellement qu'il ny auoit prouince au Christianisme, ou il ny eut quelques conuents mesmement en Angleterre, & aux quartiers des infidelles. Or comme ainsi soit que par succession de temps les choses vont en decadence, & declinant les Religieux de la

*Des reli-
gieux nom-
mez Capu-
cins.*

premiere perfectiō des fondateurs plusieurs freres n'ayant leur estat en recōmendation, ou bien voulant exicaizer sur la teneur de la reigle touchant l'article de pauureté, prindrent rentes & fondations pour viure assez opulently, sans qu'ils eussent besoin d'aller mendier d'huys en huys. Quelques autres religieux dudit ordre zelateurs de leur estat ne voulans recevoir telles fondations, sachans qu'ils repugnoient a leur vœu, si maintindrent tousiours en leur simplicité. Mais pource que lesdits freres obseruateurs enduroient beaucoup d'opprobres par les conuentuels qui les appelloient scrupuleux & homicides de soy, delibererent s'en plaindre à la cour Romaine. Adonc les religieux des conuents de Saint Omer de Seez, d'Amboise, de Mirebeau & autres firent remonstrance aux peres du Concile de Constance, des reproches qu'ils enduroient iournellement, & comme les conuentuels n'estoient pas vrayz obseruateurs de la reigle, comme ainsi soit que posseder rentes & possessions soit contre la pureté de ladite reigle, & plusieurs autres allegations qu'ils mirent en auât que i'ay leuës en vn liure dit, *Firmamentum trium ordinum*, & vn autre dit, *speculum minorum*, autre traité appellé *minorica*, ou sont les articles proposez au Concile de Constance & de Basle. Ces Saincts Conciles par meure deliberatiō ordonnerent que lesdits freres proposans, vrayz obseruateurs de la reigle, seroient separez d'avec les autres possedans & auroient des generaux & prouinciaux ministres a part. Des lors on appel-

la les freres de l'obseruance reguliere. Ceste congregation de l'obseruance est esparse par tout le monde aux regions, d'Espaigne, France, Allemagne, Portugal, Poloigne, d'Italie, aux Indes & terres nouvelles, Hybernies: en la terre sainte mesmement y a deux conuents, iacoit que les Turcs la possèdent, ne leur nuysent en aucune chose, ains pour la sainte vie qu'ils voyent esdits freres, leur monstrent bon visage.

Quand est des Capucins, ie n'en ay point trouué le commencement ains seulement ay ouy dire au gardien du Conuent des Capucins de Paris qu'un religieux frere mineur deuot, requis le S. Pere qu'il luy voulsist permettre de porter l'habit à la forme que Saint François le portoit en sa vie. Ce qu'il permist volontiers. Adonc ce retira ledit religieux à Florence sous la protection du Duc qui luy bailla un petit hermitage pour prier Dieu, ou plusieurs qui desiroient laisser le monde & viure solitairement, l'ensuyuirent, en viuant sous la reigle de Saint François.

Des religieux des Capucins.

Au chapitre des Cordeliers, dedans le mur est vne table de marbre noir, a lettres d'or graues,

*Epitaphium domi. Nicolai de Lira.
Loquitur defunctus.*

*Ne memè ignores properans dum plurima lustras,
Qui sum ex his nosces quæ pede bûsta teris.
Lira brevis vicus Normana in gente celebris
Prima mihi vitæ ianua, fors que fuit*

ANTIQUITEZ

Nulla diu mundi tenuit uesania natum
 Protinus euasi religione minor.
 Vernolium admisit currentem ad sacra tyronem,
 Et Christi docuit me domitare iugo.
 Ut tamen ad mores legis doctrina beata
 Addita planaret simplicitatis iter,
 Artibus ipse piis & Christi dogmate fretus
 Parisii excepi sacra magistris.
 Et mox quaque vetus & quaque recentior affert
 Pagina Christicolis splendidiora dedi.
 Litera nempe nimis que quondam obscura iacebat
 Omnes per partes clara labore meo est.
 Et quos sæpe locos occidens litera tiridit,
 Hos typice humanis artibus exhibui.
 Extat in habreos firmissima condita turris
 (Nostrum opus) haud ullis comminuenda petris.
 Insuper & nostri releguntur sæpe libelli,
 Quos in sensa Petri quatuor antè tuli.
 Est quoque quolibetis non verita gloria nostris
 In quo tu iustus arbiter esse potes.
 Non tulit hac ultra vitam proferre merendo
 Omnipotens dominus, quo sumus & morimur.
 A cruce tu cuius numeres si mille trecentes
 Adiungens vnâ quatuor & decadas
 Illo merapuit mors omnibus æmula ciclo,
 Cum micat Octobris terna vigena dies.
 Nam quo tendis nicolai illectus amore
 Quo doctore tibi lex reserata patet.

En vne chapelle est graué sur vne lame de cui-
 ure attachee cõtre le mur, au dessus du tombeau
 esleué, ou est representé deux effigies l'vne d'un

President à genoux, l'autre de la femme dudit
sieur, est escript ce qui ensuit.

*Egidi le maistre primi in supremo senatu presidis
aquitus religiosissimi ac publici amantiissimi.*

E P I T A P H V M.

*Praeses eram, preces morior post funera praeses
Permaneo: recti fama perire nequit
Ante loco pelli, vitaeque pericla subire,
Quam sacra mutari patria Fustini.
Nil regem offendi, nil legem, nil quoque mentem
Vsq; pius, constans, integer en morior,
Vive meo exemplo quisquis succedis honoris
Mortuus ac vivus tam bene clarus eris.*

Au fonds d'icelle Chapelle deuant l'autel ou
l'on chante la sainte Messe, est graué en marbre,
escript en lettres d'or ce qui ensuit.

D. A E. O. M.
E T.

POST. MEMO.

IOAN. LE MAISTRE SANCHEVERI
DOM. MAGNI ILLIVS EGIDI IN SV-
PREMO GALLIAR SEN. QVOND. PRI-
MARI. PRAESIDIS F. QVI INTER PA-
TRITIOS REGI. CONCILIARI MVNE-
RE PATRIS EXEMPLO IVRIS ET AEO.
AMANTISS. MAGNA CVM DIGNI-
TATE ANNOS XXV. PERFVNCTVS
TANDEM PATRIAE ORD. Q. SVOSVIS-

ANTIQUITEZ

QUE OMNIBVS CHARISSIMVS HINC
AD SVPEROS MIGRAVIT AN. CHRI.
CIO. IO. XXCVI. PRIDIÆ CAL. NO-
VEMB. EI IVSTIS PERSOLVTIS NEC
CESSANTE CONSANGVINEOR COGN.
AGN. Q. LVCTV. SOLATI. ERGO ROSA
DE LESPINE VX. MOXE. L. H. P. CAN.
POST. SEQ. CAL. IVLI. VIXIT ANN.
LIX. MENS IX. DIES XI.

Pres la Chapelle de monsieur le President le
maistre, j'ay extrait ce qui ensuit, est escrit en let-
tres d'or, graué en table de marbre noir.

D. O. M.

ET POSTERORVM MEMORIÆ.

*Gabriela sapin chastissima & nobilif-
sima fœmina Dionisij de Ryantz equitis
Baronis de Triel Dom. Auilleray in supre-
mo senatu quondam præsidiidis Equissimi
vidua. Quæ marito superstes annos nata
xxxiiij. Reliquum vitæ viduo lecto non di-
cessit. migrauit vita an. (1).1).lxxxviij.
Die xxv. mensis septemb. etatis suæ lxviij.
Huius in iustis ægidius de Ryantz Eques
Dom. A. Villeray privati consili. regis con-*

siliarius & in maiore consilio præses. Claudia de Ryantz vidua Antonij de fumees equitis dom. des Roches priuati consili. regis cōsiliari. Maria de Ryantz vidua magni & illustrissimi Ioanni de Blosset equitis torquati vtriusque ordinis Regi. & arctioris consili. consiliari. dom. de Torcy præfecti turmae centum armatorum & propretori insulæ Franciæ, Rauan de morel eques torquatus dom. d' Aubigny, suo nomine & liberorum ex Charissima uxore Gabriela de Ryantz suceptorum filii. mœrentes. H. M. P. P. P. P.

De l'ordre des Religieuses sainte Clere.

L'ordre des pauvres religieuses de sainte Claire fut institué par ledit Saint François, qui leur bailla vne reigle, & sont appellees icelles religieuses, sœurs colleres, ou de la premiere reigle, car il y a encores de deux autres sortes de mesme religion, qui ont vne autre reigle, les vnes sont nommees Vrbainistes les autres Hospitalieres. Ledit pere Saint François institua encore vne autre ordre des penitens, comprenant hōmes & femmes mariez ausquels il bailla vne reigle ainsi qu'aux autres.

*Ordre de
Sainte
Claire in-
stitué par
S. François
& des pe-
nitens.*

Sur la porte du College des trois Euesques,
est escript.

College des
trois Eues-
ques.

*Guilelmus de auxona Episcopus Eduēsis
prius camerarensis.*

*Hugo de pomexiu diecesis Eduensis
Episcopus Lingonensis.*

*Hugo de arciaco diecesis antisiodorensis
Episcopus Remensis.*

Autum, Langre, Auxerre.

College S.
Michel.

L'an 1269. fut fondé a Paris le College des
Thesauriers, par Guillaume de Saana Thresorier
de l'Eglise de Rouan ; ce College est en la Rue
Saint Michel.

*Du monastere des freres Augustins, & des Epitaphes,
qui sont en ladite Eglise, & autres singularitez en
icelle.*

CHAP. IO.



En nostre premier liure nous auons
assez au long deduit, de la fondation
des freres hermites de saint Augustin,
fondez par le Roy saint Loys, comme aussi des
Nobles enterrez en icelle Eglise, & depuis i'ay
encores recueilly les Epitapes qui ensuiuent, qui
merittent n'estre laissez, aussi ay remis icy celle
du Poëte Belleau, pour reparer le de faut du pre-
mier liure.

*Ne taillez mains industrieuses
Des pierres pour couvrir Belleau
Luy mesme a basti son tombeau,
Dedans ses pierres precieuses.*

REMIGII BELLAQVEI.

POETÆ LAVREATI, QVI CVM PIE-
TATE ET CVM FIDE VNDE QVINQVA-
GENARIAM PVLCHERRIME OMNI-
BVSQVE GRATISSIMVS VIXIT ÆTA-
TEM, EXTINGTOS CINERES DIVÆ
CÆCILIAE PIIS SODALIBVS SOLICI-
TANDOS SVPREMI VOTI OBSERVA-
TISSIMI CVRATORES PR. NON MART.
CIO. IO. LXXVII.

MESTISSIMO FVNERE HOC IN TV-
MVLO DEPOSVERVNT.

Distichon numerale.

POSTERA LVX SEXTÆ EST MARTI,
TIBI BELLAQVA, VATES,

QVA FACIVNT SOCIO LVCTIBVS
EXEQVIAS.

EPITAPHE.

O Qu'un grand reliquaire est clos en peu de place:
Passant, prens y bien garde. En ce lieu si serré
Avec un seul BELLEAU tu peux voir enterré

ANTIQUITEZ

*Phébus, Amour, Mercure, & la plus chere Grace.
 J'auois creu iusqu'ici que la celeste race
 S'exemptoit du passage aux mortels préparé:
 Mais sa fin m'a rendu le contraire aueré,
 Voyant mourir en luy tout le Chœur de Parnasse.
 Iamais plus rare esprit d'un corps ne fut vestu,
 Ce n'estoit que douceur, que sçauoir, que vertu,
 Dont mainte grand' lumiere en terre estoit rendue.
 Maintenant d'un cercueil tous ces biens sont enclos:
 Non, ie faux: le Tombeau n'en serre que les os,
 Et par tout l'Vniuers sa gloire est espandue.*

P. H. DES PORTES.

EPITAPHE.

*CY deffous est gisant DE BELLE AV le Poëte
 Cogne par tout le monde. Or entens, viateur,
 La cause trop subite & le nouveau malheur
 Qu'en son sein luy gardoit vne mort indiscrete.
 Desia la nuict couuoit sous vn obscur silence
 Le doucereux repos de ce grand vniuers,
 Et ce pendant le miel de ses plus doctes vers
 Distilloit de sa bouche anec vne accordance:
 Ce pendant attentif, ainsi que de coustume,
 Du deuis des neuf sœurs heureux il ioüissoit,
 Et du peuple Appollon, que tant il caressoit,
 Pour en auoir receu le stile de sa plume:
 Il se sentit rai d'une fureur sacree,
 Attiré saintement de leur diuins efforts,
 Qui luy feirent laisser le vague de son corps
 Pour voler au saint lieu de l'immortelle Astree:
 Ou son ame affranchie & libre du seruage*

De son

De son hôte, sentit ses ailes esbranler
 Entre les deites qu'ell' contemploit en l'air,
 Oubliant le chemin de son premier voyage:
 Là contemploit errante en la belle campagne
 Tous les diuers pays que lors ell' pouuoit voir,
 Appeloit DE BELLE AV afin de l'esmouoir:
 Mais le Poëte sourd n'entendit sa compagne.
 Et ainsi, viateur, ceste ame bien heureuse
 Demoura dans le Ciel, & seulement les os
 Sous ce marbre engourdi demeurent en repos,
 Attendans le retour de l'ame desireuse.

In Remigij Bellaquei tumulum.

Qui modò cyncorum repetebas orsa duorum,
 Castalia puro fonte rigatus aqua.
 Threiciꝝ modulans ad Strymona carmen oloris,
 Dum pretium gemmis per sua plectra facit,
 Dein & Idumæi resonans pia cantica cycni,
 Atque dei atque animæ basia sancta piæ.
 Nunc & olorina venisti ad funera sorte,
 Dum cantas moriens, dum morerisque canens.
 Io. Auratus Poëta Regius.

Passant ce marbre cy, qui enferme les os
 De BELLE AV nourriçon des muses de la Frâce,
 Ne te peut faire voir rien beau en apparence
 Pourquoi ayes enuie au lieu de son repos.
 Plus tost la pitié doit animer tes sanglots,
 Et ioindre à nostre dueil tes pleurs en abondance:
 Donc ensemble pleurons l'injuste violence,

ANTI QVITEZ

*Qui nous raut ce bien, de l'auare Atropos.
Rien que perte & regret ceste tumbé n'enferme,
Des que le pauvre corps fut mis sous ceste pierre,
Mais son diuin Esprit ce lieu ne comprend pas:
Ne le cherche au pourpris de la mortelle Lune,
Le Ciel l'a retiré du pouuoir de fortune,
Son nom sans plus demeure, & ses vers icy bas.*

En ladite nef de l'Eglise des Augustins, est vne table de cuiure attaché au mur avec ceste inscription.

POSTERITATI.

*Baptistæ Sapino nobili familia orto,
senatori ornatissimo, viro integerrimo, omni
Doctrinarum genere prædito, ciui optimo: Qui cum obeundi muneris ergo Turo-
nos iter faceret, à publicis hostibus positus
latronum more insidiis, in Carnotensi a-
gro interceptus, aurelias (impiorum & fa-
ctionum arcem) abductus, perduellium
exercitio traditus, ac dies aliquot misère
adseruatus, demum quòd antiquæ & Ca-
tholicæ religionis assertor fuisset, turpissi-
mæ neci est addictus: Patres hoc tanto sce-
lere commoti, vniuersi in purpura cœuntes*

*hanc in infantis collega corpore acceptam
iniuriem, toti. Ampliſſimo ordini irroga-
tam & communem cenſuerum, & tan-
quam honeſtam & glorioſam pro Chriſti
nomine & Chriſtiana Rexus: mortem per-
peſſo, ſupremis & ipſi in eum officiis fun-
gentes, ſolennem luctum fieri, publicū pa-
rentale peragi, aram propitiatoriam ex-
trui, ac reliquos omnes Senatorios, honores
mortuo deferri, ex voto publico decrene-
runt.*

*An Reſtit. Salut. 1562. id no.
Requieſcat in pace.*

En cœur deuant le grand autel.

Cy giſt Engelbert mōſieur fils quatrieſme de
haut & excellent Prince monſieur Engelbert de
cleues Conte de Neuers, d'Eu, de Rethel, &
d'auxerre fils & frere de Duc & couſin germain
du treschreſtien Roy Loys douzieſme de ce nō.
Qui trespasſa a Paris, en l'hoſtel dudit Conte nō-
mél'hoſtel d'Eu le xvj. iour de Feurier l'an mil
cccc.iiijxx & xviiij.

ANTIQUITEZ

Ere sub hoc nitido iacet engelbertulus infans,
 Nomen habens patris, carola mater erat,
 Alter ab illustri clinensi stirpe creatus,
 Altera nobilium vindocinense decus.
 Ille Ludouico bisseño sanguine inuinctus,
 Hæc etiã Francis Regibus orta fuit.
 At puerum fouere dies quonabula centum,
 Quando adiit superos vita tenella suos.

Au dessous du tableau, representant le Roy,
 qui baille l'ordre du saint Esprit, est escript.

Fortissimis & prudentiss. utriusque
 militiæ Equitib. prisca nobilitatis bello &
 pace optime de rep. meritis Henricus III.
 Gal. & Pol. Rex Aug. diuini Spiritus
 apud Christianos symbolum pro equestri
 stemmate esse voluit iussit, decreuit, plau-
 dente, acclamante, venerante populo, &
 vota pro salute Principis nuncupante ob
 singularem ipsius pietatem.

Lutetiæ Parisiorum
 kal. Ian. An.

(1). 17. LXXVIII.

*De l'Eglise Saint André des arts, fondée
à Paris.*

CHAP. II.



LE sieur de Thou, est inhumé en l'Eglise Saint André des arts, son Tombeau & effigie est fort magnifique & bien elaboré, le tout de marbre & Porfire, mais pour ce que au premier liure fo. 164. auons amplement descript ce qui se voit, ie nay voulu que reciter son Epitaphe pour accompagner son portraict, ou effigie, reparant aussi quelque faute qui a passé.

Epitaphe de feu Messire Christofle de Thou, en son viuant Cheualier, Conseiller du Roy nostre sire en son Conseil priué & d'estat & premier President en la Cour de Parlement.



Illustrifs. & amplifs. V. Christoph. de Thou Equitis Pa-
ris. Senat. principis serenifs. D. Brab. Andium.
C. Fland. Cancellarij effigies.

D. O. M.

CHRISTOPHORO THVANO AVGVST.
 F. IAC. N. EQVITI, QVI OMNIB. TO-
 GÆ MVNERIB. SVMMA CVM ERVDI-
 TIONIS, INTEGRITATIS, PRVDENTIÆ
 LAVDE PERFVNCTVS, AMPLISSIMOSQVE
 HONORES SVB FRANC. I. HEN. II.
 KAR. IX. HEN. III. CHRISTIANISS.
 REGIB. CONSECVTVS, SENATVS PA-
 RIS. PRÆSES DEIN PRINCEPS, SACRI
 CONSISTORII CONSILIARIVS, MOX
 HEN. TVNC AVREL. AC DEMVM FRAN.
 ANDEG. D. CANCELLARIVS, TAN-
 DEM CVM DE IVDICIARIO ORDINE E-
 MENDANDO QVÆSTVRA REGNO FRAV-
 DIB. AC. RAPINIS VINDICANDO, ET
 SCOLAR. DISCIPLINA RESTITVLEN-
 DA COGITARET, NVLLA INCLINATÆ
 ÆTATIS INCOMMODA ANTEA EXPER-
 TVS EX IMPROVISA FEBRI, DECES-
 SIT. VXOR LIBERIQ. MAER. P.

VIX. A. LXXIV. D. V. OBIIT ANNO
 SAL. CIO. IO. XXCII. CAL. NOV.

D. O. M.

*Christoph. Thuano equiti augustini præ-
 sid. Paris. F. Iacobi conciliarii regii N. Se-
 natus paris. principi. V. incomparabili, qui
 per omneis vitæ gradus summa cum eru-
 ditionis integritatis prudentiæ laude ver-
 satus, sacri iuris publici ac privati sciens, ri-
 tuum priscorum & imperii arcanorum pe-
 ritissimus, orator facundus, poeta elegans,
 historiarum sui temporis, quarum schedas
 inter scrinia reliquit, incorruptus scriptor,
 summæ citra fastum gravitatis, ad prome-
 rendum de omnib. natus, utilitatis publi-
 cæ studiosus, domesticæ negligens, Eodem
 vitæ tenore semper usus, non latis reb. ela-
 tus non sequiorib. consternatus, sed in ad-
 uersis negocia pro solatiis accipiens, prima-
 tib. regni æque ac infimæ plebi acceptus, po-
 tentium gratiam cum inferiorum commo-
 dis æquabili librans temperamento, aua-
 ritie ac rapacitatis acerrimus hostis, ab*

ambitione alienus, honores veros, quia falsos adfectare contempserat, virtute & meritis sub Francis. I. Henric. II. Francisc. II. Carolo IX. Henric. III. Christianiss. P. P. adeptus, paris senatus præses, deinde turbulentiss. galliæ temporib. quasi omnium ordinum consensu ad ampliss. dignitatis fastigiũ euectus, mox que virtutis ergo potentiss. P. Henrici aurelian. D. ac postea Francisc. sereniss. Brabant. andium D. cancellarius, tandem cum de iudiciario ordine emendãdo, de quæstura regni a Fraudib. & rapinis vindicanda, disciplina collegiorum restituenda cogitaret, nulla inclinantis ætatis incommoda hætenus expertus, Febri inopina, quam in munere assiduus frangere nequicquam tẽtauerat, correptus, integris animi & corporis virib. optime meritam de repub. animã deo, cui omnia accepta referebat, solemni omnium sanctorum die reddidit, Jac. Tulea indiuidua vitæ comes marito dulciss. renatus N.

ANTIQUITEZ

*Auo Christopho. melodun. præfectus, Iac.
Augustus cõsiliar. regius F. F. patri. Phipp.
Huraltus Franciæ procancellarius. achill.
Harleus senatus Paris. princeps generi so-
cero marentes P. P.*

*Vixit annos lxxiiij. Mens iiij. Dies vij.
obiit anno Sal. CI). I). LXXXII. kal.
Nouemb.*

*Ei qui bene precaberis bene tibi eueniat
& viuo & mortuo.*

Pres d'iceluy tombeau est semblablement
graué en marbre, escrit en lettres d'or ce
qui ensuit.

POSTERITATI.

ANNÆ THVANÆ FEMINÆ CLARIS-
SIMÆ ATQVE LECTISSIMÆ COR ET
VISCERA HEIC IUXTA TVMVLVM
CHRISTOP. THVANI PATRIS, CVIVS
ILLA VIVI VIVA COR EVIT, PHIL.
HVRAITVS FRANCIAE CANCELLA-
RIVS, HOC QVOD POSTREMO OFFI-
CIO PIIS OPTIMI SOCERI MANIB.
PARENTANS, CONDIDIT: RELIQVVM

CORPORIS BENEMERITÆ CONIVGIS
IN MONVMENTVM MAIOR. SVOR. IN
ARCE CEVERNIA NVPER ABS SE IN-
STAVRATVM INFERRI CVRAVIT, VT
QVACVM ANNOS P. M. XVIII. CON-
IVNCTISSIMÆ VIXIT, AB. EA. NEC
MORTE DIVELLATVR. OBIIT XVI. KAL.
AVG. ANNO SAL. CIO. IO. XX. C. IIII.

SONNET.

DE l'escole au Barreau dès ma plus tendre enfance,
Pour l'honneur i'aspire: mon sçavoir m'avança,
Et d'equité l'amour par degre & me poussa
Au comble des honneurs du grand Senat de France.

I'en l'esprit vif & prompt tousiours en vigilance,
En richesse & en biens ce Zele me haussa,
Et en servant aux Roys & public en laça,
Les miens aux grans maisons ou ie prins alliance.

Long temps j'ay presidé au Parlement des Pairs
Ainsi comme vn Soleil entre les Signes, clairs,
Et tousiours i'en eu desir de faire à tous iustice.

Le grand Iuge qui seul preside sur les cieux
Au supresme senat des Anges glorieux,
Aux grands iours qu'il tiëdra me vneille estre propice.

Autre par l'un de ses amys.

Soleil, non de Paris, ains de toute la France,
Tu te vas esclipser? ame vaine des lois,
Oracle de Themis, las! tu deuiens sans vois?
Astree, tu pers donc tes pois & ta balance?

ANTIQUITEZ

O terreur des meschans, ô des bons l'esperance,
 Les delices du peuple, & le conseil des Rois,
 Grand D V-T O V, tu t'en fuis, car, sage, tu prenois
 Le proche exil du Droit, d'Honneur, & de Constance.

Ma France, hà! que ie crein ton prompt tresbuschemēt!
 Que ie crein que le ciel délache vistement
 Contre tes foibles murs les canons de son ire!

Non: sans doute Vulcan, Vulcan vient, furieux,
 Embraser ta maison, puis que le ciel retire,
 Pour les sauuer du feu, ses meubles precieux.

G. Saluste S. du Bartas.

IE ne veux point pleurer le pleurable trespas
 Du grand heros DE-THOV, car sa constante vie
 Qui ne se veit iamais aux douleurs affermie,
 Mesme en sa mort m'apprit que pleurer ne faut pas.

Doy-ie donc m'eiouir puis qu'un diuin repas
 L'assouuit pres des dieux? non, car la grande enuie
 Que ie te porte, ô Ciel, voyant par toy rauie
 L'esperance de tous, va retenant mes pas.

Si ie ne pleure point une si grande perte
 En moy l'impieté se verra decouuerte,
 Si ie le pleure aussi l'enuie son bon heur.

O bien heureux Esprit, dont la ferme constance.
 En la vie, en la mort, montre en moy la puissance,
 Pour ne flechir iamais au bien ou au malheur.

CL. Binet.

*De l'Eglise & monastere de sainte Katherine du Val
des escoliers, & de la sepulture du Cardinal de Bi-
rague, & autres notables.*

CHAP. 12.



N l'Eglise & monastere de sainte Catherine, dite du val des Escoliers, il se voit plusieurs sepultures de nobles & entre les plus modernes, celle de monsieur le Chancelier de Frâce aussi la sepulture de sa femme, laquelle estant passée de ce mōde, ledit sieur de Birague print les saintes ordres de prestise, fut faict Cardinal du saint siege Apostolique: lesdites sepultures sont fort magnifiques, & ce voyent tout a descouuert en vne chapelle entrāt en la nef d'icelle Eglise.

L'autel d'icelle chapelle pour celebrer le saint sacrifice de la Messe a esté aussi faict tout de neuf de pierres de marbres & autres excellentes, au dessus d'iceluy, vne Image de la Resurrectiō, au dessous est escrit en lettres d'or grauces en marbre noir ce qui ensuit.

ABSORPTA EST MORS IN VICTORIA
PER IESVM CHRISTVM.

En autre marbre plus bas est escrit.

SIC OPORTUIT CHRISTVM PATI
ET ITA INTRARE IN GLORIAM SVAM.

Plus bas est escrit 1574.



*Sepulture du Cardinal de Birague, jadis Chan-
cellier de France.*

Au dessus du Tombeau est escrit en lettres d'or grauees sur marbre noir.

*Quid tibi opus statua satis est statuiffe Birage
Virtutis passim tot monumenta tua*
I. Moreus. R. S.

Au dessous de cest escrit , est la figure apres le naturel du seigneur de Birague: comme vn Cardinal à genoux, son manteau rouge & le tout esleué & eslaboré en brôze, soustenu de deux gros pilliers ou colônes de laspe & marbre, aux flancs du tombeau sous ladite figure est escrit ce qui ensuit.

RENATO BIRAGO PATRITIO MEDIOLAN. MVLTIS ET SVMM. DIGNITAT. FVNCTO, TVM FRANC. CANCELLARIO, AC DEMVM. S. R. ECCLE. CARDIN. FRANCISCA. F. VNICA ET CÆS. BIRAG. AGNAT MOESTISS. NON MEMORIAE SED DESIDERII PERPET. MONVM.

H. P. C.

*Vixit annos LXXVII. Menses IX. Dies xxvj.
Obijt viij. Cal. Decemb. M. D. LXXXIII.*

Du costé du mur ioignant la sepulture du sieur Cardinal de Birague , est graué en marbre noir, escrit en lettres d'or ce qui ensuit.

ANTIQVITEZ
HIC SITVM EST COR.

ILLVSTRISSIMI VIRI DE IOANNIS
LA VAL NIGELLA MARCHIONIS, LA-
NIACENSIS, ET MALLEACENSIS COMI-
TIS, DOMINI DE LOVE APVD COENO-
MANOS, BARONIS BERSVRIÆ, RV-
PIS CHABOTI MOTTÆ SANCTEREI,
ET INSVLÆ SVBTER MONTEM REGA-
LEM REGIA DIVI MICHAELIS SODA-
LITATE INSIGNIS. QVINQVAGINTA
EQVITVM CATAPHRATORVM CEN-
TVMQVE NOBILIVM REGIÆ. DOMVS
TVRMÆ PRÆFECTI.


Verus amor qualis castos est inter amantes,
Qui subiere duo coniugiale iugum,
Non unquam moritur prius hoc moriente, vel illa
Simplise sed tumulto cor stat utrumque duplex
Namque ego que duxi Francisca Biraga maritum
Valleum Ioannem fida superstes amans.
Eius in hoc loculo posui cor, donec eodem
Cor quoque ponatur post mea fata meum.
Filia & amborum iacet hic sita margaritis ut sit
Amborum fidi fœderis ipsa fides.

Obijt xij. Cal Octobris. M. D. LXXVIII.

En vne autre table de marbre pres de cestuy
est escrit & graué en lettre d'or ce qui ensuit, &
deux armoiries au dessus, comme a l'autre mar-
bre.

HVNC RENATI BIRAGHII. S. R. E.
 CARD. GALLIÆ CANCELL. TVMVLVM
 PHILIPPVS HVRAITVS CHEVERINVS
 GALLIÆ CANCELLAR. OB. CONSOR-
 TIVM SVMMI MAGISTRATVS , ET A-
 MICITIAM AD FINITATE SANCITAM
 AVXIT HOC TITVLO VLTIMO IN DE-
 FVNCTVM MVNERE , ET DECESSORI
 SVCCESOREM SANCTISS. SENI HOC
 QVIDQVID EST INFERIARVM DARE
 PIETATI ADIVNCTVM EXISTIMAVIT.
 A DEO QVOS NON FORS SED IVDI-
 CVM MAGNI REGIS ET RESPVB. CON-
 IVNXIT NVLLA VIS FATI SEPARARE
 POTIS EST.

En la mesme Chapelle & d'autre costé est la
 sepulture de la femme dudit Sieur de Bira-
 gue , iadis Chancelier de France , & depuis le
 trespas d'icelle Cardinal & Legat en France , la
 figure est telle que voyez icy, le tombeau est tout
 de marbre, l'effigie d'albastre & quelques figures
 de bronze.



Sepulture de Madame de Birague.

Au dessus du tombeau est escrit en lettres d'or
 graué en marbre, ce qui ensuit.

D. O. M. S.

Valentia Balbiana Matron, clariss.

Arque Ornatis.

Cuius anima salute & quiete fruitur sempiter.

Corpus renatus Biragus Franc. Chancellar.

Coniux pientiss. Vxoris Benemer, memor hic conditur.

Obijt anno Christian. salut. M. D. LXXII.

13. Calend. Ianuar. Vixit annos LIIII.

Menses sex dies XX.

Aux deux costez d'icelle sepulture il y à deux
 figures de brôze, dont celle du costé droit porte
 escrit en lettres d'or, au dessus en vn petit tableau
 de marbre noir.

Morte n'est point qui vid au Ciel.

Au dessous d'icelle figure, en mesme lettres est
 escrit.

Qui bien ayme tard oublie.

Au fenestre costé dessus l'autre figure de bron
 ze est escrit.

Ne mortuam puta quæ in cælis viuit

Au dessous d'icelle en mesme lettres d'or, est
 escrit.

Quod bene quis amat. vix obliuiscitur.

Ceux qui desireront veoir les reste des choses
 exquises qui sont en ce monastere voye le pre
 mier liure des Antiquitez de Paris au fo. 94.


*De l'Eglise Saint Paul, fondee a Paris, & des nobles
qui y ont leur sepultures.*

CHAP. 13.

DN l'Eglise fondee a Paris, en l'honneur
de Dieu, & de Mōseigneur saint Paul
Apostre, il se voit trois sepultures de
trois nobles gentilshommes fauorits de tresma-
gnanime Prince Henry 3. du nom, Roy de Fran-
ce & de Pologne, lequel pour l'affection & ami-
tié qu'il leur portoit leur a fait faire & dresser ces
sepulchres si magnifiques.

Le premier est du mesme costé ou est le tom-
beau de l'Euesque d'Auranches, & pres d'iceluy:
Il y a vn autre Tombeau de marbre noir fort
magnifiquement elaboré, autour d'iceluy sont
les armoiries du deffunct & quelques figures de
bronze. Au dessus est esleué son effigie, ainsi
qu'un gentilhomme à genoux, representant le
vif. Aux flancs du tombeau est escrit ce qui en-
suit.

*Le tombeau est ainsi representé que
voyez ceste figure.*



Du seigneur de Maugeron.

ANTIQUITEZ

Franc: Maugeronij clariss. & generosis. adol:

EPITHA.

*Ante tempus decidit flos, & prematura mors spem
patriæ,
Principis, & parentum fefellit in expugnatione Iſo-
riæ pro.
Religione & patria dimicans annos natus sedecim oculis
Perdedit: amico vitam dedit monumētum hoc corpus:
Celum animam posteritas facti memoriam seruat.*

OBIIT. Anno 1578. 5. Quinta Kalenda Maij
natus Anno 18.

Del'autre costé dudiect Tombeau, au derriere
du cœur est escript ce qui ensuit.

*Maugeronis in hoc sunt ossa reposta sepulcro,
Cui virtus annos contigit ante suos.
Oſto namque decem natus non pluribus annis,
Alter erat cocles, Hannibal alter erat.
Testis erit tanta iuueniali Iſoria capta
Virtuti, testis perditus huic oculus.*

EPITAPHE.

LA Déesse Cyprine auoit conçu des cieux
En ce siecle dernier vn enfant, dont la venë
De flames & d'esclairs estoit si bien pouruenë,
Qu'Amour son fils aisné'en deuint enuieux.

Despit contre son frere, & ialous de ses yeux
 Le gauche luy creua: mais sa main fut deceüe,
 Car l'autre qui estoit, d'une lumiere aiguë
 Blessoit plus que deuant les hommes & les Dieux
 Il vient en soupirant s'en complaindre à sa mere:
 Sa mere s'en mocqua luy tout plein de colere
 La Parque il supplia de luy donner confort.


Par P. de
 Ronsard
 Gentilhomme
 de Van-
 domois.

La Parque comme Amour en deuint amoureuse,
 Ainsi Maugeron gist sous ceste tombe ombreuse
 Tout ensemble veincu d'Amour & de la mort.

Del'autre costé a main droite, à costé du mai-
 stre autel, il y a deux tombeaux de pareille estof-
 fe, en l'un desquels est escrit ce qui s'ensuit.

*Le Tombeau est ainsi representé que
 voyez ceste figure.*

O iiii



Du seigneur Samegrin.

Pauli de Caußade. Comi. Samegrini!

EPITHA.

Nil virtus, nil genus, nil opes, nil vires possunt:

*His omnibus, & fauore pollens, iacet: victus fraude
Et multorum viribus: incautum vis obruit, quem*

*Nec publicus inimicus domuit, nec priuatus terruit.
Abi viator: tace: & pro mortuo ora.*

OBIIT II. Kal. Augu. anno. 1578. Ætat. sue 24.

D'autre costé dudit tombeau, hors le cœur, est
escrit ce qui ensuit.

Tu quoque Sammegrine iaces hoc marmore tectus

Vni cui non vis unica par fuerat

Obrueris numero victus, non viribus æquis:


Cui totas acies ducere ludus erat

Cum tua non posset virtus virtute domari,

Virtutis subijt fraus inimica locum.

Vn peu au dessus est l'autre tombeau de mesme
estoffe, au flancs duquel est escrit ce qui ensuit.

*Le tombeau est ainsi représenté que
voyez cest figure.*



Du seigneur Questleus.

*Iacobi de leui clariss. familia & summa virtutis
adol.*

E P I T A.

*Quid marmor, aras, & artes suspicis? dignus fuit
hoc honore.*

*Quasleus, ingenio, præstans, moribus facilis aspectu
Gratus: cui artes erant, virtutem colere: deo patriæ,
Et principi servire: non iniuriam, sed mortē patienter.
Tulit: grati animi est hoc monumentum.*

Obijt 4. Kal. Iunij anno 1578. Æta. 24.

De l'autre costé du tombeau hors le cœur, est
graué ce qui ensuit.

*Quasleus iacet hic, martis certissima proles
Martia si parca tempus ad arma darent
Quantum vi inuictus tam mente & moribus æquus:
Felix, si felix non nimis ille foret.
Inuidiam peperit virtus maturior annis,
Cæsus at inuidia viuit in inuidiam.*

E P I T A P H E.

DE tout ce que nature en ce monde peut faire
De vaillant, de parfait, de courtois & de beau,
L'ombre en repose icy: le reste est un flambeau,
Qui rayonnant d'honneur dans le ciel nous esclaire.
Le diuin ne scauroit par la mort se des-faire:
Les mortels seulement ont besoin de tombeau,
La tombe de Quelus est le ciel, l'air & l'eau:
La terre en sa rondeur n'y pourroit satisfaire.

ANTIQUITEZ

*Si quelqu'un presumoit vn tombeau luy dresser,
Il ne faudroit passant les marbres depeffer,
Mais amasser l'honneur & la vertu qui dure,
Puis l'enterrer dedans pour prendre son sommeil
Il ne faut au vaillant vn pompeux appareil:
Ou bien s'il luy en faut c'est telle sepulture.*

Au Cimetiere de ladite Eglise Sainct Paul, en vne chapelle soubs les charniers est escript ce qui ensuit : ce que i'ay recueilly eu esgard a l'antiquité, cōme les Epitap. suiuanes des fondateurs d'icelle.

*An. Laudam & honorem beatorum
Apostolorum Petri & Pauli, per vene-
randum in Christo nostrum & diuinum
dominũ Guillermm Charretier Parisien.
Episcopum dedica fuit p̄s capella anno
domini M.cccc. Huius die xxiiij. Aug.*

Au deffous il y a vne table de marbre dans ice-
luy mur, ou est graué ce qui ensuit.

Cy deuant gist noble homme Iean des Vrsie-
res dict gaudere, en son viuant fondateur de ce-
ste chapelle: Conseiller & Controlleur de la chā-
bre aux deniers de feu tres noble, tresbenigne &
tres excellente dame Marie d'Anjou Roynie de
France : natif de mezilles en puysoye : Et fils de

noble homme Iean des Vrsieres , dit gaudete & damoiselle Marie du Meix sa femme. Lequel deceda en ceste paroisse en son hostel le xxj. iour iour de Ianuier l'an M. cccc. lxx. priez Dieu pour les ames de luy & de ses predecesseurs succeffeurs amys & bié faicteurs. Pater noster. Aue Maria.

Plus bas au mesme marbre, est escrit en lettres d'or ce qui ensuit.

Et noble femme Raouline voyere premiere femme dudit gaudete laquelle trespassa le xxiiij. iour de Septembre l'an M. cccc. xxxvj.

Aussi noble femme Marie dourdine deuxiesme & derniere femme dudit Gaudete laquelle trespassa le x. iour d'Auril, l'an M. cccc. iiijxx. & deux apres Pasques.

Semblablement noble homme Iean Gaudete fils desdits Gaudete & Marie Dourdine lequel a fondé en ceste chappelle deux Messes chacune sepmaine , Le Lundy des trespassez & le samedi de la nostre Dame & trespassa en la ville de Môtpeulier le xvj. iour d'Auril l'an M. cccc. lxix. Apres Pasques.

Et mesmement gist cy deuant feu Pierre Gaudete frere germain dudit feu Iean Gaudete & augmentateur de la fondation de ceste presente chappelle qui deceda a Lyon sur le Rosne le xiiij. iour de May, l'an mil cccc. lxxiiij. Pour lesquels tous lesdits deffuncts vueillez dire, Pater noster, Aue Maria.

Au dessous vne petite image d'un Crucifix: en table de marbre est gravée ce qui ensuit.

Cy deuant gist noble femme Raouline Gaudete en son viuant veufue de feu noble homme & sage maistre Iean Turgom examinateur au Chastellet de Paris, sieur de Courcelles en Brie & fille de noble personne Iean Gaudete & Marie Dourdin fondateurs de ceste chapelle laquelle en sa viduité qui fut par l'espace de xl. ans a veu ses enfans iusques a la quarte ligne : & trespassa en ceste paroisse en son hostel le xiiij. iour de Iâuiier M. V. xviiij. Priez Dieu pour son ame.

Plus haut ioignant vn autre hostel en vne lame de cuiure est escrit.

Cy deuant gist Messire Claude de Radodiges Cheualier Seigneur de Thim & de Buirray, Conseiller & chambellan du Roy nostre sire, lequel trespassa a Paris, rue Saint Anthoine, l'an de grace M. V. xiiij. le xxiiij. iour de Septembre, priez Dieu pour luy.

De ceux qui ont esté Euesques de Paris, & ont presidé en l'Eglise nostre Dame, depuis Saint Denys, iusques a maintenant.

CHAP. 14.

TOus les Historiens François, ont escrit & amplement approuué, que la premiere Eglise de Paris, & le siege Episcopal d'icelle a esté dressé par saint Denys Athenië, & surnomé l'Areopagite disciple de Saint Paul, & enuoyé en Gaule par le Primat de l'Eglise vniuerselle seant à Rome, & les Parisiens scauēt que cest ancien temple assis pres la porte Saint Jacques, & dedié au premier martyr saint Estienne, est aussi le lieu ou il establit le siege de sa dignité, dont encores il porte le titre des Grecs, a cause que les fondeurs furent de ceste nation, & que l'Euesque estoit venu de Grece pour planter en Gaule la doctrine Euangelique. Or bien que l'Eglise de Paris, n'ayt onc depuis esté sans pasteur selon que verrōs cy apres, si est-ce qu'on ne sçait bonnement dire ou estoit le siege ordinaire de l'Euesque, ny l'Eglise où le plus souuent il se tenoit. D'autant que ce grand & superbe bastimēt dedié en l'honneur de la glorieuse vierge mere de Dieu, n'est de si long temps qu'on le doie dire estre le siege des anciens Euesques de Paris. Ioint que du temps des Merouinges, & Pepins, & encor sous les Capets les Euesques de Paris se tenoient en la ville saint Marceau lez Paris: là où

Saint Denys enuoyé en France par le Pape seant à Rome.

Les Euesques de Paris se tenoient à S. Marceau.

Lurece estoit sans Euesque qui portast ce titre, ains ce pasteur auoit nom d'Euesque des Parisiens, lequel nom estoit de grand estendue. Quoy qu'il en soit, on ne me sçauroit autrement persuader, ayant la raison de mon costé, que les Eglises de Nostre Dame des champs, & de Saint Marceau, n'ayent esté les anciens sieges des Euesques de Paris, veu qu'en celle de nostre Dame des Champs (bastie par saint Denys, comme aussi a esté Sainct Benoit sous le nom de la Trinité) le glorieux martyr Areopagite fut pris, y faisant sa demeure, & ayant dedié le lieu a la vierge Marie mere de nostre seigneur: de ce en est vn argument asseuré, que depuis on a cōtinué la mesme deuotion, & fondant l'Eglise Cathedrale qui ores est à Paris, on la nōmee & dediee selon l'institution de saint Denys fondant la premiere de son pontificat. Quant a saint Marceau elle est plus moderne, bien que ce saint Euesque se tint au mesme lieu, ou ores est bastie son Eglise, en vne Chapelle dediee à saint Clement: & est vray semblable que les Euesques s'y tenoient, puis que iusques a Pierre Lōbard, la enterré, vous ne sçauriez au vray monstrier les tombeaux des pasteurs qui ont gouuerné l'Eglise, & troupeau des Parisiens: nonobstant qu'on tient que ceste fondation est de Roland ce vaillant Palatin qui mourut a la iournee de Ronceuaux la dediant au susdit saint Marceau, lequel viuoit au temps que les François descendirent en Gaule, comme aussi la ville porta le nom de ce mesme saint Euesque: & de ceste fondation font foy les Chartres, &

documents

documens de ceste maison & College Ecclesiastique des Chanoines de Saint Marceau: & voudrois bien estre asseuré du lieu propre où lors estoit le siege Episcopal, puis que nous sommes plus qu'instruis, que depuis saint Denys iusques a present, les Parisiens ont tousiours esté regis sous la discipline de leurs Euesques. Estant dōc la grande, & magnifique Eglise de la glorieuse vierge mere de nostre Seigneur, celle qui est cōme la mere de toutes les Eglises de Paris, cestoit bien raison de commencer par icelle, mais pour ce que ce liure est plus pour deduire des sepultures des Roys & autres nobles, que de la fondatiō des Eglises i'ay differé iusques a present, ioint qu'au premier liure nous auons assez déclaré le temps du superbe bastiment d'icelle, les dates, & en quel temps le tout fut parfait: Or pour commencer la dedution de tous nos bons Euesques & declarer les noms de ceux qui y ont presidé des que l'Apostre des Gaules monsieur saint Denys y vint planter la foy du temps que seoit a Rome saint Clement succur de saint Pierre au gouuernement de l'Eglise, & que Domitian tenoit l'Empire sous lequel ce grand Docteur fut martyrisé a Paris: ce saint homme dōc fut le premier qui porta le titre d'Euesque de Paris, & qui est l'Apostre de ce costé des Gaules, comme auons dit cy deuant. A saint Denys succeda Mallon, puis Massé, Marc, Aduent, Victurin, Paul, Prudentie, puis saint Marcel qui fut le neufiesme & viuoit du temps des premiers Roys de France payens. Le dixiesme Euesque de Paris fut Viuian,

*An 1. l'liv.
fo. 60.*

*S. Denys
vint planter la foy
fut premier
Euesque.*

*Saint Ger
main Euef
que de Pa
ris.*

Felix l'onzième, Flamiã douzième, Vrsicin treizième, Apedinie quatorzième, Erace quinzième, Probat seizième, Amelie dixseptième, Liban dixhuitième, & le dixneuvième fut ce glorieux saint Prélat nommé Germain, lequel viuoit l'an cinq cens quarante & deux, & dedia l'Eglise saint Vincent, qui ores est dicté de saint Germain des Prez, & ou il estoit Abbé, auant que d'estre Euesque de Paris, ou reposent ses sacrez ossemés, & pour laquelle occasion & l'Eglise, & le monastere sont renómez de Saint Germain. Le vingtième, Euesque de Paris se nómoit Raguemonde, le vingt & uniesme Eusebe, le vingt & deuxiesme Faramond : le vingt & troisième Saphorat, apres lequel vint Simplicie, & a cettuy succeda saint Ceranne vingt cinquième pasteur des Parisiens, la feste duquel est celebree le 27. iour de Septébre: a ce saint succeda Leuthberth, puis Authbert, & le 28. saint Landry, au nom duquel y a Eglise bastie en la Cité de Paris nom loing de l'Eglise Cathedrale : A ce saint Landry, succeda Robert, puis Sigroband. 30. Euesque, apres Importun, Aglebart, Sigofrid, Turnalde, Adolphe, Bernecharie, Hugue, Merseide, Fedolie, Ragneapte, Deodefride, Et Kaurade, Ermanfroy, Ynchade, Erkaurade second du nom, & 45. en nombre, Ence, 46. Angelin, Gorlin, Ancheric, Theodolphe, Fulrade, Adelelin, Gautier, Alberique, Constans, Guerin, Lyfiard, Renaud, Albert, Françan, qui fut le 60. Et apres luy tint le siege Geofroy, puis Guillaume, auquel succeda Foulques, & a cettuy Galon, puis Giobert, à luy Estienne,

puis Thibaut, & a cettuy fut donné pour successeur ce grand personnage Pierre Lombart, qu'on appelle le maistre des sentences, auquel vn fils de France ceda l'Euesché, admirant son grand scauoir & excellence. Le 70. Euesque fut Maurice de Soillac, lequel comme auôs dit au 1. liu. a esté cause de la fondatiô de l'Eglise de nostre Dame: a cettuy succeda Eude de Soillac, puis Pierre second du nom, & 72. en nombre, apres vint Guillaume 2. du nom natif d'Auxerre: & apres luy vn nommé Barthelemy a cettuy succeda Guillaume 3. Auuergnat de nation, puis Gautier second, natif de Chasteauthierry, en Brië: apres luy Regnaut de Corbeil, & puis Estienne 2. du nom, & natif d'Orleans 78. en nombre des Euesques Parisiens. A cettuy succeda Rainulphe, puis Simon Matiple, qui fut 80. en nombre, & au parauant Euesque de Soissons: apres lequel vint en la charge Guillaume 4. du nom, & natif d'Orillac; puis Estienne 3. dict Borret, Hugue 2. natif de Besançon, Guillaume 5. de Ganac, Foulques 2. de Ganac, Audoin, Pierre 3. du nom, surnommé de la Forest: Iean de Meulant, Estienne de Paris & 4. de ce nom: Aimery d'Armaignac 90. en nombre, Pierre d'Ordemont 4. du nom & Parisien de nation, le corps duquel repose a vn costé du grand autel: il auoit esté au parauant Euesque de Therouenne & mourut l'an 1449. auquel succeda Gerard de montagu Parisien, puis Iean 2. du nom dict de Breuiscope: puis Ieâ de Rocquetaillade 3 du nom, apres cettuy vint Iean 4. du nom, & 93. en nombre: qui eut pour successeur

Iaques du Chastellier, & apres luy tint le siege Denys du Moulin, & 2. de ce nom : apres Guillaume Chartier 6. de ce nom, comme il est 98. en nombre : auquel succeda Loys de Beaumont, & le 100. fut Gerard Gobaille 2. de ce nom : apres luy Iean Symon Parisien, & 5. du nō, puis Estienne cinquieme, & surnommé du Poncher, natif de Tours, & lequel fut aussi Archeuesque de Sés : auquel succeda François de Poncher, Tourangeau, lequel fit bastir l'hostel Episcopal moderne, ou iadis estoient les prisons Episcopales. Apres luy vint Iean du Belay depuis Cardinal, hōme rare en sçauoir, & grand en conseil, s'il eut autant aymé le lustre de ceux de son ordre, veu que ce fut luy qui commença a faire abatre des boys de haute fustaye, & despopuler les forests des terres dependantes de ses benefices, & qui au lieu de fonder des Abbayes, osta les moynes des lieux ou il en trouua, pour y establiir vne vie plus licentieuse : ie prie Dieu que ce ayt esté sans le preiudice de son ame. A ce grād Cardinal succeda Eustace du Bellay qui se deffit en son viuant de la charge pastorale pour en inuestir Mōsieur Viole Conseiller en la Court de Parlement, & ce monsieur Viole mourant est venu a la dignité Monsieur Pierre de Gondy, depuis Cardinal, auparavant Euesque de Langres, & pair de France, Cheualier de l'ordre & milice du Saint Esprit, faisant le 107. en nombre des Euesques qui ont succedé au grand Arcopagite, & Docteur Athenien saint Denys premier Apostre de Gaule. Le reste des dignitez, Antiquitez & singularitez de ladite

Eglise sont amplement deduits au premier liure depuis le fo. 60. iusques au 66. ce qui ensuit ma semblé digne d'estre icy adiousté.

En l'Eglise nostre Dame au milieu de la nef est vne tombe de pierre grise longue de dix sept pieds, large de deux soubz laquelle est enterré vn chanoine de telle hauteur sur icelle est escrit. *Il sentron ue peu de mesme.*

*Nobilis vir magister Petrus de Chasteau pers
huius insignis Ecclesie Canonicus.*

*Dilexit pie Iesu decorem domus tue,
Ne perdas cum impiis animam eius,
Quam singulariter in spe constituisti,
In pace in idipsum requieuit.*

*Anno sue incarnationis millesimo
Quingentesimo quarto, die Iouis decima tertia
mensis Februarij.*

Pater noster, Ave Maria.

Son eniambée en ladite nef deuant la porte qui est entre l'hostel Sainct Martin, & l'autel S. Sebastien, ou pour memoire la forme de ses pieds y est imprimée, ladite eniambée est de douze pieds. Cy apres i'ay inferé plusieurs Epitaphes qui deffailent au premier liure lesquelles meritent destre mis en lumière.

I'ay recueilly ceste Epitaphe en l'Eglise de S. Germain Lauxerrois, dans vne Chapelle emmy la nef d'icelle, ou est escrit ce qui ensuit,

ANTIQUITEZ

ANNÆ THVANNÆ QVÆ SANGTITA-
TE MORVM, MATRONALI DECORE,
PRÆCLARA PVDICITIA, ET FOELICI
FOECVNDITATE VIRO PROBATA IN
IPSO ÆTATIS FLORE QVOD MORTA-
LE FVIT RELIQVIT. VT QVOD IMMOR-
TALE EST, CONSEQVERETVR, PHI-
LIPPVS HVRLTVS CHEVERNIYS POST
IVSTA FVNEBRIA ET CORPVS MAIO-
RVM SEPVLGRO RITE IN LATVM, IN
SACRO HOC SECESSV QVO ILLA FRE-
QVENS DEI CVLTRIX A DIRE SOLITA
FVIT, HVNC QVOQ; TVMVLVM POS-
SVIS COMMVNIBVS LIBERIS MATER-
NÆ PIETATIS ET RELIGIONIS DOCY-
MENTVM, AC MONVMENTVM.

ÆTERNÆ MEMORIÆ VXORIS
INCOMPARABILIS.

VIXIT ANNOS XXXV. MENSES VI.
DIES XVII.
OBIIT ANNO CIO. IO. LXXXIIII.
DIE XVII. IVLII.

*De l'Eglise des saints Innocents, fondee a Paris, en
quel temps, & des sepultures qui y sont.*

L'Eglise
des saints
Innocens



V premier liure des antiquitez, nous
auons deduit du temps que le Ceme-
tiere fut clos de murs & de quelques
Epitaphes, mais depuis i'ay trouué graué en yne

Pierre d'icelle Eglise, le temps qu'elle fut dediee & consacree aux saints Innocents, ainsi qui s'ensuit.

L'an de grace mil quatre cens quarente cinq, le iour de la chaire saint Pierre Apostre xxij. iour du mois de Feurier fut consacree & dediee cette petite Eglise, des saints Innocents & l'autel de la chapelle nostre Dame en icelle Eglise, par tres reuerend pere en Dieu monseigneur Denys patriarche d'Antioche Euesque de Paris, qui lors donna & establit la solemnité de la dite consecration dedication, estre festee & solemnisee par chacun an, en ceste presente Eglise, & donna & octroya perpetuellement a tousiours, a tous les biensfaicteurs d'icelle, qui audit iour la visiteront & par les octaues d'icelle huiet iours de pardon.

En la Chapelle nostre Dame contre le mur d'icelle, il se void vn tombeau esleué, autour d'iceluy est escrit ce qui ensuit.

Cy gist noble homme maistre Guillaume Sanguin, escuier en son viuāt, Eschanson du Roy Charles sixiesme du nom, Conseiller & maistre d'hostel de monseigneur le Duc de Bourgongne, Viconte de neuf chastel &c. qui trespassa le mcredy quatorziesme iour de Feurier l'an de grace mil quarante & vn.

Aussi maistre Iean Sanguin Escuier seigneur de Betencourt en son viuant Conseiller & maistre de la chambre des Comptes du Roy nostre sire qui trespassa le quin Ziesme Auril apres Pasques l'an de grace mil quatre vingt-cinq.

Au Cemetiere des saincts Innocens, du costé de la rue de la Ferronnerie, i'ay recueilly l'Epitaphe de l'un de mes bons amys, laquelle est grauee en table de marbre, escrit en lettres d'or ainsi qui ensuit.

D. O. M.

*Ecquam te excruciant angores mei,
viator, quæ missella ah? dolcidulos amo-
res, meum plango soauium insoauiter hic*

sepultum? Iac. Castellus hic cubat maritus
quondam meus nunc heu? minutulus po-
tius, & inanis umbra, quem mors voltu-
ria surpuit, tellus sorbuit, & sepultum o-
bruit immaturus, Euripe inuenis a primæ
sed præsidiali ad sessione, & ratiocinij ma-
gisreij officio functus, polchris, & clarissi-
mis honoribus viuentem ornarunt in spe-
ros pietas, in homines lenitas, & omnium
virtutum fere cumulus. Quæ omnia libe-
ris reliquit paruolis cum non paruolo hono-
rè & satis ampla hereditate, at ego Clau-
dia bragelonia vah? infelix mulier meo
viduata turturillo liquefco in lachrumas
meum ingeniscens infortunium, diemq;.
Præstolor quo moriua, mortuum compa-
rem, eodem sepulchro composta, æternitatis
oculis possim intueri. Plura effrari non sinit
dolor viator: vale ergo & functo coniugi
mihiq; superstiti bene præcare, obiit xxix.
Decemb. (I). I). lxxxvj.

Au dessous est escrit.

En perpetuelle memoire de noble homme
maistre Iaques Chasteau escuier sieur de Harde-
uille Conseiller du Roy, & maistre ordinaire de
ces Comptes a Paris, qui deceda le 29. Decem-
bre. 1586.

*Sainte
Croix de
la Breton-
nerie.*

Au Conuent sainte Croix de la Bretonnerie,
en la nef de l'Eglise est cest Epitaphe.

*Cy gist noble homme messire Gerard
seigneur de Montaigne Cheualier Conseiller
& chambellā du Roy nostre sire fondateur
de ceste chapelle: Qui trespassa le xvij. iour
de Septembre mil ccc iiij. xx.*

*Cy gist noble dame Madame Biette
de Calinel Dame de montagu femme du-
dit messire Gerard laquelle trespassa l'an
mil ccc iiij. xx. xiiij.*

Autre dans le Cœur d'icelle Eglise.

*Cy gist noble homme & puissant sei-
gneur Messie Loys Picot, en son viuant*

Cheualier Vicomte de Connai, Baron des Baronnies de Dampierre & de son puis en Champagne, seigneur de Vaucogne, Brebant, Dammartin, trouain le grand, pars, Alibaudiere, Orme, Pomeuse, Pont carré, Vaux, & Bruiere sur oise, & seigneur en partie de Dronuat, Luitre, Quinci, & de Saint Brice. Conseiller du Roy & premier President en sa Cour des aides a Paris, qui trespassa le sixiesme Decembre l'an mil cinq cens quarantecinq.

En l'Eglise Saint Iaques de la boucherie, derriere le cœur, en vne lame de cuiure attaché en vn pillier.

D. immort. opt. max.

Et Christo Iesu hominum

Saluatori sacrum.

Ioanni Fernelio Ambianensi Henric II. Galliarum Regis Consiliario & primo medico, nobilissimo atq; optimo conditarum & penituo abditarum rerum

*Scrutatori & explicatori subtilissimo, multorum salutarium medicamentorum inuentori, veræ germanæq; medicinæ restituto-
ri, summo ingenio, exquisitaq; doctrina Mathematico, omni in genere Philosophiæ claro, omnibus ingenuis artibus instructo, temperatissimis sanctissimûsq; , moribus prædito Socero suo pientissimo Philibertus Beriotius supplicum libellorum in regia magister magniq; Regis Consilij præces, affinitate gener. pietate filius merens posuit.*

*Anno à saluto mortalibus
restituta M. D. LVIII.*

Vixit annos LII.

L'an 1575. Regnant Henry 3. du nom Roy de France & de Polongne, fut rebasty plusieurs bastimens en l'Abbaye Saint Martin des Champs, & entre autres, vne grand porte pour entrer de la grand rue Saint Martin, en ladicte Abbaye, au portail d'icelle est escrit ce qui ensuit, sous les pieds des representations de deux Roys, qui sont des deux costez d'icelle porte.

M. LX.

Henricus posuit primus primusque Philippus

Auxit, Sexte probas quas Lodoice domos.

*An premier lin.
fo. 55.
Voy les sim-
gula. de
ladite Ab-
baye.*

Au mitan des deux Roys sur l'entree de ladite porte est graué, sur vne table de marbre, ce qui ensuit.

*Restituit sacri hacamelotius atria templi.
In quo Martini longo stat gloria sæclo
Rursus Iacobus sacra vir doctor in arte
Hæc eadem instaurans ædis renouauit
honores.*

Sous l'autre figure de pierre est graué.

M. V. LXXV.

*Dum reficit vialar, Biturix præsulque,
priorque,*

Tertius Henricus Gallica sceptrâ tenet.

En ces anneés 1587. & 1588. Il c'est acheué plusieurs bastimens en ceste ville de Paris, comme l'Eglise & paroisse de Sainct Nicolas des Châps, laquelle a esté presque toute rebastie de neuf, l'Eglise S. Geruais, ou il cest acheué vne grande chapelle pour augmentation & autre bastimens,

*Bastimens
es Eglises
en plu-
sieurs pa-
roisses.*

La petite Eglise saint Leuffroy pres le pont au change presque toute rebastie comme aussi le monastere des Carmes ou on a basti presque toute la nef d'icelle Eglise, & en l'Eglise de S. Germain l'Auxerrois il y a plusieurs chapelles rebasties de neuf pour acroistre icelle paroisse.

*Eglise des
Iesuites,
rue Saint
Anthoi-
ne.*

L'Eglise des Iesuites en la rue Saint Anthoine a Paris, a esté commencee de bastir l'an 1585. & acheuee ainsi qu'elle se void a present l'an 1587. Auparauant il y auoit vn petit bastimēt tel quel desquels ils se sont seruis pour quelq̄ tēps, mais estoit si petit que le monde ne pouuoit y auoir place pour ouyr le diuin seruice, & pource que ces Prestres de la societé sont fort familiers, plusieurs hommes doctes aiment fort cōmuniquer avec eux, tant pour le theologie que pour estre pieux & deuotieux, ils celebrent fort deuotemēt la sainte messe, comme aussi ils font le semblable du saint seruice diuin.

*Eglise S.
Roch au
fauxbourg
S. Honno-
ré.*

L'an 1587. fut cōmencé a bastir au fauxbourg saint Honnoré, vne Eglise en l'hōneur de Dieu & de Mōseigneur saint Roch, laquelle est presque acheuee en ceste presente année 1588. Au mesme fauxbourg l'an 1586. fut cōmencé le bastiment ou sont a present demeurant les Religieux de l'ordre saint Felix, dictz du nom Feliēs, lesquels ils sont entrez l'an 1587. Les susdicts Religieux sont fort austeres & deuotieux, garde vne reigle estroite, estant pieds nuds, ne portant point de chausses & ne mettent aucun linge sur leur corps, ont esté introduits a Paris par la deuotion & charité du Roy Henry 3. du nom Roy de

*Dumona-
stere des
Feliens.*

France & de Polongne lequel leur a donné ce lieu qu'il a fait bastir : & ensemble leur fait administrer ce qui est necessaire pour l'entretènement de la vie humaine.

A la fin du premier liure des antiquitez de Paris, nous auons finé par ce qui a esté fait au quadran de l'orloge du Palais , toutesfois il deffaut ce que porte escrit l'une des deux figures , a ceste occasion l'ay reduit en cette sorte.

L'an 1585. sur la fin du mois de nouembre, fut acheué l'ouurage du quadran , lequel avec sa decoration est estimé le plus beau de toute la France: Le conducteur d'icelle ouurage fut Germain Pillon, maistre Statuaire, & l'un des premiers en son art, lequel a rendu des ouurages cy parfaites, en nostre ville de Paris, & autres lieux de France que la memoire en sera perpetuelle.

Au haut d'iceluy quadran, y a premierement le pourtrait d'une colombe signifiant le S. Esprit, sous laquelle est vne couronne de l'aurier qui est dessus & au milieu des deux autres couronnes qui sont sus les deux escus de France & de Polongne , le tout enclos d'un collier de l'ordre du saint Esprit cree & institué par le Roy Henry a present regnant : Et dessous est escrit.

QVI DEDIT ANTE DVAS TRIPLICEM:
DABIT ILLE CORONAM.

A l'un des costez du quadran est representé Pieté tenant vn liure ouuert auquel est escrit.

SACRA DEI CELERARE PIVS
REGALE TIME IVS.

Et de l'autre costé Iustice tenant vne balance,
au bas dudit quadran est ainsi escrit.

MACHINA QVE BIS SEX
TAM IVSTE DIVIDIT HORAS
IVSTITIAM SERVARE
MONET, LEGESQVE TVERI.

Ce qui ensuit est escrit au dessus de la fontai-
ne, faict de neuf, en la rue Sainct Anthoine, au
lieu dict la cousture Sainte Catherine.

HENRICO III. FRANCIE ET POLO-
NIE REGE CHRISTIANISS. RENAT BI-
RAGI. S. ROMANÆ ECCLESIE PRESB.
CARD. ET FRANC. CANCELLARI. IL-
LUSTRIS. BENEFICIO CLAVD. DAV-
BRAY. PRÆFECTO. MERCATOR IOH.
LE COMTE, RENAT. BAUDART. IOH.
GEDOYN. PET. LAINE. TRIBVNIS PLE-
BIS CVRANTIBVS, ANNO. REDEM-
PTIONIS. M. D. LXXIX.

Au dessous est escrit en lettres d'or, grauees
sur vne autre table de marbre noir ce qui ensuit.

HUNC DEDVXIT AQVAM DVPLICEM
BIRAGVS IN VSVM

SERVIAT

SERVIAT VT DOMINO , SERVIAT
VT POPVLO

PVBLICA SED QVANTO PRIVATIS
COMMODA TANTO

PRÆSTAT AMORE DOMVS , PVBLI-
CVS VRBIS AMOR.

RENAT. BIRAGVS FRANC. CANCELL.
PVB. COMM. M. D. LXXVII.

L'An 1583. fut commencé a bastir les arcades du pont & deffences pour la porte S. Anthoine, au deuant la Bastille, aux deux costez d'icelle porte neufue y a deux places pour y mettre deux figures , au mittan d'iceux se voit deux Escussions aux armes du Roy de France & Polongne , aussi vne Nauire entaillé dans ladite pierre représentant les armes de la ville, Au dessous d'iceux vne table de marbre ou est escrit ce qui ensuit.

DV REGNE DV TRES-CHRESTIEN
HENRY III. ROY DE FRANCE ET DE
POLOGNE , ET DE LA PREVOSTE' DE
MESSIRE ESTIENNE DE NVLLY CON-
SEILLER DE SA MAIESTE' EN SON
CONSEIL D'ESTAT ET PRIVE' ET PRE-
MIER PRESIDENT EN LA COVR DES
AYDES , ET DE L'ESCHEVINAGE DE
MESSIEVRS HECTOR GEDOYN ET IA-
QUES DE LA FA, SIRE PIERRE LE
GOIX , ET REMON BOVRGEOIS , L'AN
M. V. LXXXV.

*Voyla (amy Lecteur) ce que ie peu
mettre en lumiere pour le present touchāt
les Antiquitez & singularitez de nostre
ville de Paris, de laquelle i'ay encores bō-
ne partie de desseins , des lieux plus cele-
bres & remarquables & en plus grand
nombre que ceux qui sont contenus en ce
liure , mais comme i'ay deduit cy deuant
l'entreprise est temeraire, d'autant que ce-
la ne doit estre fait par vn si petit compa-
gnon que moy, mais bien aux despens &
faueur de quelque grand Seigneur: Ce pen-
dant ie suppliray le Lecteur prendre ce
peu de bōne part. A Dieu en soit la gloire.*

S O N N E T.

*Vous estrangers qui trauezsez la France,
Desirant veoir P A R I S la royne des Citez,
Lisez & vous aures par ses Antiquitez,
Desa grande beauté l'entiere congnoissance.
Depuis quand & de quoy ell' à pris accroissance,
Des Temples & Chasteaux qui si voient eleuez,
De quel temps & par qui ils ont esté fondez
Sans qu'il vous soit besoin d'une si grand' despence.
Encor' plus y verres les Sepulchres des Roys,
Princes Nobles seigneurs, qui sous les saintes Loix,
Durant leur vies en gloire triumpante,
Ont chery gouverné Paris, la noble fleur,
Comme leur seure Nef qui du peril n'a peur,
Que B O N T O N S parisien, pres qu'au vif represente,
Bât lieu d'honneur.*



TABLE DES MATIERES CON- tenues en ce second liure.

ET PREMIER.

ROVR qu'elle fin les Sepultures ont esté insti-
tuees par les Chrestiens qui nous ont prece-
dé, & que les Sepultures ont esté honnorez
des la primitive Eglise. chap. premier fo. 1

D'ou nous auons appris les ceremonies des obseques,
funerailles des Trespassez, des plaintes & oraisons fu-
nebres & epitaphes. chap. 2. fo. 3

De la maniere de ceux qui portoient le dueil, & feste
des Trespassez obseruee par les Romains chap. 3. fo. 4

De la sepulture de Clouis premier Roy Chrestien.
Chap. 4. fo. 7

Des enfans du Roy Clouis & de leur sepulture. 10

Vers de P. de Ronsard, sur la vie de ce Roy. 8

Sepulture de saint Ceranne Euesque de Paris. 11

Tombeau de Prudent Euesque de Paris. 11

Le circuit & grandeur qu'anciennement auoit l'abbaye
sainte Geneuiefue du mont. 12

De l'Eglise saint Vincent maintenant appellee, de
saint Germain des prez: le portrait d'icelle Eglise. 13

De la sepulture de Childibert Roy de France. 14

LA TABLE.

<i>Discours des faits de Chil'debert & de son regne.</i>	14
<i>Sepulture representee, de la Royne Vultrigotte.</i>	15
<i>Sepulture du Roy Chilperic representee, discours sur sa vie, par le seig. P. de Ronsard.</i>	16
<i>De la sepulture de Fredegonde Royne de France.</i>	18
<i>Sepulture du Roy Clotaire pere de Dagobert, estat de sa vie, & de la Royne Bertrude sa femme.</i>	20
<i>Antiquitez de l'Abbaye saint Germain des prez.</i>	22
<i>De l'ordre des sepultures des Roys, Roynes & autres nobles enterrez en l'Eglise de saint Denys, ainsi que les dites sepultures se voyent a present.</i>	22
<i>De la sepulture de l'Empereur & Roy de France Charles le Chauue, estat de sa vie.</i>	24
<i>Du Roy Clouis ou Loys, estat de sa vie par le poëte de Ronsard.</i>	25
<i>De Charles Martel, Prince des François, & le discours de sa vie.</i>	26
<i>Sepulture representee de Hugue Capet, celuy qui a commencé la tierce lignee des Roys de France.</i>	29
<i>De Odo, ou Eude premier du nom, qui ordonna que les Roys de France porteroient des fleurs de Lys sans nombre.</i>	31
<i>Sepulture de Philippe troisieme du nom surnommé le hardy.</i>	32
<i>Du Roy Philippe le Bel, fils du Roy Philippe fils de saint Loys & Isabel d'Arragon.</i>	33
<i>De la Royne Isabel d'Arragon sa femme.</i>	33
<i>Sepulture du Roy Pepin le bref & de la Royne Berte sa femme.</i>	36
<i>De Carlon & Loys, bastards du Roy Loys le begue.</i>	38
<i>Sepulture du Roy Loys Hutin, & de son petit fils.</i>	38
<i>De la Royne Ieanne de Nauarre, Contesse d'Eureux.</i>	40

T A B L E.

De Robert premier du nom Roy de France, & de la Royne Constance sa femme.	41
Sepulture de Loys le gros, & de Henry premier du nom.	42
De Philippe fils de Loys le gros, & de Constance femme du Roy Loys le ieune.	44
De Carloman fils du Roy Pepin & Co.	45
De Charles 8. du nom Roy de France.	46
Sepulture du Roy Dagobert. 49. Estat de sa vie.	48
Du Roy Iean premier du nom, fils de Philippe de valois Roy de France.	50
Sepulture de Philippe de valois, fils de Charles Conte de valois.	52 53.
De Charles le Bel 4. du nom Roy de France & de Nauarre.	54
De Ieanne Royne de France & de Nauarre Contesse de Bourgongne & d'Artois.	55
De Philippe le long Roy de France & de Nauarre.	56
De Ieanne Royne de France fille du conte Hugue de Bourgongne femme du Roy Philippe le long.	57
La sepulture representee du grand Roy François.	60
Autre d'une Contesse de Flandre.	61
De Charles le quint Roy de France, & de Ieanne de Bourbon sa femme.	63
De la sepulture de Charles sixiesme Roy de France, & d'Isabel son espouse.	64
Du Roy Charles 7. du nom, & de son espouse Marie d'Anjou.	66. & 67
Madame Blanche Royne de France fille de Philippe, Roy de Nauarre, & Madame Ieanne de France.	68
En la Chapelle sainte Ypolite, en l'eglise saint Denis, il se voit trois effigie sur trois colomnes de pierre,	

representees au fo.	68. & 69
Sepulture de Loys 12. du nom Roy de France, & de Madame Anne de Bretaigne.	70. & 72
Maussole du Roy Henry 2. du nom, des Roys Fran- çois 2. & Charles 9.	72
Sepulture representee de Loys Duc d'Orleans.	78
De Valentine de Milan son espouse.	79
De Charles Duc d'Orleans.	80
De Philippe Comte de Vertu.	81
Sepulture de Renée d'Orleans Contesse de Dunois.	82
La sepulture & effigie de Philippe de Valois, ainsi qu'elle se voit en l'Eglise des Iacobins de Paris ou sont enterrez ses entrailles.	88
De la sepulture du grand Roy Charles qui conquist Cicile frere du Roy saint Loys.	89
La sepulture de Charles de France, Comte de Valois d'Alençon: & une autre figure d'iceluy sur une co- lonne de pierre.	89
En quel temps a commencé l'ordre des Mathurins, des Cordeliers, Capucins & autres.	91. & 95
De ce qui est escrit sur la porte du Colege des trois E- uesques: & de la fondatiō du colege des Thesauriers.	95
Sepulture de Monsieur de Thou premier President	99
De Monsieur de Birague.	103
Sepulture de Madame de Birague.	105
Du seigneur de Maugeron.	107
Sepulture de Samegrin, & Quesleus.	109. & 110
Ceux qui ont esté Euesques de Paris, depuis saint De- nys iusques a maintenant.	112
En quel temps l'Eglise des saints Innocens a esté de- diee, & des sepultures qui y sont.	116
Ce qui est gravé a la premiere porte de l'abbaye saint	

<i>Martin des champs,</i>	119
<i>Bastimens en plusieurs Eglises & paroisses, en partie rebasties de neuf.</i>	119
<i>Ce qui a esté fait de nouveau au <u>Quadran</u> de l'Orloge, du Palais.</i>	120
<i>Ce qui est escrit au dessus de la Fontaine faicte de neuf en la rue saint Anthoine.</i>	120
<i>Bastiment fait à la porte saint Anthoine.</i>	119

EPITAPHES.

<i>Epitaphe faite par saint Remy, pour le Roy Clouis, & une autre en Latin laquelle est sur son tombeau.</i>	7
<i>Epitaphe de saint Cloud.</i>	10
<i>Epitaphe de Theodoric ou Thierry Roy de France.</i>	10
<i>Autre du Roy Childebert.</i>	13
<i>Autre de saint Germain, par le Roy Chilperic.</i>	17
<i>Epitaphe de Clotaire 2. pere de Dagobert</i>	19
<i>Autre de Charles Martel Prince des François.</i>	29
<i>Autre de Charles 8. Roy de France.</i>	47
<i>Le Tombeau de tres auguste memoire François premier du nom, Roy de France.</i>	58
<i>Le tombeau du Roy Henry 2. du nom.</i>	73
<i>Autres epitaphes Latins & François.</i>	75. & 76
<i>Epitaphes des Ducs d'Orleans, inhumés aux celestins a Paris, & de leur genealogie.</i>	79. & 81
<i>Autre de Rence d'Orleans contesse.</i>	83
<i>De Philippe Chabot</i>	83
<i>Autres epitaphes & carmes estant sur la sepulture, du cœur de tres magnanime Roy Henry 2. du nom, enterré en la chapelle des Ducs d'Orleans, aux celestins.</i>	85

LA TABLE.

Epitaphe de Timoleon de Brissac, inhumé en l'Eglise des Celestins.	86
Le Nonce du Pape, enterré en icelle Eglise des Celestins & de son Epitaphe.	87
Epitaphe estant sur le cœur du grand Roy Charles, qui conquist Sicile.	89
Epitaphe au cloistre des Mathurins.	92
Epitaphe de M. Nicolas de Lira, aux cordeliers.	93
Epitaphe du President le Maistre, & autres.	94
Epitaphes du poëte Belleau, aux Augustins.	96
Autre de Baptiste Sapin.	98
De Engelbert Monsieur fils du Conte de Nevers.	98
De ce qui est escrit au dessous du tableau, representant le Roy, qui baille l'ordre du saint Esprit.	98
Epitaphes de M. de Thou premier President.	101
Epitaphe de M. de Birague, & autres pres son Tombeau.	104. & 105
Epitaphe de Maugeron.	107.
De seigneur Quesleus.	109
Epitaphes au Cymetiere de l'Eglise S. Paul.	110
Autre en la nef de l'Eglise de nostre Dame.	111
Autre en l'Eglise saint Germain l'Auxerrois.	115
Epitaphes notables en l'Eglise & cymetiere des saints Innocents.	116. & 117,
Epitaphes notables au monastere de sainte Croix de la Bretonnerie.	117
Autre en l'Eglise S. Iaques de la boucherie.	118

FIN DE LA TABLE.





SPECIAL EGP
18069

